







100

N. 136.





L. OPALENI  
DE  
**OFFICIIS**  
LIBRI TRES.

L. OPALENI  
OPIEGIIS  
LIBRI TRES

LUCÆ OPALENI  
REGNI POLONIAE  
MARESCALLI

DE  
**OFFICIIS**  
LIBRI TRES,

*IN QUIBUS*  
SAPIENTIAE CHRISTIANÆ,

*Id est:*

Moralis Philosophiæ, Jurisprudentiæ,  
imò & Theologiæ pleraque & præcipua;  
Nova hactenus ratione atque methodo  
accuratè explicantur.

*IN USUM*

**DD. SODALIUM**  
CONGREGATIONIS  
**B. MARIAE VIRGINIS**

Gloriosè in Cœlos Assumptæ,

*Ex*

QUATUOR ACADEMICIS FACULTATIBUS  
in Cœsareo & Academico Societatis JESU Collegio VIENNAE  
crectæ & confirmatæ, denuo recusi, & iisdem  
in Xenium Anni 1700. distributi.

*SUPERIORVM PERMISSV.*

AUGUSTÆ,

Typis Mariæ Magdalenaæ Utzschneiderinæ,  
*Anno M. DCC.*



XIV-6385-II.

ILLUSTRISSIMO

AC

REVERENDISSIMO

DOMINO DOMINO

STEPHANO

SELISCHEVICH,

DEI & Apostolicæ Sedis Gratiâ

EPISCOPO

ZAGRABIENSIS,

ABBATI

B. V. M. de Thopuzka,

Comitatûs Berzencze Supremo

ac Perpetuo

COMITI,

&

Sacrae Cæsareæ Regiæque Majestatis

CONSILIARIO, &c.

DOMINO DOMINO

&

Mecenati Gratiissimo, &c. &c.

DEDICATIO.

ILLUSTRISSIME  
AC  
REVERENDISSIME  
DOMINE DOMINE,  
ME COENAS  
GRATIOSISSIME, &c.

 Pus mole exiguum, mo-  
mento grande, TUA, si li-  
cet, veniâ sacram tentare limen, imò  
manum aggredi; nostrum est ob-  
sequentissimi in TE affectûs, devo-  
tæque etiamnum TUI memoriæ nun-  
cium. Et verò, seu frontem, quam  
præfert, seu quo fungitur, titulum,  
seu Mecœnatem, quem salutat, TE-  
ipsum spectes; numquid omnibus TIBI  
numeris deberi palam est? Nomine  
Tres de Officiis Libri sunt: non illis,  
quæ

## DEDICATIO.

quæ olim ab Oratore Ethnico illustrius religione cæcâ naturæ lumen extorsit, sed Christiani munus Hominis, vitæ rationalis legem, solidæque Sapientiæ praxin, brevem intra periodum complexa; ea nempe, quæ TU & exemplo præstas, & doces verbo, & absolutâ felicitate possides: Titulo Sodalitatis Partheniæ, quantumquantum suæ in TE observantiæ testem parantis pignus est: nec alienum sanè, ut quæ jam octo abhinc lustris TUAM privatos adhuc inter Odœi sui parietes suspexisse virtutem, suóque adleatum gremio à Senatûs Mariani consiliis TE spectabilem habuisse gloriaatur: In Mecœnate Gratiissimo TE ipsum intueris, Ideam vivam opere, qualcm formare præceptis Author conatus est. Illyricæ Antistes Ecclesiæ

## DEDICATIO.

in id cum primis vigilem curæ Pastoralis oculum intendis , ne quis error devius , aut impatiens fræni libido gregem subditum extra Probitatis Christianæ limites , virtutumque pariformium recto de calle seducat ; sed illibato semper in candore fovere integrum , juris & æqui custodem , quin & orbem , quæ fas est , reliquum edocere viam salutis , & in Justitiæ fermam errantes à vero populos redigere non tam avidissimo quam latè multumque celebrato studio conniteris . Quò quidem omne hoc opus cum sincerissima singulis præire vestigia colliges ; tum verò maximè fructum capies suavissimæ voluptatis , quando , quæ dictata orbi universo leges officia , à TE primùm absolutissimè expleta , & per TE in aliis plenam ad fru-

## DEDICATIO.

frugem promota animadvertes. Ita  
etenim, propè dixero, clarissimi præ-  
rogativam sanguinis pertæsus, non  
aviti splendoris beneficio, sed propriæ  
merito virtutis per omnes ire honorum  
gradus voluisti, donec ad Ecclesiasti-  
cæ, quam tenes, dignitatis apicem  
eluctareris, ut Gentilitii TUI side-  
ris ad ritum præfulgeres ubique, omne  
non tam Christiani quam Apostolici  
Viri officium in TE priùs exprime-  
res, & quam doceres alios, operoso  
cursu ipse didicisse viam videreris.  
Novit & loquitur etiamnum erectum  
Alumnis hujatibus Collegium, seu  
dum severiores hīc Aristotelis disci-  
plinas, Diviniorēmque Scientiam  
coleres, seu dum Curator ipse suam  
Domui disciplinam stabilires; quâ  
dexteritate Hominem Doctum pariter

&

DEDICATIO.

& Christianum gesseris, utrumque in  
TUIS promoveris: Novit, & cele-  
brat ad ipsum Bononia, quæ sui TE  
Collegii Rectorem habere gestiit;  
habuissétque ultrà, nisi Venerabile Ca-  
pitulum TUÆ captum famâ laudis,  
tótque bene gestoruī encomio Ca-  
thedralem ad Ecclesiam in celeberrimi  
TE Canonicatūs subsellia evo-  
cāset, ut quam dispensaveras foris,  
etiam domi Virtutis & Sapientiæ facul-  
tatem exereres. Periclitaturum id  
TUAM in arduis vim, & in agendo  
felicitatem videri poterat, cùm diffi-  
cilem illam in Christiani Nominis ho-  
stes expeditionem TIBI, militarem  
aleam Ecclesiastico Duci commisit;  
sed nec in milite Virum probum amise-  
ras, nec TUÆ virtuti occasio, nec mi-  
litari TU officio defuisti. Nolimus  
TUAM

DEDICATIO.

TUAM pro DEO & populo Magnanimitatem, Fortitudinem, Zelū longius prosequi, quem nec hostium signa effugere; sensit barbarus ille, cui Victor glriosus hostile manu propriā labarū extorsisti, futurum perenne non sacri minūs quam Heroi Martis monumentum. Leonem sanè pro Ecclesia DEI imperterritum; dignum, cui cura gregis committeretur! Et ad fuēre TUIS etiam meritis concordi voto singulorum calculi, cùm eminere primūm TE Præposituræ munere, post Pastorale Pedū & Mitram, in sui, subditartimque ovium tutelam, decus, incrementum admittere coegerunt. Multi simus, Illustrissime ac Reverendissime DOMINE DOMINE, Tuæque modestiæ graviores, si, qui præsis; qui TIBI, qui TUIS, qui omnibus hoc in Cathedralis Ecclesiæ culmine esse & fie-

DEDICATIO

fieri studeas, factus sis, uberiori explane-  
mus: paucis completemur universa, si  
Præfulem TE verè probum & Perfectū  
secundūm se, verè Pium in DEUM &  
Patriam, verè Charitativum erga Pro-  
ximū asseruerimus; tria ab Authore rarā  
methodo deducta Hominis Christiani  
officia! quæ ut & TUI exercētis, & il-  
lius docētis ad normam Lector addi-  
scat quām plurimus; TUA præcipue  
Authoritate, TUOque Exemplo effi-  
cietur. Quod dum advovemus animi-  
tus, suæ TE servent Ecclesiæ Superi,  
Bono communi, nobis diutissimè inco-  
lumem.

Illustriſſ: ac Reverendissimæ  
**DOMINATIONIS**  
**TUÆ**

Congregatio Major B. V. MARIÆ  
gloriosè in Cœlos Assumptæ.  
PRÆ-

WW:WW:WW:WW:WW:WW:WW:WW:WW:  
 X  
 WW:WW:WW:WW:WW:WW:WW:WW:WW:WW:

# P R A E F A T I O A U T H O R I S A D L E C T O R E M .

**C**ui potius, quam Tibi Lector Opus meum dedicem? Tibi illud scripsi: laborisq; & operæ non aliud mihi pretium, quam tuum commodum assignavi: ut legas, inquam, ista: capias: probes: & utare. Merito itaq; ea Tibi inscribo: ut inam tali cura noscenda, qualem ego impendi: & quam vel magnitudo, vel utilitas meretur argumenti. Sapientiae etenim Christianæ, specimen quoddam adfero: cuius cum multa sint; quæ fructum uberem habeant adferantq; tum nullus in illa utilior præstantiorq; locus, quam hic, quem tractatus sum de Officiis: ab eo namque bene sancte q; vivendi præcepta ducuntur. Hæc vero

Causa,  
cur lectio-  
ri opus  
inscriba-  
tur.

Unde  
haustum.

## P R A E F A T I O

ut exactè explicarem, non modo putavi  
necessarium, conjicere præcipua, quæ  
Moralis Philosophia continet ac præci-  
git: sed etiam nonnulla è media Theo-  
logia petenda censui. Juris quin immò  
principia eodem pertinere, ideoq; ex  
professo tractanda existimavi. Quæ  
omnia deduxisse mihi visus sum, ut no-  
va ratione ac ignotâ hactenus metho-  
do, ita & raro profecto pro magnitudi-  
ne rei compendio: Dum nempe tribus  
exiguæ molis libris, totidemq; libri cu-  
jusquè capitibus, tantam rerum copiam  
includo. Præterea, quod alibi in tracta-  
tione Philosophica requirere Cicero vi-  
detur; ut fiat distinctè, graviter, & or-  
natè, id ut probè implerem animus co-  
natusq; fuit, nescio an successus. Di-  
stinctè imprimis studui rem aperire: ac-  
curatè & aptè (prout quidem captus  
meus erat) partiendo argumentum: &  
factâ definitione, ac divisione cuiusque  
rei, et si ut plurimum novâ, puto ta-  
men non incommoda. Talis autem me-  
thodus, artis specimen habet: & enucle-  
atiūs

Nova e-  
jus me-  
thodus.

An tra-  
ctata di-  
stinctè.

latius rem explicat: & melius memoriae  
imprimitur. Deniqs, praeclara & rara est:  
quia difficilis, & ardua: cum non possit  
fieri, nisi prius probè cognitâ rei natu-  
râ, & ut ita dicam, subiectâ materiâ.

Graviter deinde volui in serio hoc scri- Et gravia  
ter.  
pto versari. Itaqs, nec amoenitatis stu-  
dio, in longas dissertationes me effudi:  
nec declamatoria illâ, & rautalogia u-  
bertate, quâ Seneca præcipue audit, la-  
scivire volui: nec superflua ostentatio-  
ne eruditionis ineptire. In ejusmodi e-  
nim scriptione paucis, sobrie & graphi-  
cè decet γραπτογρ̄m nihil bis dicere: san-  
cire quodammodo & decernere: sine  
vano lenocinio eloquentie; verum  
quod sat per se pulchrum est, aperire:  
denique inserere quædam animis, quæ  
cogitatione propagata, latius sua spon-  
te pullulent, & fructum per se ferant.

Attamen nec Ornatum penitus omitte-  
re volui: Necessarium existimans ver- Et non si-  
ne ornat-  
ba rebus paria reddere: ne vitio ser- tu?  
monis, ac vili tractatione, non modo na-

tivam sui cognitionem, sed dignitatent  
etiam amitterent. Itaq; huic fini, com-  
modè ac decorè ab aliis dicta, Operi meo  
intexui; et si non editis plerumque Au-  
thoribus: ratus; nec eruditis id esse  
necessarium; agnoscent enim: nec mi-  
nus peritis proficuum; cùm eâ ratione  
potius pondus peterem, quâm autho-  
ritate: præsertim verò profanâ, à qua,  
velut à non idoneo teste, nihil verita-  
ti Christianæ accedere posse existimo.  
Sacram verò ac Divinam, prorsus, ac  
primo loco, censui advocandam. Quan-  
quam nec hujus anixè (ut plerique so-  
lent) loca indicavi, eò quod, censem  
pudorem esse Christiano, ea igno-  
rare. Jam verò, an tria hæc, quæ ex  
Id judicio  
lectoris  
subiicitur Cicerone adduxi, impleverim præstite-  
rimque; censem Lector. Censem in-  
quam: sed haud rectè, nisi legas totum,  
probeq; cognoscas. Quod, à te, & bre-  
vitas libri facile impetraverit: & stru-  
tum, & cū cetera ejusdem omnino requirit. Nisi  
cura le-  
gerit. enim à capite ad calcem decurras; par-

tiūm eius non invenustam Symmetriam, & quomodo prima mediis, & hæc prostremis, respondeant; videre non poteris. Perierit ergo primum labor meus; quem scio me non levem, nec tenuem subiisse: deinde fructus tuus, qui haberi non poterit, properā; & desultoriā lectione. Ultimum, quod adhuc præfari ad te opportunum existimo, est: ne, dum posita. de Officiis promisso sermone, in abdita pietatis, immo & Sanctitatis Christianæ te deduci videbis; ne inquam, putas, Titulo libri, Tractationem haud respondere: aliudq; promitti, aliud præ- Causa stari: Consulto, sine jactantia; & mo- adfertur. dica inscriptione Opus insignivi: tali tamen, quæ tractata complectetur, ideoquè requireret. Ut enim Plato Rempublicam, Cicero Oratorem, Stoici Sapientem, ideo in summo exemplari ostendere, ut excitarent conatum quam proximè accedendi, & citra quamvis consistentibus, laudem assignarent; ita & mihi de Officiis Hominis Christia-

ni dicturo, proponendum omnino fuit,  
**A** Pietate Sapientia non posse separari, sit, veram Sapientiam, à pietate, & sanctitate, non posse secerni: & culmen Christianæ Philosophiae, religionem ac Dei cultū. Deo sacerdotum esse. Veteres illi, lumine fidei orbi, atque destituti, alios habuere, qui Sapientiam profiterentur; nec Deos quererent: alios; qui in Deorum vano cultu occupati, Sapientiam non curarent: ideoq; dum hæc ab invicem se jungunt ac separant, nec veram (ait Lactantius) sapientiam, nec Religionem habuere. Nobis Christianis, par, & juncta cura utriusque: aut unius potius, nempe Sanctitatis, sed in qua totum istud sapere continetur: atque adeò tota Scientia, Deus est. Ille Principium & Finis: ab hoc ducuntur ad hunc omnia referuntur. Face sat ergo ista ex solo Aristotele desumpta, & seorsim à doctrina pietatis tractata Ethice, & nescio quæ partitio virtutū, à Chri-

à Christianâ professione, ac perfectione  
 sejunctarum. Prodeat vero illa, illa,  
 ignorata profanæ Philosophiæ, parum  
 nota plerisque Christianorum, intræ  
 penetralia ac celas ascetarum clausa,  
 simplici & humili, idemquè sèpè illusâ,  
 pietate occultata, sed alta profecto, &  
 sola vera, quia Divina Sapientia: quâ  
 homo hic, officium perfectè implere, &  
 olim præmium consequi, ac beatus esse Quod  
 possit. Feci ego, quantum potui; ut ego cona-  
 illam proprio vultu ostenderem: facile  
 mihi promittens fore; ut multos subli-  
 mitas eius in admirationem rapiat, &  
 pulchritudo in amorem. Moveat vero  
 etiam eos; quos vel nimia rerum hujus  
 vitæ cura in tantum obruit, vel va-  
 na saeculi eruditio, ac ratio humana,  
 adeò occupavit, ut fastidire quodam-  
 modo, & nauseare videantur Christiana-  
 nam omnem pictatem. Faciet Deus, Utinam  
 afferat, ac fidei fervorem succendat  
 legentiū bono.

8 PRÆFATI<sup>O</sup> AD LECTOREM.

veritas à multis ignorata, ideoque spre-  
ta. Et quidquid, ipso Authore, à me  
scriptum est, eo incrementum facien-  
te, cedat in bonum tuum Lector;  
ipsius laudem, honorem, &  
gloriam.



Pro-



*Prologomena quedam pauca,  
quæ velut fundamentum Operi  
substernuntur.*

**A**ntequam Tractationem promissam ordiar; consultum; immò necessarium omnino videtur, præmittere solidam quedam immotaque, de DEO, & quæ eius notionem consequuntur, principia: quibus Opus tutò intuiti, & firmiter superstrui possit. Frustra etenim Officia ducere conarer, causâ eorum & origine, quæ DEUS est, non deducitâ. Etsi itaque in libro tertio, ubi de Pietate agetur, de illo tractatus erit; attamen hic etiam præmittenda sunt saltē illa, quæ de eo, recta dictat docētque ratio: sepositis in prædictum locum iis, quæ à revelatione habentur.

Sit itaque lapis fundamenti, & initium sapientiæ; ut certò scias, semperque & impressè memineris DEUM esse. Istud autem, eñsi certius est omni de-

Fundamē-  
tum ponit  
tur ope-  
ris.

Deum esse  
proper  
atheos  
probabitur.

monstratione, & tam necessarium, ut probari non indigeat; attamen, cum pravis quibusdam ingeniis, vel inesse, vel facilè adhærescere soleant nonnullæ

**Atheismi.** tñs ad eotn causæ; omnino, iis recentitis, arguienta ponenda sunt, adstruendæ Divinitatis. Quod igitur negant quidam, vel non, ut oportet, ad-

**Causa atheismi recensentur.** fatentur DEUM; Fit primùm, ingenii

**I. Ingenii acrimonia petulans.** protervâ & petulanti acrimoniâ, quæ ratiocinando, antecedere principium frustra conatur; cum illud, nulla antecedentia habeat: si enim haberet, principium non esset. Dum ergo ex antecedentibus non colligit; cur, & quomodo Deus sit, ne esse quidem putat: & fidem aspernatur; qua potissimum Divinitas agnoscenda est. Deinde, fit

**2. Malitia.** idem, ex perversitate & malitia, quæ Arbitrum sui defugit: nolletque inesse DEO occultorum scientiam: quia sua occulta nollet prodi; & ne timeat vindicem, negat Authorem. Tertiò, à ru-

**3. Ferocia.** di quadam ferocia, quæ detrectat à summa aliqua vi domari, ac contineri.

**4. Disputandi licentia.** Ideoque omnipotentis Dominii osor, ac contemptrix est. Quartò, ex vagâ disputandi de religione licentiâ. Tales enim

enim, cùm nusquam conquietunt; de-  
speratione veri, DEUM aut non curant,  
aut diffitentur. Quintò, dum bonis <sup>5. Ob even-</sup>  
mala, & malis bona vident evenire; de <sup>tus varios,</sup>  
providentia primùm queruntur; mox <sup>providentiae</sup>  
dubitant: & demum illam, atque DE-  
UM unâ, tollunt. Postremò, illecebris <sup>6. Postremò</sup>  
præsentis vitæ occupata mens, inani- <sup>cura morta-</sup>  
bus curis negotiisque mersa, se primùm <sup>les ac ille-</sup>  
fugit: tum verò DEUM, qui nequit esse <sup>cebra.</sup>  
pabulum turbatæ, multiplicis, & in-  
quietæ mentis. His ferè de causis, cùm <sup>Afferenda</sup>  
multi, à debita agnitione Divinitatis, <sup>ergo Divi-</sup>  
arceantur; operæ pretium est, in limi- <sup>nitas.</sup>  
ne hoc scripti ostendere; DEUM esse. Id  
verò non illis argumentis, quæ ducun- <sup>Argumentis.</sup>  
tur à priori: (hoc enim probationis <sup>ut vocant</sup>  
genus, ut dixi, locum non habet, in <sup>à posteriori.</sup>  
prima & principe causa:) sed quæ col-  
liguntur à posteriori, id est à conveni-  
entia rei; & si negetur, ex absurdo. De-  
inde verò ab effectis, quæ causam aper-  
tissimè monstrant, ac testantur.

Existere itaque summam aliquam  
Divinamque naturam; & ratio, & ge-  
neris humani consensus, & denique or-  
do mundi, seu creaturæ testimonium  
evincit. Ratio inquam imprimis facil-

lime

*Ratio evincit  
cir' Deum  
esse.*

limè colligit, mundum hunc non esse ab æterno. Causa: quia constat partibus, & ex illis compositus est. Quis autem eum composuit? Non scipie-  
nam conjunctionem partium antequā haberet, non habuit: ideoque dare sibi, quod non habuit, non potuit: ne-  
cessariò itaque ab alio eam sortitus est. Si autem ab alio; deveniendum erit ad principium, quod non habeat aliud principium: quod est per se Deus, ne-  
cessariò ab æterno existens: qui nisi es-  
set, nihil esset. Quæ enim ab alio sunt; aliquando non erant: dum non erant,  
efficere ut essent non poterant. Nun-  
quam itaque extitissent, nisi quidpiam per se esset, quod illa efficere potuisset.  
Nisi itaq; Deus esset, nihil eorum, quæ sunt, esset. Atqui se esse quisque sentit agnoscitque; necessariò itaque fatebi-  
tur, & DEUM esse. Quod ipsum non ra-  
tiocinando, sed sponte naturâ, & quâ-  
dam anticipatione ( quam πρόληψιν vo-  
cant) agnovit semper, omne genus hu-  
manum. Tam firma autem, tam con-  
stans, tam communis omnibus, notio Divinitatis, vel indita à Deo mentibus nostris sit, oportet: vel à primo Paren-  
te

*Et consensus  
generis hu-  
mani.*

te posteritati per manus tradita.  
 Utroquinque autem modo; <sup>engens</sup> pro-  
 fectò est veri argumentum. Nihilo au-  
 tem minus & illud, quod ducitur à re-  
 bus creatis. Habet enim Deus testimo-  
 nium ( inquit Tertullianus) totum hoc  
 quod sumus, & in quo sumus. Nam ex  
 tanto, tamque consummatæ artis ope-  
 re, quale Mundus est, utique Summus  
 & Omnipotens Opifex; ex productio-  
 ne rerum in pondere, numero, & men-  
 surâ Architecti mens immensa; ex E-  
 lementorum mira temperie, & in pu-  
 gna quamvis, conservatione; vis supre-  
 ma, omnia continens; ex motuum cœ-  
 lestium certâ, ac statâ vicissitudine,  
 motor ipse immotus; ex elegantia, pul-  
 chritudine, convenientia, ac demum  
 bonitate rerum, unum simplex ac so-  
 luum Bonum, in quo fons omnis com-  
 municatæ bonitatis; ex humani deni-  
 que tam corporis quam animi admi-  
 randis, id est, ex compendio ac epitome  
 universi, Author omnium Deus,  
 spectatur manifestè.

Atqui dicunt quidam, hæc non à Deus esse, sed à naturâ provenisse. Peto  
 verò quâ naturâ? si sensu & rationis

*Et demum  
testimonium  
creaturæ.*



*ex.*

experte; qui fieri poterit, ut quod non sentiat, nec intelligat, causa sit sentientium & ratione praeditorum? Utique necesse est, ut causa effectu, quem producit, aut præstantior sit, aut saltem eum vi & virtute intra se contineat. Quomodo autem res non sentiens continet vim sentientis naturæ? quomodo id, quod rationis expers, producet effectum se tanto intervallo potiorem? Quod si naturam dicunt intelligentem, omnium effectricem; hoc quod naturam vocant, Deus est.

*Deus creavit res ex nihilo.* Est ergo, est Deus: &, ut ex dictis patet, conditor est universi: idque ex nihilo. Nam si ei coeternam, incretamque statuamus materiam, illa quoque Deus alter esset, quia a se esset. Quomodo autem a se, quod non possit agere, sed pati tantum & recipere: & quomodo Deus sine sensu? & Deus corpus, & corpus sine forma? Verbo itaque jussu fecisse omnia dicendus est.

*Idemque earum conservator.* Consequitur vero etiam: ut Rector sit ac Conservator eius, quod produxit. Sive enim voluntatem eius spegetes; amavit, dum benefecit: & vidit, quod essent cuncta, quæ creavit, valde  
b6-

bona. Necesse est ergo, ut bonus bonis  
bene velit. Sive scientiam; scivit con-  
dere: oportet ut noverit conservare.  
Sive denique potentiam; si ex nihilo  
potuit producere; quantò magis, ne  
in nihilum recidat, retinere? Et ut pau-  
cis totum dicam: cùm ostensum sit evi-  
denter, ab eo fluxisse omne esse, nece-  
sariò ab eodem dependebit totum hoc  
existere.

Existere verò, ac conservari id, quod  
ex tot diversis, ac inter se pugnantibus  
partibus est constitutum, non potest:  
nisi certo modo, ac ordine, à suprema  
aliqua vi, ac potestate, præscripto,  
præfinitoque. Talis autem potestas,  
non est, nisi plastræ, & Factoris, in opus  
suum: id est DEI. Hinc prodibit Divi-  
na providentia: quæ sine ulla anxia cu-  
ra, curat res, & omnes, & singulas: ea-  
rumque naturam, & noscit; & disponit  
ad finem à se præstitutum.

Neque obstat, quòd Epicurus apud  
Ciceronem dicit, hoc modo fore in-  
quietum, plenumque negotio DEUM.  
Non enim potest esse ulla inquieta cu-  
ra illi, apud quem par voluntati pote-  
stas est: & qui ut aliquid præstet, non  
sine solici-  
tudine &  
labore.

indiget, nisi seipso : id est voluntate sua. Sollicitudo, & labor eorum est; qui volunt perducere in potestatem suam, rem sibi non obsequentem. In cuius verò potestate, cuncta sunt posita, is sollicitudinis expers erit: dum ea, quæ sine labore produxit, sine labore gubernabit. Si enim, cùm non erant, vocata paruere, ut essent; quantò magis, postquam eius jussu esse cœperunt?

*Ab eo dura-  
tio rerum.*

*ex parte*

In modo autem gubernandi, præcipuum locum obtinet, durationis cùjusque naturæ terminus: quem ille, quibusdam parcius, abundantius aliis indulxit: prout eius omniscia dispositi voluntas. Homini certè, jus vitæ propria infinitam rogasse in infinitū, vel exinde censendatam. *Eam homi-* *datam.* *Quod pro-* *batur ex a-* *nimi poten-* *tiss.* *duis est,* quod animum eius tam vastum produixerit, ut expleri nequeat; nisi ipso. Experimento enim didicimus, cuncta hæc creata, nunquam sedasse eius sitim, sed irritasse: aut certè fastidium sui potius, quam saturitatem se contentam, attulisse. Fassi hoc ultrò sunt, compotes omnis, mundanæ felicitatis. Sed magis hoc ipsum adfateri cogetur, quisquis tres animi facultates, seu potentias, Memoriam nempe,

*In-*

Intellectum, Voluntatem, expenderit: videritque quomodo non nisi proprietatibus ~~est~~ id est uno, vero, bono expleri, & in illis tantum conquiescere possint. Videamus hoc paulo attentius: & nulli, quod sciam, plenè notatum, penitus pensitemus.

Dico itaque imprimis: quod Memoria non possit sibi planè constare, nisi omni multiplicitate rejecta, cuncta videat redacta ad unum. Nullum autem est unum praeter Deum, quod in se cuncta contineat. Hoc ergo solum visum, eam quietam reddere potest. Nempe sine phantasmatum infinita copia, quæ eam turbant, distrahiuntque; dum videbit Deum, videbit totum, quod semper erat, est, eritque. Itaque nullâ reminiscentiâ præteriti, nullâ futuri cogitatione fatigata, unico intuitu, in idea totius quod est, defixa, ac quieta manebit. Intellectus non potest consistere, donec agnoscat Verum. Verum autem non cognoscitur exactè, nisi in Causâ primâ: quæ causas omnes continet, & ultra quam non datur progressus. Talis autem Causa Deus tantum est, ergo in illo tantum subsistit Intelle-

*Memoria  
enim subsistit  
in Uno.*

*Intelle-  
ctus con-  
stat Vero,*

tellectus. Tum enim cognoscet, cur, & quomodo ab eo, quod solum verè est, fluat omnis essentia ; & quis ille sit nexus causarum sese consequentium, qui initium accipit ab eo, quod non habet initium. Hac verò agnitione, omnem perplexitatem, hallucinationem, falsum, effugiet : planèque conquiescet. Voluntas denique non potest expleri, nisi apprehendat bonum. Bonum autem nullum est consummatum, nisi quod à se est. Tale enim cùm à se possit habere; non potest non velle sibi inesse omne bonum. Ut verò ipsum solum bonum, ita omne, quod communicatum ab eo. Itaque hoc totum, unicumque est bonum eius, cui se communicavit. Communicavit autem se Animæ, cùm illam esse; & talem, ut est, esse ; gratuita bonitate voluit. Ergo hoc solum Bonum eius erit: ergo in hoc Bono, id est in DEO Voluntatis plena saturitas, & quieta possessio. Concludo itaque locum hunc, & dico : Anima Rationalis quieta, id est, beatæ esse nequit, nisi viso per Memoriam. Uno, agnito per Intellectum Vero, prehenso per Voluntatem Bono DEO.

*Voluntas  
conquiescit  
in Bono.*

Quod

Quod si ita est; necessariò consegue-  
tur; ut, quod non possit, nisi participa-  
tione & confortio Divinitatis, quietem,  
seu finem suum consequi; id divino au-  
xilio elevetur, ad statum tantæ sorti &  
conditioni parem. Atque adeò, ut verè  
potiatur immortali Deo; immortale sit,  
oportet: Alioqui nec appetere, nec  
frui posset, bono sibi non convenienti.

Post hanc vitam igitur, necesse est,  
vitam nobis alteram superesse: quæ nos  
Dei compotes reddat. Nam status hu-  
jus præsentis & mortalis, incapax est  
plenæ fruitionis boni immortalis.

Verè itaque pervulgatum illud Au- *Quæ in*  
gustini, dici ad DEUM potest: Creâsti *DEO.*  
me ad te; inquietum est Cor meum, do-  
nec perveniat ad te. Perveniat, inquā,  
sed tuo auxilio. Nam sicut (ut idem  
alibi loquitur) non est à carne, sed supra  
carnem, quod eam facit vivere; sic non  
est ab Anima, sed supra Animam, quod  
eam facit beatè vivere. Et ut vita Car-  
nis Anima est, ita vita beata Animæ  
DEUS est.

Idemque sumnum appetendorum; *Vitæ summa*  
Summum Bonum, finisque hominis: ad *hominis be-*  
quem benè, rectèque vivendi consilia *no.*

*Vnde im-  
mortalis  
status de-  
ducitur.*

*Et post hanc  
vitâ alterâ.*

referri; & quem omne cogitatum, di-  
ctum, factum, respicere debet.

*Quod qui  
non appe-  
lit, amit-  
et, & pe-  
nit.*

Porrò Bonum hoc, malis ac perversis, qui illud nec appetierunt, nec quæsiverunt, imò spreverunt etiam, salvâ justitiâ, non potest pariter, & ex æquo cum bonis obtингere. Necessariò itaque consequetur; ut vita futura, dispar sit meritis, ac immeritis: Beata nempè illis, his verò misera & calamitofa.

Sed hæc uberiùs suo loco. Præmit-  
tenda verò hic erant, seu præparandis,  
seu excitandis animis; ut visis solidis  
hisce principiis, surgentem libri fa-  
bricam recte contueri, ac scandere tutò queant.





# LIBER OFFICIORUM PRIMUS.

*De Probitate.*

**E**Acto Sapientiae Christianae Definitur velut fundamento, ad Officium eius dum venio; illud ita definitio. Officium, est vi-  
 tæ institutum, & actio, conveniens Naturæ rationabili. Dividitur trifariam. Primum enim est, Probitas: quâ homo se bonum reddit. Charitas alterum: quâ erga alios bonus est. Pietas denique: quâ coram DEO bonus est; cuncta ad eum referens, uti finem. Tripartita hæc totius Operis & Materiæ divisio, totidem libros requiret: in quibus explicandæ mihi erunt partes istæ, compendio quidem & breviter, sed tamen, ut existimo, accuratè.

*Dividitur tripliciter.*

*vni & tria statio Operis.*

Probitatis  
definitio,  
et triplex  
divisio.

Probitatem definitio: Tenacem boni animum sententiā, dicto, facto. Tres ei partes assigno: ἀναμετρία, μετροπάθεια, κένπαξια, seu fugam vitiorum, affectuum regimen, & exercitium virtutum. (Ita enim Græca hæc verto: interpretatione, quæ rem exprimat; & quæ, ut Seneca dicit, appellationis vim potius habeat, quam facie) Quæ tria singulis capitibus explicare, ac complecti conabor.

## C A P U T I.

### *De ἀναμετρίᾳ, Prima Parte Probitatis.*

Impeccabi-  
bilitas ex-  
plicatur.

Quæ est in  
expugnan-  
da triplici  
concupiscen-  
tia.

Primam Probitatis partem, impeccabilitatem, seu impeccantiam feci. Homo enim à DEO factus naturâ bonus, voluntate autem propriâ pravus, & corruptus est, culpâ originis. Id est, per prævaricationem primi Parentis, quæ eum infecit: & loco debiti ad Unum, Verum, Bonum amoris; indidit concupiscentiam multiplicis, falsi, ideoque non boni. Hoc fonte derivata labes fluxit ad posteros: idque triplici, prout partitur Discipulus

Do-

Domini, rivo. Nempe Concupiscentiâ carnis, Concupiscentiâ oculorum,  
 & Superbiâ vitæ, quibus omnem peccandi materiam ostendam contineri. *Per non*  
 Per subsidia igitur, quæ Deus homo fa- *peccandi*  
 Etus, sufficientia reparandæ naturæ *propositum*.  
 præstítit, opus est eradicare ex animo  
 mala, firmumque facere *propositum*,  
 non peccandi. Nempe post solennia *Per Sacra-*  
 illa Sacramentorum, [ de quibus suo *menta &*  
 loco, ] Conscientia formanda est; tan- *conscientiæ.*  
 quam Dux, & custos vitæ innocentis. *Cuius de fini-*  
 Est enim illa: Internum & integrum *nitio.*  
 judicium, respuens malum; id est pec-  
 catum: veniens, cum abhorrentia;  
 admissum, cum angore; in bono autem,  
 cum gaudio conquiescens: idque to-  
 tum cum DEO, & propter DEUM. Meritò  
 hæc postrema addidi; nam si rationis  
 tantum, non verò religionis dictami-  
 ne oriatur, nihil est. Fit tantum ina-  
 nis, vel ostentata Probitas, id est, fu-  
 cus. Firmamentum igitur illius unicum  
 erit, timor Domini. Porrò ut evellan-  
 tur vitia, dignoscenda sunt. De  
 singulis itaque partitione  
 propositâ di-  
 cam.

# Pars Capitis Prima.

*Explicatur primus peccati riunus  
Concupiscentia Carnis.*

Definitur.  
Concupi-  
scientia  
carnis.

Pars eius  
prima  
Mollities.

**C**oncupiscentia Carnis est, Abusus eorum, quæ corpori propria. Fitque tripliciter. Nempe molli ac deliciatâ desidiâ, Gulâ deinde, ac demum Libidine. Qui his dediti, illis corpus voluptati, anima oneri est. Mollitatem voco, nimis delicatam curam corporis, quæ desidem & enervem vitam reddit: Sunt enim quidam in cute curanda nimis operosi, nimis compti, nimis culti, odorati, uncti, sensuum oblectamentis inhiantes: idque cum quodam Delicato fastidio, quod scitè quidam præferunt, ostentantque. Taliter occupatis, non vacat vivere: & hinc non modo laboris, sed omnis actionis fuga; segne tantum otium, id est vivi hominis sepultura. Gula est in esu, & post excessus. Dum ganeones isti avidè vorant, liguriunt, ventrem variè farciunt, nec egentem, nec capientem. Deinde potu ad crapulam sese ingurgitant; fructu, nauseæ & cruditatis: quâ

Gula pars  
altera

quā evanidi pallent, & in vivis caro <sup>Tertia</sup>  
morticina est. Libidinem vel nomina- <sup>Libido.</sup>  
ri vetuit Apostolus: igitur definitione  
illam non dignabor.

Hæc sunt vitia, quibus homines in  
bruta animalia degenerant: quam- <sup>Hicce de-</sup>  
quam vincant ea potius, quam imiten- <sup>generam⁹</sup>  
tur. Illa enim, etsi hoc unum agant, <sup>in bruta:</sup>  
& appetant; tamen non ultra naturæ <sup>omnino ea</sup>  
modum, quem homo excedit. Nem- <sup>superam⁹</sup>  
pe Caro concupiscentia aduersus Spir-  
itum, postquam pellexit animum suis  
illecebris, frui illis jubet. Dum autem  
animus fruitur, & expleri nequit; exi- <sup>Et quare,</sup>  
gere illas vult ad mensuram sui appeti-  
tus: & corpus, citò satiable, onerat ac  
torquet: studetque ingenio irritare, ac  
provocare languorem ejus, falsamque  
voluptatem. Sed frustra: nam præter  
inevitabile fastidium, dolor & morbi,  
intemperantiæ comites, tandem absti-  
nere vel invitum cogunt. Habet de-  
tecta mala, quæ Concupiscentia carnis  
facit.

Remedia contra eam ut adferam; <sup>Remedia</sup>  
Primum erit: ut voluptatem ejus abe- <sup>contra cor-</sup>  
untem cogitemus. Morbum nempe <sup>poris vo-</sup>  
illum, quem aspernatione, & abhor- <sup>luptatem</sup>

*Annexum ei pœnitere.* rentiâ sui, linquit. Annexum namque semper illi, pœnitere. Et si recte expenderis; facilè agnoscet: istas, quas vocamus voluptates, ubi modum transcederint, profectò pœnas esse. Deinde, agnoscamus; quàm id, quod in illis oblectat, & vile, & breve fit; tanto-que studio appeti non mereatur. Tertiò, ut turpitudinem earum aversemur.

*Vilis & brevis.* Mollitie enim, obliviscimur animi; & velut abdicamus meliorem nostri partem: totâ curâ ad corpus translatâ. Vitam otio, somno, ignaviâ conterimus; & occupatio, dotibus animi, prorsus contraria est. Gulâ, ad natu-ram eorum delabimur, quorum tota vita est, ali tantum, & nutriri. Maestatorum animalium, & intra nos putre-scentium, sepulchrum sumus. Et multâ ingluvie, & crapulâ, sordescimus; fætemusque. Libido denique, quàm fit, usu, & obscenitatis ministerio fæda, fatentur etiam impudentissimi; dum turpitudine adacti, lucem fugiunt, & latebras quærunt.

*Obscena.* *Vitanda.* *hæc igitur & quia per se mala.* Vitanda hæc igitur essent Sapienti, seu viro bono; etiamsi non fuissent à Deo vetita: prout etiam docuit vetus illa

illa Philosophia. Quantò verò magis, cùm non ratio tantum, sed etiam lex <sup>Et quia à</sup> Divina vetat. Profectò & ratione, & <sup>DEO ve-</sup> præcepto firmatus animus, non mo- <sup>tita.</sup>  
dò illecebribus corporis se capi & capti-  
vari non permittet; sed quô longius  
ab hoc absit periculo, contraria eli-  
get, ac usurpabit. Nempe, prout Scho-  
la Christi docet, domabit corpus: &  
ad servitutem, ac obsequium animi, per  
necessariam <sup>attentiv</sup>, rediget. Viva- <sup>Exercita-</sup>  
mus hanc vitam igitur; non tanquam <sup>tionem.</sup>  
propter corpus, sed tanquam non  
possimus sine corpore.

### Pars Capitis Altera.

*In qua ostenditur, quid sit Concupi-  
scientia Oculorum.*

**A**lter peccati rivus est, Concupi- <sup>Definitio.</sup>  
scientia oculorum, seu Avaritia; <sup>Concupi-</sup>  
quam voco; Rerum, quæ extra nos, <sup>scientiae o-</sup>  
pravum usum. Rectè vocatur Concu- <sup>cotorum.</sup>  
piscentia oculorum. Cuncta enim ex-  
terna, quæ Avaritia appetit; quid ha-  
bent, prater spectari tantum, & vide-  
ri? Tripliciter hîc peccatur: nempe  
dum illis Fruimur: Non utimur: Ab-  
utimur.

Fru-

*Fruitio  
prima eius  
pars.*

*Zaque ex-  
plicatur ac  
monstratur.*

Fruitio rerum externarum, est: nimia ex illis oblectatio: vel animus eorum specie nimis captus, ac irretitus. Splendor enim ille opulentiae, & commoditas, & arbitrium quoddam in rebus humanis pecuniae omnipotentis, & illi annexa mundana felicitas, perstringit primum oculos; & tum mirum in modum animum fascinat. Præfertim, si quis fit; qui gloriari & gaudere possit, datas sibi divitias, artemque fruendi: qui non, ut ganeo, aut profligator; ut plerique, suo haurientium; sed erudito luxu, qui in omni cultu diligens, elegantiae ac magnificentiae peritus fit ostentator. Hi inquam tales, immergunt animum in externa; & eorum pulchro, ac prudenti [prout putant] usu inescantur. Et quia in veste, domo, supellecili, familia, procurant varia, ac comparant; Multa autem requirentibus, multa petentibus, necesse est desint multa: ideo necesse quoque est, ut anxiè & avarè appetant: & ut consequantur, sæpè jus & fas, insuper habeant.

*Pars altera,  
Paxitas.*

Altera pars Avaritiae est, non utensium rebus externis; idque nimia insa-

pâ,

nâ, & fôrdidâ parcitate. Etenim mul-  
ti, falso obtentu pôsterorum; vel ina-  
ni in senecta egestatis metu; vel nec  
causâ, nec fine habêndi; semper egeant: *Eius inge-*  
semper appetunt: semper congerunt; *nium de-*  
& congessto pauperes in auro sunt:  
Dum, quod per tot labores, & curas,  
sæpè turpi questu paravere; recon-  
dunt: maluntqâ omnem penuriam  
sustinere, immò etiam emori, quâm  
sacrum tangere depositum. Itaque  
pendunt poenas vitiî infelicis: aliis o-  
dio, sibi oneri sunt. Nec quidquam  
boni faciunt; nisi dum citô moriun-  
tur: cùm sint omnium Officiorum de-  
fertores, & nullâ erga quemquam cha-  
ritate.

Tertium genus avaritiae est, apud *Pars tertia,*  
eos; qui rebus externis abutuntur: *Prodigali-*  
nempe, apud prodigos. Isti enim dum *tus.*  
non alium fructum opulentiae, quâm  
profusionem putant; nullam curam, &  
cautionem erogandi habent. Sum-  
ptuosa convivia, ingentia in veste & *Eiusque*  
familia impendia, immensa largitio, *mala.*  
quâ perdere sciunt, donare nesciunt.  
Ita, inquam, effusi in cuncta, queis  
pecunia prodigitur; dum sua deco-  
quunt,

quint, aliena expetunt: & egestas insueta, ideoque intoleranda, acris causa Avaritiae est. Cui semper tantum deest, quantum cupid. Cupit autem quantum prodigit; & prodigit immensum. Ideoque eiusmodi radix omnium malorum fit: fraudis nempe, injuriæ, perjurii; rapinæ. Quin immò, si animi sint acres ac violenti; sapè seditionis, civiliumque bellorum. Tales, inquam, solent ad facinora converti: cuncta miscere: & privata damna, Patriæ malis reparare.

*Remedium  
erit non  
amare ex-  
terna.*

*Quippe  
adiaphora.*

*Minuta  
& caduca.*

*Noxia.*

Hæc sunt causæ: hæc mala avariæ animi; & Concupiscentiæ Oculorum peccantis. Remedio erit, admonitio Sacri Vatis: quâ vetat divitiis, si afflant, cor apponere; id est amare, velut verè bona; cum non sint: sed ex se, neque bonis, neque malis accensenda. Unde meritò exilis eorum aestimatio animo inferi debet. Caduca nempe sunt: mutationi, & alienæ potestati obnoxia: &, ut non eripiantur; morte tamen mox linquenda. Deinde, non vilia tantum sunt, sed etiam noxia: Animum enim perturbant; & anxiè expectita, inquietant: dum acquiruntur, fa-

fatigant: non adepta, torquent: pos-  
 sessa, non satiant: denique custodita  
 metum; erepta, vel amissa, dolorem  
 adferunt. Quod si verò ad votum suc-  
 cedant, & possideantur; tamen nihil  
 ex illis accedit ad interna illa, vera-  
 que solatia: quæ pura tantum, & vero  
 Bono, id est, DEO nixa, mens conferre  
 potest: & quæ tanto majora sentiun-  
 tur; quanto quisque sibi plura nega-  
 verit. Intra nos, nempe, esse oportet,  
 quod nos beatos faciat: externa, he-  
 terogenea animo sunt: ideoque non  
 ei miscentur, seu uniuntur. Et quid  
 stultius, quam bonum rationalis na-  
 turæ, in irrationalibus querere? Hæc  
 ad tollendam Avaritiam, quæ ex frui-  
 tione. Addo: contra insanam Parci-  
 tem, utendum esse opibus. Nisi enim  
 utare; insaniam [ ut apud Poëtam est ]  
 par eris illi, qui cytharæ ignarus, cy-  
 tharas undique coëmat, comparet,  
 asservetque. Porro usui, si necessita-  
 tem tantum spectes: facile paribilis,  
 sufficiens, & suppetens erit. Prodigia-  
 litatem, seu Abusum dissuadet, quæ abuti.  
 luxū humili gressu comitatur egestas:  
 jubens quidvis agere & pati: agere, in-

*Et quæ ni-  
hil ad ani-  
mum.*

*Non decet  
itaque illis  
frui.*

*Sed uti.*

*Non verò  
abuti.*

quam; Iniqua; & pati indignia. Ita hinc  
orta Avaritia, aut scelerata, aut misera,  
semper vero perditæ erit. Quam ut  
evites, regulam tibi constitues ergo  
dicit: eam vero dictabit parsimonia; virtus  
huic vitio opposita: de quasuo loco:

### Pars Capitis Tertia.

*Declaratur tertius r̄ivus peccati,  
nempe Superbia vita.*

*Definitus  
Superbia  
vita.*

*Sui aman-  
tem cupi-  
ditatem.*

*Ejus origo.*

*Et mater-  
ria triplex.*

Post detectam corporis, & (ut  
ita vocem) fortunæ, dioram cupi-  
dinem; Superest: ut animi ~~q̄uæ~~ <sup>q̄uæ</sup> exutiæm. Concupiscentiam  
nempe sui, quæ est superbia: quæ defi-  
nitæ puto commodè potest: Ejus, quod  
est supra id; quod sumus, usurpatio.  
Oritur: dum totum hoc, quod sumus,  
nos accepisse à Deo obliviscimus; aut  
certè, non ut oportuit, meminitus;  
Deinde etsi accepisse cognoscimus;  
tamen tanquam ex merito, & debito  
datum. Postremò dum plus nobis at-  
tribuimus; quam datum habeamus;  
Quamvis vero hanc Concupiscentiam;  
dixi, animi esse; tamen materies ejus;  
non ab illo tantum est, sed à dotibus  
etiam

etiam corporis, ac fortunæ. Unde, à triplici hac materie, prodibit triplex animi elatio.

Prima à Corpore: quam Ferociam *A Corpore*  
voco; nempe viribus corporis nimis *Ferocia.*  
fidentem elatumque animum. Sunt e-  
nim, qui nacti corpus vegetum, vali-  
dum, laboris patiens; dum robur eius  
respexere; facile induunt animum ar-  
rogantem: acres ac violentes Spiritus *Qua de-*  
sumunt: acerbo fiunt ingenio: truces, *scribitur.*  
feri; contemnunt infirmos; & depri-  
munt: cunctis terrori esse volunt: si-  
mulque & in altum efferuntur; & rabie  
efferantur. Gigantæa nempe proles:  
quos à statuæ magnitudine, id est cor-  
poris viribus famosos, potentes; ni-  
hil nisi bellum scientes, disciplinæ, seu  
mansuetioris vitæ ignaros, Scriptura  
vocat: & quos Poëtæ θεομάχοι faciunt. **D E U M**  
Ita nempe Superbia exinde orta; quan- *oppo-*  
quam revera fragili nitatur fundamen- *gnantes.*  
to; tamen plurimum extolli solet: dum  
audax, nihil ratione, sed vi tantum; ac  
impetu agit; & quantumvis ardua, al-  
taque, appetere, & adipisci, eousque  
conatur; donec seipsum perdat: & præ-  
cipitet.

*A rebus ex-  
ternis Fa-  
stus.*

*Quid du-  
plex.*

*A Fortuna  
factus ad  
ostentatio-  
nem.*

*A dotibus  
ingenii, ju-  
dicio arro-  
gans.*

Alterum Superbiæ genus, à rebus externis ortum, vocabo Fastum. Nempe ex affluentia earum, vanæ gloriæ vento inflatam mentem. Porrò inter externa numero non solum opes, nobilitatem, potentiam, cæteraque infra animum; sed etiam naturales eius facultates. Pertinet namque ad fortunam, quidquid forte nascendi continet: & totum id, velut externum est, quo hominibus apparemus, & videmur. Unde duplex erit, velut dos, fastuosæ elationis: Affluentia nempe mundanæ felicitatis; & excellentia naturalium animi facultatum. Primum, cum insanum vulgus adeo æstimet; ut propterea Sectatores, & turbam famulantur, venerantur, blandientur, promptè exhibeat; facit: ut animus, inani plausu illius, sui olivisatur: extra se totus exeat: se totum vanitati aptet, & accommodet: & ab interna ista, & inani elatione; sensu, verbis, actione, ad ostentationem, pomparam, typhum se componat: quod micè prorsus, & Histrionum instar, fastuosi isti exercere solent. Alterum, dum nempe Memoria, & Intellectus

Solito obtigit felicior; & deinde studio  
 acquisita doctrina, & scientia, animum  
 occupavit: & quæ potissimum eum va-  
 nè ostentat, longè provehit, opinione  
 inficit, ( quippe quidvis struendi & de-  
 struendi artifex ) Eloquentia: si istarū,  
 inquam, dotum præstantiam, quispi-  
 am fortitus est, facile arrogantiā ju-  
 dicii sumit; ac usurpat. Arrogans verò <sup>Vnde aut</sup>  
 hocce judicium, si ad actionem se ac- <sup>Philarchia.</sup>  
 cingat; è contemptu aliorum, quibus  
 præcellere se censet; alta concupiscit;  
 & səpè ambit: fiuntque tales in Repub.  
 imperii impatientes, & seditiosi. Si in  
 cognitione veri ponit operam; aut in  
 Philosophiam labitur, aut in hæresim. <sup>Aut Phi-</sup>  
 Philosophiam intelligo, quæ rationis  
 propriæ tantum viribus constat; & ni-  
 titur: prout fuit vetus illa, <sup>æt̄os didac-</sup>  
<sup>tria,</sup> religionis contemptrix, & DEI <sup>Aut Phi-</sup>  
 aut penitus oblita, aut tanquam per  
 insomnium memor: ipsa verò, adeò <sup>lodoxia.</sup>  
 plena inanis & insanæ fiduciæ; ut dice-  
 ret Sapientem DEO patrem. Hæresis  
 verò est, quæ scientiâ inflata, autorि-  
 tam receptæ & constitutæ doctrinæ  
 spernit: judicio proprio eligens do-  
 gmata; eorumque censuram arrogan-

*A voluntatis facultate, amor sui.* ter exercens. Ita utraque hæc, aut contemnit fidem; & irridet: aut dū ad suum captum aptat; tollit. Jam verò à voluntatis etiam facultate fastus oritur. Quibusdā enim, ab indole meliori, est moderatio affectuū; & placida animi tranquillitas: exinde verò ad officia virtutum velut congenita quædā propensio. Naturā videntur boni, si ad vitia non multum proni. Et videntur sæpè magis, quām sunt: unde provenit suavis, & blanda *φιλανθία*: & dum in se confidunt, tanquam justi, profectus incuria; & ex omnibus istis, interitus veræ Probitatis.

*Ab animo propriè superbia.* Sed tertium, & pernicioſissimum elevationis genus est: quod ab interiori animo, &, ut loquimur, Spiritu producitur. Deus enim Spiritus est; ideoq; vult adorari in Spiritu & veritate. Si itaque quispiam, subacto corpore & fortuna, animum depuravit; id est, in Spiritum vertit; illum verò ad se mirandum, sibiique complacendum convertit; & à Deo hoc ipso avertit; is Deum Spiritu oppugnat: fit ei injurius: quippe donis & auxiliis eius fultus, eum aspernatur, & à se removet. Ideoque

que quod acceperat, amittit; & turpi <sup>primogen</sup>  
lapsu perit. Hæc est vera, proprièque <sup>nita pec-</sup>  
dicta Superbia: ab hac initium accepit <sup>cati.</sup>  
peccatum, Nam & rebellis ille Spiritus,  
aliter quā Spiritu ornato gratiâ, & glo-  
riâ; superbire; & velle æquari Dœo non  
potuit: & homo, re Spirituali, nempe  
cognitione illectus est; per quam fieret  
sicut DEUS. Itaque Ferocia, & Fastus,  
velut coram hominibus fiunt; Super-  
bia propriè in conspectu Dei: qui ei re-  
sistere, id est, quodammodo se ab illâ  
avertere dicitur, & humilia respicere  
in terrâ, & in cœlo. Hæc sunt partes Su-  
perbiæ, à corpore, à rebus externis, &  
ab animo ortæ,

DEO ma-  
ximè ad-  
versa.

Cæterum materies eorum, aut ple-  
nè, & ad votum, non habetur; aut ha-  
betur. Si primum; oriuntur vitia pau-  
peris superbi. Nempe studemus Ja-  
ctantiâ aliis imponere: deinde fatagi-  
mus augere ambitione: contendimus  
per æmulationem: in victoriâ, contu-  
meliâ utimur: si vincamur; invidiâ. Si <sup>Vitia eius</sup>  
alterum: mirum prorsus est, quantum <sup>dum ab-</sup>  
felicitate corrumpamur. Fortunata <sup>undat.</sup>  
enim Ferocia, tota in belluinam natu-  
ram mutatur; cuncta vi ac violentiâ a-

C 3 git:

git: hinc cædes, bella, id est, populo-  
rum latrocinia; & illud occisarum gen-  
tium grande scelus. Fastus compos fe-  
licitatis mundanæ, mentis impos fit;  
gloriæ vento abripitur: & eò vesaniæ  
devenit; ut per illum, (portenta homi-  
num!) fe Deos non dici tantum jube-  
rent; sed etiam coli. Magnis deinde  
animi dotibus inflatus; impius est: fa-  
naticus: blasphemus: professus hostis  
DEI: famulus, & cooperator Dæmonis.  
E quo Apostatæ, Seductores, & Hære-  
siarchæ; quorum proprius character  
est, ut sint filii perditionis: nam se per-  
dunt, & alios. Denique ab animo in-  
teriori, & puritate Spiritus, orta su-  
perbia, illuditur varie à Dæmone,  
mutato in Angelum lucis. Primùm  
dulcedine inani fruitionis: tum sæpè  
extasi: raptu: & falsâ gloriâ animæ,  
in corpus etiam per miros effectus de-  
fluente. Unde fuboritur complacen-  
tia, amissio gratiæ, & damnationis præ-  
cipitum.

*Remediu-  
eius, noti-  
zia sui.*

Sat puto aperui causas: partes; ma-  
laque Superbiæ. Remedium adversus  
immane hoc, & maximè inimicum Deo  
vitium, unicum esse existimo: nempe  
fui

sui ipsius notitiam. Quod etsi vetus quoque Philosophia vidit; & velut oraculum agnovit: attamen nec plenè intellectus, nec implevit, Notitiam enim sui, seu à corpore fragili, seu ab externis adeo viribus, ad deprimendam superbiam, idoneam; facile agnovit: & meritò exinde *σωφρονεῖν* præcepit: sed cùm ad animum venit; admiratione eius abreptâ, tota in fastum exanuit. Atqui undique, ad omnem nos modestiam, non duci tantum, sed etiam compelli, manifestum est. Ferocia enim, ut altos ponat Spiritus; vel invita à corporis fragilitate adigitur: cuius non vigor tantum, sed vita etiam facillimè interit. Vita, inquam, halitus tenuis; brevi tempore suapte extinguedus: quem suppressit sàpè, levi causâ, morbus: quem eripere potest, quidquid tandem est: Nam ortus illi unus, exitus innumeri. Porrò si illa tam instabilis; cur homo firmitate corporis superbiat, eiusque virium operâ, tam alta moliri conetur? Itaque ab hac tui parte, nosce te; & non ad vim corporis animum apta; (quod est proprium Ferociæ:) sed ad vim animi

*A vilitate  
rerum ex-  
ternarum,  
contra Fa-  
stum.*

corpus redige: exerce; doma; & quan-  
doque libens impende: quæ est, ut o-  
stendam alibi, Fortitudo. Ista sunt,  
quæ ferociam tollunt. Ad exuendum  
vero Fastum dicit: Primò; rerum,  
quæ extra nos, vilis conditio; & par-  
illis æstimatio. Quam superius cùm  
satis demonstraverim; superfluum est  
repetere. Certè exinde extolli, tam  
insanum est; quām commodatā ad tem-  
pus alienā veste, vel comico ornatu,  
aut personā superbire. Dicit eodem;  
naturalium animi facultatum imbecil-  
itas: quarum tenebras, haullucina-  
tionem, miseriam, quando non expe-  
rimur? In memoria; ecce confusa,  
phantasmatum multiplicitas est: in in-  
tellectu; erronea opinio: in voluntate,  
inordinatus amor: quæ nisi in nobis  
videmus continuò; valde ignari no-  
stri sumus. Itaque ut id agnoscamus:  
& ne vano fastu inflemur; sibi attende-  
re, & se nosse decet. Postremò, eadem  
sui notitia, etiam ab interiori animo,  
vetat extolli, ac superbire. Quamvis  
enim eximius ille est; tamen quantus  
quantus est, ab alio est; & ipse per se  
nihil. Quamvis superemineat; tamen

*Ab animi  
instabilita-  
te, contra  
superbiā.*

DEO

DEO comparatus, pusillus. Quamvis denique virtute, & gratiâ pulcher; tamen à se fœdari facilis, & ni Divino sustineretur auxilio, continuò culpâ turpis. Hæc tria probè expendentem, humiliari coram DEO necesse est. *Quæcumque etiam humiliari co-*  
*nim de alieno, minuto, & corrupto guntur.*  
 superbiat? Itaque verâ animi notitiâ, ad omnem modestiam flectamur. Quod non abjectionis est: sed roboris, ac firmitatis. Id enim verè est sibi dominari; seque majorem effici: quod summum fortitudinis opus esse, cùm de illa agam, demonstrabo.

## C A P U T II.

### *De Reginine Commotionum: seu de μετριοπάθεια, Altera Parte PROBITATIS.*

Absolvi primum officium Probitatis. Ordior alterum: nempe Regimen Commotionum, id est, Affectionum, Perturbationum, ac Passionum. De quibus dicam quædam paulò aliter, quam vulgus Philosophantium solet. Et primum ostendam istas Commotiones esse; & quid, & quot sint:

deinde quales sint: postremò quales esse debeant. Erit ergo:

## Pars Capitis Prima.

*An sint, quid sint, & quot sint  
Commotiones?*

*Vetus con-  
tentio de  
affectionibus.*

*In quo sita  
describitur.*

*Verborū  
velitatio-  
ne.*

*Et vana  
gloriatur.*

INTER Sectas veteris Philosophiæ, acris, ut notum est, fuit illa de Affectionibus controversia, & contentio. In eo fere sita: quod Peripatetici eos temperarent; Stoici tollerent. Illi, à natura esse, ideoque inevitabiles, & moderandos tantum; hi, ab electione, & voluntate; ideoque tolli posse, ac nullos esse debere; non parvos. Denique illi censebant, impetum ac vigorem animi ab illis esse; ideoque, si modus adsit; laudabiles: hi, quasi morbos eiusdem dicebant; ideoque vitandos prorsus Sapienti. Et multa ultro citroque argutabantur, suetâ illis λογικην πνευματικην In quo utriusque frustra fuerunt. Nam & hi, qui affectus prorsus sustulerunt; & illi, qui modum tantum, non verò finem etiam eorum spectarunt; aberravere. Sed tota hæc pugnax

gnax disceptatio, uti & alia, quæ de Affectibus prodita haec tenus sunt, nunc primùm, puto, patebunt evidenter, ex hac, quam sic instituo tractatione.

Apertum & evidens est, omnibus origo.com̄ motionum generica, rebus inditam esse appetitionem eorum, quæ suæ naturæ conveniunt. Ea appetitio, in rebus inanimatis *Pondus* est ad locum proprium; In viventibus *vegetatio*; In sensitivis *Instinctus* ad se, speciemque suam conservandam; In ratione præditis *voluntas*; seu effectus eius, Amor: qui unum, proprium, naturalemque terminum, habeat necesse est; alioqui supervacaneus, contra naturam naturæ esset. Hic autem terminus eius est, Bonum. Bonum autem est; quod propriè, & unicè ei naturæ, cuius bonum est, convenit. Amor verò, dum hīc vivimus, nihil est in nobis aliud, quam incitatio & fervor voluntatis, ad apprehendendum agnatum istud Bonum. Cui oppositum Odium; seu eiusdem voluntatis aversio à malo.

Porrò ut illa prima τὸν ὀντων, si ob- Entiūm  
tineant id, quod natræ eorum con-

*Origo ea-  
earundem  
specifica.*

venit, conquiescunt. Si verò impedian-  
tur, arceanturque; commoventur: &  
vix sibi inferri, apertâ resistentia osten-  
dunt. Ita & homo, si potiretur, frue-  
returque bono suo, in quiete seu gau-  
dio esset: omnis commotionis, nem-  
pe affectus, Perturbationis, ac passio-  
nis expers. Sed quia, vel nondum  
boni planè capax est; ideo Affectu mo-  
vetur: vel circa bonum impeditur;  
ideo necessariò perturbatur: Vel de-  
nique partim imperfetè fruitur; par-  
tim frustratur; ideo Passioni subest. Et  
hinc patet, triplicem hanc esse Com-  
motionem: & dum hic vivimus, ne-  
cessariò nobis adhærentem.

*Nempe  
Affectum.*

Primum enim, non est homo plenè  
capax boni, quamdiu hīc vivit. Quip-  
pe (ut in ipso limine scripti docui,) Bonum  
eius Deus est: DEO verò frui hīc  
plenè non potest: ideoque nec affectu  
carere: cuius causa & origo vera est,  
Amor non compos Boni: Et definire  
illum possis: Motum amoris, bono  
suo non ifruentis. Hic motus, cum  
duplex sit, nempe, quo nos amor ad  
bonum fert; & quo odium à malo re-  
movet; Duplex erit & affectus: De-  
fide-

fiderium scilicet ; & abhorrentia, seu  
Fuga.

Deinde, cùm infirmitas naturæ, ex Spiritu ac corpore constitutæ, impediri in consequendo facile possit; idèo perturbari eam necesse est. Perturbationem verò definio: Amoris ex præpedito, aut dubio bono comotionem. Ea est quadruplex. Nam si ita impediatur bonum, ut vinci tamen possit impedimentum; tunc provenit ira. Si bonum adfuturum videatur; oritur Spes. Iterum verò si impediti boni, periculum appareat, à malo Metus nascitur. Si certò malum putetur futurum; prodit Desperatio. Unde patet, quatuor prout dixi, perturbationum summa genera esse: duo ad bonum, totidemque de malo. Sed perturbationes istæ, valde moderatae sunt; unum, verum, bonum continuò appetenti. Est enim illud natura *ἀκολυτού*, *καὶ*, *δυσαφείτον*; id est: quod nec impediri, nec prohiberi, multò verò minus eripi potest, nisi ipse velis. Itaque ira, metus, desperatio, tamdiu locum vix habent; quamdiu homo unum, verum, bonum quærit. Spes tantum ma-

manet: sed blanda, & interdum gau-  
dio brevi mixta: ut Apostolus jubet es-  
se bonos, spe gaudentes. Nisi quod  
quandoque DEUS vel permittit, vel  
immittit etiam, breves quidem, sed  
tamen acres istas turbellas in bonos:  
seu in pœnam alicuius culpæ; seu in ex-  
ercitium virtutis; seu denique in stimu-  
lum, ac incitamentum: ad appeten-  
dam tantò magis veram, & immotam  
quietem, quæ nos olim manet.

*Passionum.*

Sed tertium Commotionum genus,  
posueram Passiones: non minùs, quam  
duo prima, inevitables. Idque ob  
fruitionem, vel brevem, vel frustra-  
tam. Est enim Passio: amoris ex bo-  
no, aut aliquantum possesto, aut a-  
missio, sensus exultans suavitate; vel  
concidens amaritudine. Ille est lætitia,  
hic tristitia.

*Vnde patet  
sapientem  
non esse a-  
pathen, seu  
impassibi-  
lem,*

*Impassi-  
bilis.*

*Multò mi-  
nus malū,  
seu stultū.*

Non erit itaque Sapiens; id est, vir  
bonus, in statu hoc mortali *ἀπασθν*,  
ut Stoici nugabantur. Quia securitas,  
perpetuitasque pacis, & quieti gau-  
dii, adhuc illi deest. Malus vero, &  
qui stultè falsa bona consequatur, evi-  
dens & necesse est, ut Affectibus, Per-  
turbationibus, Passionibusque multò

*ma-*

magis commoveatur. Quippe, & ex grē consequi ac retinere potest, quā extra eius sunt potestatem; Et ut consequatur, habeatque; tamen minimē quiescat: nempe, non in bono. Itaq̄ & avida cupiditate inhiat bono, quo expleri nequit: & aversatur fruſtra id, quod non est malum. Deinde & irā exāſtuat, inque audaciam impetu ruit; dum illi facilē, bonum opinabile impeditur: & alternante spei, metusque fluctu agitatur, quatitūque; dum adeo dubia, & incerta petit. Denique aut effertur vanā, breviā lātitiā, si contingat consequi opinabile bonum; Aut tabescit dolore, si eo frustretur. Et hæc illi continua, gravis, & infelix pugna est, in animo decepto. & fruſtra quietem in falſo bono quārente.

### Pars Capitis Secunda.

*In qua Amoris tres proprietates ostensae: tum singularum Commotionum qualitas, & efficacia.*

Habes reclusum Commotionum fontem: Ex quo, etsi facilē qualitas earum peti, ac hauriri potest; ta-  
men

*Præmitti-  
tur amo-  
ris ener-  
gia.*

*Sed perfe-  
ctius ap-  
petit.*

*Vnit cum  
re amatā.*

*In ea quā  
potest trās-  
mutat.*

men singulas separatim producam: sed præmissa prius, explicatāq; breviter amoris energiā: hæc enim probè intellecta, lucem Comotionibus istis confert.

Amoris itaque prima proprietas est; ut majus se quidpiam, perfectiusque appetat. Bonum enim semper potius perfectiusque est re, cuius bonum est: atqui amor, non appetit nisi bonum: perfectius ergo appetit. Altera Proprietas; ut amor amatæ rei uniat. Etenim uniuntur ea facile; quorum unum, & potest, & studet apprehendere; alterum item, & potest, & avet communicari. Tale autem est Amor & Bonum: unde coalescant in unum, est necesse. Tertia, eaquæ summa Proprietas; ut amor non uniat solūm, sed etiam, quā potest, transmutet. Essentiæ enim annexa operatio est: Amoris verò Operatio; dum se penitus linquit, & tota in amatum transiit; ideo in illum, & esse suum quodammodo transfert. Hinc verò consequitur hæc, quam dixi, transmutatio. Magna verò prorsus ac mira, in hisce tribus, Amoris vis, ac energia est, per quam (ut benè quidam nuper dixit;) plus nobis da-

datum est in eo, quod esse possumus, quam quod sumus. Datur enim libera optio, ut quodammodo id sis; quod esse volueris: id fias; quod amaveris. Hæc non re, sed verbis, pauca de Amore.

Ad Commotiones transeo; primumque ad Affectus: quorum primus est Desiderium. Definitur: boni absentis Naturalis appetitio. Propriè vocatur Affектus; quia afficit intimè Voluntatem. Inest Amori; eius inseparabile accidens: & dum hic vivitur, ob absentiam, nunquam se plenè impertientis boni, perpetuum. Est nempe motus animi, quo ille fertur, quo cunque fertur. Si in verum bonum; et si magno, placido id tamen facit conatu: pleno spei, dulci, ac jucundo. Appetit enim, quod Naturæ eius convenit: quod eam explet, perficitque. Si vero fertur in bonum opinabile; quidquid agat, inutili anxietate, & curâ; irritum conatum sentiet: & agnoscat se appetere, quod prava cupido suadet, reluctanti Naturæ, & invitæ. Alter Affectus, oppositus Desiderio, est Fuga: id est mali <sup>g4</sup>.

imminentis abhorrentia. Si verè malum, facilis esse potest, parato semper auxilio Dei, si invocetur. Sin illius, quod non est malum; stulta, inanis, & frustra est.

**Perturbatio** Sequuntur Perturbationes. Et pri-  
**ma, Ira.** mum Ira: quæ est; Commotio animi aut resistentis, aut pugnantis in ea, quæ bonum impediunt. Merito, & priè Perturbatio vocatur: quippe ut plurimum inquieta, & turbata. Initium sumit ab Indignatione: quâ velut decernit; comparans boni præstantiam, cum indignitate adversantis justam pugnæ causam. Et hinc sumpto impetu, resistit malo, forti tolerantia: oppugnat verò idem, animosâ audaciâ. Difficillimè modum patitur: quippe sæpe incitata, fervida, ardens. Et dum omni conatu renititur, nititur vè; moderationem, pusillanimitatē existimat. Si falsum bonum tuetur; aut in obstinatam pervicaciā vertitur: aut ad temeritatem prorumpit: Et victa angitur; & in victoria sævit, ac vindictam exercet.

**Altera  
Metus.**

Metus, est Perturbatio opposita, contrariaque Iræ; ideoque definitur: Contra illa, quæ bono adversantur;

refistendi detrectatio, & certaminiſ fu-  
ga. Oritur ex opinione, phantasmate,  
ac imagine mali: quā, si animus terre-  
tur; concidit: si verō modum teneat;  
recteque causam metūs æstimet; & ve-  
teri ſciet, & tutò aggredi. Tertia Per-  
turbatio, Spes; nempe repræſentatio,  
& exinde velut odor quidam in ani-  
mo, ſuccelluri deſiderii, qui illum ex-  
tra ſe promovet; ideoque perturbat.  
Ortum habet à poſſibilitate. Quæ ſi  
certis, firmisque niti videatur ſignis,  
producit fiduciam: A qua curæ, & la-  
boris condimentum, conatusque cal-  
car. Modum ſi excedit; vana & præ-  
ceps eſt: & ludibrium ſibi debet. Pro-  
na in illam magnanimitas: Desperatio  
illi oppofita; id eſt, mali eventus, præ-  
ſumpta opinio. Prodit ab animo pu-  
ſillo; cui omnis diſcultas magna, &  
insuperabilis videtur. Dum nimia; ſæ-  
pe gravioris mali cauſa eſt; quām fit,  
quod putat eventurum.

Ad Commotionum illud genus ve-  
nio, quod Paſſiones vocavi. Inter eas  
primum eſt Gaudium. Hoc dum ple-  
num, & immutabile eſt; quies eſt. Er-  
go non Motus, ſed potius Pax, & Fru-  
ſio.

Tertia  
Spes.

Quarta  
Desperatio.

Paſſio pri-  
ma, Gau-  
dium.

tio. Sed quoniam, (ut dixi;) tale in  
hac vita non contingit; ideo breve  
id, quod accidit aliquando, Commo-  
tionibus accensetur: Quia nempe com-  
movet; dum continuò, & venit, & re-  
cedit. Passio verò propriè vocatur,  
quia in illo animus, non tam agit,  
quam recipit. Definio illud: Usuram  
brevis fruitionis, velut possessi boni.  
Eget temperamento, etiam si oriatur  
ex vero bono: prout ostendam, cùm  
ad Præcepta Commotionum veniam.  
Altera, veraque Passio est Dolor. Defi-  
nitur: Ex bono obtento, vel amissio  
sensus mali. Frequens, & velut pro-  
prius est, mortalis vitæ. Præcipue pri-  
ma sui parte: & quatenus non est com-  
pos boni. Nec rejiciendus omnino, vi-  
tandusque; quin immò proficuus, sa-  
lutarisque sàpè: dum Patientiæ, Pœ-  
nitentiæ, Resipiscentiæ causa est: pro-  
ut ostendam tertiam, quæ sequi-

Modera-  
tionis af-  
fectuum.

*τῆς μετριοπάθειας*

*Seriaro.*



Pars

## Pars Capitis Tertia.

Ostenditur, qualis esse debeat Amor: & ex illo communes primū regulæ, tūm verò singularum commotionum

Eurazia.

Ordinatio.

EX Natura ac proprietate Amoris, quam superius deduxi, accomprobavi, consequitur necessariò: illum solum DEO deberi. Etenim, præter DEUM, nullum aliud bonum, natura rationalis se majus perfectiusq; habet; in quo conquiescat: Nec uniri valet; nisi ei, qui solus, & potest, & vult, infinità quadam ratione. Nec denique transmutari, quam in causam finemque. Alia præter DEUM, infra illam sunt: Ergo non eius bona, ergo non amanda. Neque uniri possunt; quia redamare nequeunt: multòque minus in se transmutare, quia esse, quod Amor quodammodo transfert; nec recipiunt, nec refundunt. His de causis DEUM tantum naturæ rationali convenit, & expedit amare. Quodsi petas; quo modo? Discam suo loco luculenter. Nunc hoc

Amor soli  
DEO de-  
betur.

Quia bo-  
no.

Immò &  
in illud  
possimus  
mutari.

solum: sine modo. Nec enim definiri potest ratio Amoris erga illud, quod est infinitum.

*Commoti-* Atque hinc patet: Commotionum  
*nūm pri-* omnium causam magis consideran-  
*mare regula:* dam, quam modum: & prius quales  
*ut causam* sint; quam quantæ, expendendum.  
*potius,* Nam si circa unum, verum, bonum  
*quam me-* occupentur; plerumque mensura ea-  
*dum spe-* rum, quo major, melior est. Si ad ma-  
*gent.* lium vergunt; etiam moderatæ, malæ  
sunt. Itaque prima hæc regula com-  
munis, in regendis illis erit: ut accu-  
ratè inspicias, unde sint: & quo ten-  
dant. Si à bono, & in bonum; facili-  
cas fræno reges, atque temperabis.

*Altera, ut* Altera Regula: ut ipsa initia earum  
*principio* moderere: & morâ aliquâ interpositâ,  
*cohibcan-* retineas, cohibeasque; antequam im-  
*ver.* petum sumant. Habent enim, (uti  
observatum rectè est;) gradus suos,  
quibus crescunt. Etenim primum, vi-  
sum, seu phantasia obiicitur: tum se-  
quitur *diabolus*, id est cognitio: eaque  
recta, vel erronea; boni, malivè. Mox  
*despisit, nesciatur,* id est appetitus; vel  
aversatio. Postremò *impunit;* vehemens  
jam, incitata, & cum impetu affectio.

Ergo circa ipsum initium hæreas pauperes; & propositum ordina, atque constitue: & ex illo Commotionis modum.

Ex his verò communibus, particulae  
laria præcepta facile peti possunt. At-  
que imprimis, inter affectus, Defide-  
rii: Cuius unica, totaque Regula est,  
finis humani notitia. Eum omnes cen-  
suerunt beatitudinem: sed in quo illa  
consistat; dissenserunt: idque ignorantia  
Naturæ humanæ. Nam, qui illam  
interire, eoque post obitum loco, quo  
non nata jacent, putavere; quid mirum  
est, si in rebus, aut actionibus huius  
vitæ, assignarunt felicitatem? Atqui  
ea non est in hac vita. Non inquam,  
in rebus, quæ ad corpus, fortunam-  
que pertinent. Nam cuncta hæc mu-  
tabilia, incerta, aliena: denique, ma-  
lis etiam, id est infelicibus, commu-  
nia. Non item in actionibus ipsis: id  
est, (ut olim, qui paulò altius philo-  
sophabantur, docuere;) virtute: nam  
nihil agit ad hoc tantum, ut agat: & i-  
psa ex virtute actio, finem scopumque  
habet se potiorem: qui merces eius  
vera. Illa verò, post hanc mortalem,

Particulae  
ria præce-  
pta Defi-  
derii.

*In agnitio-*  
*ne finis no-*  
*stri.*

*Qui non est  
in hac vita.*

*Non est in  
rebus ex-  
ternis.*

*Non in vir-  
tute pro-  
priè.*

Sed in  
DEO.

In æternâ & immutabili vitâ nos de-  
mum manet: tunc eâ fruemur; DEO,  
id est omni bono, se ultrò impertien-  
te, & desiderium mirâ, ignotâque  
prorsus ratione, adimplente. Itaque  
ad hanc finis ultimi regulam, atque  
normam, aptari debet desiderium o-  
mne. Et, cum tota vis eius & opera-  
tio sit, velle bonum; & appetere id,  
quod summum appetendorum voca-  
tur; id est DEUS: appeti verè & pro-  
priè, & propter se debet; reliqua pro-  
pter ipsum, & quatenus fini consequen-  
do serviunt. Alter verò Affectus, qui  
est Fuga, præceptis aliis non eget;  
quâm, quæ contraria omnia desiderio  
sunt. Id est, ut toto animo fugiat ma-  
lum, quod Deo adversatur: Non de-  
fugiat verò nimium, nec abhorreat,  
quæ non sunt verè mala.

Inter passio-  
nes Irae præ-  
cepta.

Ad Perturbationes venienti, se of-  
fert primùm, Ira. Hæc si debitè oria-  
tur; id est, si pugnat, aut resistit con-  
tra ea, quæ impediunt unum, verum,  
bonum, quamvis in Causa justa; ta-  
men initio cohibenda est, ne efferve-  
scat; & in flammam, quæ brevis est  
et in causa etiam uni- abeat: sed in robore potius, constan-  
tia,

siq[ue] immutabilis propositi, consistat, *boni, non  
exhaustus.*  
 Secura victoria; si nec cedat loco, nec  
 cesseret oppugnare. Bonum enim verum,  
 quid impedit? Tribulatio? angustia?  
 persecutio? gladius? an mors denique?  
 Certus sis, omnibus istis te superiorem  
 fore: & aut fugabis cuncta, aut vin-  
 ces; sustinendo. Si autem oriatur Ira *In adia-  
phoris, et  
teneatur  
officio.*  
 propulsando, quæ non sunt propriæ  
 bona, sed commoda tantum vitæ hu-  
 jus; Tum & si jus habet, tenetur vè of-  
 ficio, tueri quidpiam, aut repetere;  
 tamen probè expendat: sitnè tanti  
 quòd impeditur, aut eripitur; ut pu- *Tamen sibi  
temperet.*  
 gnam certamenque mereatur: taxa-  
 bitque exinde sui modum. Deinde mo-  
 derationem adhibebit, ne nimis com-  
 moveatur: ne in furorem, ac temerita-  
 tem dicto, aut facto prorumpat. Sed  
 potius firmiter statuet; in causa bona,  
 magno animo conari, aut resistere: &  
 si non succedat; & quaniam inter tolerare.  
 Victoria enim in adiaphoris istis in-  
 certa, & dubia est. Unde in utramque  
 partem paratum esse debet iræ tem-  
 peramentum. Si vinceris; ne ringaris:  
 ne iram frustratam, in te contorque-  
 as: non te, non DEUM incuses. *Quin*

*Vita non  
vivatur.*

*Bellatrix non  
sevit.*

*Nam vin-  
dicta eius  
vitium, &  
sevities.*

*Bella inno-  
xia alio-  
qui.*

immò, vel Conscientiā quamvis infe-  
licis, impleti tamen officii; te solere:  
vel mederi studeas: vel denique docu-  
mentum in futurum cape. Si vicisti;  
ne vindictam sumas: id est, ne dolore  
adversantis fruaris. Falsò enim Aristote-  
les definivit iram, ἡρεμίαν αὐτισμούς, id  
est, cupiditatem refundendi doloris:  
cùm id, non Natura, sed vitum iræ  
sit. Dolore enim alieno pasci quod  
bonum? quæ utilitas? Atqui nihil est à  
Natura; (ira autem est:) cuius non  
constet ratio boni. Meritò itaque vin-  
dictam ab ira legitima amoveo: uti &  
sevitiem & crudelitatem, quæ ultionis  
filia est. Atrox malum; & quo rabiem  
ferarum vincimus. Nam illæ, brevi  
impetu seviunt: hominis crudelitas  
lenta sàpè, meditata, & se pascens, ac  
oblectans; dum, (ut ille dixit,) ho-  
minem homini perdere libet. Hoc ve-  
rò demum est, quo potissimum ira ma-  
lè audit: Cùm tamen non nisi dum  
vitiosa, & in noxam abit; eius causa  
sit. Alioqui innoxia. Bellatrix tantùm  
contra malum strenua: officii animosa  
custos: excitatæ mentis vigor: deniqp  
Spiritus, ad magna incitans: & ardua

audere, aggredi, & perficere juvans.  
Et hæc ad regendam Iram sufficient,

Succedit ei opposita Perturbatio; Metum  
Metus: qui si oritur ob ea, quæ vulgo  
mala putantur; hæc ne nimium nos  
exterreant, verâ facie noscenda sunt.  
Paupertas nempe, Dolor, seu exitus  
eius Mors; & dñe ignominia. Fa- Facit vera  
cile enim patebit; cuncta hæc stultè eorum a-  
omnino timeri. Paupertas enim Nobis gñitio, que  
congenita & propria, per quam ne- vulgo &  
mo tam egens vivit, prout nascitur,  
moriturque. Non est ergo mala, sed  
quæ in ortu nostro, exituque, docet;  
hominem sibi quoad externa posse suf- falsa mala  
ficere. Dolor, si tolerari potest; par-  
vus: si non; brevis. Eumque mors  
consequitur: id est, quies: id est, ve-  
ræ vitæ initium. Igitur mala non est,  
nisi malis. Infamia, si ob flagitium,  
venit; justa: Et culpa tantum, quæ il-  
lam promeruit, mala. Sin immerito;  
contemnenda: uti enim honor, ita &  
illa, est extra nos: alieni arbitrii: & Non in  
verè, οὐ ἐν μητρὶ. Non est verò malum nostra  
meum, quod non est mecum. Sive- potestate,  
rò hæc, quæ maximè timentur, ma-  
la non sunt; quorsum timebuntur? De-

trahenda omnino illis persona, & larva, quâ terrent: Et fatebimur; majus malum esse, timere; quam sit illud ipsum, quod timetur. Victo autem timore eiusmodi, implebis officii finem: & circumspectio erit multa; nul-

*Timor pec-  
cati.* la trepidatio. Timor autem veri mali, id est peccati, evitatio eius esse debet: nec tam pavere decet illud, quam abhorre. At restat ille, timor Domi-

*Timor DEI.* ni sanctus; & qui facit sanctos. Non ille tantum, qui à terrore, Judicis malos punituri, oritur; (quamquam & iste proficuus: quo configi petit Psaltes; ut à judiciis DEI timeat: horrendum enim est, incidere in manus DEI viventis;) sed multò magis ille, qui pars est venerationis, Summæ illius majestatis, potestatisque; & qui Nos humiliet sub potenti manu eius. Adfit itaque: non tamen ille servilis; qui meticulosam, pavidam, anxiè turbatam, & ad superstitionem factam conscientiam reddit.

*Spem ut  
contineat,  
causam  
eius ex-  
pende.* Sequitur ratio Spei: Quæ ut recta sit, ad idem uti Ira examen, revocanda est. Nempe causam primum, deinde modum eius, oportet expendere. Si fer-

fertur in verè bonum, id est DEUM; non  
 confundit. Fretaque auxilio ejus; <sup>In loco vero</sup>  
 qui cùm se unum appetere jussit, vires <sup>ro non con-</sup>  
<sup>fundit.</sup> addat, capaces sui, necesse est: fine  
 quibus, non potest obtineri. Ideoque  
 non dubiā possibilitate nixā, firma, &  
 tandem rata sit opōr̄t̄. Nec nimia e-  
 rit: si cum DEI ope operetur, agatvè  
 gnaviter; & in agendo imploret auxi-  
 lium. Et hæc est Spes veri boni, quam <sup>Hanc Theo-</sup>  
 Theologicam vocant Virtutem Scho- <sup>logicam</sup>  
 læ: Cùm nobis qui nōn ex Lycæo, aut <sup>vocant.</sup>  
 Porticu, sed ex Christi disciplina sapi-  
 mus, non modo hic, sed & omnis ani-  
 mi motus, omnisque virtus debeat  
<sup>Theologizari:</sup> id est ad DEUM referri,  
 ac velut consecrari. In summo enim  
 semper repræsentare, ac proponere  
 decet rationem affectuum, virtutum-  
 que: ut exinde tanto facilius fluant, ac  
 deriventur minorum officiorum præ-  
 cepta. Hæc spes, inquām, veri boni.  
 Rerum humanarum autem fallax om-  
 nino est, ideoque cautè admittenda:  
 ne nimis incitet, provehatque: Nam  
 ventus hic, ni vela contrahas, abripit  
 à recto cursu; & naufragii causa est.  
 Necessaria ergo, quæ illum temperet,

mo-

<sup>Spes circa</sup>  
<sup>externa</sup>  
<sup>fallax.</sup>

*Itaque non  
ei indul-  
gendum.*

modestia voti. Quam suadet primum; exigua pars ævi, quam hic vivimus; Et, vitæ summa brevis, spes nos vetat inchoare longas. Deinde suadet Tranquillitas, quæ haberi non potest, si in rebus his multum spei indulgeas. Nam eorum successu, necesse est, ut sæpe frustreris: Unde perturbatio, & inquietudo. Itaque si vis consequi (quod olim Stoici περὶ δοξῶν) ut tibi nihil unquam insperatum, nec præter votum eveniat: Moderare Spem: Et freno rationis contine. Et μᾶλλον θέλεις τὸ γένος πεπονισμένον, seu potius, quod ex præcepto æternæ Sapientiæ dicas quotidie; re ipsa præsta: ut nempe velis voluntatem DEI. Cum hoc tamen monito, ne ista (ut proprio artis verbo utar) resignatio, ullatenus impediat diligentiam, debitæ, & quam officium postulat, actionis.

*Desperatio  
in vero bo-  
no nulla sit.  
In adiapho-  
ris rara.*

Ultima Perturbationum Desperatio: Vitanda in vero bono semper: in adiaphoris, quam diu potest: Potest vero facile, ab animo Deo fidente. Et cur non fidat ei, qui summè potest, scit, vult, & denique promisit homini bonum? Hac basi firmata providentia,

& cura nostri, securos nos esse jubet,  
 & vetat desperare. Quod si verò aper-  
 tè pateat, nihil spei reliquum; tum se  
 fato permittat; & nec irritè repugnet:  
 nec velit malus pati; pati, quod liceat  
 bono. Deposita nempe Spes, quietum  
 ultra, sed post expletum officium, red-  
 dat. Et postquam quæ debuit, fecit;  
 exspectet; excipiatque, quæ jubeat. Ut  
 verò non decet ejulare; detestari; se <sup>Nec</sup> ~~est~~  
 aliosque imprecationibus devovere: <sup>causa est</sup>  
 ita Spe abjecta, consciscere sibi mor- <sup>tii.</sup>  
 tem, nefas. Haec tenus de Perturbatio-  
 nibus.

Passionum verò regendarum præ- <sup>Gaudium</sup>  
 cepta, Gaudium imprimis requirit; <sup>etiam in</sup>  
 Et requirit, etiam si ex impertito vero <sup>vero bono</sup>  
 bono proveniat. Suavitate enim sua <sup>modum</sup>  
 allicit, & avidos sui facit. Hauustum <sup>Ne exinde</sup>  
 verò largius obest; officitque. Degu- <sup>studium</sup>  
 stata enim dulcedine fruitionis, dum <sup>boni te-</sup>  
 se compotem boni homo putat; ex na- <sup>pescat.</sup>  
 tura gaudii quiescit: id est, in quaren-  
 do amplius bono subsistit. In hoc stu- <sup>Hoc enim</sup>  
 dio autem, dum hic vivitur, non pro- <sup>sapientia</sup>  
 gredi semper; nec proficere; retroce-  
 dere, ac deficere est. Ex defectu au-  
 tem, delictum & corruptio. Oritur e- <sup>nim</sup>

*Fruitio,  
vitæ de-  
betur, quæ  
nos manet.*

*Gaudium  
Stoicum  
futile.*

*A rebus  
externis  
falsum.*

*Quia non  
ex bono.*

Nim in animo ante tempus gaudentem, diffusio sui, complacentia, inconsulta securitas, incuria, & denique lapsus. Itaque plena illa fruitionis dulcedo, differri debet in illud tempus, cum (quod Deus faxit) unicuique nostrum dicetur: intra in gaudium Domini tui: & gaudium tuum nemo tollet a te. Nec imponat illud Sapientis gaudium: quod hic intra nos nasci, ex nobis ori- ri, nostræ spontis, ac continuum esse, Stoici nugabantur: Et quod non be- ne definitivit Seneca: Elationem animi, (hæc vitijsa semper) suis bonis, viri- busque, (hæc profectò nullæ) fidentis: quanto sapientius dixisset dissidentis? Quod si vero hic, ne internum istud quidem, & ab animo gaudium, con- tinuum esse potest; quanto minus erit adventitium illud, & ab externis rebus ortum? Certè esse nequit. Primum, quia nixum incertis, & mutabilibus bo- nis: deinde, quia nec bonis. Quid e- nim ista ad animum? immo si probè examines, contra animum sunt: eius vincula & compedes, & ad malum illi- cia. Itaque ex illis non prodit; nisi in-

Inanis lætitiae exultatio; effusa, & bre-  
vis: Vitanda sapienti. Quæ Ciceroni  
est, voluptas immoderata animi; sine  
ratione gestiens, opinione præsentis  
boni, Jure ergo risum reputes erro-  
rem; & gaudio fallaci, dum hic vivis,  
dic, quid imponis, quid illudis, quid  
decipis? Præterit figura huius mundi.  
Ibi fixa sint corda nostra; ubi vera sunt  
gaudia.

Dolor, & vix admittit temperamen-  
tum; & non adeo requirit: prout dō-  
cere, qui in hac vita, apatheiam né-  
scio quam, somniarunt. Primò enim, si in verè malum, id est in peccatum  
incidisti; dolere, ac tristari, bonum.  
Hæc enim, [ inquit Apostolus ] secun-  
dum DEUM tristitia, pœnitentiam, in  
salutem stabilem operatur. Deinde,  
si dolor sit in pœnam culpæ; bonus  
itidem: & hic potius, dum minor, &  
non ex merito dependitur; expeten-  
dus. Sed præter has causas pœniten-  
tiæ, & pœnæ; proprium vitæ huius est,  
dolere. Quippe extra Patriam sumus;  
quippe in labore, impetum à carhe  
& mundo: quippe exercemur variè; ut  
merceamus. Statuit autem DEUS, te-

*Vitandum  
itaque.*

*Dolor non  
omnis fu-  
giendus.*

*Bonus est  
pœnitentia.*

*Et pœna.*

*Vita mortua  
li proprius.*

standæ bonitatis suæ, gloriam; quam olim paravit: non donum tantum esse, sed etiam mercedem. Et mirâ benignitate, velut debere Nobis quidpiam, voluit. Hæc verò, quantulacunque (fas sit dicere) obligatio, doloris tolerantiâ, quam gratia confert, ut plurimum comparatur. Meritò igitur, sancta ἀσκήσια illa alterutrum; aut mori, aut pati peroptabat. Atq[ue] ideo dolor ex his, quas dixi, cauſis ortus; bonus: adeo non vitandus, fugiendusque. At ille, qui ob mala externa provenit, coerceri debet. Dolemus autem eiusmodi malis; aut propriis, aut alienis: ( quamquam profecto & his quoque privato respectu.) In malis alienis, miseratio est: quam rejecere Stoici, velut vitium ( inquit Lipsius) pusilli animi, collabentis alieno malo: vel, ut Cicero; ægritudinem animi, ex alterius rebus adversis. At non rejicit CHRISTI Schola, quæ rigorem omnem aspernatur; mansuetamque, ac tene-ram requirit pietatem. Hæc verò, si proximo opitulari aliter nequit; saltem condolet, & compatitur: cum modo tamen; & ad testimonium tan-

Contem-  
platrix.

Ob exter-  
na coér-  
cendus.  
In malis  
alienis cō-  
miseratio  
est.

Eius mo-  
dus & ra-

tum,

cùm pronæ in auxilium, & beneficen-  
 tiā mentis. In malis autem propriis Dolorie  
 cùm molles sint mortalium animi, fir- proprii.  
 mandi tantò magis, ne eos nimirum,  
 frangat, abjiciatque dolor. Remedia  
 roboris parandi, & constantiæ erunt.  
 Primum: cogitare mutationes necessa-  
 rias esse. Idque à rebus ipsis: quas in- Remedium  
 dies experimur, suapte corrupti, & in- primum:  
 terire. Nempe, hæc est lex mundi; ut  
 quædam in illo desinant, quò alia ori- mutatio-  
 antur. Et nasci in illo vocatur, incipe- nis necessi-  
 re esse aliud, quām quod fuit ante. Por- tas.  
 rò, si producerentur semper nova, seu  
 naturâ, seu Arte; & nihil periret: non  
 caperet orbis molem rerum. His verò  
 de causis, si necessaria mutatio; nece-  
 saria erunt, & quæ ad illam ducunt.  
 Velut, si homines decedere, & mori  
 opus; Opus erit eorum, quæ morti  
 famulantur: nempe morbis, peste,  
 bello, fame, tyrannide. Si verò hæc  
 necessaria; ergo ferenda: idque liben- Ideo non  
 ter. Nam necessitatis non aliud effugi- agre fe-  
 um est; quām velle, quod ipsa cogit. renda.  
 Alterum doloris remedium; cogitare: Alterum:  
 hæc quæ, vocantur vulgò mala, revera falsò quæ-  
 non esse: idque à ratione, quam stri- dam mala  
 vocari.

**Tertium:**  
bona esse  
**Autore**  
**DEO:**

**Et fine.**


**Exercendi,**

**Castigandi,**

**Puniendi.**  
**Philoso-**  
**phicè,**

Etim, dum metum coercui, dixi. Tertiū: non modò non esse mala; sed etiam s̄pē bona: & utilia, Et bona; pri-  
mum origine; nempe à D̄o: Bono eti-  
am fine; nempe exercendi, castigandi,  
puniendi. Omnis enim ista malorum  
externorum, seu calamitatum immis-  
sio, aut Bonos exerceat, aut lapsos ca-  
stigat, aut improbos punit. Exerciti-  
um bonorum, necessarium: primò; ut  
per illud, firmetur eorum animus;  
Nam quemadmodum, si Nautam te-  
esse velis; per tempestates doceāre; si  
Militem, per pericula: ita si verè vi-  
rum; per afflictiones. Non enim alia  
ad robur via. Necessarium deinde ad  
experimentum: Ut nempe, quantum  
profeceris; periculum facias. Postre-  
mò, necessarium ad exemplum: ut tuā  
toleratiā aliis præreas. Castigatio  
etiam bona. Et juvat; seu sit flagelli  
loco, cùm peccavimus: seu fræni, ne  
peccemus. Pœna denique bona: quæ  
tollit, quod castigatio non correxit.  
Decet verò justum D̄eum: expedit ge-  
neri humano: cuius Societas stare ne-  
quit, malitiā impunitā. His fere ratio-  
nibus pulchrè equidem, sed f. 187 verso

Tatis Lipsius, dolorem non tam cohibuit, quām sustulit. Cohibendus autem, temperandusque tantum est. Impatibiles enim nos esse; nec est Conditionis Mortalium, nec Divinæ voluntatis. Et, qui sensum malorum non fatentur; mente obdurata, & pervicaci, velut in certamen provocant Deum: qui solā, sed manfuetā, ac domitā patientiā vincitur: id est placatur. Et provocant tamen frustra: Nam scit ille telum hoc mœrorum ita torquere; ut quidquid facias; tangi illo, indeq̄ pati, ac dolere, sit necesse. Animū enim ipsum, & petit, & ferit: cuius exultatio, cūm sit, prout dixi, infalubris; mœror sāpē proficuus est. Beati ergo, qui lugent, & patiuntur patienter. Non uti malefici; sed propter Deum. Hic character bonorum est. In tentationem, & dolorem ergo, si incidetis; beati; quia merces copiosa: & non sunt dignæ passiones huius temporis, ad futuram gloriam, quæ nos manet.



## CAPUT III.

*De ἐυπαξίᾳ, seu exercitio Vir-*  
*tutum, tertia parte Probi-*  
*tatis.*

**Q**uemadmodum illa, quæ colore,  
 & succo medicata esse velis, pri-  
 mūm munda reddere; deinde, quò fa-  
 ciliùs humorem imbibant, variè præ-  
 parare; postremò madefacere etiam,  
 aut intingere oportet: Ita animus hu-  
 manus, per *ἀραιαστιαν* purus; per  
 vitiorum *μεριοπάθειαν* aptus; tandem, ut habi-  
 Affectionū tum acquirat, & velut succum imbibat  
 moderationem. virtutum; tingendus: aut potius im-  
 buendus est salutaribus præceptis:  
 è quibus prodibit hæc, quam tertiam  
 partem Probitatis feci, *ἐυπαξίαν*, seu  
 exactum Virtutum exercitium. Inspi-  
 ciemus ergo hoc capite officia eius: &  
 primūm dicam; quid sit virtus, deinde,  
 Qualis esse debeat. Tertio, Quomo-  
 do, & unde insit homini. Hæc verò sin-  
 gula compendio; Et magis, opinor,  
 ex naturâ rei, quam receptâ metho-  
 do, & præscripto.  
 Scholæ.

*Tripartita  
 huius di-  
 visio.*

Pars

# Pars Capitis Prima.

*Quid sit Virtus, ostensum; eiusque  
& Unitas, & Partitio.*

**A** Definitione ut incipiam; Virtus, est perfecta in homine ratio, in habitum versa, actus eius dirigens. Ratio inquam perfecta, quæ à DEO illustrata, ac directa, principium est eius, quod homo, quâ est rationalis, agit: idque per *ηγεμονίαν* illud, Stoicis nominatum, quod Seneca Principale, Cicerio Principatum vertit: ist est, partem animæ præcipuam, in quâ *λογισμός*, refidet: cuius est dominari, & imperare, omnibus Animæ facultatibus. Et in memoriâ quidem ratio hæc, ut consummata sit; vietrix esse debet mutabilitatis: quâ non constat sibi homo; fines varios proponendo: Ignorantia in Intellectu, quâ à vero aberrat, & opinatur: Pravitatis in voluntate, quâ in malum labitur appetitione: Effectrix *In quo consistat.* verò τῆς ὁμολογίας; &, ut ita dicam, uniformitatis: τῆς γνώσεως, seu veræ cognitionis: denique της ἀναδωρύντης, id ut efficiat est rectissimæ bonitatis. Quæ tria, eum Constantē.

efficiunt Cogitatione, Verbo, Operè, Constantem, Sapientem, Sanctum. Et primum oportet ὁμολογημένος ζῆν, quod summum bonum homini, quidā posuere. Id verò est, semper unūm velle. Nec opus est exceptione uti; ut bonum nempe sit, quod velis: cum non possit cuiquam semper idem placere, nisi bonum. Itaque unum est necessarium. Sed quoniam non potest appeti unum, nisi eius contingat notitia; & ignoti nulla sit cupido: Ideo, si vis eadem semper velle; vera etiam, seu cognita, oportet velis. Necessaria ergo erit & cognitio: unde quispiam dixit, γνῶσιν τελείωτην εἴρει. Postremò, appetere, & nosse non sufficit; nisi etiam apprehendas: id verò sit sanctitate.

**Cognitio-**  
nem, per-  
fectionē  
esse.  
**Sanctum.**

Ex triplici hac parte, mira prodit Unitas, ἀναστοιχία virtutis. Una enim est ratio recta: & quæ in illa enumeravi tria; quia singula per se, id est in mortale separata, existere nequeunt, quin continent in se duo reliqua; ideo ex illis, modo unita existet virtus. Quam seu Sapientiam, seu Prudentiam nominare licet: normam nempe & regulam ejus habitus; qui naturæ humanæ, pro-

ut rationis incorruptæ est, convenit.  
Hæc est velut fons, & radix omnis bo-  
næ actionis, & Virtutis.

Quæ et si origine una sit ; distingui *A triplici*  
tamen trifariam, & potest, & solet : non tamen  
in se tantum, prout ostendi ; sed à Ma- *Materia,*  
teriâ etiam, & à rebus, quarum rectum  
usum præcipit, ac exequitur ; & quarum  
triplex velut classis est. Partim enim *Circa Cœs.*  
corpus spectant ; vel ad usum vertendæ pus, Tem-  
moderatum, vel abjiciendæ omnino : *per antia,*  
*Circa* quas occupatur *Temperantia*, *Circa ex-*  
*opposita* nempe *Concupiscentiæ car-* *terna, Iu-*  
*nis.* Partim, velut extra nos sunt ; pos- *stitia.*  
fidendæ, vel alteri tribuendæ : quas di-  
sponit, distribuit, ordinatque *Justitia :*  
quæ concupiscentiæ oculorum contra- *Circa ani-*  
*mia.* Partim denique ad Animum per- *mum occu-*  
tinent ; vincendæ, regendæ, ac conti- *patur Fox-*  
nendæ : quibus debetur *Fortitudo* ; quæ  
vitæ superbiam, prout ostendam, vin-  
cit, frænat, ac continent. Itaque tres  
istæ, ex triplici classe rerum, Cardina-  
les, ut vocant Scholæ, virtutes erunt.  
(Prudentiam si excipias ; quæ commu-  
nis, una, & Universalis : ) ad quas reli-  
quæ, prout ostendam, referuntur. De  
quibus Quid, & Quot sint, dixisse hæc

pauca sufficiat. Patescet verò id melius  
in hoc, qui sequitur, Paragrapho.

### Pars Capitis Altera.

*Monstratur, Qualis esse debeat  
Virtus: & præmissa Prudentiæ uberiori-  
ri notione, monitisque eius; singulæ,  
prout tributæ sunt, explicantur.*

*Prudentia  
virtutes  
regit.*

PRudentiam ex divisione Virtutum excerpti, ac separavi; velut universalem omnium Directricem: ideoque non aliam illi assigno definitionem; quamquâ Virtutem definivi. Est nempe illa, velut specimen quoddam, ac imago, divinæ illius Sapientiæ; quæ una, simplici, æternaque contemplatione, in omnibus verum vidit, novit, & per quam bene omnia fecit. Hanc si homo sibi convenientem, & analogam haberet; haberet omnino veram regulam, ac normam omnis actionis; mensuramque implendi officii. Sed difficilis & ardua, plures ob causas: nempe partim propter imbecillitatem animi humani; cuius judicium, & primigenia labe infectum, & consuetudine corruptum: Partim propter res.

*Cur sit  
difficilis.*

ses ipsas; quarum natura proprietatis  
bus abdita, copia prope infinita, cir-  
cumstantiis singularibus variabilis.

Etsi verò in tanta difficultate; ta-  
men habenda, & comparanda est. Un-  
de autem? Facilis, & (ut loquimur) adæquata responsio erit: à DEO; qui  
totus mens, & ratio, & intelligentia.  
Apud ipsum (ut Job. inquit;) Sapien-  
tia: & (ut Salomon;) Dominus pos-  
sedit illam, antequam quidquam fa-  
ceret. Unde non adventitiam, & à  
rerum cognitione haustam habet; sed  
omnium effectricem, atque causam;  
ipsam verò à se ortam, in se permanen-  
tem, & purum aëtum, non *δυάμιν*,  
sed *σοιαν*. Solus autem cùm habeat;  
solus etiam & conferre potest: uti &  
naturæ Author, & gratiæ. In illâ in-  
genium docile, & judicium perspicax  
largitur: in hac, auxilia illuminatio-  
nis. Sed quia separatim agam, unde  
insit homini virtus, eamque à prima  
causa derivabo: nunc è secundis &  
proximis; pono primū, Doctrinam.  
Etenim illa nihil aliud est; quam bene  
intellectorum rerum, in memoria con-  
ditorum quoddam; è quo cùm volu-  
mus,

*Habenda  
tamen pri-  
mū à  
DEO.*

*Potenti-  
am, essen-  
tiām.*

*A quo do-  
tes naturæ,  
& gratiæ.*

*Habenda  
& doctrina.*

mus, deponimus, quæ usui esse possunt, ad similia ex similibus dijudicanda. Unde, qui non modo plural, sed quod multò maius est, benè cognita recendit; facilius potest, habebitque ad manum, quibus utatur. Nisi quod à Doctrinā sola, generalia tantum præcepta petantur: quæ nisi exactum judicium particularibus aptet; sàpiùs error subrepet: nasceturque superba, ac pertinax opinio. Unde necesse est; ut usus quoque accedat, alter velut Prudentiæ parens: & qui Doctrinæ, ut italicam, promus condus est: experimen-  
to docens, aut monstrans potius singu-  
laria: circa quæ Prudentia præcipue  
occupatur. Hæc verò tria: Nempe  
DEI munere natura apta, doctrina se-  
ria, & usus denique, si adsint, & in u-  
num convenient; tum demum firmam  
certamq[ue] Prudentiam facient.

*Eius ener-  
gia.*

*In contem-  
platione.*

*Actione.*

Cuius vis, & energia cernitur, par-  
tim cum contemplatur; partim cum agit;  
partim cum facit. Contemplatio  
est visio quædam, seu intuitus veri; is-  
que non illusus, deceptusque. Actio  
est, ex ista notione dictamen animi,  
quomodo se gerat, implendo qnod na-

etur tenetut. Factum seu sufficientia, <sup>factus</sup>  
eiusdem animi velut externum opus,  
quod in quovis negotio bene peracto  
cernitur.

Duo prima ad Sapientiam spectant; Hoc postremum propriè Prudentiam esse volunt. Quod, quia ad officia, quæ ducimus, magis pertinere videtur; ideo paulò diligentius explicandum est. Primum igitur quod Prudentia facit, est <sup>Huius premi pars, consultatio</sup> Consultatio: quæ quid agendum omittendum vè sit; quærit: & variè indagat. Cui propria sollertia, seu sagacitas: ea enim modum, & media adinvenire studet, vel expediendi negotii, vel omitendi. Altera pars est; Scientia: quæ directo quodā judicii dictamine, quod consultatio quæsiverat, & solerter adinvenerat, decernit; (& rationibus apparentibus rejectis, unum, certumque quid statuit). Illi annexa providentia, & consideratio eventū secuturi. Etsi enim iste incertus; attamen exacta prudentia, ut plurimum illum conjicit, & assequitur. Unde non malè illam, Divinationem vocat quispiam; Certiorem utique ex causis, quæm est astris; Tertia pars est Executio;

tio: quæ id, quod consultum, constitutumque est, effectum reddit. Huic propria circumspetio: quæ circumstantias negotii videt, & aut cavit, & evitiat impedimenta; aut subita casuum, quæ potest, emendat. Hæc de Prudentia abstractè, & generaliter.

*Munus  
præcipuum  
prudentis,  
vita genus  
eligere.*

*Quod tri-  
plex.*

*Quietum  
sine desidia.*

*Litteras  
tractat  
serias.*

Cæterum præcipuum, potissimumque, quod ab illa dicitur officium est: certum vitæ statum eligere. Cuius etsi varia sit sors, atque conditio: tamen ad tria summa genera, non incommodè referri solet, Primū est: quietum, & à negotiis subductum; Actuofsum alterum; Tertium, mixtum; & ex utroque temperatum. De singulis dictaminis quædam prudentiæ, non abs re erit subjungere.

In primo igitur vivendi genere, vintanda est improba Syren, desidia: quæ invisa primū; ut ille ait: postremo amatitur: Prono in eam ingenio humano; dum sæpè amore quietis, torpet. Exercendum itaque est, etiam in otio: ubi occupatio esse solet cognitionis, & doctrinæ, In ea verò cavendum, nemiam curam in res minutas, subtileas, non necessarias, vanas denique impenda-

damus. Talibus enim abduci, contraria  
 officium est: & ineptiis istis, animum,  
 ad majora natum, detinere; indignum.  
 Philologia igitur, & literæ, quas libera-  
 les vocant, cum modo habendæ sunt.  
 Nimia enim horum consecratio, ut plu-  
 rimum molestos, verbosos, intempe-  
 stivos, sibi placentes, id est impruden-  
 tes facit. Immò etiam habendæ certo *Cum modo.*  
*Et fine.*  
 fine: & omnis eiusmodi opera, in re-  
 rum utilium studio, & usu vitae, collo-  
 canda. Quamvis & mira, abditaque  
 naturæ scrutari; ne tanta DEI opera,  
 sine teste sint; & ut Authoris admiratio-  
 nis juxta, ac veneratio, mentibus no-  
 stris imprimatur; laudabile. Sed in hoc  
 vita genere præstantissimum, longèq;  
 pulcherrimum est studium, vera Sa-  
 pientiæ: quæ finem hominis quaerit,  
 videt: ad illum vera media eligit, adim-  
 pletque: latentem veritatem eruit, o-  
 pinionem & opinionem omnem tol-  
 lit; & deniq; animum purum, ac inson-  
 tem DEO dedit, consecratque: Et præ-  
 terea, ut alii idem faciant; sæpè saluta-  
 ribus scriptis monet. Hoc est profe-  
 ctò eximum in otio negotium: hoc est  
 consummatissimæ actionis officium.  
*Magis ve-*  
*rò studium*  
*Sapientiæ.*

Hoc

Hoc est denique quod Dōminus pōrrō  
unum dixit esse necessarium. Quod  
homo, p̄imā sui origine, purus nempe  
& innocens, solum unicumque cura-  
set: quod nunc, dum gratia fruitur, so-  
lum implere studet: & quod olim in  
gloria plenē, & continuo exercebit; at-  
que hoc unum perpetuō aget. Id verò  
dum hīc vivimus, ut exactè fiat; & ne  
mens illa vagetur; alliganda Dō Deo est:  
& insistendum pressè illis, per quæ se  
DEUS nobis aperuit. Sed hoc in libro  
tertiō, qui de Pietate; id est vera ac tū-  
nica Sapientia, uberiū dicetur.

*Ateruot  
vitæ genus  
Actuofum.*

Sequitur genus vitæ alterum: nem-  
pe Actuofum; quod propriè negotio,  
operâ, labore constat: & quod admi-  
niculo corporis, & rerum externarum  
impletur. Hoc eò præstantius est, quò  
magis ab animo ortum sumit; & ad il-  
lum refertut: eò verò vilitis, quò cor-  
pus magis, & externa spectat. Inter a-  
ctiones, quæ multum trahunt ab ani-  
mo, eminent illæ, quæ Reipub. & Civi-  
tati, bono Communitatis, Societatisq;  
impenduntur, sive pace, sive bello.  
Tales splendidae profecto, magnanimæ,  
& quæ dotibus ingenii, judiciiq; velut

*Laudabili-  
ter Reipubl.  
impenditur.*

*ani-*

animantur: ostenduntque, non nobis  
 nos tantum natos esse; ortusque nostri  
 patriam, & quæ hoc vinculo conti-  
 nentur, participes esse debere. Proficuæ  
 verò etiam, maximè Societati humanæ,  
 si præsertim exactè, ambitione & Ava-  
 ritiâ procul, impleantur: Bonumque  
 fuis, & salus patriæ, suprema lex sit. Illæ *vita ne-*  
 autem *Actiones*, quæ necessitatibus vi- *cessitatibus*  
 tæ præsentis consulunt, iisq; parandis, *servit.*  
 acquirendisque impenduntur; aut ad  
 Agriculturam, aut ad Mercaturam, aut *in Agricul-*  
 ad Opificia referri solent. Agricultura *cultura:*  
 duarum, quæ sequuntur, optima: uber- *que inge-*  
 tima quippe, ingenua, innocens; & *nua.*  
 quæ non alia est magis libera, & vicio  
 carens; ritusque melius vitæ prisco-  
 rum colat. Mercatura, si copiosa, & *Mercatus*  
 ampla; non illaudata. Nam commer- *ra: non*  
 cio gentes sociat; & subvenit commu- *semper*  
 nibus commodis: efficitque, ut quod *vilis.*  
 uspiciatur, apud nos natum esse videa-  
 tur. Si tenuis, & propolarum; indigna  
 honesto viro: nihil enim proficit, ut  
 inquit Cicero loco hoc, quem totum  
 ex illo haurio) nisi admodum mentia-  
 tur. Opificia denique, si multum ha-  
 beant ingenii, & utilitatis in publicum,  
 Opificium  
 haud in-  
 dignum.

*Si ingenuum.*

non indigna. In vili autem & abjecta re, occupata: uti & operæ, quibus exigua merces est auctoramentum servitutis; aliquique illiberales questus, nihil profectò possunt habere ingenui.

*Tertium vitæ genus ex utroque mixtum.*

*Laudatissimum.*

Tertium vitæ genus, è duobus primis compositum, perfectissimū existimo: naturæque nostræ maximè conveniens. Ad utrumque enim nati sumus: Cognitioni rerum, & Actioni. Unde conjungendo utrumque; sequetur status, erga se, homines, Deumque, eximii prorsus meriti. Exercitium enim virtutum, Charitatis, Pietatisq; officia, tum demum optimè exequemur; cùm Animum verâ Cognitione imbutum, ad Actionem, & negotia conferemus: & pulcherrimo temperamento, vitam ita partiemur; ut eam nobis, aliisque, & denique DEO impendamus.

*Monita quædā adduntur.*

His verò ita positis, constitutisq; addenda adhuc sunt quædam monita: cuique (ex jam dictis) conditioni vitæ, admodum necessaria; & unicè servanda.

*Noscendū suum cuīq; ingenium.*

Atque imprimis, in quocunque genere Actionis, expendere diligenter oportet naturam, ingeniumq; propriū: &

& videre; quid quisque habeat sui: nec experiri temerè, sine erroris certè evi- *Alter a non*  
denti periculo? quām se deceant alie- *seclanda.*  
na. Id enim profectò maximè quemq;  
decet; quod est cuique suum maximè.  
Ideoque non tam præstantiora, quām  
viribus nostris potius convenientia,  
*seclanda* sunt. Et cavendum, ne Sceni-  
ci plus, quām nos, habere videantur  
prudentiæ: Illi enim, non illustriores, *Exemplum*  
primasque, sed sibi accommodatissimas *personæ* *in scena.*  
personas assumunt. Pudendum verò  
esset, ut, quod Hystrio videat in scena,  
id prudens ignoret in vita. Peccatur  
autem negleñtu hui⁹ moniti særissime.  
Alii enim par negotiis ingenium, diffi-  
dentia sui, & experimenti detrectatio-  
ne. otio sepeliunt. Alii sese per ambi-  
tum immiscent negotio, cui undique  
impares sunt. Alii parum idoneam ve-  
recundiam rebus adferunt civilibus.  
Aliorum contumacia non facit ad au-  
lam. Ita, dum quisque horū consecta-  
tur, quæ ei non convenient; in multa  
sibi adversa incidat, necesse est.

Quod si aliquando necessitas ad ea *In negotio.*  
nos detruferit, quæ nostri non sunt in- *quou ne-*  
genii; tum adhibenda erit exacta dili- *cessitas* *imposuit.*

*Mendum  
peritorum  
confilio.*

gentia: ut talium peritos inquiramus, agnoscamus, eorum confilio utamur, & monitus cum judicio obtemperemus: alioqui erroribus innumeris se induere necesse erit. Nam in negotio, qui nec sibi consulere, nec benè monenti parere scit; ille profectò extremi censendus est ingenii.

*Servanda  
propositi  
constantia.*

*Et animi  
tranquilli-  
tas.*

*Animi  
tranquil-  
litatem.*

*Et in actio-  
ne omni  
decorum.*

Addendum verò etiam, ut in consti-  
tuto semel vitæ genere, constanter ma-  
neamus; & quam nobis sortem, seu ra-  
tio dederit, seu fors objecerit; illâ con-  
tentî vivamus. Nec imitemur eorum  
levitatem, qui assidua mutatione pro-  
positi, præsentia fastidiunt; inexperta  
appetunt, laudant jam relicta. Qui vo-  
tis, & omnivita pendent semper: quo-  
rum animus naturâ inquietus, parum  
in se solatiorum habens, se sibi relictū  
ægrè fert; tediumque fortis suæ, & tri-  
stem vix sustinet patientiam. Huic ve-  
ro contrarium: tranquillum nempe  
placidum, semper æqualem, se conten-  
tum statum animi, quem Græci ~~ætrum~~  
vocant, retinere, ac tueri pulcherri-  
mum, optimumque.

Ultimum monitum est, in ordine,  
decoro, & Convenientia Actionis; quod  
Græ-

Græcis τὸ πρέπον, dicitur. Nempe in *Decorum*, moribus, sermone, vultu, habitu, incessu, gestu omni corporis, decens ac venustum nescio quid: deinde lendum, grave, sedatum, & denique sine affectatione omni, & nimiâ curâ concinnum *Quod non* & compositum. Præceptis hoc vix in- *præceptis,* cludi potest: Tempore etenim, persona, loco ita servit; ut laudis & vituperii exinde causam sumat. Et quod non opportunum, intempestivum, nec conveniens, id et si alioqui bonum, indecorum tamen, & ineptum. Usu ergo ista discantur, exemplo, observatione. Ha- *sed usus* Etenus Prudentia, prout in se, explica- *discitur.* ne virtutis videamus.

### *De Temperantia.*

Quia corpore & animo constat *Etymon* homo; huiusque imperio, illius *Græcum* servitio utimur: ideo oritur prima *Temperantia.* virtutis pars, quæ σωφροσύνη *Græcè tia.* vocata, & ὡς σωτηρία τὴν φρόνησιν ab Ari- *Velut ser-* stotele explicata, Latinè *Temperantia* *vans pru-* vocatur: definiturque prudens usus *Eius defini-* eorum, quæ debentur carni; Id est, *tio.* naturæ eius exigentiam temperans, &

*Exigentia  
corporis  
triplex.*

*Ziusque  
ratio.*

*Tempe-  
rantiam.*

*Frugalitas  
in cibo &  
potu.*

*Modus  
eius expri-  
mitur.*

id quod delectabile censetur, non querrens in corpore. Cuius exigentia partim est naturalis, & omnino necessaria; ut alimentum, & tegumentum: Partim Naturalis, sed non omnino necessaria; ut conjugium: Partim nec omnino Naturalis, & penitus non necessaria; ut illecebrae ad sensus corporis oblectandos. Primam, aio, Sapientem, id est, virum bonum, admittere necessariò; alteram voluntariè; tertią abstinere. In omnibus verò, quidquid corpori detrahet, animo conferet. Docebit hoc Frugalitas, Castitas, Abstinentia, seu quam, Græco verbo *εὐστάθεια* melius, forsitan voco.

Frugalitas est in esu & potu modus, sustentationi corporis sufficiens: qui Gulæ opponitur. Modus, inquam, in quantitate cibi potusque, qui alat vires, reparétque. In qualitate; qui salubri usu, & facilitate parabili, non verò sumptu tantum, damnoque commendetur. In lenta sumptione, quæ avidam voracitatem cohíbeat: In regula denique, quam institutum præscripsit, dum stata tempora jejunii assignavit. Cæterum, cum aliæ virtutes ani-

mo

mo tantum profint; haec etiam robur, *Qui & ad  
sanitatemque corpori confert. Confert deinde menti; quæ ingluvie ob-  
tunditur, & hebescit.* Sed præcipue amplectenda, quia grata & accepta Deo: cuius regnum non est potus, & esca. Sobriè ergo vivito, & frugi; & stude in hac virtute proficere: quia quotidiani est exercitii; quia est velut tyrocinium vitæ melioris; denique quia in te minimè ardua: quam nisi vincis; qui majora superare speres?

Castitas contraria Libidini sequitur. Haec si per continentiam nequit retineri; Naturâ, & lege divina, velut regulam habebit Matrimonium. Melius enim est nubere, quam uri. Et vaga libido, non modo DEI præcepto vetatur; sed etiam ratione, & jure naturæ, conjugio illigatur, & adstringitur. Cum enim facultatis gignendi & generandi, finis sit generis propagatio; obtineri is aliter non potest, nisi quod genitum est, educetur. Educatio vero prolis, præsertim humanæ, adeo alienæ opis egentis, commoda esse non potest, nisi mutuâ operâ, parentis utriusque. *Quod est  
Cùm & inter bruta etiam, præcipue à natura.*

quorum operosior educatio, ut volu-  
 crum, tam mas, quam fæmina, fœtum  
 educant. Si autem taliter educanda est  
 proles; ineunda est Conjugalis Socie-  
 tas: quam, uti dixi, naturalis ratio di-  
 ciat, exigitque, Eam verò lex Divina,  
 & præcipue Evangelii, certo instituto,  
 circumscripsit, & strictiori præcepto  
 devinxit. Dum, & unam tantum uxo-  
 rem uni Viro concessit; & ab ea sepa-  
 rari, nisi morte vetuit. Nam divortia,  
 justam ob causam facta, non tam dissol-  
 vunt Conjugale fœdus, quam nullum  
 contractum fuisse ostendunt. Etsi verò  
 necessarium, & magnū est in CHRISTO,  
 & Ecclesia hoc Sacramentum; atta-  
 men Virginitas illo maior, altior, ma-  
 gisq; DEO chara; quippe quæ à Carne  
 remota, illam velut abdicat; & idèo  
 facilè in Spiritualem Naturam assurgit:  
 Per quam homo purus undique DEUM,  
 qui puritas est, facilius intra se habebit  
 hospitantem.

Utrobique autem, tam in conjugio,  
 quam cœlibatu, castitas primùm in  
 verbis servanda: in quibus nullam in-  
 esse turpitudinem, falsò Stoici docue-  
 re. Dicebant enim: Si esset obscenitatis

Idq; causa  
 educanda  
 prolis.

Strictius  
 lege Divina  
 constitu-  
 sum.

Perfectior  
 illo, cœliba-  
 tis.

Vitanda  
 obscenitas  
 in verbis

tas; eam aut in re fore, aut in verbo.  
 In re non esse; quia effertur alio, et si  
 te<sup>c</sup>to nomine: Si autem turpis esset; Rejected  
 ne alieno quidem, si non suo potius, Stoici, quod  
 quod itidem turpe esse non potest, aliter de-  
 cùm denotat rem, quæ est ostensa non  
 turpis. Atque non sic periit pudor, ut  
 hoc nobis imponant. Nam et si in re-  
 bus naturalibus non est ea turpitudo,  
 quæ sui usum prohibeat; est tamen  
 quæ apertum fugiat, & occultari requi-  
 rat. Unde faciem aperimus; sed vela-  
 mus illa, quæ ipsa natura, quantum  
 commodè potuit, abdidit. Si verò hæc  
 tegere honestas jubet; cur verbis, dum  
 necessariò nominanda sunt, non tegan-  
 tur? Abeat igitur hæc obsecravitatis pa-  
 trona Sophistice: nobis verecundia sit,  
 quam Christiana conversatio requirit;  
 obsecravitas ne nominetur quidem: ho-  
 nestè, velut in die, ambulemus; & lo-  
 quamur, ut decet Sanctos.

Altera pars Castitatis, in cogitatio-  
 ne; quam item puram, & nullo phan-  
 tasmate foedatam, casta & sancta lex  
 Christi requirit: Ut nempe nec admit-  
 tas immunda, nec te illa meditando  
 oblectes, & multò minus concupiscas,

*Rejected  
Stoici, quod  
aliter de-  
cueret.*

*Vitanda  
itidem in  
cogitatio-  
ne.*

Præstabis verò facile, si visum moderare: ab hoc enim potissimum immundæ cogitationis origo. Dic igitur cum Ioba: Pepigi pactum cum oculis meis: nempe ne videant (ut Psaltes inquit) vanitatem; & dictum utrumque imple.

*Ita demum  
in Operæ.*

Tertia pars Castitatis, in factis: non tantum ut Fornicationes, Stupra, Adulteria evites, & detestere; quæ, nemus est, qui turpia non agnoscat: sed ut devites etiam, quæ illicia sunt eorum; nempe muliebrem familiaritatem, officia, lenocinia, lascivos procacesque mores, quibus fovetur impurus hic Amor. Quem ut vincas; defugias: nam in aliis vitiis victoriæ causa, pugna est; in hoc, tantum fuga.

*In corporis,  
cultu  
modus.*

Abstinentiam, mollitiei adversam, voco modum severiorem in cultu, comptu, & situ corporis. Cultus est in veste; quæ sit necessaria sine nimio sumptu; Comoda, sine inutili copia: Decora: sine futili, & vana vanitate. Comptus in mundicie: quæ ut illuviem fordidam, squaloremque vitiat; ita crebra nimis balnea, unguenta, calamista non requirit. Situs est, aut in exercitio, aut in quiete. Illud advoco,

&

*Item in  
comptu.*

*In situ  
denique.*

& requiro, ut vegetum, agile, patiens-  
que laboris corpus reddat; Hanc ad-  
mitto, tolero, ut vires reficiat. Non  
verò somnolentiā, cubatione, gesta-  
tioneque molli enervet: duoque vitet  
contraria; nempe, ne quid effeminatū  
aut molle, & ne quid durum, agreste,  
aut rusticum sit. Denique & universim,  
quidquid affluentia nimis est exquisi-  
tum, delicatum, & Sybariticum; quid-  
quid affectato fastidio nimis tenerum;  
id totum ~~εγκατέταινε~~ aut moderatur, aut <sup>Ubique mi-</sup>  
abstinere jubet. Ut verè sit Temperan- <sup>Tempe-</sup>  
tia, ex Stoica definitione, ~~εξισ. ἀττύτος~~ Habitus <sup>rancia.</sup>  
~~ἀποφεύγει~~. Et ipsa potius vincat omnem invinci-  
corporis voluptatem; animūmque e- <sup>bilis à</sup>  
jus fallacibus, & falsis oblectamentis <sup>voluptate.</sup>  
liberum, & vacuum, solidorum, & o-  
lim immutabilium capacem reddat.  
Utrumque autem obtineri non potest;  
& qui hæc consequatur, illa amittet.

### De Justitia.

**P**raetis, transactisque iis, quæ ad  
corporis, ut ita dicam, moralem  
~~ἐπικονιαίων~~ spectant, cùm in hac vita  
rerum externarum egentes naturā si- <sup>Iustitiae</sup>  
mus, præscribit, præcipitq; <sup>definitio.</sup> Iustitia: quo-  
mo-

modo in illarum usu versari nos oporteat. Est enim illa ex prudentiae dictamine desumptus habitus; rebus, quæ extra nos, recte utendi: ut nempe id, quod sub notione utilis venit, justa administremus ratione. Id autem fit; dum nec nobis vindicamus, nec alteri tribuimus plus, aut minus, quam tenemur. Porro bifariam considerari Justitia potest. Nempe: vel ut sit aptitudo tantum, ac potentia animi, firmiter apud se constituentis, legitimum usum proprii; ac alieni debitam cuique attributionem: vel ut sit actus ipse, hoc idem exercens. Prima notione pertinet ad hunc tractatum Probitatis; quam se animus preparat, ac munit, ad praestandum, quidquid jus & æquum requiret: implendumq; id totum; unde viri boni nominantur. Altera ad Charitatem; ubi, quid sit jus, suum cuique tribuens, accurate expendetur. Itaq; hic priorem partem tractabimus. Constitutum mihi enim, quidque suo loco, sine tautologia ponere: contra quam faciunt illi, qui hic ad mentionem Justitiae, totam Jurisprudentiam infarciunt.

Justitiae autem istius, ut ita dicam,  
in-

*Quæ par-  
sim est po-  
tentia.*

*Partim  
actu.*

*Huc prima  
spectat.*

*Altera ad  
Charita-  
tem.*

interioris, fons & origo est, regimen  
 severum, ad strictumque eius affectus,  
 quo in id, quod nobis prodesse vide-  
 tur, nimis ferimur. Etsi enim ille, à  
 natura ad conservationem sui, inditus  
 cuique animanti; tamen ubi ratio ho-  
 mini accessit, docet illum & admonet:  
 ne sua commoda plus æquo diligat,  
 aut querat: quin immò sèpè impendat  
 societatis, & ex illa orti officii causâ.  
 Occupetur ergo primum animus in  
 expugnando hoc affectu, qui hostis  
 unicus Justitiæ; omnia sibi rapiens, &  
 nulli reddere, quod suum est, permit-  
 tens: statuatque non modò nihil sibi  
 arrogare; sed etiam propriis, licitisque  
 commodis, societatis & officii causâ,  
 detrahere. Quin immò, ut id exactius  
 impleat; meminerit: quam altum, &  
 eximum, quam liberum, & liberale,  
 quam deniq; ratione dignum fit; cun-  
 ñata quæ infra animum, ex animo spre-  
 visse. Affectu autem tali victo, con-  
 tidet Avaritia, & oriatur hoc fonte,  
 reetus usus rerum, animo illis non ir-  
 retito: quin immò adeo firmo in verâ  
 eorum, id est parvâ æstimatione; ut  
 paratus sit jacturam potius omnium,  
 pati,

*Vitius  
propria non  
nimis ser-  
tanda.*

*Quippe  
hostis In-  
stitutæ.*

*Expugnans  
da ergo.*

*Et Offico  
impenden-  
da.*

pati, quām vel latum unguem, ab eo,  
quod Justitia exigit, declinare. Hic vir-  
tutis habitus, ( qui uno nomine non  
effertur,) oppositus est vitio fruitionis.  
Rarus verò & arduus: ut sunt Mortali-  
um mentes, captæ concupiscentiâ op-  
ulentia; quam fulgor & commoditas  
eius provocat. Adeo quidem, ut Divi-  
no etiam eloquio, magnum & mira-  
bile fecisse dicatur, qui eam abjecerit.  
Attamen abjicienda est, idque iis ratio-  
nibus quas attuli, inter remedia vitii  
huic virtuti oppositi.

*Virtutis  
hic habi-  
tus oppo-  
sus frui-  
tioni avæ-  
ra. Rarus  
& diffici-  
lis.*

*Habendus  
tamen.*

*Liberalitas,  
altera pars  
inferioris  
Justitiae.*

*Sit libens.*

*Gratuita.*

Altera ex eodem fonte virtus fluit,  
Liberalitas; contraria parcitati: inter-  
iori verò Justitiae propria, & insita.  
Quid enim justius, quā subvenire, largiri,  
prodesse; id est, quod tibi velis fi-  
eri, facere alteri? Id verò præstabis,  
primum si adsit ( ut ita loquar) Liben-  
tia: quæ quidquid dat, libenter dat,  
bono animo, studio, judicio, ratione.  
Si verò dare nequit; vellet tamen, cu-  
peretque. Ita constabit beneficentia,  
& benevolentia vera. Deinde, si adsit  
Gratia: quæ non fæneretur beneficiū,  
non captet, non requirat vicem: lar-  
giatur gratis; non mutuum, sed donum.  
Po-

Postremò si adsit Bonitas, quæ adeo fit *Benigna*.  
 diffusiva sui, ut benefaciat etiam illis,  
 qui odere: & quā potest, amuletur *Etiā non  
amicis.*  
 Deum; qui beneficiis afficit ignaros, &  
 ingratos; non petentes, abnueentes,  
 immierentes: sed ( quod sufficit eius *Modō mi-  
seris.*  
 bonitati ) miseros, & egentes.

Sed Liberalitate, et si nihil natu- *Parfimo-*  
 ræ humanæ accommodatius; attamen *nia pars  
tertia in-  
terioris  
Instiūtū.*  
 ut justa sit, recta, & laudabilis; opor-  
 tet, ut cautiones quasdam habeat,  
 quas suggeret *tertia interioris Justitiæ*  
*pars*, prodigalitati adversa: quam an-  
 gusto forsan, sed cum aliud proprium  
 non suppetat, necessario vocabulo,  
 nuncupabo Parfimoniam. Definitur: *Definitio  
eius.*  
 prudens rerum dispensatio: seu men-  
 sura, ac regula; nec plus, nec minus,  
 quam opus sit, in alios erogandi. Per  
 hanc sufficit modicum justo: hæc tantas  
 vires habet, ut multis impendiis, mul-  
 tis erogationibus sola sufficiat. Alii  
 nempe dividunt (inquit Sapiens) pro-  
 pria, & ditiores fiunt: alii rapiunt non  
 sua, & semper in egestate sunt. Justus  
 autem dispensator, assignans tribuens-  
 que quantum meretur quisque; dum  
 sua non prodiget, non rapiet aliena,

*Et eximi-  
us usus.*

vitabitque ea, quæ luxus, & hinc satæ  
egestas, suadere solet: fraudem nem-  
pe, & injuriam. Deinde benefaciet, non  
ambitus causâ profuse largiendo; sed  
benignè, merita aut pensando, aut  
provocando. Duo itaq; præstat Par-  
*Dicit modicos esse in sumptu.*  
simonia: primùm docet nos modicos  
esse in omni impendio; nempe in vi-  
ctu, veste, supellecili, familiâ, largi-  
tione: idque; ne oporteat inique  
farcire damna inconsultæ profusionis.  
*Et in tribuendo ac quos.*  
Deinde jubet, ut pro cuiusque digni-  
tate & meritis, tribuamus. Nam si hic  
delectus non servaretur, nulla ratione  
æquitas posset servari. Habes justitiam,  
ut dixi, interioris, & ad Probitatem  
propriè pertinentis, lineamenta vera.  
In quibus velut in semine, aut radice,  
inclusa vis eius: à quâ pullulabunt fa-  
cile præcepta; & officia Charitatis; de  
quibus libro agam subsequenti.

### *De Fortitudine.*

*Definitio Fortitudinis.*  
**F**am verò, cùm & ea, quæ corpus re-  
git; & ea, quæ externa dispensat  
Virtus; explicata, ostensaque sit: Su-  
pereft, quæ animum firmat, ac perfic-  
cit: eaque est Fortitudo. Definio il-  
lasci

Iam: Prudentiæ habitum, quâ animus  
 primùm cuncta, quæ infra se habet;  
 deinde seipsum, postremò victoriam  
 ipsam vincit, domat, ac DEO subdit.  
 Nempe, ut illud olim in Philosophia Per se elia.  
 veteri decantatum ~~avtraicetos~~ nādō, gibile,  
 forti & invicto studio superatis, victis- pulchrū,  
 que impedimentis omnibus, obtineat, seu hone-  
 stum.  
 Victoriae porrò istius, seu ~~re~~ ~~κράτος~~ Occupatio  
 materiam præbent ea; quæ nobis sunt circa terri-  
 terribilia, molesta, difficultia. Sed quia bilia, mole-  
 in oculos maximè incurruunt ea, quæ sta, diffici-  
 terrent; ideo in illis vincendis, vulgo  
 & imperite, tota fortitudinis ratio po-  
 nitur; cum hæc pars eius tantum, ea-  
 que non potissima sit, prout patebit.

A quâ tamen ut ordiar, definio il- Firmitas  
 Iam: & voco Firmitatem imperterri- animi,  
 tam animi, contra ea, quæ corpori no-  
 cent. Inter ista autem ~~πολεμώτατος~~ o Mors mag-  
 Savat~~ος~~ inquit Aristoteles. Mortem ximè ter-  
 ergo, cum officium requirit, & non ti- ribilis.  
 mere, & subire; prima, sed non omnis Contra  
 fortitudo erit: Magna tamen, quoties Mortem,  
 non omnino impetu fit; sed causâ, &  
 consilio. Tum enim plenam Victoriam  
 exercet animus in corpus; dum vitam  
 eius, velut vestem, quando opus est  
 G exuit,

Sui occi- exuit, & ponit. Non ut αὐτοφόρος,  
for, & sibi & αὐτόχερος sit, (Apoge Porticen-  
manus in- sium infanam Sapientiam, quæ falsa specie  
ferens. roboris, infirma & timida, mortem po-

*Non ut il- liam con- sciscas.* tiùs sibi consciscit, quām duri quidpi-  
am, & molesti sustineat: quæ arbitrium

Vitæ à DEO acceptæ, DEO eripit; & si-  
bi per arrogantiam pravam vindicat:  
acta aut ferociâ, aut gloriâ inani.)

*Sed cum opus est, sube at-* Non, inquam, ut se perimat: sed ne  
morte deterreri ab officio patiatur; sit-  
que paratus pro illo, ut CHRISTUS &

*Nempe vi- tandi fla- gitii.* docuit, & fecit, ponere animam. Quā  
majorem dilectionem officii, nemo ha-  
bet. Id autem præstat, partim cum eli-  
git mori priùs, quām honestum dese-  
rere; Peiusque letho flagitium timet:

& non timet, quæ occidunt corpus,  
sed quæ occidunt animam; Ubi est  
mens gnara sui finis; ideoque recti te-  
nax propositi. Partim, dum usque ad

periculum mortis propugnat, quod  
tenetur: putatque dulce & decorum,  
pro officio mori; Ubi est, amore τῷ

*Officii implendi.* οὐαὶ, strenuæ & excitatæ indolis pul-  
cherrimus vigor. Partim denique, cùm  
di causa. Dei gloriæ, & testimonio vitam immo-  
lat; Ubi est fortis supra mortem dile-

*Deo testan- di causa.* ctio;

Etio; Prout fuit in illis, qui torti, se-  
eti, usti, cæsi sunt, tormentis & morte  
strenuè obitâ, sed non sibimet illatâ.  
Hic est primus Fortitudinis gradus, in  
quo est Victoria terribilium: idque à  
mente tranquilla, & ex proposito, ju-  
stam ob causam agente. Ei opposita  
pars illa superbiæ, quam ferociam di-  
xi: quæ præceps, inconsulta, impetu  
agens; acta nempe, ut ita dicam, Gy-  
ganteâ quadam superbiâ, ex corporis  
robore ortâ.

Sequitur alter Fortitudinis gradus,  
quem in re & materie molesta posui:  
& in lucta animi cum fastu, orto à re-  
bus externis: ut nempe eas supereret,  
id est, infra se deprimat; seu, (ut Cice-  
ro id ipsum adscribens Fortitudini in-  
quit;) ut ea, quæ eximia plerisque, &  
præclara videntur, ratione stabili fir-  
mâque contemnat. Vocari, & definiri  
hic gradus potest: Constantia animi,  
in eodem statu permanentis; externis  
nec depresso, nec elati. Sed quia mens  
humana, quasi naturâ extollitur, (i-  
gneum enim quidpiam & æthereū est)  
contra naturam verò deprimitur; Ideo  
plus molestiæ sentit in elatione conti-

Pars 1a le-  
ra Föri titiu-  
dinis in 119  
moleste a.

Quid est  
Constantia.

Detractans  
deprimi.

**Et ( quod  
operosius )  
extolli.**

**Tum enim  
animus se-  
cum pu-  
gnat.**

**Molesto  
certamine.**

nenda, quām in depressione detrectan-  
da. Itaque potior Fortitudinis vis e-  
rit in primo: Tum enim verè animus  
secum pugnat, certatque. Unde verò  
hoc monstrum, animus nempe secum  
pugnans? (quærit, & respondet sibi Au-  
gustinus.) Unde, inquit, quòd impe-  
rat animus corpori, & paretur statim:  
imperat sibi, & resistitur. Imperat ani-  
mus, ut moveatur manus; movetur;  
& vix à servitio distat imperium: Im-  
perat animus, ut velit animus, nec fa-  
cit tamen. Causa est, quòd non ex to-  
to vult, ideoquē non ex toto imperat.  
Vincendus itaque animo animus est;  
ut sibi parere possit: Majorque erit hic  
gradus, quām in terribilium victoriā.  
Nam vita, ut ita dicam, corporea, cùm  
infra animum sit, faciliūs ab eo supera-  
tur; certamen verò animi secum, tan-  
tò molestius est; quantò operosiùs  
par, quām inferior vincitur: Nemo au-  
tem magis par, quām quisque sibi: Se-  
ergo vincere, admodum arduum, ope-  
rosumque erit. Porrò tum demum ve-  
rè se oppugnat, seque vincere studet  
mens humana; cùm fastum, & inanem  
gloriam, quâ maximè oblectatur, sibi  
erit.

eripit; seque illâ privat. Tum inquam  
 primum, velut partes fiunt: & quod  
 unum idemque videbatur, dividitur:  
 nempe purum illud ac simplex ratio-  
 nis, quod Christiana Philosophia Spi-  
 ritum vocat, ab illa parte, quæ parens  
 cupidinum est, Inter cupidines autem,  
 cùm præcellat maximè fama & gloria;  
 præsertim ea, quæ ut vera tribuitur, &  
 ob meritum videtur obtigisse; Ideo ta-  
 lis gloriæ abdicatio gravis, & maximè  
 molesta fit, necesse est. Diurnum  
 enim certamen, & continuò rediens fit  
 lucta; donec omnis dulcedo eius, &  
 gustus, penitus maestetur. Mactari au-  
 tem debet: Nam impedit, repellit, &  
 arcit verum hominis bonum. Non  
 enim convenient, nec in una sede mo-  
 rantur, complacentia vanæ gloriæ, &  
 serius veri boni amor. Ergo contra fa-  
 stum felicitatis huius vitæ, animus fir-  
 mandus est; ne inanis famæ applausu,  
 ventosus fiat. Ut laudem, inquam, fu-  
 giat; quippe semper falsam; id est im-  
 meritam, levem, brevemque, & verum  
 mentis deceptæ ludibrium. Deinde,  
 arrogantiam judicii, ex facultatibus  
 animi, devitet: idque sanctâ illâ, verâ,

*Ut cupidines  
nec super-  
ret.*

*Inter quæ  
eminet  
vana glo-  
ria.*

*Quæ vini-  
cendæ.*

*Mirum hęc  
a nullo  
tractata.*

& debitā simplicitate, cum quā quærē se jubet DĒUS. Hęc est fortitudo, in rebus molestis superandis; quam etsi fatentur passim, eximiam esse; dum magis expeditum putant, hostem, quam cupiditatem vincere; & quę premunt sustinere, quam quę attollunt deprimere: Nullam tamen, quod miror, eius mentionem faciunt; cū de virtute hac agunt.

*Summus  
fortitudinis  
gradus  
humilitas.*

Tertius, summusq; Fortitudinis gradus est: Spiritum, ita, ut dixi, corporis, & Cupidinīs dominum, ac victorem, iterum vincere, domare, Dēoque subicere. Hanc partem voco Humilitatem; Quatenus, inquam, respicit Dēum; nam quā sē, robur ac firmitas, summa est. Definiri potest. Status, & conditionis humanę, fortiter agnita, retentaque veritas: quę hominem in suo, quod ex se est, nihilo, firmiter, collocat; & nulla re externā ab illo permittit dimoveri. Sublimis reverā, arduusq; gradus. Quia etenim animus, ubi superavit partem sui, quę cupidinum parens est; facile adeò præclaris operis fructu capitur; sē miratur; sē oblectat: ideo hoc ipso victoriam, quam

*Quae defini-  
nitur.*

quam paraverat, incautus amittit.

Vincitur enim iterum Complacentiā: *Est, ut  
quæ bono principio orta, facilè imponit; & difficillimè deprehenditur: quippe mirā celeritat sese insinuans. Difficilius verò superatur; quia velut spoliare se fructu veri boni oportet: & vim sibi inferre, ne illo fruamur. Immō velut se perimere; ac mactare: idque parte sui potiore; nempe, quodammodo animo mori. Sciunt experti, quid dicam; & fatebuntur id fieri per humilitatem: quæ est virtus opposita parti illi superbiæ, quæ ab elatione animi, se bono suo oblectantis, oritur. Hæc, prout dixi, coram DEO, in cognitione sui nihili, sui minutū, sui corrupti, fortiter firmiterque hominem constituit: & adeò ab hac consideratione, seu agnitione sui divelli, aut attolli ulla re non permittit; ut etiam id; quodammodo prohibeat vero bono. Quando enim illud influit sua sponte: quonam delectatio, quam secum adfert, externum jam quidpiam, & productum est; Ideo, ne illi acquiescere velit, id est, ne effectui potius inhiet, quām causæ innitatur; seque compotem boni exi-*

*vincat ipsā  
Spiritū  
victoriam.*

*Idque mira  
quadam  
ratione.*

*Quæ exā-  
dē expli-  
atur.*

stimans, evanescat: ideo inquam, in tantum sibi non appropriat id, quod suave & dulce influit; ut satagat etiam totum & integrum, nullo delibatum proprio gustu, & fruitione, reddere & refundere datori. Et cum hoc fecerit; se non plenè fecisse, inutilemque ideo, & vilem esse, semper & verè agnoscit; fateturque, quippe cum talis sit reverâ. Habes fortitudinis plenam victoriam: Partam primum, si opus est, morte naturali: Deinde, quod semper opus, morte cupiditatū: Postremò, quod summum opus, morte ipsiusmet animi: dum commorimur Deo; & supremam victoriam victoriae obtinemus; nulla eius dulcedine capti, ne iterum vincamur. Quod postrema

*De (ut ita) mum uberiùs explicabo, cùm ~~zigi~~ ~~zigi~~ dicam)* *agam;* Nunc verò partem deifica- tione.

*tertiam capit is huius absolvam.*



## Pars Capitis Tertia.

*Declaratur unde, & quo prin-  
cipio paretur, & insit homini  
Virtus..*

**Q**uæsitum id acriter olim, & nunc: Contentio,  
neque dum sopita ex integrō hac de re  
controversia. Ad eam namque per- Scholæ, &  
tinet, referturque, magnum illud dis- Ecclesiæ.  
fidium, non scholis tantum, sed Eccle- gravis.  
siæ etiam diu grave, de Gratiæ Divinæ  
necessariis auxiliis, & arbitrii humani  
libertate. Operæ pretium itaque erit,  
paucis hæc explicare: paucis inquam;  
nam haud aliam causam dederim hu-  
jus contentionis magis propriam,  
quam multiloquium; dum diffusis di-  
sceptationibus sibi mutuo præbent ca-  
villandi ansam; quam pauca, & libra-  
ta verba tollunt. Est verò omnino ne- Necessariæ  
hic tra-  
canda.  
cessarium, ad hanc quam suscepi dia-  
triben, locum hunc non præterire.  
Fundamentū enim virtutis, & euπερα-  
ξις unicum est: scire, unde illi pe-  
tendum sit principium; ne ignoran-  
tiæ veræ eius causæ, tribuamus nobis,  
quod DEI est: & ut eum authorem

gratiæ; gratiam verò potissimum causam meriti, & præmii, id est gloriæ, agnoscamus. Alioqui si propriis viribus niti tantum velimus; & iis putemus nos posse summum bonum consequi; totâ vitâ laborantes, nihil capiemus. Meritò itaque huic loco inscriptione quæ stam. Et primò, opiniones hac de re proponitur. erroneous adferam; deinde veram sententiam (præmissis quibusdam,) demonstrabo. Tertiò, quæ contra illam dici solent, refellam.

*Virtutem à temperie Corporis esse:* Imprimis ergo, opinio quorundam fuit: Virtutem à Natura esse: & cuiusq[ue] mores nasci: id est, à temperie, & constitutione corporis, provenire. Causa sententiaæ à tam arctâ animæ cum corpore connexione; cuius humorum prout est *νεατις*, magis minus vè videtur in nobis incitare Commotiones: Ex illarum verò modò, virtutes, viciaque. Sed si animus corpore potior, præstantiorque; quomodo ab illo perficitur? utique, quod ignobilius & inferius est, perficere superius nobiliusque non potest.

*Gratiatione tantum humana.* Altera ergo sententia sequitur: quæ virtutum petit principium, tantum à ra-

ratione humana. Quam rectam, puramque homini inditam, sed à corporis confortio, velut contactu infectam, corrigi & depurari, institutione ac doctrina. Itaque propriis insitæ rationis viribus, sufficere quemque sibi ad virtutem. Sententia hæc dum <sup>Falsum etiā</sup> <sup>Sui sufficiet</sup> tribuit homini; impiè DEUM relegat. A quò cùm sit nostrum esse, quanto magis bonum esse?

Tertia ei contraria sententia est, quæ dicit: à DEO, velut sorte, dari virtutem: ita ut eam uni conferat, neget alteri: ut nempe animus passivè se tantum habeat, sine ulla <sup>avveniente</sup>, & Cooperata extincta omni libertate, suiq; arbitrio. <sup>tunc.</sup> Sententia primâ fronte videtur ad DEUM ire: sed inspecta penitus, bonitati eius contraria. Causa enim peccati esset DEUS. Nam quod aliquis, virtutis omnis expers sit; (quales esse multos scimus;) Deus qui non dedit, in causa esset. Author nempe mali, quia non dator boni. At quomodo ipsummet bonum causa mali? & quomodo posset esse ultor, cuius esset Author?

Quartam, veramque sententiam antequam adferam; Præmittendum est: <sup>Deus hoc minem libet</sup> <sup>rum esse</sup> <sup>DEUM, vit.</sup>

*Decuit  
hoc eius  
bonitatem.*

*Omnipo-  
tentia nihil  
detraxit.*

*Sapientiam  
illustrem  
reddidit.*

*Voluntas  
nostra aut  
est per na-  
turam ne-  
cessaria.*

Deum, naturam ratione præditam, liberæ voluntatis, suique arbitrii creasse. Quod testimonio Scripturæ apertum: & dogmate Catholico sanctum, sanctumque. Decuit nempe eius liberalem & munificam bonitatem, cuius est, se quam maximè communicare: decuit inquam, impertiri ei, quem ad imaginem sui fecit, eximium hoc, & Divinitati suæ proximum, propriumque. Nihil detraxit eius Omnipotentiæ: quæ ultrò concessâ non minuitur potestate, præsertim supremo jure (ut ita dicam) dominii adeo integro; ut in ipso vivamus, moveamur, & simus. Denique Sapientiam reddit maximè illustrem: dum mira ratione cuncta ad suam gloriam gubernat, dirigitq; salva parentum libertate. Est ergo liberi arbitrii homo.

Porrò, ut huiuscet libertatis status rectè pateat; sciendum est: quod voluntatis actio, ex vi & proprietate sibi indita, aut est per naturam necessaria, aut per electionem libera, aut per vim coacta. In primo aëtu retinet vim suam: vult quippe, in quod innato appetitu fertur; nempe in bonum, seu fi-

nem.

nem: quem etsi necessariò appetit, non  
tamen in vita; & τὸ εκύστον integrum il-  
li manet. In altero non modo retinet, *Aut per*  
sed eandem liberè exercet: dum nem- *electionem,*  
pe aut rejicit, aut admittit aliquid, *libera.*  
prout suā προαιπεῖ mōvetur: scilicet li-  
berè eligit media, quā seu verè, seu fal-  
sò putat convenientia ad finem: ubi Liberum  
τὸ αὐτοκέντον suum habet. In tertio ve- *arbitriū.*  
rò actu, vim suam prorsus amitteret, *Aut per*  
aut potius ipsamet quod erat, esse de- *vim coacto.*  
fineret: Quippe non est voluntas, dum  
non vult: nec vult, si cogitur.

Hæc est voluntatis humanæ vera in- *Eius status*  
nataque vis, atque constitutio. *Quam* *ante pecca-*  
dum ante peccatum, originali justitia *tum descri-*  
integral incorruptamque habuit; Prí-*bitur.*  
mum inclinatione naturali, quā in bo-  
num necessariò fertur, sibi proprium  
conveniensque appetebat. Deinde e-  
lectione liberâ acceptare, aut rejicere  
poterat, quod vellet; & fine ullo animi  
liberi impedimento *αδιαφορίας* plenam *Indiffe-*  
obtinebat: (quoniam tamen ob *rentiam*  
nocentiae statum, quodammodo Na-  
turalem potius, inditamque à D E O, *Ab ele-*  
quam *προαιπεῖκην ἀρετήν*, haberet; & iōne  
ideoq; facilius bonum, quam malum *virtutem*.

acceptaret.) Denique non modo ullam non sensit coactionem, (quæ nec ulla propriè dicta dari potest, nec esse nisi ad malum:) sed neque talem, quæ illi gravis & molesta esset, tractionem.

Ostendia  
turque quo  
modo post  
peccatum,  
mutavit.

Post peccatum verò primi Parentis: Primùm, mutavit illa Naturalis & necessaria ad bonum inclinatio; cùm nempè malum specie boni, per concupiscentiam appetere cœpit. Deinde, in libertate eligendi, æquilibrium illud voluntatis variavit; lancem eius de primente peccati originalis pondere; ita ut bona media, quodammodo invitè voluntas eligeret: facillimè autem, & sua sponte, mala. Denique vis quædam, & mancipatio captivantis nos peccati, subsecuta; quæ voluntatem affixit, & servam quodammodo fecit. A quo enim quis devictus est; huius & servus est. Ita, omni parte, innata voluntatis energia, vulnerata, debilitata, vitiata, (prout hisce verbis, id exprimere solet, Augustinus:) non tamen imperfecta, aut sublata est. Corrumpi enim, infici, & depravari, natura in homine per peccatum potuit: penitus tolli, & eripinon potuit. Mansit ergo

Ita ut per  
tijset fere.

vis

vis & proprietas eius: sed saucia, mütila; & ad malum tantum prona.

Atque ita perierat homo, dum malus tantum esse poterat. Sed subvenit misero benignitas Salvatoris nostri *Nisi gratia Salvatoris subvenisset.* DEI: qui manifestus in carne, dum naturam, quam sibi propriam assumpfit, reparavit; etiam nobis, eiusdem reparationis communionem, satisfactione praestita, & soluto redemptionis lytro obtinuit. Ita illi tributa justitia: nobis data per ipsum misericordia. Et ut Adamo peccante, ad totum genus humanum, labes pervenit: ita CHRISTO promerente, ad omnes gratia pertinuit. Gratia porrò hæc, sita in Auxilio, Institutione, & Exemplo. Auxilium: partim depulso malo originali peccati, per *παλιγγενεσιαν* baptismi; partim collato bono, per internam inspirationem gratiæ prævenientis; quæ memoriam stabilit, illustrat intellectum, accendit voluntatem ad bonum; idque sœpè supernaturali illapsu, qui creates vires animæ excedit. Partim denique, datâ in bono perseverantiâ, per promissam, præstitamq; nobiscum mansionem, & Spiritus Sancti donum. In-

*Quæ Christi  
stus salubre  
auxilium,  
Regenera-  
tionē.*

*Institutio-  
nem ne-  
cessariam,*

*De DEO  
aberra-  
tione.*

*Exemplum  
denique  
nobis dedit.*

*Ita natu-  
ram supe-  
ravit gra-  
zia.*

**I**nstitutio: Partim doctrinā, & ultimi finis, non in hac vita quærendi, notitia: (quod vetus Philosophia ignoravit, & Judaica religio non expresse asseruit.) Partim ad eum facilè obtinendum consilio; quod brevissimarum sententiarum in affectatā majestate, & arcanā veritate aperuit: Partim denique præcepto, & jussu; mysteriis nempe, & Sacramentis veræ fidei patefactis; & sublatā (ut vocat Athanasius) *πιστολαρία*, religione autem constituta: quæ antehac aut nulla, apud nescientes DEUM; aut falsa, apud male colentes; aut imperfetta adhuc in Judaismo erat. Exemplum denique dedit nobis: dum, quæ docuit, implevit; & quæ imperavit, facere monstravit: meritoque se sequi; suisque insistere vestigiis jussit: ut quod ille fecit, & nos faciamus. Tot vero, tantisque subsidiis fulta natura humana, non modo ad pristinum statum rediit, sed longe majori, & præsidio, & dote gratiæ, firmata, ornataque est. Primum, quia major libertas, (inquit Augustinus) necessaria fuit adversus tot tentationes, quæ in paradyso non fuerunt: deinde,

inde, quia dignitas, copiosa redemptio, & misericordia Salvatoris id meruit; voluitque.

Ex his vero omnibus quæ dicta sunt, quadruplex status dignoscitur humanae potestatis: (posse autem tantum est manæ via ad bonum, nam ad malum est propriæ, non posse,) primò, in innocentia statu, potuit homo bene agere; & potuit non peccare. Deinde post peccatum, expers innocentia, non potuit bene agere; & non potuit non peccare. Tertiò, compos gratia, iterum, atq[ue] facilius multò, potest bene agere; & potest non peccare. Postremò, cùm donatus erit gloriâ, non potest non bene agere, ( si actio vocanda in fruitione est; ubi pariter magis, quam it:) & nunquam poterit peccare.

Cum itaq; in statu tertio nunc simus, id est, in libertate, adjuta gratiâ; facilis responsio erit, ad quæstionē propositâ Nempe: Virtutem, & Actionem bonam, præcipue vero, sublimè illâ; qualis est credere, sperare, diligere, ut justificatio-  
nis gratia conferatur; (verba sunt ex Ca-  
none Concilii Trident.) non posse esse si-  
ne præveniente Spiritus sancti inspira-  
tione, & auxilio: ita tamen, ut liberum

*Quadruplex  
status hu-  
manæ viae  
potestatis.*

*Nunc in  
libertate,  
adjuta  
gratiâ nos  
esse.*

*Posse tamen  
gratiâ dis-  
sentire.*

hominis arbitrium, in, non dissentiendo gratiæ, interveniat. Ut enim non est amissum penitus arbitrium per peccatum; ita nec sublatum per gratiam. Et (ut Prosper dixit) quod non est imperfectum per vulnerantem; non tollitur per medentem. Manet hæc libertas, sed ex se ad unam partem magis propensa, nempe ad dissensum gratiæ. Unde, cùm Concilii Tridentini regula decernit, posse voluntatem humanam gratiæ assensum non præbere; satis hoc ipso ostendit, in quo potissimum gratiæ cooperetur; nempe, in non detrectando. Talis autem cooperatio nihil habet, quo se jaëtet, & ostentent. Nihil enim aliud præstat per eam voluntas, nisi quòd, non pereundi assensum, velit gratiâ & auxilio DEI, à se obtaineri. Quis autem salutem sibi adscribat, quòd, cum ex se non potuerit non perire, salvati per alium non noluerit? Quis exprobret Datori, quòd donum eius acceptaverit? præfertim cùm, ut acceptaret, illectus sit, invitante, séque planè ingerente eius bonitate: Et cùm, nisi eam acceptaret, periret. Certè hinc non usurpabimus

Cooperari  
 vero in non  
 dissentien-  
 do.

Hinc ta-  
 men nulla  
 jactantia.

glo-

gloriam, sed ei referemus; qui ad eam obtinendam, contulit gratuitam gratiam. Quin immò confundemur potius; cùm videbimus; ægre, pravâ voluntate nostra, acceptata ab eo dona, præmiis affici: & munera eius oblata, suasa, commendata, denique nostri commodi causâ data, in nobis velut merita, coronari. Nostrum enim ferme tantum est, posse illa respuere; id est, posse perire. Et propriè, (ut inquit Augustinus) non est voluntatis nostræ effectio, sed defectio. Nam ut superiùs dixi, posse, seu efficere, & ad bonum tantum, quod ex nobis nullum. Cùm igitur gratiæ cooperamur; seu assensum non negamus; propriè nihil efficimus soli viribus nostris: sed tantum, ad iusti gratiâ, non deficimus; cùm si absque illâ esset, deficeremus.

Hæc, naturâ rei, ac ratione ipsa evidente, Authoritate Scripturæ, & interpretatione Patrum, immò doctrinâ, & approbatione Ecclesiæ, firma; turbavit nuper pruritus disceptandi: & Rerum novarum illa, scabie insanabilior, quæ novarum prodidit dogma tale: Nempe, non molitiæ, posse hominem gratiæ dissentire; quod

*Qui præ-  
determi-  
nationem  
quandam  
inducunt.*

dissentiat, id à nescio qua prædeterminatione esse, ad unum quid, voluntatem adstringente. Dicunt enim: DEUM, absolutâ sua voluntate, aut omnem prævisionem voluntatis humanæ, ab æterno statuisse, ac decrevisse omnes actiones humanas, cum circumstantiis omnibus; ita ut aliter fieri non possint.

*Nullâ justâ  
causâ.*

Causas verò sententiæ afferunt istas: Primam; quia putant aliter non posse constare providentiam, ac gubernationem universi. Alteram; quia necessarium dicunt, ut causa prima prius influat in effectum, quam secunda. Tertiam; quia nisi prædeterminatio esset; principium justificationis non ex DEO, sed ex nobis esset. Præter hasce rationes, se tutantur Authoritate Augustini, dicuntque eum eiusdem secum esse sententiæ. Quod totum, ut plenè refutem; aperio primùm, quæ exinde sequantur absurdâ.

*Absurda  
istius op-  
nionis.*

*¶. Liber-  
tatis in-  
seruit.*

Primum erit; quod si hæc sententia obtineret, tolleretur libertas arbitrii: cuius vis est in electione. Elecciónis verò non est, ubi non datur è pluribus op̄tio. Optio verrò tollitur, si ad unum adstricta, & affixa sit, nescio quā præ- de-

determinatione, voluntas; Alterum <sup>2. Premis</sup> absurdum; quod benè, secusq; meritis, <sup>item, &</sup> promissio præmii, vel comminatio pœnae, quibus Deus allicit, vel deterret voluntatem; inutilis, imo ludicra esset; prædeterminatione hâc, ad unum, cui non possit resisti, manente. Tertium; <sup>3. Commissio-</sup> quod quatuor statuum humanæ potestatis, <sup>batio stan-</sup> quos modò recēsui, permutatio, <sup>tuum.</sup> ac confusio sequeretur; si tertius, in quo nunc sumus, ut possimus bene agere, & possimus non peccare, mutaretur vel in quartum, gloriâ dotatum, nempe, non posse peccare; vel in secundum, gratiâ destitutum, nempe non posse nō peccare. Quartum absurdum; quod induceretur fatalis, & cogens necessitas; eaq; non illa, quam vocant, sequelæ; id est, ex suppositione prævisæ voluntatis; sed ex prædeterminatione: atque ita ex merâ adæctione. Indeq; prodiret atrox illa, & terribilis prædestinatio; quæ immutabili decreto, faceret hominem, nō ideo damnandum, quia peccaturum; sed quia damnandū, peccaturū. Quintum absurdum; DEUM fore authorem peccati, & magis quam Dæmonem; nam Ille suadet tantum, ac incitat; hic tali,

<sup>4. Fatalis  
necessitas.</sup>

<sup>5. DEUM  
causam  
fore malī.</sup>

quam adstruunt prædeterminatione,  
juberet omnino, cogeretur. Sextum ab-  
surdm; DEUM injurium. ac iniquum ju-  
dicem fore. Quare enim in alio puni-  
ret, cuius ipse Author esset? dicerent  
damnandi: non fuit in nostra potestate,  
non velle; quod ut vellemus, voluisti;  
non fuit, quod vellemus, non facere;  
quod ut omnibus cum circumstantiis  
faceremus, non decrevisti solum; juvi-  
sti; jussisti; sed motione quadam, & im-  
pulsu, cui resistere non potuimus, om-  
nino adegisti; seu potius tu ipse fecisti:  
cur nos ergo punis? Hæc, & plura ab-  
surga sequerentur, quorum quidquid  
tetigeris, ut ille ait, ulcus est.

*Effugia  
frustra  
adserunt.*

Contra hæc vero omnia satis se tutos  
arbitrantur, cum dicunt, DEUM præde-  
terminare ad opus, sed non quâ malum  
est, & peccatum. Quasi non sufficiat ad  
complicitatem; ut ita dicam; adigere  
ad opus, cui annexa, & inseparabilis  
malitia est. Hac profectò ratione om-  
nis peccans vix peccaret: raro enim  
vult peccatum, quâ DEO injurium; sed  
quâ prodeesse, ac oblectare videtur. Præ-  
determinatione ergo ista, inculpabilis esse  
nequit. Quod vero concursum DEI na-  
tu-

*Quæ re-  
felluntur.*

turalem attinet; hic adeo non præterminat voluntatem, ut ei potius obsequi videatur.

Sed ut refutem paucis rationes, quas *Vti C' eo-*  
*adferunt; Primum, de Providentia DEI, rūm argu-*  
*seu potius, facultate gubernandi; fine menta.*  
*hac, quam adstruunt prædeterminatio-*  
*ne, securos esse jubeo. Constatibit illi ra-*  
*tio istius potestatis, & imperii: ita ut,*  
*nihil ipso inscio, nihil invito, nihil ad*  
*efficiendum, aut prohibendum invali-*  
*do, fiat. Scit omnes eventus, imò sem-* **DEVM**  
*per præsentes sibi spectat, & noscit; ne-* *sine præde-*  
*que huic inspectioni, & notitiæ officit terminatio-*  
*quidquam libertas humani arbitrii.* *ne, esse*  
*Vult deinde quædam fieri: quædam* *rectorem*  
*permittit quandoque, & operari finit*  
*causas secundas, prout earum condidit*  
*naturam; nempe liberas liberè agere,*  
*sed ipso non invito, alioqui non age-*  
*rent: Ita neque hic eum impedit liber-*  
*tas humana. Potest denique omnia:*  
*etiam si liberos homines creavit. Velle*  
*enim illis liberū dedit; efficere, ac præ-*  
*stare, quæ voluerint: sua gubernatione*  
*circumscripsit; suaque omnipotentiâ*  
*(salvâ agentium libertate) omnia ad fi-*  
*nem dirigit destinatum. Neque præ-*

**Et sicutem**  
priorum  
causam.

**Et priu-  
lium justi-  
ficationis.**

determinatione, id est coactione voluntatis opus habet; suppetunt abunde media implendi, vel impediendi effectus. Quod vero argutantur de influxu causæ primæ; Prioritas hæc, sita in eo est, quod ab illâ essentiâ vis, & cōservatio promanet causæ secundæ. Deinde, quod causa secunda, sine primâ nequeat operari: potest vero prima, (quamvis ut plurimum non facit;) sine secunda. Tertiò, quod causæ primæ concursus, est etiam generalis: secundæ, particularis tantum. Prior ergo exinde, potiorque erit, causa prima. Sed hoc nihil impedit, quo minus causa secunda, naturam, quam accepit, retineat: & si necessaria est, agat necessariò; si libera, liberè. Quod vero attinet principium Justificationis, hoc à DEO esse certum est: & sine gratia, auxilioque eius, nihil prorsus boni hominem posse, omnino profitendum. Nempe Deus vult omnes salvari, et si non omnes salvantur: quod autem salvantur quidam, salvantis est donum; quod pereunt, peccati meritum. Assensus gratiæ potissimum à DEO: dissensus est à nobis. aut potius nec est: cum peccatum, seu hic

hic dissensus, propriè nec subsistat, nec sit. Ut enim tenebræ, aut silentium, (scitè hoc Lipsius) non agnoscuntur esse, nisi absentiâ contrarii; ita & illud. Privatio tantum est, id est, deliquium boni. Hac igitur ratione, ut principiū Justificationis gratiæ attribuimus; ita Prædeterminationem, quæ principiū damnationis esset, à DEO removemus: A quo solo salus, à nobis solis perditio. Postremum est de Augustino, quem patronum causæ suæ, assertoremque gloriantur. Sed ille, cùm tam Libertatem arbitrii, quām auxilia gratiæ, contra hæreses tutatus sit; ut concedam dicta quædam, in calore, ut fit, pugnæ & contentionis, protulisse; quæ separatim lecta, trahi in partem possint: ita nuperā multorum diligentia, satis superq; ex eius scriptis demonstratum est; illum prædeterminationem hanc novam nunquam docuisse; nec tales fuisse eius in hoc argumento sententiā. Ut verò huic quæstioni finem imponam; quoniam patet, sine auxilio gratiaque DEI, nos malum tantum, id est, nihil, posse: Ideo spem totam boni operis in illo collocare, ab illo opem

*Nos vero  
sine illo  
perire.*

*Augustini  
non docuisse  
prædeter-  
minatio-  
nem.*

*Voto, &  
precatione.  
clausula  
imponitur.*

agendi, ac perficiendi petere; quæ de-  
mum rectè egerimus, illi soli adscribere,  
tribuereque debemus. Fac igitur  
O DEUS! ut gratiâ tuâ in nobis, culpâ  
nostrâ, vacua non sit: & Præcepta  
hæc Probitatis, quæ te inspirante di-  
cta sunt, te Adjutore ad tuam gloriam  
exactè impleantur.

## APPENDICIS VICE.

*Monita quædam ad Probitatem  
retinendam pertinentia.*

**S**ED in libri hac clausula, addenda  
quædam monita superfunt; quæ in  
Contextu, & serie tractationis inseri  
vix commodè poterant: cum tamen  
ad recensitas Probitatis, partes appri-  
mè facere videantur. Meritò itaque  
illis hunc librum confignabo.

*Primum  
monitum,  
memoria  
novissimo-  
rum.  
Mortis.*

Primò ergo, ad Anamarthifiam u-  
nicè pertinet, sacrum illud dictum:  
Memorare novissima tua, & in æter-  
num non peccabis. Novissima verò  
hæc sunt: Mors assiduò veniens, non  
longè remota, certa eventu, incerta  
tempore: ideoque semper expectanda.  
Non est enim, ut diem rectè peragas,  
nisi

nisi illum ut ultimum existimes. Om-  
nem itaq; tibi supremum diluxisse pu-  
ta. Deinde: cogita reddendæ ratio- *Iudicij.*  
nis, omnium quæ egeris, dixeris, cogi-  
taveris, certam & præstitutam diem;  
toties eloquio DEI promissam, ac inge-  
minatam. Postremò expende, præmii *Præmii,*  
aut pœnæ magnitudinem, & spem eius *aut paucæ.*  
metumque: prout merueris. Horum  
autem vivâ recordatione, non censeas  
reddi vitam terrore turbatam, anxiam  
tristitiâ, & negotiorum, ac omnis acti-  
onis, ut superfluæ, incuriosam: Quin- *Vitæ hinc*  
imo tranquillam potius, quâ ad por- *emendatio,*  
tum & quietem veram ferimur; Ter- *& quies-*  
oris expertem & vacuam; dum nem-  
pe ille timorum maximus haud urget,  
Iethi metus. Emendatam denique:  
quippe sedulam boni operis & meriti;  
& exinde lætam semper,

Alterum impeccantiæ remedium, *Alterum*  
cogitare præsentem tibi semper, & *monitum,*  
quncta videntem adesse DEUM. Fasti- *præsentia*  
dit hoc, & aversatur apud Ciceronem. *DEI.*  
Epicureus: dum conqueritur, imposi-  
tum Cervicibus nostris sempiternum  
Dominum, omnia advertentem, *non*  
quem dies & noctes timeremus: Sed

*Qui nobis  
adest, &  
inest.*

*Et aspicie  
nostra.*

*Ideoque eo  
coram non  
peccandi.*

*Et invisi-  
bilētan-  
quam vi-  
dentes  
sustinea-  
mus.*

non Christiana nostra Philosophia, cui  
initium sapientiae est timor Domini;  
firnum nempe peccati, & temerandæ  
conscientiae frænum. Illud verò non  
potest haberi, nisi firmiter agnosca-  
mus præsentem nobis DEUM. Agno-  
scimus ergo, scimusque; quod non ita  
nos ambiat undique, & impleat aër,  
ut ille. Immensus enim non esset, ni  
ubique esset: ni operi suo & circumfu-  
sus, & inditus; extra illud, & intra.  
Itaque in illo vivimus, movemur, &  
sumus. Ideoque omnes animi ac cogi-  
tationis recessus pervadit, ac pene-  
trat: & tacita quamvis, loquitur illi  
voluntas. Cùm itaque solus fueris,  
cùm fores clauseris: ne putas te esse  
sine arbitro. Videt te enim, & aspicit  
præsens Deus. Sancti in Deo, & Ange-  
li, testes intendunt oculos. Deo verò  
spectatore, & olim Judice, & Vindice,  
tum verò tot testibus coram, quanta  
esse debet non dicam verecundia, sed  
abominatio etiam, terror horrorque  
peccandi. Altè id ergo defigamus in  
animo: in Conspectu DEI, Opere, Ver-  
bo, Cogitatione versemur? Υπὸ τὸν ἀβρα-  
μόν, φεύγοντες, ἐκαργέρησαμον:

Ter-

Tertium Probitatis retinendæ moni-  
tum, & salutare velut Antidotum cen-  
seo : quod vocare solemus Examen  
Conscientiæ, Quo velut in numera-  
to habemus motus omnes animi, ad  
exemplar eius, qui dixit : Anima mea  
in manibus meis semper : ut nempe ob  
oculos posita, spectataque, quotidie e-  
mendatior esset. Quemlibet itaque di-  
em scrutemur. Commotionum, quod  
nos ducant, quantum raptent, & mo-  
dum & finem, in nobis speculemur.  
Quæ vitia magis infestent, ac urgeant,  
expendamus : & huic fini facta, dicta, judicatur.  
cogitata remetiamur. Causam omni-  
um, coram interno conscientiæ Judi-  
ce dicamus. Et quia hoc arbitro nemo  
nocens absolvitur; pœnam etiam pœ-  
nitentiâ sumamus, donec exercitatione  
istâ sanetur, quidquid corruptum, &  
pravum fuerit.

Verum, quia Judicium hoc, quod  
de Nobis ipsis instituimus, sæpe depta-  
vat, semper se insinuans amor sui, qui  
connivere quemquè ad sua vitia facit;  
usu verò compertum, in aliena nos cer-  
nere acutius : Ideo quartum monitum,  
magno præsidio ad parandam omnium  
com-

*Monitum**tertium,**Examen**conscientia.**modus in**ad hanc**omnium**modus in**ad hanc**omnium**mod*

*A viro bono,* & prudentem eligere; cui nos aperiamus, & revelemus. Nam si est aliquid,

*Qui ad hoc eligendus.* (ut inquit ille) quod ex viro bono, vel tacente proficiās; quantō magis docente, instruente, admonente? Elige itaque, qui tibi blandē, temperanter, non affectu sed judicio, munus hoc amici monitoris exerceat: deinde mon-

*Non monitus, non correctus.* nerī ab eo ne detrectes, nām alioqui  
αὐθέτητος, αὐθαιρετοῦ. Cæterū vel

*Confessio Catholica etiam huic fini.* hinc eximius patet fructus, & præstantissimum veræ probitatis remedium, ex instituto Religionis Catholicæ; quo confitemur alter alteri peccata nostra, & consciōs facimus Conscientiæ nostræ: non modò monitores; sed omnino Judices. Sed hac de re suo loco, nempe libro, qui de Pietate.

*Quintum monitum.*

Quintum, ultimumque monitum, idque ad eupraxiam propriè pertinens est. Ut non in præceptorum cognitione tantum fistamus: sed illa ad usum etiam aptemus, transferamusque. Cum enim nulla ars, & artificium solis con-

stet

stet præceptis; sed addi exercitatio  
 debeat, quæ omnia evincit, perficitque:  
 Certè & sapientiæ, quam artem bene  
 vivendi quispiam dixit, adhibenda  
~~τεσχησις~~ est: quæ illam demum consum-  
 matam reddat. Præclarè enim, ut mul-  
 ta Epictetus dixit: Peccari à Philo-  
 phiæ studiosis, quòd dogmatum de-  
 monstrationem potissimum inquirant,  
 usum verò illorum insuper habeant.  
 Exempli causa: si ponatur dogma, non  
 esse mentiendum; causa inquiritur di-  
 cti: & demonstratio mandatur memo-  
 riæ; res ipsa non impletur. Itaque men-  
 timur quidem, inquit: quamvis inter-  
 rogati, cur non sit mentiendum? Cau-  
 sam in promptu habeamus. Ergo nō in  
 cognitione tantum, & indagandi labo-  
 re, nec in differendi peritiā ponenda est  
 opera: sed facta omnino addenda; inq;  
 illis potissima profectūs ratio collocan-  
 da. Non enim ingeniu excolere oportet,  
 sed animum: non solertiæ laudem  
 aut oblationē captare ex studio sa-  
 pientiæ, sed fructum: qui nos expertes  
 vitorum, Commotionū arbitros, Vir-  
 tutum compotes, Temperantes inquā,  
 Justos, Fortes reddat. Frustra alioqui  
 no-

*Præceptis  
addendam  
exercita-  
tionem.*

*Exercita-  
tio.*

*Nec dispu-  
tare opor-  
tet.*

*Sed vivere.*

nōtitia præceptorum; si de virtute locuti, vitia sectemur. Frustra Probitas, quæ intra verba tantum consistit. Non enim Auditores legis, ac periti eius interpres; sed factores operis officium implebunt, ac præmium consequentur.





# LIBER OFFICIORUM SECUNDUS.

*De Charitate.*

**T**nsistendo factæ divisioni Officiorum, postquam ea disserui, quæ ad Probitatem putavi pertinere; aggredior Officia Charitatis: eum invocans, qui Charitas ipsa est; ut veram eius arcamque vim aperiam mortalibus, ac instillem. Hanc itaque ut nova, nec *Definitus* haec tenus usitatâ methodo, ac ratione *Charitas.* explicem: primum ita definitam. Charitas, est propensio animi erga proximum benigna, benevolia, benefica. Benigna imprimis: nempe judicium, & sensum de proximo, quam maximè bonum, retinens: cuncta eius vel probando, vel tolerando, vel amanter, corrigendo. Benevolia deinde, in ap-

I

pre-

*Benevolia.*

*Beneficia.*

precatione, voto, studio, ut bene illi sit:  
 & dum est; gaudio, & congratulatione.  
 Benefica denique: libenter, & copiose  
 opitulando necessitatibus eius, id est,  
 opera, ut vocant, misericordia, prom-  
 ptè erga illum, & largiter exercendo.

*Debita à  
communi-  
oratu.*

Debita verò prorsus humano gene-  
 ri: quòd uno parente satum, cognatio-  
 nem agnoscere meritò debet; & ex illâ  
 mutuum habere amorem. Etenim, cùm  
 non animalia modò eiusdem speciei  
 congregentur, conciliante natura; sed  
 inanimata quoque, & sensu carentia,  
 conjungi quodammodo appetant;  
 idque pondere, sympathiâ, ac pro-  
 pagine testentur: Quantò magis id ho-  
 mini conveniet, cui non alia natura,  
 quàm ratio est? ut nempe sui generis  
 societatem quærat, concordiam appe-  
 tat, commune norit bonum, impleat  
 officium: id est, mutuam exerceat cha-  
 ritatem.

*Natura  
duci.*

Amare certè, & amari; itemque sibi  
 mutuò prodesse, natura suadet, exigit-  
 que: eiisque obsequentem hominem,  
 homini non posse nocere, apertum est.  
 Nam si noceret: aut id putaret non  
 iniquum; aut non pejus malis corpo-  
 ris;

ris, & fortunæ Si primum: quid cum eo differas (inquit Cicero) qui hominem ex homine tollit? Si alterum: erraret in eo, quod ullum malum gravus malo animi putaret. Naturalis ergo Amor & Amicitia: Contra Naturam verò, *αριστία*: divisionis, discordiæ, & demum interitus parens. *Amoris vacuitas.*

Quod si Charitas, vel ipsius naturæ *Et denique jussu Dei.* & rationis ductu, homini propria: quanto magis jussu Dei: Hoc mandatum eius primum, & maximum, ut illum diligamus toto animo: Suppar autem ei alterum, ut proximum. Suppar inquam: Justi namque experimentum est unicum, actio cum proximo. Non enim amare Deum potes, quem non vides; si proximum odiisti, quem vides. Et si Deum verèamas; nempe bonum tuum; necesse est, ut ames proximum, qui æquè tecum ad amandum eum fatet. Nam quæ tertio congruere tenentur, inter se congruant necesse est: Amorem ergo DEI Amor proximi necessariò consequitur.

Diligamus itaq; invicem: nam ple- *Itaque ex-*  
nitudo legis, dilectio. *Quam nisi ha-* *de haben-*  
*beam, (inquit Apostolus) nihil sum:* *da est.*

nihilque prosunt reliqua virtutum officia. Et cum à Discipulo Christi petetur, cur eam toties ingeminaret; quia præceptum Domini est, inquit: & si solum fiat, sufficit. De hac igitur libro hoc agam: & quâ ratione exactè præstari possit; tribus Capitibus ostendam.

## CAPUT I.

*Qualis Charitas in statu innocentiae fuisset: & quoniam tam exacta post peccatum haberri non potuit; ex illius defectu, de origine Juri.*

*Causa adfertur,  
cur inqui-  
renda est  
charitas  
primitiva.*

*Tripartiti-*

**D**E Charitate dicturo, operæ premium imprimis videtur indagare: qualis Virtus ista fuisset in sua Origine, & velut fonte, id est, in statu innocentiarum. Cùm nempe homo nulla labe infectus, imitator fuisset divinæ bonitatis; eam erga proximos exercendo. Operæ pretium hoc, inquam, inspicere: quò in statu hoc multifariam vitiatæ Charitatis, primitivam illam, quam maximè æmulemur: ut ex defectu eius, ortum Jus ad illam, quoad fieri potest, revocemus, aptemusque. Dicam igit-

igitur hoc Capite tria. Primò ostendam statum Charitatis primitivæ. Deinde deducam, illam talem post peccatum subsistere non Potuisse. Tertiò illam, inducto Jure sarcire, ac reparare, necessarium fuisse, evincam.

## Pars Capitis Prima.

### De Statu Primitivæ Charitatis.

C Ogitanti itaque de Primitiva Charitate, in mentem primum venit: illam tres dotes, quibus & perficetur, & conservaretur, necessariò habituram fuisse. Nempe, habentem inter se æqualitatem: Rerum omniū Communitatem: Omnis oneris à se vicissim exigendi Immunitatem. Optimè enim Charitas mutua retinetur, primum inter pares; deinde, nihil ut suum usurpantes; postremò nihil à se vicissim, velut debitum, requirentes, Paritas, seu Equalitas, prima genitrix Charitatis. Cùm namque naturaliter se quisque armet; ideo & sibi similem: id est parem, & æqualem: Nam in illo seipsum. Unde illud: quòd Amicitia pares aut ac-

*ta capitis  
divisio.*

*Charitas  
primitiva.*

*Habueret  
æqua-  
lita-  
tem.*

*Communi-  
tatem,*

cipiat, aut faciat. Comunitas deinde altera ejusdem origo. Cùm enim præcipua dissidij causa esse soleat, à pluribus usuratio rei alicujus, quæ pluribus nō potest sufficere; ideo inductâ Comunitate, & provisâ cunctis æquali sufficientiâ, (quæ necessariò fuisset in communi vita) Charitas facilè constabit. Immunitas denique auxtrix Charitatis erit. Quia gravis, & servilis, ideo quæ odiosa est exactio debitæ obligationis: quâ sublatâ Charitas manet sponte, ac liberè supplens, quod extorquebat obligatio.

*Ædotes  
faciles in-  
nocentie.*

Porro triplex hæc dos Charitatis, facile in statu vitæ innocentis haberi potuisset. Nam Æqualitas manasset, primùm ab Æqualitate Conditionis, quâ creti sumus; & per quam omnia, habuissimus æqualia: Deinde ab eximia quadam bonitate; quæ non permisisset viribus parare potestatem; quæ naturaliter cuique in se tantum est, eaque libertas vocatur. Denique, cùm sibi quisq; adultus ad omnia suffecisset: (prolem solùm teneram excipio) opus non habuisset alieno obsequio. Comunitas item omnium rerum,

*Quod in  
singulis o-  
ffenditur.*

rum facilè constitisset. Nam occupatio, & dominium, & possessio, inutilis prorsus foret; cùm eam sufficientia, & parabilitas rerum sponte provenientium, superfluam fecisset. Denique Immunitas mutua foret: & extorsio obligationis necessariò cessasset. Cùm, ut alter alteri munifex esset; nec ullius necessitas egeret, nec quisquam exigere, sed voluntati tribuentis relinqueret. Quanquam nec tribuere opus foret: cùm in *autāphēa*, cuiusque, benevolentiæ tantum, vix beneficentiæ locus esset. Et hic futurus fuisse videtur status exactæ, ac consummatæ Charitatis. *Ita ut scri-*

*Sui suffi-  
cientia.*

In quo lege, aut scripto jure opus non fuisse: cùm sine malâ libidine, & concupiscentiâ; eoque sine pœna, aut co-*pto jure*  
*opus non fuisse.*

## Pars Capitis Secunda.

### De impossibilitate Primitivæ Charitatis.

C Orrupto verò per peccatum primi Parentis genere humano, nullo modo eiusmodi Charitas potuit retineri. Nam in pœnam peccati, invasit

*Infirmi-  
tas.*

nos primūm Infirmitas: dum pulve-  
rem nos esse; facilem dissipari, primo  
Parenti à D<sup>E</sup>O dictum, & simul factum

*Indigentia.*

est. Deinde Indigentia; dum ab eodem  
sterilem alendis Nobis terram, spinas  
tantūm & tribulos suapte germinan-  
tem, accepimus. Postremò Labor ac-  
cessit, cùm in sudore vultūs pane vesci  
jussi, & damnati sumus. Hæc tria verò  
Æqualitatem exuere, proprietatem  
quærere, obligationem pacisci coë-  
gerunt.

*Sed subve-  
nit infirmi-  
tati pte-  
stas.*

Etenim ad auxilium Infirmitatis,  
necessariò debilioribus ferenda: vali-  
dioribus verò ad majorem commodi-  
tatem, viribus paranda: & ne priva-  
tim parta, nimium excresceret, tan-  
dem consensu, Civitati deferenda fuit  
Potestas. Tollenda verò Æqualitas,  
per quam Charitate cessante, nec ho-  
spes ab hospite tutus, nec sibi sufficiens  
quisquam erat.

*Indigentia  
dominium.*

Deinde: Cum etiam non sufficerent  
nobis, quæ ad usum vitæ pertinent;  
ea verò, naturæ seipsam conservantis  
ductu, acquirere quisque sibi mallet,  
quàm relinquere alteri: In comuni om-  
niū Indigentia, ad occupationem ven-  
tum

*Hæc dictas  
doles sustu-  
lere.*

Cum est: ut, quod quisque primus manu apprehendisset, vel pede calcatum limite signasset, id ei, eripere alteri, fas non esset. Ita necessariò Communitas, (aucto præfertim genere humano, & non habente sufficientiam) paulatim sublata, rerum omnium, quæcunque occupari potuerunt.

Tertiò denique: Quia labor gravis, & onerosus nimium erat; nec sius cuique sufficiebat; obligatione varia, ad operas præstandas, fructus ex iis tribuendos, ac communicandos, se mutuò obligare, ac obstringere, & promissa, pacta, Contractus, exactè exigere, necesse fuit: Immunitate sublata. Præfertim cum etiam coniunctim, & in commune laborem impendere non minus grave foret. Nam opera in rebus parandis, & usus in consumendis par omnibus esse debuisset: quod deficiente Charitate fieri non poterat.

Ad hanc corporis miseriam, quæ Charitatem illam Primitivam agrè permisit retinere; accessit illa, quæ animum corrupit, triplex Concupiscencia; auxitque immensum impedimenta mutuæ dilectionis. Per hanc etenim,

*Labori ob-  
ligatio, seu  
opus aliena  
exactio.*

*Ex concu-  
piscentia  
Charitatis  
noxa.*

*Et fere  
interitus.*

nim, non contenti homines necessitati subvenire: ultra eius exigentiam appetiere inania, & superflua; id est mala. Illecebras nempe Corporis, blandimenta fortunæ, & inanis gloriæ, & elevationis varia nutrimenta: quæ sat, regendo vitia, quibus scatet genus humanum, recensui. Ita Avaritia præcipue, & Ambitio Charitatem sustulit: rupit concordiam: vim & bellum intulit: & exinde Æqualitatem, Communitatem, Immunitatem penitus extinxit. Quæ non extinguenda omnia erant, sed ad certum modum, & temperamentum reducenda.

### Pars Capitis Tertia.

*De necessitate Juris scripti, ad  
Societatem Civilem (cuius origo  
ostenditur) retinendam.*

*Ius institutum re-  
paravit  
Charita-  
tem.*

FAcit ergo hoc, & præstat Juris scripti institutio. Quæ necessariò subsequi debuit, potestate, & obligatione introducta. Nisi enim hæc iure temperata essent; perpetuum dissidium, bellum, & dissociatio generi humano imminebat. Si enim liberum cui-

cuiq; fuisset, subjugare quos vellet, o-  
cupare quæ vellet, adstringere quo-  
cun-  
que modo vellet; vi & armis omnia age-  
rentur. Cùm præsertim par quoq; liber-  
tas esset retinendi, & resistendi: & fas  
tam propulsandæ violentiæ, quām infe-  
rendæ. Itaq; æterna semper odia mor-  
tales gerent, nec cæptus unquam  
cederet ex auiinis furor, & arma forti-  
or ac felix teneret, infelix verò ac vi- fuisse.  
Etus studio ultionis nova compararet.  
Ac denique ferina vita, & belluina rabi-  
es, & interitus Societatis inter ho-  
mines, jure non constituto esset.

Porro Societatis origo, est mutua  
sui Indigentia: illicium sermo: initium  
proles: progressus familia: consum-  
matio Civitas: ejus autem anima Jus. Societatis  
civilis or-

His inquam gradibus crevit forma,  
Civitatis, & hinc petenda est intima e-  
jus causa. Quia enim mutuæ opis In-  
digentia inter nos evidens erat; (Cùm,  
uti supra dixi, infirmam, omni, præsidio  
destitutam, rerum externarum egen-  
tem conditionem fortiti simus) Ideo  
nisi communi ope ac viribus fulcire-  
mur, interire nobis necesse foret.  
Quemadmodum autem membra fin-  
gula,

*Alioqui  
fera vita  
hominum*

*tus, pro-  
gressus, et.*

*consum-  
matio.  
Causam  
habet In-  
digentiam  
mutuam.*

gula, varia functione ac ministerio, usui, & commoda sunt toti corpori: Ita diversa multorum officia, munia, operæ, artes, labores in commune Societati consulunt; se vicissim juvant, & socialem vitam omnino expetibilem faciunt. Præfertim verò cum accedat non aliâ causâ, quam colloquii & conversationis, datus nobis sermo: quo ad Confociationem & commercium allicimur, alioqui frustra eo instructi à Natura, seu Dœo. Hinc & literæ inventæ, quibus absentibus etiam; imò & posteris loquimur, & memoriam majorum retinemus: Conamurque earum beneficio, velut præsentes conjunctosque habere, qui erant, & qui fuere. Tanta est Confociationis appetitio. Initium Societatis Prolem feci. Etenim conciliante naturâ, prima est inter Parentes, & Natos, charitas. Eaverò jubet, quod genitum, fovere, curare, educare. Incipit itaque exinde homo non solus esse: nec sui tantum curam gerere; sed Societatem inire, è qua prodit Familia, quæ ex Matre, Patre, Filio, & Servo constat; & domum, variè aucta, facit. Denique ex

Initium  
sumit à  
prole.

Unde Fa-  
milai.

Con-

Confociatione Familiarum Vicos, Op-  
pida, Urbes; ex illis verò mutuò fœde-  
re vinclis, & communi rectore, ac for-  
mâ certâ summi imperii constitutis,  
Magna illa unius populi Civitas ortum  
habet; Cuius animam dixi jus esse. Ut  
enim eo fruamur, violentiæ ac injuriæ  
securi; multitudo in unius populi cor-  
pus coaluit.

Jus verò, ( prout rectè divisit, si fa-  
ctæ divisioni institisset, eamq; sensu al-  
lio posuisset Justinianus: ) vel ad per-  
sonas pertinet, vel ad res, vel ad Actiones.  
Personis respondet Potestas: Re-  
bus Dominium seu possessio: Actioni  
Obligatio. Hæc tria, inquam, ad cer-  
tum modum jus redigit, ordinatque.  
Ita ut & sarciri possit Charitas, socie-  
tasque retineri: & nihilominus ad con-  
servationem sui sua cuique constare,  
commoditas.

Hasce autem humani juris partes,  
Speciesque introductas, ut ostensum,  
necessitate ipsa; comprobavit D E U S  
præscripto Decalogi, Hebræis quidem  
tantum primitus dato; sed deinde &  
Christianos meritò obligante: quippe  
cum socialis vitæ vim totam exactè  
con-

*Et demum  
Civitas.*

*Ius ad per-  
sonas est  
potestas.*

*Ad res  
dominium.*

*Ad action-  
es obliga-  
tio.*

*Has partes  
juris sanxit  
DEVS  
Decalogo.*

contineat. Nam post capita, quæ ad DEUM & pietatem pertinent; primum nempe & tertium; reliqua recensitas juris species evidenter complectuntur.

*Eius præcepta ad potestatem pertinencia.*

Ad potestatem enim refertur imperatus capite quarto honor parentum; id est majorum, superiorumque; & qui nostro bono & commodo nobis præsunt: omnes enim hi meritò vice parentum habendi; debeturque iis, ex hoc præcepto, veneratio & obsequium. Deinde eodem pertinet, & prohibitio occidendi, capite quinto. Nam dum vis iniqua arcetur, & violenta potestas contra fas usurpata vetatur; hoc ipso legitima constituitur. Quinimo & adulteria capite sexto ideo vetita, quia per illa naturalis potestas (de qua mox) violaretur, ac interiret. Et hæc sunt quæ potestatem spectant. Ad dominium verò, & possessionem firmandam, furtæ prohibentur, & alieni omnis concupiscentia; capitibus septimo, nono, & decimo. Denique ad obligationem stabiliendam, capite secundo, sancitur juramenti religio: dum vanum seu irritum vetatur. Tum verò octavo fides & veritas, id est fundamentum

*Ad Domini-  
num.*

*Et obliga-  
tivum.*

spon-

Sponsionum præcipitur, dum falsidum testimonium prohibetur. Atque ita tota, quod dixeram, juris humani ratio, divina auctoritate constituta, firmataque est: & tabulis ( ut Ter-

*Ob tantam  
authorita-  
tem, te-  
neri hoc  
jure.*

tullianus loquitur ) cælestis edicti, & sanctissimæ legis sancto, potestas, dominum, ac obligatio approbata. Ideoque meritò teneri nos hisce vinculis oportet, quæ necessitas invexit, D E U S probavit, & juris institutione retinere, certo modo, ac ratione injunxit.

## C A P U T II.

Ostenditur, quid sit Jus, & quætuplex, & quales esse inter homines debant recensitæ eius partes, &

*Species.*

PAtet apertè ex antecedenti Tractatione, Jus ita commodè definiri posse: ut sit Regula conservandæ inter homines Charitatis, seu Societatis: idque post introducta in usum ea, quæ ei repugnare videntur.

Hujus Regulæ fons est & origo, Verum: quod inest Divinitati, velut lex quædam æterna, & immutabilis Recti,

*Definitio  
Iuris.*

*Origo ab  
eterna  
Dei lege,*

*Quæ par-  
tim nobis  
insita,*

ac boni: à quā tota Juris ac Justitiæ na-  
tura manat, ac derivatur. Partim enim  
æternam legem hanc, eiusq; rationem;  
DEUS naturæ rationali, dum eam  
crearet, indidit; (alioqui rationabilis  
non esset, si rationis istius expers esset:) unde fluxit illa ante peccatum nobis  
insita, & post peccatum non penitus  
extincta Notio eorum; quæ naturæ  
nostræ convenient: Exinde verò or-  
tum, quod vocatur Jus naturale. Par-  
tim voluntario sancito nobis promul-  
gavit: unde Jus Divinum, quod vocant  
Positivum. Cui inest quidem eadem ra-  
tio, sed non expressa, & supremi justif-  
simique Conditoris voluntate velut  
tecta; cui jus est, ita sancire quædam;  
ut sanciti sui ratio non reddatur. Eius-  
modi verò jus, aut ipse met dedit Judæis  
per Moysem, & Nobis in CHRISTO  
aut vicariæ suæ potestati reliquit; cui  
ligandi quidvis, ac solvendi faculta-  
tem concessit; cum ratihabitionis pro-  
misso: Unde Jus Ecclesiasticum, seu Ca-  
nonicum. Partim denique permisit,  
eandem æternam legem exprimere hu-  
mana Constitutione, (quæ ut sit justa,  
conformis illi, aut certè nullo modo  
con-

*Partim  
constitu-  
tione hu-  
mana, Dei  
permis-  
sionis  
expressa.*

contraria esse debet: ) inde verò est Jus Humanum. Quod vel usu, & consuetudine nationum receptum, Jus Gentium nominatur: vel legibus cujusque populi, seu Civitatis descriptum; Jus Civile dicitur.

Totum verò hoc simul sumptum, a- *Et aliquid*  
liquid homini posse habere aut vetat, *vetat,* per-  
nempe illicitum; aut permittit, nem- *mittit,*  
pe licitum; aut præcipit, nempe debi- *jubet.*  
tum. Quanquam si propriè loquen-  
dum est, quod vetatur; nefas: quod  
permittitur; fas: quod jubetur; jus est.

Hac origine, ac partitione Juris de-  
monstrata, superest, ut cùm superiori  
capite ostenderim: quod tria hæc; Po-  
testas nempe, Dominium, & Obligatio,  
necessariò quamvis introducta, imo &  
Divino approbata edicto, adversarentur  
tamen Charitati, nisi Jure tempera-  
ta, & ad certum modum reducta sint;  
Superest inquam, ut modus hic circa  
singulas hasce partes explicitur dein-  
ceps: & ex illo liciti, vetiti, jussi de-  
nique, tota ratio, ac regula sta-  
tuatur. Sit ita-  
que.

# Pars Capitis Prima.

## De Potestate, prima Juris Specie.

*Necessitas  
inter ho-  
mines po-  
testatis o-  
stenditur.  
Regi, &  
egere.*

Post sublatam Aequalitatem, quæ (ut superius ostendi) in statu corrupto manere non potuit, Potestatem certa ratione constitutam, hominis in hominem fieri  $\alpha\chi\epsilon\pi$  &  $\alpha\chi\epsilon\pi$   $\sigma\delta\alpha$  necessarium omnino fuit. Causa est: quia nec sine Societate homo sibi sufficiebat, nec Societas retineri potuit, nisi quidam regerent, quidam regerentur. Nam cum & Aequalitas constare non posset; & omnes imperare mallent, quam parere: non Societas tranquilla, sed certamen continuum fuisset de principatu; nisi illud aut natura, aut vis major, aut consensio finivisset. Quæ tria triplicem fecerunt Potestatem. Prima est naturalis, & Necessaria, in Uxorem, prolem, ac naturæ regiminis indigum: Altera violenter acquisita, in servos: Tertia sponte concessa, & delata imperantibus. De singulis consueto compendio dicam.

*Eaque tri-  
plex esse  
declaratur.*

*Potestas  
viri in fa-  
minam.*

## De Potestate Naturali.

Potestatem Naturalem in Uxorem confert primum Jus naturæ, quod

quod jubet præstantiorem sexum; firmiorem, fortiorēque, sequori, infirmiori, & imbecilliori præesse. Idem Jus Divinum præcipit, dum sub potestate Viri fæminam constituit. Jus demum humanum, & consuetudine, & lege id implevit. Uxorem ergo decet dirigere, sed simul & diligere. *Sed blanda;*  
*Nam imperium hoc amoris, & Chari-* *ut in com-*  
*tatis esse debet, nempe erga compa-* *parem.*  
 rem thori, & vitæ sociam, castam, probam, viri, liberorum, domus studiosam, ac sollicitam: quæ si talis non est, saepè vitium ex eo in mariti. Prudens certè reget eam leni fræno: retinens, ac procurans maximè concordiam; nempe Matrimonii & ornamentum; & suave ac unicum condimentum. Qui *Quod do-*  
*verò magni huius Sacramenti status,* *cebunt Ma-*  
*conditio, obligatio, quæ conjugales* *trimonii*  
*leges, quamvis hoc loco facile potuif-* *leges.*  
*Sent recensi* *re-*  
*tu* *usu tot scriptorum trita, & apud eos*  
*obvia ubique habes; ideo meritò hic,*  
*ubi compendio studemus, omittenda.*  
 Sequitur verò pars altera Naturalis *Potestas*  
 Potestatis, nempe in Prolem, quam ea- *Paren*  
 dem natura propter beneficium geni- *in prolem.*

turæ, nutritionis, educationis parentibus confert; & ob authoritatem ætatis, ac senii conciliat; Deus verò, sub pœna immaturæ mortis præcipit: Jus denique humanum ubique gentium retinet; Legibus verò olim Romanis severissimè, & ultra morē aliorum populorum, Emancipatione ad libitum Parentum data; & ante eam, non minore eorum in prolem, quam in servos potestate.

*Officium  
filij impuberis.*

*adulti.*

Sed si ad examen rectæ rationis reduci res debet; commodè ex Aristotele tria liberorum tempora, vir distinxit eruditus. Primum tempus est imperfecti judicii, quo planè sunt sub herili potestate; dum haeres, quoadusque parvulus est, nihil differt à servo. Äquum autem, ut qui se regere nequit, regatur aliunde: convenientius verò non potest, quam à Parente. Secundum tempus Liberorum, cum jam judicium illis ætate maturuit, non tamen sunt extra familiam. Tum subesse debent arbitrio parentum non aliæ eorum actiones, quam quæ ad familiam momentum habent: Convenire enim debet pars cum ratione integri, Terium

tiū tempus, cūm jam extra familiā <sup>Emancipat</sup> exeunt; tum enim jam plenē sui juris sunt, manente tamen semper honoris & observantiæ debito, cuius causa perpetua est. Hæc ille,

Itaque Parentes debent liberis educationem; nempe quod suscepere, tollant: (nam exponere aut perimere <sup>erga filium</sup> nefas: quia non toti ab illis sumus, alius autem non licet perdere:) alimenta præbeant; nam frustra tollerent, nisi sustentarent. Et denique, quæ ad bene rectèque vivendum sunt, procurent, ac prospiciant; memores, non sibi illos tantum, sed DEO, Familiæ, Patriæ genuisse. Parentibus verò debetur primùm obsequium, & semper honor.

Ubi verò iis orbatur proles, eaque immatura, & quæ per ætatem tueri se nequeat; Et rationis ipsius ductu, & gentium omnium instituto, locum obtinent Tutores: id est (ut Jurisconsulti derivant) pupilli Tutores. Hi aut testamento dantur, aut proximiori agnatione obveniunt, aut à supremo Magistratu assignantur; cum potestate, quam apud Jurisconsultos, unà cùm officio descriptam habes. Est profecto

functio, cum exactè impletur eximii, sed admodum rari meriti.

Potestas in  
servos in.  
genio.

Pars tertia Naturalis potestatis est in eos, quod Aristoteles vocat naturā Servos: nempe tali ingenio præditos: ut regi ac gubernari necessariò indigeant: & ( ut cuidam dictum ) Domino opus habent. Talibus ergo ita præesse oportet, ut profis.

### *De Potestate Acquisitâ.*

Potestas  
servitutis  
acquisita.

Potestas Acquisita fit, prout dixi, vi majore. Quæ triplex esse potest. Prima propriæ miseriæ eius, qui necessitatibus vitæ adeo est destitutus, ut cogatur se trudere alteri ad perpetuam operam, pro alimento & tegumento. Altera est Pœnæ, ob delictum capitalis, quæ comutari potest in servitutem. Tertia justi belli, dum hostis victus hac conditione servatur, ut serviat.

Ostenditur  
eam juri  
naturæ non  
repugnare.

Eiusmodi verò violentæ potestati repugnat quidem natura, si per se spectetur; nam per illam omnes sumus liberi: sed post introductum jus illud, quod farciendæ societati dixi esse necessarium, non repugnat. Nam non vetat naturalis justitia pacisci obsequio vi-  
ctum

Etum ab eo, qui eius copiam, & domi-  
 nium habet. Nec iniquum, ut egesta-  
 tem evites; præstabilem navare ope-  
 ram. Deinde cùm tam ex judicio; un-  
 de poena: quàm ex bello; unde capti-  
 vitas: cùm inquam utrobique necis  
 summa potestas sit licita; ( prout id o-  
 stendam infra, & demonstrabo,) utique  
 licita erit minor, quæ est, herum esse  
 eius, cui vitam concesseris. Unde pa- Nec à Deo  
 tet, non refragari legem naturæ, vio- vetari,  
 lentæ potestati. Lex verò divina, dum Constitu-  
tione hu-  
mana au-  
tam esse,  
 illam non vetat; permittit. Jus autem  
 humanum eam auxit, ac longius pro-  
 duxit; dum ex servo natos, non melio-  
 ris conditionis voluit, & venundari  
 eos permisit: & quidquid acquirant,  
 Dominis acquirere decrevit. Isque ri-  
 gor excusabilis exinde; quia & nece  
 minor, & commodior utiliorque, tam  
 ei, qui jus eius habet, quàm qui ei sub-  
 est: cohibetque, & avocat à crebra Idque non  
iniquo.  
 cæde. Unde & à Christianis diu reten-  
 tus, nunc tamen remisit: vitæ ac necis  
 jure ad supremam potestatem revoça-  
 to; & venundatione fere sublata. Ita  
 ut priscæ illius servitutis pauca super-  
 sint vestigia, nisi forte in Ethniciis ca-

ptivis, & adscriptitiis colonis, quos cum terræ possessione vendere licet.

*Officio Do-  
minos te-  
neri erga  
servos.*

In tantâ verò Dominorum in Servos potestate, aut licentia, est nihilominus, quod illis Domini debeant. Et primum, ex admonitione Apostoli; quod justum & æquum est, illis præsta-re tenemur. Memores, (ut idem ibidem dixit,) & nos esse sub Domino: apud quem non est acceptatio personarum, & cui reddenda erit ratio debitæ, velut in conservos Charitatis; quæ nulla in-æqualitate exui debet: Cùm magis for-tuna nos impares faciat, quām natura. Itaque etsi Jus pœnæ in eos habeamus; tamen non immeritæ, sed ad præscri-ptum, regulamque justitiæ in privata, & domestica jurisdictione exercendæ. Etsi nobis operam debeant; tamen non ultra modum exigendam: nec eius oneris, cui non sînt ferendo. Denique etsi, quidquid acquirunt, nostra esse possint; tamen quod suâ industriâ ac diligentia, fine fraude, peculii paravê-re; durum & inhumanum est, eripere. In his talibus cogitandum: cùm Do-minis in Servos multa non vetentur; tamen ut homini in hominem omnia

*In pœna  
irroganda.*

*Opera im-  
ponenda.*

*Peculio  
exigenda.*

*In his ta-  
libus, nil  
sit inhu-  
manum.*

liceant, naturam communem vetare. Ideoque meritò Domini, olim Patres familiæ; Servi, familiares vocati. Partim ut illis invidia, & his contumelia tolleretur; partim, ut iis nominibus moneremur, cibum eis & vestem, & quæ sunt non modò sustentandæ vitæ, sed etiam tuendæ sanitatis, præstare.

Servorum in Dominos officia, ex-  
acto compendio, dixit & docuit Apo-  
stolus: dum per omnia obedire Domi-  
nis jussit, & non ad oculum servire,  
velut hominibus, sed ut DEO; quem  
nemo fallit. Ut nempe, quidquid fa-  
ciunt, ex animo faciant, securi retribu-  
tionis.

*Officia  
servorum  
erga Do-  
minos.*

### *De Potestate Concessâ.*

POtestas Concessa, nempe summi Imperii, explicanda restat: quam ad societatem retinendam necessaria est. Etenim quemadmodum singulos homines in Familiam natura & Jus redigit; ita singulas familias in Civitatem coalescere, ratio necessariò persuasit. Singulæ namque Familiae, cum & ob infirmitatem majori confociatione indigerent;

& ob inæ qualitatem introductam, sine  
contentione & dissidio agere non pos-  
sent: fieri omnino debuit, ut pactione  
certâ, unum veluti Civitatis corpus  
efficerent. Ratio inquam hoc persua-  
fit. Per illam namque patet, quod ea  
quæ plura sunt, diversa sint; inter multa  
autem diversa, necessariò quædam  
contraria sunt; quæ autem contraria,  
sibi adversantur, & se vicissim oppu-  
gnant; quæ se autem oppugnant, se  
mutuo consumunt; & tandem pereunt.  
Salus itaque multitudinis est, uniri. Id  
verò non fit nisi aut Charitate, aut Im-  
perio. Illa bonitate quadam conser-  
sum efficit; istud verò, eundem metu  
exigit, continetque. Sed quia Chari-  
tas Primitiva, qualis hic necessaria es-  
set, non potuit ( prout ostensum ) in  
statu corrupto haberi; ideo imperio  
opus fuit.

**E**t DEI  
sanctum  
firmavit.

Hanc à ratione ductam imperii ne-  
cessitatem, non solum nobis insevit;  
sed etiam effatu suo, vel suorum, fir-  
mam reddidit Deus: dum omnem po-  
testatem à se esse; & illi omnem animam  
subjectam esse debere; & reddenda im-  
peranti, quæ ei debentur, edixit, præ-  
cepitque.

Pa-

**Quā ipsa  
ratio de-  
monstrat.**

Paruit ergo & rationi, & duci eius  
Deo, genus humanum: dum imperiū  
detulit vel uni, vel Concilio, vel Co-  
mitiis. In primo statu, unius jussava-  
lent. In altero, paucorum consultatio  
ac decisio. In tertio, per suffragia om-  
nium, majoris partis consensio. In sin-  
gulis verò horum, æquè Jus summi im-  
perii residet. Unde triplex forma Ci-  
vitatis, quæ vulgo solet assignari: Mo-  
narchia, nempe, Aristocratia, Demo-  
cratia.

Neç prolixè disputare attinet, quæ  
illarum sit præstantior. Apertum est  
illam præferri, quæ facilius efficit, ac  
præstat unitatem. Hæc enim, ut o-  
stensum, causa est imperii, multitudi-  
nis subsistentia, & Spiritus vitalis Ci-  
vitatis. Ut sit igitur unum Republicæ  
corpus, unius animo regendū censeo.  
Nam plures ut in unum consentiant,  
iterum egebunt Charitate; quam sub-  
latam, aut imminutam dixi.

Sed non est huius, quod instituto  
argumenti, hæc disceptatio. Quæcum-  
que forma Civitatis bona; modo pro-  
be, ac constanter Jus, Vim, & Faculta-  
tem summi imperii agnoscat, retineat,

*Triplex  
eius statu-  
s seu forma*

*Maxime  
probatur  
Monar-  
chia.*

*Tria per-  
fecitum  
reddunt  
imperium.*

at-

atque exerceat. Hæc tria, inquam, illam consumant, ac perficiunt: paucis à me explicanda.

**Primum**

**Jus in Ci-  
ties.**

**Cui ne fas  
resistere.**

**Quod ra-  
tione pro-  
batur.**

**Impia si  
jubear.**

Jus summi imperii, est arbitrium in personas, res, & actiones Civium: cui nunquam fas est refragari. Societas enim Civilis, uti dictum est, imperio continetur: summum autem imperium in eo situm; ut qui semel se atque sua ei subdidere, semper pareant, & nusquam resistant. Quod enim resistere jure potest, majus; aut certè par est: summum autem, si habet par; non est summum. Ergo non erit imperium, id est suprema potestas, si ei resistere fas; sed sequetur æqualitas, & *avagxia*: quæ non potest extinctâ, vel imminutâ Charitate, prout demonstratum est, haberi. Agnoscant igitur; nec obliuiscatur unquam supremi huiusc Juris, tam potestates summæ; quam qui illis subsunt. Illæ; ne quidpiam eius per incuriam amittant: hi; ne quid per protrahiam imminuant.

Sed si quid ( inquieris ) palam iniquum, aut impium jubear; parebo? Primum vide, & cave; ne finistre tale esse opineris. Deinde, si verè fit, non facies

es quidem; sed tamen pœnam potius  
subibis, quam oppugnare, aut evertere  
imperium coneris. Mors enim non est <sup>pœnam</sup>  
tanti, ut eius vitandæ causâ aut tolla-<sup>potius sub-</sup>  
tur Princeps; aut quæratur mutatio: <sup>eas.</sup>

quæ semper ingenium malorum cau-  
fa est. Tolerare igitur, est viri bo- <sup>Quā im-</sup>  
ni; medellam verò DEO permittere: <sup>perium</sup>  
qui, cùm dominantibus, etiam discolis  
parere jussit; jussi sui rationem facile  
reddet expeditam: & quæ videntur  
mala, ad finem bonum rediget.

Vis, seu, ut ita dicam, vigor quidam <sup>vis, seu vi-</sup>  
imperii, sequitur; quid illud vegetum, <sup>gor impe-</sup>  
& robustum reddit: isque in consensu <sup>rii in con-</sup>  
obedientium situs est. Consensus verò <sup>sensu obe-</sup>  
hic, etsi jure debetur summæ potestati; <sup>dientiis;</sup>  
tamen quia non in arbitrio imperan-  
tium, sed subditorum residet; animus  
verò mortalium naturâ & origine li-  
bet, facile regimen odit, aversatur,  
contemnit: ideo arte quadam imperi-  
tandi opus est; ut lubeat, profit, &  
denique necesse sit parere.

Lubentia parendi paratur: si tempe- <sup>Obtinetur</sup>  
res, & moderere Jus illud summum,in- <sup>si lubeat</sup>  
personas, res, & actiones Civium. Cu- <sup>parere,</sup>  
Jus, ut nunquam ( prout monui ) obli-

Visci oportet: ita non nimium meminisse, ne eo abutaris. Id est, ne cum nihil tibi vétari posse videoas; omnia facere, fas esse putas. Abusus enim talis, odiosum reddit imperium: Dum saevities personis, seu vitæ; avaritia rebus, & fortunis; austerioritas agendi, libertati insidiatur. Quæ quatenus lenitate, beneficentia, indulgentia; temperanda; ut benevolentiam Ci-vium conservent: & tamen necessaria supplicia, tributa, censuram retineant; sanè accurratè Lipsius explicavit. Lubebit ergo parere: & odium noxiū summo imperio minuetur, si id observes: Sciasquē illud demum firmum imperium esse, quo obedientes gaudent.

*Non saevo,  
non avara-  
rio, non  
austero  
imperio.*

*Deinde si  
prosit pa-  
tēre,*

Proderit verò etiam, si imperii insti-tuti finis, qui est bonum & commo-dum subditorum, rectè expendatur; & ad eum cuncta referantur: sciantque, qui eo potiuntur; se non suam rem agere, sed populi. Atque ita Rēpubl: administrent; ut agnoscant omnes, suam omnino salutem curari. Ita, quæ bnerosa erunt, levia; si proficia vi-debuntur. Et ut æger medico, sic po-pu-

pulus parebit imperanti: utrōq[ue] fa-  
lutem, jet[us] per dura, quandoque &  
aspera, procnante.

Sed etsi hæc summo imperio admo- Denique si  
necessitatem  
pareat.  
dum proficua sunt; non tamen conti-  
nent totam vim eius: nisi adsit vis alia,  
& vera, & invitis etiam necessitatem  
parendi afferat; & obedientiæ patientiam  
in animis efficit subditorum. Id  
partim internâ quâdam ratione effici-  
tur; partem exteriori modo. Interna  
velut Vis est, Æstimatio & Admiratio  
imperantium: quæ duo, dum impri-  
muntur mentibus subditorum; velut  
cogunt illos obsequi: nempe præstan-  
tioribus melioribusque. Hinc sata  
Majestas; & ei debita veneratio: id est,  
vita, & anima Principatûs. Externa au-  
tem, propriaque vis est, à metu: qui  
faciendus omniño; aut, cum interitu  
potestatis, habendus est. Timeant ita-  
que potius, quam temnant. Quod ef-  
ficiet, ac præstabat, saluberrima seve-  
ritas; quæ pravum, ac corruptum, quod  
sanari non potest, secat, ac urit. Hanc, Quod effi-  
cit æstimâ-  
tio impe-  
rantis.  
ut sécurè ac tutè exerceat, profectò ar-  
matis viribus opus est. Opus tamen &  
moderatione: ut quamvis metuant,  
Et motu  
ab impe-  
rante.  
non

non oderint tamen ; sed potius ament.

*Facultas  
gubernan-  
di triplex.*

Restat pars tertia summi imperii : nempe Facultas Civitatis gubernandæ; seu administrationis publicæ exercitium. Istud autem triplex est : nempe consulere Patriæ, & consulta effecta reddere ; deinde Magistratus legere, & præmia largiri ; Denique Judicia sine provocatione exercere, & pœnas infligere.

*Primum,  
consulta-  
tio, in qua  
edicta pro-  
mulgan-  
tur.*

*Leges san-  
ciuntur.*

*Multa de-  
cetniantur.*

In consultatione vel edicta temporaria promulgantur, vel perpetuæ sanctiuntur leges. Per edicta ordinatur, & constituitur, quid sit è re Republicæ, quod providere, ac procurare supremæ incumbit Potestati ; & huic fini rebus uti potest privatorum. Legum condendarum facultas, itidem summo imperio inest. Non posset enim illud suo munere fungi, nisi corrigendis Civium moribus, & in officio retinendis, necessaria quedam sanciat, pro ingenio populorum, vel temporum exigentia : Et nisi iis, quæ sanciverit, Cives teneantur. Ut autem potestas suprema à DEO ; ita Leges eius à Lege Divina & ortum ducere, & ei congruere, aut certè non adversari debent.

In

In decernendo maximè eminet Bel-  
li susceptio, indictioque. Bellum au- Præcipue  
de bello  
tem est: inter eos, qui non sunt unius Civitatis; nec, Jus requisiti, reddere suscipien-  
do.  
volunt; certatio per vim, arbitrio su-  
premæ potestatis suscepta: defendens,  
repetens, vindicans, quod juris est.  
Hæc est definitio exacta, puta belli  
publici, ac solennis; quale ad Conces-  
sam, de quâ nunc agimus, pertinet Po- Eius fas  
deducitur.  
testatem. Cæterùm bellum publicum  
à privato, uti exordium, ita & fas su-  
mit. Nam cuique ante constitutum  
Imperium; imò & post constitutum,  
ubi aut non habetur, aut sera est per  
Jurisdictionem tuitio; naturæ se con-  
servantis instinctu, propriis viribus  
datum, tueri membra primum, & vi-  
tam; deinde quæ his subserviunt, no-  
straque sunt. Qui ergo ea vi eripere  
vult; eum, ut te defendas, vi repelle-  
re; vel ut ablata repetas, vi impetere;  
vel ut facinus vindices, vi affigere li-  
cket. Concessis verò eiusmodi finibus,  
concedi & media necesse est, quæ du-  
cunt ad finem. Media verò belli sunt:  
trucidare: rapere: captivare. Quæ di-  
ctu ipso fera, & immania, penitusque

L ad.

Et gerendæ  
media non  
iniqua.

adversa Charitati, permittuntur quidem; quâ Juri obtainendo subserviunt; sed profectò Christianæ professionis erit, quâm maxima integritate, cautione, moderatione, ea exercere. Integritatis est; causam expendere: quæ non modo justa esse debet; sed etiam gravis, imò necessaria, idque ad pacem obtainendam. Cautionis; temeritatem & spem vanam cohibere: quam cùm avaritia, & ambitus sàpe incitet; anceps eventus, & inevitabilis calamitas belli dissuadet. Postremò, Moderationis; temperare furori in cæde, spolio, servitute. Hæc de bello.

*Moderatione.*

*Alia consultationū genera.*

Ad eandem verò Consultationis facultatem, pertinet tributi indictio. Cui jus, ab eminenti summi imperii in res Civium, dominio. Licitè igitur exigitur, & debitè redditur; ut sumptus, & necessitates publicæ sustineri possint. Eiusdem Consultationis est, fœdera sancire; rem nummariam constituere; edicta de rebus variis promulgare: denique quidquid ad curationem Reipubl. pertinet, ordinare. In hisce omnibus summum imperium bono publico provideat: subditi parere non graventur.

Fa-

Facultas altera gubernandæ Civitatis est, Magistratūs, munerisque distributio: quæ nec favore cæco, fortuito-  
vè, ut plerumque solet, sed prout quis par dignusque est, deferenda; nec per ambitum, sed meritis quærenda. Non inquam lucrum, quod illis adhæret, captandum; sed munus potius, officiumque quod requirunt, implendum. Quæ talia uberiùs explicant, qui trātant civilem doctrinam.

Tertia demum facultas administrationis publicæ est, Jus dicere; & redere. Cùm etenim nec privata vi Jus dicendi. repeteret, nisi cessante jurisdictione, licitum esse, demonstratum sit; Nec Cur soli rerum nostrarum studium, amorque permittat rectè statuere; quid vel nobis debeatur, vel Nos teneamur: Ideo Tertio, qui id decerneret, necessariò deferenda fuit jurisdictione. Nulli autem convenientiùs, quam supremæ potestati: cuius est arbitrium in personas, res, & actiones Civium: prout ostensum supra est.

Jurisdictione hæc igitur, imperio de-  
bita, partim reddit, & constituit suum  
cuique; partim punit. Utriusque mo-

*Facultas  
altera,  
nempe le-  
gendi Ma-  
gistratus.*

*Facultas  
tertia jus  
dicendi.*

*Cur soli  
competat  
imperio.*

*Ea partim  
reddit uni-  
cuique sui.*

dus, est lex : quæ præscribit Magistra-  
tui decernendi regulam, & formam.  
Unde benè Magistratus, lex loquens  
dicitur : lex verò mutus Magistratus.  
Et actiones quidem, quæ suum repe-  
tunt restitui, dari, vel reparari ; im-  
mensum patent. Sub potestatis ta-  
men, de quâ nunc egimus ; & Dominii,  
& obligationis, de quibus deinceps a-  
gemus, titulos, facilè redigi possent ;  
nisi alterius id esset argumenti : nempe  
Jurisprudentiæ, quæ hoc ex professio  
agit.

*Partim  
punit.*

*Finis pœ-  
nae.*

*Commodū  
societatis.*

De Pœnis verò hoc primùm dicam :  
quòd et si videantur Charitati admo-  
dum contrariæ, non sunt tamen ; si fi-  
nis, modusque earum rectè servetur.  
Finis enim pœnæ, non est dulcedo &  
oblectatio, redditi per vindictam &  
ultionem doloris : ( quod vitium iræ,  
& sævitium esse ; cum de affectibus age-  
rem, demonstravi : ) sed est commo-  
dum societatis humanæ : cui tam inter-  
est, neminem peccare, & delinquere ;  
quam toti corpori, singula membra  
sana esse. Porrò, non tam benè est ge-  
neri humano, ut sublatâ pœnâ, peccan-  
di licentiam non assumat : Metu eius,

ut

ut plurimum à malo arcetur. Itaque necessariò adhibenda erit. Et primùm. *Id est securitatis causâ.* Nam, ut tritum illud *ritas.* afferam: qui malis parcit, bonis nocet. Impunita enim malitia, vires & audaciam sumit; eadem, vel majora patrandi. Deinde, causâ Exempli: per quod, *Exemplū.* dum pœna ad paucos, metus pervenit ad omnes; qui à peccando deterret. Postremò, causâ ipsiusmet, qui peccavit: *Ipsiusmet* qui pœnâ aut corrigitur, aut si *puniti bo-* corrigi nequit, tollitur; ne peior fiat. *num.* Tum, inquam, ei puniri expedit: & sæpe pereuntis interest, perire. Hi tres fines, seu causæ pœnæ sunt.

Ratio verò, & Differentia eiusdem, *Fit aut* itidem triplex. Aut enim compescit, *multitâ.* vires demendo ad nocendum; quam vocabo multitam: aut resipiscientiam, *Aut casti-* & emendationem procurat; quæ vocabitur castigatio: aut denique insanabiles & deploratos tollit; quæ Capitalis dicitur. Quæ verò cuique delicto irroganda sit; lex prout dixi, tum verò *Aut Pœna.* Æquitas & *impunita* definiet: ut adsit *capitali.* regula, peccatis quæ pœnas irroget, & quas. Quod à multis fusè tractatum, meritò hic omitti potest.

*Clementia  
tamen suis  
locus.*

Præfertim cùm ad Officium, de quo híc agimus, non animadversio solum, sed & clementia pertineat: quæ lenitate sæpe præcipuum finem pœnæ assequitur, nempe emendationem; dum verecundiam faciens peccandi, suffundit potiùs sanguinē, quā effundit. Et profectò in tanta generis humani ad peccandū proclivitate, temporare severitati; sæpiùsq; pœnitentiā, quā pœnâ contentum esse; non solum decet: sed etiam necesse est. Præfertim cùm ita sint ingenia nostra, ut multos, citius ignoscens benignitas faciat meliores.

*Quæ justi-  
tiae non ad-  
versatur.*

Neque id repugnat Justitiæ: quæ pœnam exigit, non quā pœna est; sed quā ad dictos fines servit. Unde si illi obtineri aliter possunt, hæc condonari licet potest. Idque etiam post leges institutas: sed à summo imperio, quod est super leges. Jus enim, seu potiùs fas, tam Clementiæ, quā pœnæ extremæ, est penes supremam, seu, quam Concessam vocavi, Potestatem: huic enim soli, vitæ necisque delatum arbitrium. Nam etsi quidam putent; ubi deest imperium; fas idem naturali, & acquisitæ esse potestati: tamen propria, magis

*Pœna Ca-  
pitalis non  
competit  
naturali.*

gisque competens iis, est pœna compo- potestati,  
scens tantum, & castigans; quæ illis in- nec acqui-  
tegra manet, etiam imperio constituto. sitæ.

## Pars Capitis Altera.

### De Dominio, Juris altera specie.

**H**AEC tenus de Potestate. Sequitur *Quod sit plenum Dominium.*

verò species altera Juris, nempe Dominium. *Quod plenum, perfe-*  
*ctumque tum demum est; cùm habetur ad rem, possessio rei, & denique usus.*  
*minùs plenūm; dum aliquid ex istis de-*  
*est. Porrò ostensum est supra, sat puto evidenter: communitatem rerum, et si*  
*Charitati apprimè convenientem, non potuisse tamen, corrupto statu gene-*  
*ris humani, commodè retineri; nece-*  
*fariumque fuisse, proprietatem induce-*  
*re. Etsi enim hæc communionem so-*  
*cietatis distrahere facile potest; ad-*  
*mittenda tamen fuit, ob insufficien-*  
*tiam rerum; cui curâ, & industriâ sub-*  
*venire, necesse erat: ea verò nunquam*  
*diligens, nisi propriæ utilitatis causâ,* *Ratione intro-*  
*fuisse. Nisi itaque Dominium, & pro-* *ptietas sibi consulens foret; indigentia,* *&c.*

& insufficientia major existeret; exinde  
verò occasio discordiæ, per vim sibi  
necessaria, & pauca, quæ suapte prove-  
niunt, rapientis. Ita ratio ipsa natura-  
*Et à DEO*  
*probata.* lis suafit; & exegit proprietatem. Ean-  
dem verò adeo DEUS approbavit; ut  
non modò surripere, sed concupiscere  
etiam rem alienam vetuerit. Quidquid  
verò proprietati inest, ad Charitatem,  
seu societatem retinendam incommo-  
di; id reparat, corrigitque Jus: præscri-  
bens modum quo Acquirantur, Ha-  
beantur, & demum Desinant Domi-  
nia. De tribus ergo hisce dicendum  
est singillatim.

*Ius ei mo-  
dum præ-  
scribit.*

*Primum  
in acqui-  
rendo.*

*Per occu-  
pationem  
non occu-  
patorum.*

Acquiritur Dominium, primùm oc-  
cupatione eorum, quæ non sunt occu-  
pata. Estque licita talis occupatio, ob-  
datum nobis à DEO Jus, res omnes  
inferioris huius mundi, quas subjecit  
potestati nostræ. Quisque igitur eas  
occupare, & ad usum suum convertere,  
licitè & jure potest. Si autem, quæ pri-  
mus quispiam occupavit, jure acqui-  
favit, & possedit; profectò ea illi eripe-  
re alter, nisi injuriā, non poterit. Illi-  
cita ergo erit acquisitio rei semel oc-  
cupatæ, ac possessæ. Occupationis ve-  
rò

ro eiusmodi ratio, & modus est; ut *Quod fit*  
*contactu;*  
*quod acquirere velis, corpore contin-*  
*gas. Res quidem, quæ loco moveri*  
*possunt, manu apprehendendo; ter-*  
*ram verò pedibus adeundo, vel limite*  
*signando. Unde patet: solo animi a-*  
*etu, aut verbis, occupationem non fie-*  
*ri. Sed infrequens jam est modus hic*  
*acquirendi: cùm vix ~~adserata~~ inveni-*  
*antur. Nam & loca, si quæ sint non ha-*  
*bitata, ut montes, sylvæ, campi, à terri-*  
*toriis adfatis ut plurimum usurpantur:*  
*& captura ferarum, legibus sæpe, us-*  
*que non illicitis vetatur: & thesaurus,*  
*ab immemorabili tempore defossus,*  
*sæpiùs per leges non inventori cedit,*  
*sed Domino loci.*

Sequitur igitur alter acquirendi *Alter mo-*  
*modus, nempe successio, seu hæreditas.* *dus acqui-*  
*rendi, hæ-*  
*reditas.*  
*Quam natura, seu recta ratio, mos*  
*gentium, & paginæ sacræ authoritas,*  
*assignat soboli, post fata parentum.*  
*Convenientissimum enim est, ut à quo-*  
*rum propagatione, & genitura, cor-*  
*pus naëti sumus; ab iis etiam, quæ ei*  
*sunt sustentando, nempe Dominium*  
*rerum nanciscamur. Ubi autem pro-*  
*les deest, eâdem ratione, citima quo-*

que adgnatio, cognatioque loco eius erit. Cæterum de successione eius, qui & prole, & cognatis certis, notisque careat, intestatusque decedat; infra dicam.

*Tertius,  
translatio-  
ne Domi-  
nii.*

*Id est; do-  
natione,  
venditione,  
commuta-  
tione.*

*Acquisitio  
per testa-  
mentum,  
& lega-  
tum.*

Tertius modus acquirendi est, à translatione Dominii, ab eo, qui plenum eius jus, & à nullo dependens habet. Inest enim facultas alienandi pleno dominio: adeo, ut hæc potissima sit nota proprietatis; posse, quod meum sit, jure transferre in alium. Translatio verò ista Juris, aut gratuita est; in donatione: aut accepto rei pretio; in venditione: aut re, vel officio; in commutatione. In omnibus istis, dantis & acceptantibus voluntas exprimi debet externis; & quò magis irrevocabilis sit, manentibus signis. Et compos rationis sit oportet, qui Dominium transfert; suæque spontis ac potestatis.

Sed adeo hominibus rerum suarum libera placuit dispositio; ut eam ultra vitam quoque extendere voluerint: concessio nempe, & condito testamento. Quod ita potest describi: ut sit ultimæ voluntatis, de rebus morte derelictis,

di-

dispositio, ac testimonium; post mortem demum valiturum, ante eam verò possessionem, & usum rei legatæ non eripiens: & testandi aliter, liberam, relinquens potestatem. Datum hoc videtur consensu gentium, velut remedio mortalitatis: cùm ( ut Lipsius dixit bene ) solatum fati sit, voluntas ultra fatum. Consensu, inquam, gentium valuit: ut prout quisque rem suam legasset; ita jus esset. Alioquin natura dictat, nos nihil ultramortem posse.

Itaque miror, id inter acquisitiones, quæ jure gentium fiunt, non ponit primo loco. Cùm magis ad illud referri possit, quam acquisitione; quæ fit Jure belli. Ea enim naturali etiam nititur, & equitate. Nam dum damnum, vel injuriam repeto, aut vindico justo bello; facio id non modo magnâ rerum jacturâ, sed etiam vitæ periculo: quod inestimabile est. Qui igitur ad tam extrema me adegit; is profectò obnoxium se fecit gravissimæ, quæ potest esse, vindicationis. Præsertim, si aucta sit, post facto, & progressu belli, injuria. Tum inquam, Jus mihi confert victoria, in ipsam vitam hostis; non

*Ex jure gentium.*

*Acquisitiō  
jure belli.*

*Quæ non  
iniqua o-  
stenditur.*

non modò in res eius, quæ sanè vita longè sunt minores. Licitè ergo illas acquirere possum justo bello: quod ut naturali non repugnat juri; ita & eius moderati effectus.

*Modus ha-  
bendi Do-  
minii.*

*Possessionis  
securitas.*

*Eius vio-  
lata re-sti-  
tutio, ac  
refusio.*

*Liberè u-  
tendi fa-  
cultas.*

Habendi Dominii modus, & Jus sequitur. In hoc primum est; securitas possidendi: quæ nisi omni ratione cauta esset; non posset constare proprietas, infirmum fore dominium, gravis eius custodia. Ergo talis videtur fuisse consensus, proprietatem incipientium; tale, ut dixi, præceptum divinum: ut non modò nefas esset, rem alienam concupiscere, surripere, retinere; sed etiam non indicare surreptā; & non efficere, quoad fieri potest, ut in eius, cuius est, perveniat potestatem. Eodem quoque pertinet: restitutio fructūs, & commodi accepti, ex usu rei alienæ. Eodem refertur reparatio, & refusio damni, culpâ dati; per quam Jus habendi violatur, dum possessor per eam, minus suo habet.

Alterum Jus habendi Dominii, est Facultas utendi. Idque partim rem consumendo, partim fructum ex ea capiendo. Uterque usus pleno competit

sit Dominio; ita tamen, ut abusus fo-  
 cietati noxii meritò vetentur. Inter  
 quos eminet usura, seu potius fœnus:  
 quod ex illico fructu pecuniæ perci-  
 pitur; si nempe illa infructifera, seu o-  
 ciosa fit; id est, si neque negotiationi,  
 neque emptioni bonorum fructifican-  
 tium, neque ulli industriæ serviat; sed  
 deposita tantum servetur. Talis si mu-  
 tuò datur; non est cur fructum adfe-  
 rat: imò iniquum; ut cum ipsa sit ste-  
 rilis, ex indigentia proximi lucrum  
 extorqueat. Nisi forte ratione pericu-  
 li, aliquid sit licitum exposcere. Ad  
 abusum quoque pertinet rerum, quæ  
 præsertim ad vietum, avara detentio;  
 idque ut ingravescat annona. Deinde,  
 iniqua venditio, pretium ex penuriâ  
 nimium augens, & avidè lucrum ca-  
 ptans. Denique quidquid est inhone-  
 sti, & sordidi quæstus. Tertiò ad jus ha-  
 bendi refertur alienationis potestas:  
 sed de hac dictum supra est.

Porrò etsi tam accuratè cautum sit  
 Proprietati, & Dominio: tamen non  
 penitus extintam communitatem,,  
 eamque certis casibus redire, Primùm  
 exinde appetit; quod in extrema ne-  
 cessi-

Sed non  
 abutendò  
 in usura.

Eius ini-  
 quitas.

vti & an  
 liorum  
 abusuum.

Ut vitam  
 seruos,

*Licet uti  
re alienā.*

*Idem fas  
& Civita-  
ti.*

*Prohibere  
usum quo-  
rumdam  
nefas.*

*Definunt  
dominia  
sublato  
Domino.*

cessitate, ut vitam conservem, uti re aliena, extra controversiam liceat. Cum hac tamen cautione; ne plus sumam, quam necesse sit: nec, si pari necessitate Dominus tenetur; & denique, cum onere refusionis damni, vel restitutionis, dum fieri poterit. Deinde, Civitati uti licet rebus privatorum, ob eminens Dominium, & salutis communis causā. Quanquam & hic à Concivibus debetur refusio, ut æqualitas onerum sustinendorū servetur. Postremo, & ea communia esse debent, quæ fine damno, onere, & molestiâ fūnt dantis, aut permittentis, accipienti verò necessaria. Ut ignem, aquam profluentem, non prohibere: permettere transeundi, imo & morandi, innoxiam facultatem; emendi rem necessariam ab eo, qui eius copiam exuberantem habeat. Et quæ talia solent affiri.

Restat explicandum, quomodo definat Dominium. Definit autem a sublato Domino, aut præscriptione rei derelictæ. Domino è vivis sublato, qui nullam prolem reliquit; nec ul-  
lam

lam Cognitionem; nec ulli debet quid- Prolem  
non ha-  
bente, &  
intestato.  
 piam, aut tenetur; nec denique con-  
 didit testamentum: naturaliter res re-  
 deunt in eum statum, ac si non essent  
 occupatæ. Nisi igitur lex Civilis aliter  
 constituerit, erunt primò occupantis.  
 Cæterum adeo stabilità rerum suarum  
 dispositione, ut etiam ultra fata pro- Hæreditas  
taliū vel  
occupan-  
tis.  
 tendatur, conveniens admodum erit,  
 exquirere conjecturas ultimæ volunta-  
 tis, easque prout æquitas suadet, ad-  
 implere. Si verò improlis quidem, & Vel credi-  
torum.  
 fine Consanguineis, & intestatus dece-  
 dat; relinquat tamen familiam, & de-  
 beat, ac teneatur; tum Creditoribus,  
 & obligationi imprimis erit satisfacien-  
 dum: servi ad libertatem redibunt; o-  
 peris merces danda erit. Et sunt, qui Vel famu-  
liti,  
 inter familiares dividendam Hæredi- Qui ge-  
tatem censem, cum famuli sterilibus nealogiæ  
& ~~derelictis~~ esse loco liberorum pu- carent.  
 tentur.

Alter modus Dominii Desinentis, Desinent  
deinde  
præscripti-  
one, & re  
 est à præscriptione, & re derelicta. De- derelictâ.  
 relictio fit, dum quis professus est, se  
 rem nolle habere in censu rerum sua-  
 rum; dum eam facto abjecit; dum uti  
 noluit; & utentem non interpellavit;

dum

dum sciens, præsens, nullâ vi, aut metu adactus, tacuit; denique amissam recuperare contempsit, spem abjecit, vel, ut recuperaretur, periculo graviori, ut pote vitæ, se objicere noluit; quod alter studio acquirendi fecit. Præscriptio verò, dum tempus longum intervenit, & Circumstantias Derelictionis, ac incuriæ palam comprobavit. Hæc Dominium transfert, & rei ab alio acquisitionem firmam reddit. Tempus autem Præscriptionis, pro instituto, varium. Longissimum censetur, quod memoriam excedit. Interest verò societati tranquillæ, Præscriptionem introductam esse: idq; ad certa reddenda Dominia, ad lites & contentiones minuendas, ad stimulandam denique rerum suarum curam, atq; diligentiam.

*Tempus  
præscri-  
ptionis pro  
instituto.*

*Eiusque  
necessitas.*

### Pars Capitis Tertia.

#### De Obligatione, Tertia Juris Specie.

*Obligatio-  
nis inter  
homines  
Necessitas.*

Juris ultima species explicanda supereft, nempe Obligatio. Cuius, inter homines necessitatem, non minus quam Potestatis, atque Domini,

nii, invexit defectus Charitatis. Si hæc enim potuisset integra manere: alter, alterum officio sine ulla flagitatione, præveniret; nihil tanquam debitum à se mutuò exigerent; non obligatio, sed mutua esset Dilectio. Ex illâ verò spontanea, & benevolâ manasset beneficentia: præsertim cum minimè onerosa fuisset; imò vix fuisset, in abundantia rerum suapte provenientium. Sed di-  
 luto hocce Charitatis, ut ita dicam, vt quos  
Charitæ  
non vin-  
ciat;  
 glutino; quærendum fuit aliud: quo, cum amore aut nollemus, aut non possemus adstringi; saltem ex debito ad invicem teneremur. Orta ergo est obligatio, non modò illa; quæ ex potestate & Dominio manat, sed varia, insuper Promissorum, Juramentorum, Promissa,  
Iuramen-  
 Contraetuum: quibus velut vinculis ta, Contra-  
etius ad-  
stringant.  
 vincimur mutuò, & illigamur. Horum omnium fundamentum, & basis est Fides: de quâ primùm dicam, & postea tres obligationum species explicabo.

Fides, est Concordia mentis & verbi, vera, constans, & efficax. Tria ex definitione eius apparent requisita. Nempe Veritas imprimis; non tam ea, quæ est Intellectus rectè cognitæ

rei; sed potius in locutione veracitas: id est, sermo congruens menti, seu Intellectui; cui oppositum mendacium,

*Natura verbi.* seu contra mentem dictio. Exigit vero non modo natura verbi: ut cum sit animi imago, vere eum representet: sed etiam commodum Societatis; ita clausum peccatum oratione aperire, ut tutum credere possimus; nec timeamus falli. Aliud requisitum fidei, est dicti Constantia; ut, quod semel locutus sis,忘却さるを常にテ dixisse; & religio sit, declaratam inficiari voluntatem. Tertium, ut dictum, effectum reddas: ut, inquam, pondus insit verbis, & vocem facta sequantur. Haec sunt partes Fidei, quam natura ipsa, nescio quomodo nobis unicè commendat; exoscosque prorsus reddit eius temeratores. Pueros vide; [ inquit Lipsius ] mendacium inter prima probra objiciunt: & quantum levitate quadam assumunt, tamen judicij rectitudine damnant. Admiranda profecto DEI providentia: virtutem hanc, sine qua vita & societas stare ægrè possit, animo inferentis; & contrarium ipsi vitium, nempe perfidiam, evidenter ut plurimum punit.

*Constantia.*

*Effectus.*

*Et mira  
in nos vis.*

*Societas  
unicè pro-  
figua.*

nientis. Itaque firmiter retinenda est, *Itaque Satis  
et habe-  
da.* velut Sanctissimum humani pectoris bonum.

Retinenda autem primò in Promis- *Et primum  
fis. Promissum verò est; declaratio Vo-  
luntatis de futuro, certitudinem faci-  
ens adimplendi. Sigratuitum est; pec-  
cat quidem, qui ei non satisfacit, nem-  
pe mentiendo; non tamen facit inju-  
riam. nec reposci potest tale promis-  
sum; nisi sit solennis verborum obliga-  
tio, aut testibus firmata stipulatio, aut *Quæ qua-  
tio, tenus obli-*  
*manentibus signis, nempe literis, ex- gent.**

pressa. Talis enim demum jus conser-  
re videtur, quia deliberatæ est voluntatis; & cuius convinci promissor faci-  
lè potest. Promissa verò non gratuita,  
& quibus inest *συνάλαζυμα*, quin obli-  
gent, indubitatum est. Sed talia, jam  
Contractus erunt, de quibus mox di-  
cam. Cæterùm, ut Promissum valeat,  
requiritur usus rationis in promitten-  
te. Deinde nulla injusta per vim & me-  
tum adactio, facta ab eo, cui promis-  
titur. Injusta inquam: nam quæ justo  
bello fit, obligat; quæ à latrone, inva-  
sore, fœdifrago, perjuro; minime.  
Tertiò, ut materia sit (ut ita dicam)

*Commu-  
tatio.*

*Eorumque  
requisita  
ostendun-  
tur.*

promissibilis; nempe non illicita: nam  
in tali scelus esset fides. Tum verò in  
nostra Potestate sita: nam ultra eam  
non tenemur. Et demum obtenta; non  
per imposturam, aut falsâ causâ: cā  
enim deprehensâ, & cessante, meritò  
mutatur Promissum. Nam fraude, &  
dolo inducti, nihil promittunt.

*Iurisjurandi obligatio.*

Jurisjurandi sequitur obligatio, de-  
finiturque; Affirmatio, DEUM testem  
constituens, & si sciens fallit, vindicem.  
Magna profecto eius Autoritas, quā  
Divinitatem, & providentiam adstruit;  
estque testimonium animæ, naturali-  
ter, DEUM punientem mala, agnoscen-  
tis. Unde religio eius meritò maxima  
esse debet; & temeratio non proximo  
tantum, sed DEO etiam, quem testem  
cupis, injuria. Cavendum ergo, ne af-  
summatur, non modò in re falsâ; sed ne  
in levi quidem, & non penitus necessa-  
riâ. Dupliciter autem juratur; nempe,  
vel afferendo, vel promittendo. Affer-  
tivum Juramentum, ut culpatus facti  
mei, vel proximi, testimonium juridi-  
cè perhibeam; necessarium & inevita-  
bile esse debet. Minus, ut rem vindi-  
cem, & præsertim exigui pretii. Tum  
in-

*Eius religio.*

*Aut est af-  
fertivum.*

inquam, profecto justius est abstinere: *Aut pro-*  
*Promissorium, nisi jure exigatur ab eo, missorium,*  
*cuius summè interest non decipi; ut*  
*plurimum vitandum, studendumque*  
*vitæ probitate mereri, ut nec juratis*  
*credatur: & sit sermo noster, est, est:*  
*non, non: nam quod ultra hoc est, à*  
*vitio est. Ut verò validum sit Juramen-*  
*tum, & obligans; eadem fere, quæ cir-*  
*ca promissa dicta sunt, requiruntur.*

Nempe, ut Jurans mentis sit compos,  
& non fraude inductus; & ne res illicita,  
aut impossibilis esse, post præstitum  
Juramentum, deprehendatur. Præter  
hæc, inquam, impedimenta; & Jurandum  
est, prout ille, cui jure ac debitè  
juratur, requirit, ac intelligit; & quod  
Juraveris, adimplendum. Sed si ab ini-  
quo hoste, invasore, prædone, vi &  
terrore mortis, compelleris ad juran-  
dum; quod tum fas sit verbis ambiguis  
eludere, & mentem linguæ non jungs-  
re, & arte aliqua jurisjurandi formu-  
lam immutare; probabiliter certè con-  
cedi potest. Quanquam laudati magis  
illi, qui se putarunt teneri, etiam metu  
extorto juramento, (in re tamen non  
illicitâ:) Non causâ obligationis erga

*Si ad sint  
requisita  
validi ju-  
ramenti.*

*Jurandum  
sincerè, &  
quod jura  
veris, ad-  
implendū.*

*Extortionem  
juramen-  
tum elu-  
dere fas.*

*Laudati,  
qui illud  
in re licita  
adimplent:*

iniquum Exa<sup>c</sup>torem: (per injuriam enim nihil sibi ille juris acquirere potuit: ) sed advocati testimonii religio-  
ne.

*Definitur  
contractus.*

*Qui tri-  
plex.*

*Eius va-  
liditas.*

*Et requi-  
fita.*

Tertium genus obligationis est, Contractus. Definitur: Conventio duorum aut plurium, quid pro quo sibi tribuens, reciprocæ utilitatis causâ. Contractuum genera triplicia sunt, quæ in tribus illis formulis: do ut des, do ut facias, facio ut facias, continetur: Nempe dum res pro re; vel pro re, opera; vel pro operâ, opera itidem rependitur. Ad hæc; omnes species Conventionum, tam privatarum quam publicarum, commodè referri possunt. Ut verò valida fint, eadem ferè requiruntur, quæ de promissis ac Juramentis dicta sunt. Hæc tamen addi solent: primum in Contractu do ut des; ut indicium fiat occulti vitii, rei furtivæ, malo vel incerto Jure possessæ; servi fugitivi: Tum ut iniquum pretium, ob indigentiam proximi, avarè non exigatur. Quanquam per hoc peccari quidem potest, sed vix Jus vindicatio-  
nis competere. Nam modus licitatio-  
nis, uti & æstimatio, ab affectu in rem,  
à tem-

à tempore, à copiâ pendet, & conti-  
nuò variabilis est. Inde Conventio  
Æqualitatem rei, cum pretio decernit:  
& si culpa, fraus, dolus abest; jure re-  
scindi non potest. Eadem ratio est,  
dum intercedit do ut facias; vel facio  
ut facias. Merces enim, & mutua ope-  
ra, aut officium, itidem ex Conventio-  
ne, & consensu partium pendet. Etsi er-  
go Æqualitas, aut certè Proportio, vi-  
detur requiri in Contractibus; attamen  
profectò standum est, prout convenit,  
& pactum intercessit; modo absque  
dolo malo, & ex fide bona.

Habes novâ hæc tenus, sed puto non  
incomodâ partitione, explicatum com- *Hæc est*  
pendium, & synopsim Juris. Accuratio *nova synop-*  
*psis Iuris.*  
verò eius tractatio, et si ex hisce fontib,  
facilè deduci posset; tamen non est ar-  
gumenti à me instituti. Et sunt, qui hæc  
abundè, & plus satis præstiterunt. Mi-  
hi verò mens fuit ostendere, quatenus  
Jus constitutum, temperet iis, quæ po-  
tuissent penitus Charitatem inter ho-  
mines extinguere; si prout necessariò  
introducedta fuerunt, ita ad libitum re-  
tenta, vele exercita fuissent. Quoniam  
autem illud ipsum Jus, si strictè nimis

sumatur, exigaturque; longè potest à Charitate abducere; ideo huius Translationis meritò ponendum est.

### CAPUT III.

*In quo ostenditur temperamen-  
tum summi Juris per Charitatem. Idq;  
Admonitione, Consilio, & Exemplo  
Christi.*

*Summum  
Ius sum-  
mae crux.*

*Et causa  
dicti ex-  
ponitur.*

**V**Etus enim illud, & tritum sermone proverbium: summum Jus, summam esse injuriam. Causa dicti; Quod tria illa; nempe, Potestas, Dominium, & Obligatio, tām largē & copiosē, jure concedantur; ut facillimē eorum specie ac obtentu, extrema multa contra Charitatem committi possint, citra pœnam, & vindictam. Pronum autem est genus humanum indulgere sibi; & quæ permittuntur, velut laudata ampliare. Hinc leges iniquæ sāpē conditæ, quæ licentiam potius augerent, quam Jus constituerent. Hinc earum Interpretatio prava; hinc consuetudines quæcunque modō inveteratæ pro legibus.

Exempla huius licentiæ passim sunt

funt. Nam Potestas primūm, tam se- *Potestatis  
verè*, avarè, arroganter, & superbè *abusus o-  
exercetur*; ut qui parent, vix putentur *stenditur.*  
hominum vice. Gemit genus humanū  
sub onere iniquæ dominationis: & rari  
sunt admodum, qui in illâ cogitent,  
quid debeant; sed tantūm quid possint.  
Posse autem existimant, quidquid hic  
per leges impunitum ipsiſe eſt. Nam de  
Deo vindice, non eſt, qui cogitet cor-  
de. Cùm verò tantūm citra metum  
pœnæ Potestas obtineat; quid mirum,  
ſi dominatus & imperia credantur hu-  
manis majora bonis? ſi per vim & bel- *Vnde avi-  
la quæruntur?* di detre-  
ſequeſi & juberi, in- *Et parent-*  
ter miserrima ceneſatur? Si denique *ctatio.*  
Jus, Potestatis præſertim, ita auētum,  
injuria putatur? Illudque velut jugum  
excutere, & libertatem ferro quærere,  
illustre cenſetur, & glorioſum?

Rerum Dominium Avaritia corru- *Dominium  
pit: quæ summo Jure exerceri extremè  
avarum.*  
poteſt, nullo pœnè legum auxilio, quæ  
adeo proprietatem, jusque habendi fir-  
marunt; ut beneficentiaz, quam Cha-  
ritas fuadet, non ſit locus. Ita occu-  
patio, ac poſſeſſio rerum, avidè ac te-

*Furta provocat.* naciter exercita, furta & rapinas provocat, & alienum appetere jubet.

Postremò, Obligatio tantum legibus concessa invaluit; ut e j u s v e l u t i n dagine clausi teneamur. Laquei ubiq; & vincula Contractuū, aut captionum: è quibus vitilitigium; & vafra, ac perdita causidicina. Adeſt enim Creditor, aut Fæneratior potiūs; tum manceps & sector, qui in jus rapiunt, & nullā remiſſione miserè enecant. Ita acerbè, & acriter flagitata obligatio; subdola effugia, perfidiam, ac perjuria creat. Quæ cuncta, quin longè remota ſint ab illâ, quâ invicem teneri deberemus, Charitate; nemo eſt, qui negare poſſit

Meritò itaque nova lex, & Institutio Christi; quæ non venit ſolvere hæc Juris vincula; ſed perficere: Meritò inquam exigit. præcipitq; ut omnia fiant in Charitate. Et primum docet, Moderationem adhibendam eſſe; ne, quæ licita ſunt, putentur omnia expedire. Deinde suadet, decedere quandoque de jure ſuo, aut ſe eo penitus privare, ut exactiūs Charitas impleatur. In primo eſt Admonitio; in altero Confilium. Illud ab omnibus requirit nominis Chri-

*Obligatio  
firmitati  
mis.*

*Effugia  
erat sub-  
dola.*

*Hæc cuncta  
lex Chri-  
ſti tempe-  
rat.*

*Et ſaſe  
charitatis  
cauſā ab-  
dicat.*

Christiani professio, hoc à paucis perfectio. Utrumque per singulas Juris partes explicabo; & officia, quæ hinc emanant, deducam.

## Pars Capitis Prima.

### De Temperamento Potestatis.

**O**stensum est libri huius initio, defectum Charitatis Causam, juris extitisse. Cùm hæc ergo gratia Christi reparatur; profectò necessse est, ut renovet dotes sibi proprias: iisque, quantum fieri potest, Jus constitutum moderetur, ac temperet. Dotum autem harum prima est Æqualitas: hanc itaq; Potestati in memoriam meritò revocat. Meritò, inquam, nam ratio diëtæ ipsa, quod ea, quæ sunt ejusdem speciei, æqualia sunt ad invicem, & *oμοστια*: quæ potissima, & superma Æqualitas est. Ut igitur aurum auro, ita homo homini naturâ par est. Par verò etiam, non modò ab eodem ortu, & satu primi Parentis; sed quod longè maius est, ab æquali Regeneratione per Christum. Si enim Propheta dixit: nunquid non Pater unus omnia?

Gratia  
Christi re-  
vocat dotes  
Charitatis;

Et primus  
Æquali-  
tatem.

Consu-  
stantialia;  
Quæ plu-  
res ob  
causas de-  
bita nobis.

Sed præ-  
cipue ob  
nium

*regenera-  
tionem per  
Christum.*

nium nostrum? nunquid non DEUS creavit nos? quare ergo despicit unusquisque fratrem suum? Quantò magis nobis unus Dominus, unus Deus, qui dixit: Patrem nolite vobis vocare super terram; unus enim est Pater uester, qui in cœlis est; vos autem fratres estis. Unum corpus nempe, unus spiritus; sicut vocati sumus in una spe vocationis nostræ. Unde illa recentis Ecclesiæ fraternitas, & communio; per quām erant pariter omnes conjuncti, imo & uniti; cùm illis esset corunum, & anima una.

*Vnde fra-  
ternitas  
primitivæ  
Ecclæ.*

*Cuius de-  
cet memi-  
minisse.*

*Prolis a-  
mantes.  
Ab illa e-  
nim tem-  
peramen-  
tū omnis  
potestatis.*

Huius itaque novæ æqualitatis, in omni Potestate oportet meminisse: si prout sumus nomine; ita & re ipsâ, esse volumus Christiani. Hæc nos docebit: supportare invicem in Charitate. Hæc monstrabit officia, tam his, qui regunt, quām qui reguntur. Hæc naturalem Potestatem perficiet: dum & quos Deus conjunxit, vetabit separari: & Parentes ἐνταγμæ efficiet. Hæc, Potestatē in servos; juxtamonita, quæ ad eam dicta sunt, exercebit. Hæc deniq; Imperium temperabit, exactè adimplendo, quæ ad illud spectant. Ita;

mo-

moderatio constabit omnis Potestatis,  
ab æqualitate per Charitatem: quæ est  
æqui & boni consummatissima regula.

Ea verò ut tanto melius exerceri *Cui præ-  
possit*; prætulit Christus obedientiam *tulit Chri-  
Gubernationi, famulatum dominatui,* *flus ob-  
sequium.*  
*obsequium imperio.* Prætulit autem *Idque ra-  
causâ primum, & ratione.* Nam dum *tione.*  
omnem animam Potestati subdidit:  
hoc ipso facillimum officii compendi-  
um, securam recti normam, unicum  
erroris effugium dedit: nempe obsequi  
libenter; & parere, cui subiectus jure  
sis. Reddat rationem rectè an se-  
cūs facti, cui Jus delatum jubendi:  
sic obsequii meritum, securum &  
*απολεῖς* manet. Prætulit deinde idem, *Erroris  
& exemplo.* Nam et si illi data esset Po- *expers.*  
testas omnis in cœlo, & in terra; tamen *Et exem-  
noluit ministrari, sed ministrare;* *plo.*  
re-  
gnūm fugit: formam servi assumpfit,  
factus obediens: & quod ipse fecit; fa-  
ciendum monstravit. Reges inquit  
gentium, & qui Jus aliud Potestatis ha-  
bent, dominantur: Vos autem non  
sic: sed si & Consilium meum, & Exem-  
plum placet; qui major est vestrūm-  
fiat sicut minor.

Istud

*Quod per-  
fectioribus  
proposuit.*

*Merito ab  
omnibus  
spectan-  
dum.*

*ut implear-  
tur offi-  
cium gu-  
bernandi.*

Istud vero re ipsa implere; id est subjici velle, & defugere omnem Potestatem; et si tantum est perfectiora se-  
Etantium; iisque hoc suadetur: Atta-  
men ad omnes certe, qui præsunt, per-  
tinet; meminisse huiusce exemplaris:  
illud identidem respicere, illi aptare  
actiones, & hinc consummata officia  
petere cujuscunque potestatis. Non  
est enim ut recte gubernet, nisi qui pa-  
ratus sit gubernari. Talis enim sciet:  
officium esse Regere; non præmium:  
Dominationi definitam esse à DEO, &  
naturâ legem: Summam potestatem  
manasse ab instituto; hoc verò bono  
parentium, non commodo gubernant-  
ium ortum: Onus esse hocce mu-  
nus. Omne, sub Regno graviore, Re-  
gnum esse. Reddendam ejus rationem.  
Itaque habendum Jus Potestatis tem-  
peranter: Nec homini homine abuten-  
dum. Deinde, idem docebit; parendum  
etiam Potestati. Hoc utile; hoc tu-  
tum; hoc, vel non onerosum volenti;  
vel si sit, majoris meriti. Hoc demum  
errori non adeo obnoxium, & in red-  
denda ratione minus grave.

## Pars Capitis Secunda.

### De Temperamento Dominii rerum.

**P**Rout ad Temperamentum Pote- *Gratia Christi*  
statis, Charitas utitur Æqualita-  
te; & hac eius velut mensurâ . æ- *communi-*  
quum Jus gubernandi constituit: Ita *tatem suam det.*  
ad moderationem Dominii dotem al-  
teram adfert, nempe Communitatem: *Ostenditur id ex ratione.*  
eamque, quantum fieri potest, suadet  
revocare. Idque juremerito. Nam si  
quemadmodum in corpore humano, *si ne.*  
membra singula, ad se valetudinem  
membri proximi traducerent: exempli  
causâ; si hepar, aut lien, plus attraheret  
succi, quam necesse fit; debilitatur  
totius corporis valetudo: ita si unusquisque nostrum avidè rapiat ad  
se, quæcunque jure non vetante po-  
test, commoda; nec ea cum proximo  
communicet; societas humana multum  
turbetur necesse est. Utile ergo gene-  
ri humano Proprietatem, quoad fieri  
potest. temperare Communitate.

Cum autem hoc suadeat ratio, quam *Tum* *adduxi;* suadet certò multò magis *Chri-* *consilia.*

*exemplaque* fti Consilium, Exemplumque. Nihil enim ipse, ut proprium possedit: possidere suis intimis vetuit: Abdicare, & dispertiri cuncta suasit, præmium pollicitus id facientibus ingens: Pœnam comminatus gravem avaris: Impedimenta maxima dixit esse divitibus: quæ omnia uberiùs, dum de Abrenuntiatione agam, explicabo.

Secuti verò sunt id primi illi, & recentes à Magistri scholâ discipuli: cùm

*Omnes* habuerunt *omnia* *comunia.* *Quod se-  
cul. primi  
Christia-  
norum.* nempe in primitivâ illâ Ecclesiâ πάντες ἔχον ἐπαντα κοινα, cùm possessiones vendebant & dividebant, prout cuique opus erat: Cùm nullus eorum, quæ posse fidebant, aliquid suum esse diceret: Cùm denique ita communibus facultatibus uterentur; ut nec quisquam engens inter ipsos esset. O vitam felicem! quietam! Sanctam! curæ, solicitudinis, dissidii expertem! Securi autem ac moderati usus rerum compotem!

*Quod om-  
nes merito  
debent su-  
spicere.* O vitam inquam sublimem! & quam non omnibus suasam, nec in hac depravatione morum præstandam; tamen meritô à cunctis suspiciendam! & velut speculum quoddam proponendam! Ad hoc etenim si nos componamus

mus, manabunt exacta officia, rerum  
dominij recte exercendi.

Et primum, acquisitio ejus temperata erit: non nimia, non avida, nec plus concupiscentia, quam capere possit: nec omnia sibi rapiens, sed quae ultra veram necessitatem sunt, proximo relinquens. Deinde in habendo tenacitas, & avara parcitas cessabit; beneficia vero & prudens erogatio, non patietur quenquam inopia perire. Denique amissio Dominij non te plus aequo anget, nec torquebit: & quae non inhiante animo possederis, securus cum fortuna volet, dimittes; aut potius reddes. Violatio vero Dominij nulla prorsus erit. Nec Charitas jus suum, cuique integrum relinquens, & severo abstinentiam alieni imperans, permittet, aut patietur; ut damno aliorum, res & facultates nostras augeamus.

### Pars Capitis Tertia.

#### De Temperamento Obligato.

*tionis.*

**A**d moderandam inter homines onerosam, odiosamque obligatatem restitutionem; Charitas advocat ter-

N

tiam

*Hinc enim  
moderata  
acquisitio  
dominij.*

*Et infusus.*

*Et quando.*

*doge derem.*

*licitio.*

*Nulla ve-*

*ro viola-*

*tio.*

*Charitas  
per Chri-  
sti gratiam.*

tiam, quam posueram, dotem suam, nempe Immunitatem. Ut scilicet homines solo tantum vinculo mutui amoris nexi, cætera liberi, quantumque fieri potest, soluti sint ad invicem. Ut sit nempe Obligatio, quam non externa necessitas flagitet; sed ultiro benevolentia sibi imponat, & præstet.

*Hæc obli-  
gationi  
sponte sa-  
tisfacit.*

Hæc tantum Apostolus omnium se debitorem fuisse ultrò professus est: sequitur exemplū Magistri; qui se impedit nobis, non quod teneretur, sed quia ipse voluit. Nemini ergo quidquam (inquit Apostolus) debeamus, nisi ut invicē diligamus. Hæc est lex officii apud bonos; omnia vincula juris, omnem nexus promissi, juramenti, ac Conventionis longè superans, fortiusque adstringens. Hæc eximia Charitas Christi, urget optimum quemq; proximo benè velle; & officia erga eum implere fide bona. Hæc jubet, nil acerbè exigere; nihil flagitare molestius; nil etiam velut coactè præstare: sed dictū, effectum; sponte, ac libenter reddere: probitatem ὁρα πιστεγαν habere; certitudine satisfactionis superflua facere cautiones, sponsiones, chi-

*Hæc cun-  
cta adim-  
plet.*

*Superat  
promissa.*

*Juramento  
certio-  
rem.*

*Inramen-  
ta.*

rographa; aliaque, quibus res anxiè constitui, inter sibi diffidentes, solet. Hæc, (ut cum Cicerone dicam) in omni re contrahendâ, vendendo, emendo, conducendo, locando, in vicinitibus & confiniis, æquum & facilem; aliquid de suo jure concedentem; à libertibus verò, quantum licet, & paulò plus etiam quam licet, abhorrentem esse jubet. Hæc denique in omnibus, quæ summi juris sunt, suadet temperare. Ut nempe redeat, quantum potest, prima illa Charitas, quam status innocens, & incorruptus habuisset.

Ut verò redire possit; quoniam maxima perturbatio officiorum esse solet ab eo, quod utilitatis, & voluptatis specie blanditur nobis, & imponit: statuendum omnino semel, firmiterque decernendum est; nil homini utile, ac jucundum esse, quod non honestum: nec honestum, quod non utile ac jucundum sit. Nulla enim major, & perniciösior pestis vitam hominum invadere potuit, quam nescio cuius falsæ utilitatis, voluptatisque æstimatio; & ab honesto utriusque separatio. Hinc ambitus, & avaritia, hinc flagitia, frau-

*Contrah.  
Etus.*

*Hæc litigio  
abstinet.*

*Vt redeat  
innocen-  
tia.*

*Honesti  
voluptas  
vera, uti-  
litasq; a-  
gnoscenda.*

des, perjuria, infidiæ, rapinæ, furtæ.  
Hinc quidquid est violandi juris, & so-  
cietatis humanæ detrahendæ.

Atqui vel ratio ipsa docet, commo-  
dum ac volupe non posse ab honestate  
secerni. Nam si id est homini honestum,

*Quæ ab in-  
vicem sepa-  
rari non  
posse de-  
monstra-  
tur.*

quod naturæ eius rationali unicè con-  
gruit; idem profectò & bonum eius ne-  
cessario erit: Si autem bonum; certè &  
utile, jucundumq; erit. Idem ergo est  
honestum, & verè utile, ac jucundum.  
Deinde, si nihil magis contra naturam,  
quam turpitudo; nihil autem magis se-  
cundum naturam, quam vera utilitas,  
& vera Voluptas; profectò idem verè  
utile, verèque jucundum, simul & tur-  
pe esse non poterit.

*Id maxi-  
me decet  
Christia-  
nos profi-  
ceri.*

Hæc autem sic à Cicerone disceptata;  
& à veteri Philosophiâ, sine certitudine  
immortalitatis, sine spe futuri præmii,  
sine metu extremæ poenæ, ex solâ con-  
sideratione veri, ac decentiâ virtutis a-  
gnita, ac præcepta: quantò magis nos  
concernunt Christianos! vitæ æternæ  
securos, & aut mercedis, aut suppli-  
cii magnitudine meritò excitandos,  
terrendosvè? Quantò, inquam, ma-  
gis nos decet, fucatam hanc, falsamq;  
uti-

utilitatem, ac voluptatem aspernari; &  
spe futuræ, veræq; felicitatis contemne-  
re! Quid enim prodest homini mun-  
dum lucrari, & animæ detrimentum fa-  
cere? aut quæ comutatio falsæ brevisq;  
voluptatis, cum jaætura illius, quæ nos  
olim vera & immutabilis manet?

Itaq; non flagitia modà viro bono *Déliberatio-*  
fugienda; etsi illa emolumentum, aut *ri in electio-*  
obleætatio apparens comendet; sed eti- *one recti,*  
am illa deliberatio: an levi saltem; vel,  
quæ dubia videatur, culpâ, deferendum  
sit officium, sectandi commodi, aut vo-  
luptatis causâ? In tali enim deliberati-  
onē facinus inest: nec unquam ea sunt  
deliberanda, in quibus ipsa deliberatio  
turpis est. Ut ergo dubitare, quid re-  
ctum sit, virum bonum non decet; (*id*  
*enim naturâ apparet:*) ita multò magis  
quæ dubitet, nefas committere.

Denique cùm pauci sint, qui delicti  
ignoratione, ac impunitate propositâ, *vii. & fac-*  
abstinere velint injuriâ; pluresq; famam *mæ tantu,*  
& pœnam, quæm Conscientiam verean- *aut pœna-*  
tur: Ideo, ad firmandum animum hic *causâ il-*  
murus sit aheneus; hæc lex interna vitæ *lud rezi-*  
innocentis: nil conscire sibi; & non ullus *nere.*  
respectu, imò non necessitate, non ele-

Etione; sed omnino naturâ, usu, & consuetudine bonum esse. Ita enim demum ultrò & facile implebimus officium, quod Charitas dicit.

Ostenditur  
charitatis  
officia ex-  
acte tra-  
ctata esse.

Nempe be-  
nignitatem  
potestati.

Conver-  
sativas.

Benevolen-  
tiam obli-  
gationi.

Eximiam  
probita-  
tem.

Beneficen-  
tiam Domi-  
nio attri-  
butam.

Omoia a-  
amicorum  
comunia.

Jam verò ut ostendam, quæ dicenda de Charitate proposueram, cuncta me absolvisse; revocanda est definitio eius, & dictis applicanda. Cū ergo definitissimam Charitatē; esse Propensionem animi erga proximum benignam, benevolā, beneficam: ita eam partitioni Libri hujus attribuo. Propensio benigna, propriè pertinet ad Potestatē: cui annexæ virtutes: Clementia, Modestia, Comitas, aliæq; quas ὀμιλητικὲς Aristoteles vocat: & quæ æquant, quâ possunt, inter se homines, etiamsi jure Potestatis impares, & inæquales. Propensio benevolā danda est Obligationi; quæ sponte omne debitum supplet, prævenit, superat; & virtutes huic fini proprias habet: nempe Fidem, & παλονεγγάδια, seu libenter se comunicantem bonitatem, nō curantē quæ sua sunt, modò satisfaciat illi, quod sibi ipsa imponit, officio. Propensio deniq; benefica ad Dominium rerum spectat; quæ efficit ut sint τὰ τῶν Φίλων κοινά: utiturque virtutibus eō pertinentibus, & avaritiæ adversis.

Quæ

Quæ omnia partim in dotibus primi-  
tivæ Charitatis; partim in juris consti-  
tuti effectu; partim deniq; in tempera-  
mento eiusdē tribus prout promisi Ca-  
pitibus, ostensa sunt, atq; demonstrata.

## Appendix Libri Secundi

### *De Amicita.*

Post deductum, explicatumq; Cha- Explicata  
ritatis munus, supervacaneus for-  
san hic Tractatus de Amicitia videri po-  
terit; eò quod per illam,) inquit Cice-  
ro ) adeò contracta est res, & adducta  
in augustum; ut omnis Charitas aut in-  
ter duos existat, aut inter paucos: Dile-  
ctio verò Christiana diffusa(ut Aposto-  
lus ait) in cordibus nostris, angustias  
istas minimè patitur, & se extendit ad  
omnes. Attamen cùm hæc tam univer-  
salis, præter conatum & bonam volun-  
tatem, vix verè aliud præstare possit; Ea  
verò quæ cum paucis intercedit, faci-  
liùs frequentiusque implet officium:  
Ideo non abs re erit, celebre hoc ami-  
citiaz munus, & nomen, non præterire;  
&, Appendix saltem loco attexere,  
quæ de illâ præcepta traduntur. Ita & Amicitia  
etiam, quæ  
inter pau-  
cos, merito  
Christianâ illâ eximiâ Charitate,( quæ tractanda

omnibus omnia;) imbutus animus, voto & studio dilatabit viscera sua; quotiesque fuerit modus, factis exeret: Et per amicitiam, ex totâ, quam amare tenetur societate generis humani, secerнет sibi quosdam conjunctione, ac Confuetudine magis intimâ. Ut fructū nempe mutuæ dilectionis, quem nec facile præstare cunctis, nec ab omnibus habere exactè potest; à paucis saltē plenè capiat, iisdemq; vicissim rependat.

*Definitio eius.*

*Origo ex similitudi-  
ne.*

*Conserva-  
tio ex vir-  
tute.*

Amicitiam itaq; definio: ut sit mutua, ac benevolia animorum sibi simili-um in bono consensio. Ex definitione hac & origo, & proprietas eius vera patet. Origo enim; est similitudo animorum: cum nempe ingenio, judiciis, moribus denique congruimus; tum facilè suam quisq; naturam in alio dili-git, & ut comparari gaudet, fruiturque. Nil verò est hac cōfensione jucundius; nil quod illiciat, quod ad se attrahat, imò quod rapiat magis.

Conciliatrix itaq; amicitiae est simi-litudo: sed haud firma ac diuturna, nisi accedat proprietas in definitione posita; ut nempe sit in bono. Ut enim similitudo gignit amicitiam; ita profe-  
cto

Etò virtus sola eam educat, continet,  
conservatq. Unde certum est, non pos-  
se eam veram esse, nisi inter bonos.

Si enim ex similitudine vitorum, aut  
criminum oriatur; ea non amicitia e-  
rit, sed factio, conspiratio, sceleris so-  
cietas: & exinde brevis tantum tempora-  
ris, & necessitatis causâ, inita conjunc-  
tio; per quam cupiditatū vicissim mi-  
nistri, & adjutores fieri possunt; verè a-  
mici nullo modo possunt. Quin imò,  
infida hæc improborū consensio, quam  
non amor, sed facinus jungit & æquat,  
in acrem discordiam facile mutatur.  
Nempe, dum scelus admittunt, super-  
est constantia; eo peracto, incipiunt  
invicem abhorrere, & se mutuò odiisse.

Si deinde amicitæ proveniant ex u-  
tilitate tantum, commodo, rebusq; ex-  
ternis; & si eatenus colantur, quantum  
prosunt: Eiusmodi primùm instabiles  
sunt, & infirmæ: dum quod utilitas col-  
glutinat, eadem comutata, ac cessans,  
dissolvit. Deinde, subdolâ simulatione  
rectæ, & fiduciam mutuæ benevolentiaæ  
non habent; & omnia semper iis suspe-  
cta, & suspensa: deniq; vel in occultam  
invidiam, vel æmulationem ac conten-

*Non potest  
esse inter  
malorum.*

*Nec utili-  
tate sola  
constat.*

tionem apertam, ac demū in dissidium vertuntur. Tales plerumq; sunt forenses illæ, ac fucatæ familiaritates.

*Nec leno-  
cinio con-  
suetudinis.*

Si denique ex vano lenocinio Con-suetudinis; ac consecratione, commu-nioneque eorundem, sed levium inani-umq; studiorum ineantur: Fastidium mox sui, nullo firmo nixæ fundamento adferunt; & amicitiæ nomen non me-rentur; sed sodalitii levis, sola conver-satione, non autem amore vero sociati.

*Denique  
non est ni-  
fi inter bo-  
mos.*

Necessariò itaq; consequitur, ut in-ter bonos tantum sit Amicitia. Pri-mū; quia Amor amicitiæ parens est, A-moris autem causa, bonitas vera. Dein-de; quia dotes Charitatis, quas hoc li-bro deduxi, bonis tantum insunt. Deni-que, quia viri boni causas dissolutionis, ac dissidii non habent; quas vitia, & po-tissimum Avaritia & Ambitio adferunt, pestis utraq; amicitiæ. Ideoq; soli eam colere summâ Fide, Charitate, Constan-tia, Justitiaq; possunt. Atque ita præ-ceptis opus non esset, si inter verè bo-nos amicitia esset. Sed cùm vita hæc communis, in qua versamur; & Con-ditio humana, adeo non habet verè & perfectè bonos; ut optim⁹ ferè censēn-dus

*Verè tales  
præceptis  
non ege-  
rent.*

dus sit, qui minimè malus: Ideo viros Sed in vita  
communi  
egent.  
eximiè bonos voto expetere; quales  
verò sors communis fert, oportet recipere. Itaq; constituendæ, colendæ, re-  
tinendæ; & ( si ita aliquando vera ne-  
cessitas tulerit; ) deponendæ amicitiæ  
præcepta proponam.

In constituenda Amicitia Judicium Præcepta  
Constituen-  
dæ amici-  
tiae. Primū,  
Iudicium.  
exactum requiritur. Illud enim dictabit. Primū; amicorum delectum: ut capias nempe probos, similes tui, seu pares; tūm verò opportunos. Moram deinde; ut ingrediaris, non irruas in Mora de- Amicitiam. Crescat lentâ consuetudine inde.  
benevolentia. Et, quod proverbio tritum est: multum salis consumas, antequam arcte contrahas. Firmum deniq; Propositum; ut amicitiam, quam studio perspecto, & cōfuetudine adjuncta suscepferis, constanter conservare statuas. Firmum  
demum  
propositum.

Ad colendam Amicitiam, primū Præcepta  
Colendæ  
amicitiæ.  
facit vicissitudo officiorum. Quæ mutuò, & libenter sunt impendenda; iisq; se vincire decet, & arctius adstringere; sed cum hoc monito: ut officium sit, ut dicitur, ad aras tantum. Et hæc lex in amicitia fanciatur: ut neque rogemus res malas, inhonestas, iniquas; neque fa-

faciamus rogati. Virtutū enim schola,  
 ac Palæstra esse debet amicitia, non vi-  
 tiorum officina; Mater & Nutrix Pro-  
 bitatis, non Cupiditatum ministra. Al-  
 ter amicitiæ cultus, est Beneficentia;  
 quæ opitulatur, & rem confert. Eam  
 verò nec flagitare decet; nec ut flagi-  
 teris, expectare. Promptè & ultiro de-  
 ferri debet: Et propensiores esse debe-  
 mus ad largiendum, quām ad repo-  
 scendum: ut hæc inter bonos honesta-  
 sit certatio, uter alterum benefacien-  
 do superet. Tertiò coluntur Amicitiæ,  
 confessione voluntatum, ac Judiciorū.  
 Nam cùm Amicitiæ vis sit in eo, ut è  
 duobus unus quasi animus fiat; id ob-  
 tineri profectò non potest, nisi omni  
 dissensione inter amicos sublatâ. Ea-  
 verò ut tollatur; aperire sibi mutuò a-  
 mici debent peccatus purum, candidum,  
 simplex: &, ut iudiciis consentiant, so-  
 ciare vitæ consilia; eaque fiderenter, &  
 dare, & expetere. Cæterum cavendum  
 est, ne ex assentiendi consuetudine, af-  
 sentatio, quæ vitiorum adjutrix est,  
 subrepatur, imponatq; nobis. Et, ne cen-  
 sura locum suum in amicitia amittat;  
 quem profectò obtinere debet. Nam  
 mo-

*Et benefi-  
ficiantia.*

*Ex con-  
fessione vo-  
luntatum.*

*Sed sine  
assentatio-  
ne.*

monere, & moneri; proprium amicitiæ,  
 Alterum ingenuâ quâdam, non acer- Et censura  
bâ, nec asperâ facere decet libertate: prudentia  
 alterum, non repugnanter, sed beni-  
 gnè acceptare; & non aliter, quâm dum  
 seipsum mens admonet, atque redar-  
 guit. Itaq; sicut rigor nihil indulgens; Quæ dea  
scribitur.  
 ita adulatio, procul sit ab Amicitia: quæ  
 constans, & una semper, nil patitur va-  
 rium, & fictum. Nihil verò potest esse  
 tam flexibile, tam devium; quâm ani-  
 mus eius, qui ad alterius non modò  
 sensum & voluntatem, sed etiam vul-  
 tum, nutumque convertitur.

Supersunt præcepta retinendæ, ac Præcepta  
retinendæ  
amicitiæ.  
 conservandæ constanter amicitiæ. Dif-  
 ficillimum enim est, eam ad extremum  
 usque diem perducere; & tam multa  
 ei impendent, ut ea subterfugere, non  
 modo sapientiæ, sed etiam felicitatis  
 res esse videatur. Retinetur tamen; pri- Conniven-  
tum conniventia, & dissimulatione re ad le-  
levium vitiorum. Dum, quemadmodū via virtutis  
oportet,  
 Parentes liberis modica ignoscunt; næ-  
 vos eorum vel ipsi non vident; vel co-  
 ram aliis tegunt; non acriter de inge-  
 niis eorum judicant, sed sâpe aberrant  
 ex amore: Ita & nos, vellem, in ami- ci-

*Et bona  
interpre-  
tatione le-  
nire.*

*Contra  
quam fa-  
cimus,*

*Iniquè  
damnando.*

citia sic erraremus; & isti Errori no-  
men virtus posuisset honestum. Non  
damnare, inquam, amici mores oportet;  
sed quandoque benignâ interpreta-  
tione lenire. Exempli causa. Parciùs hic  
vivit, frugi dicatur. Plus æquò liber; re-  
ctus, fortisque habeatur. Iracundior est  
paulò; acres inter numeretur. Profectò  
hæc res & jungit, & junctos servat A-  
micos. At nos virtutes ipsas inverti-  
mus. Probus quis nobiscum est; mul-  
tum demissus, & abjectus dicitur; pro-  
bene fano, ac non incauto, fictum astu-  
tumque vocamus; simplicior quis? Com-  
muni sensu planè caret, inquimus. E-  
heu! quām temerè in nosmet Legem  
fancimus iniquam. Nam vitiis sine, ne-  
mo nascitur; optimus ille est, qui mini-  
mis urgetur. Vitia, inquam, erunt, do-  
nec homines. Sed neque; hæc continua:  
& sufficit, si meliorum interventu pen-  
santur. Statuenda itaque est, & appen-  
denda velut libra, ac statera quædam:  
in quâ, si vitiis amici, bona præponde-  
rant; affe*c*tū erga eum inclinemus, idem  
& Nos ab eo habituri. Atque ita libra-  
tis, & toleratis utrinque moribus, facile  
amicitia retinebitur. Eodem facit; tem-  
pe-

pestivè prævidere alia , quæ amicitiæ  
 evenire solent, incommoda. Dirimit e-  
 nim eas sæpe ingenii humani, morumq;  
 mutatio , quam ut plurimum fortu-  
 næ vel prosperæ, vel adversæ adfert va-  
 rietas. Tum verò etiam; cùm incidit Quæ re-  
 tempus, ut non idem utriq; amicorum censentur.  
 expeditat. Deinde aliquando satietas  
 quædam capit: cùm omnia inter se pro-  
 fudere ; & nihil est reliquum, quod à se  
 vicissim expectent, requirantve. Hæc  
 talia, inquam, mature sunt præviden-  
 da ; & contra ea , paranda in animo  
 præfidia constantis benevolentiæ .  
 Quam ipsi ultro, primiç adferamus; se-  
 curi mutuæ vici. Nam hoc profectò  
 philtrum amicitiæ ; ut si velis amari,  
 primus ames. Contra quam faciunt ple-  
 rique ; qui perverse, ne dicam impu-  
 denter, amicum habere volunt, quales  
 ipsi non sunt.

Quod si tale quid evenerit, nec necef- Precepta  
 sario continuatio, ac velut cursus ami- Deponen-  
 citiæ sistendus sit; Tum verò danda est dae amici-  
 opera, ne in odia discordiamq; definat. tiae.  
 Consuetudo potius conjunctioque ,  
 quam benevolentia cesset. Dissuendæ  
 amicitiæ magis, quam discindendæ; ex-  
 tin-

Prævidere  
 tempestivæ  
 opus ami-  
 citiæ in-  
 commoda.

Amoris  
 illicium  
 amor.

Precepta  
 Deponen-  
 dae amici-  
 tiae.

tinguendæ, non opprimendæ: & denique familiaritates sint depositæ, non inimicitiae susceptæ.

**Concludi-**  
**ter hic lo-**  
**cus.**

**Cum ad**  
**A mortatio-**  
**nis.**

Hæc ferè sunt, quæ ex Cicerone potissimum, sed in ordinem certum redacta, de amicitia dicenda habui. Ceterum, cùm ea sit amicorum raritas, quam perhibet authoritas veterum, vix aliquod paria vere amicitiæ numerantium: Ea verò sit ejusdem, non utilitas necessitasque tantum, sed suavitas etiam ac dulcedo; ut verè eam, hujus vitæ unicum condimentum ac delitium, vocare possis: Profectò tanto majori curâ studioq; procuranda, colendaque est; & censendum, miserrimam omnino vitam ejus esse, qui nec diligat quenquam, nec ab ullo diligatur: Contra verò, beatam ejus, qui habet, cum quo fruatur prosperis rebus, & adversas mutuâ ope ferat.



LIBER



# LIBER OFFICIORUM TERTIUS.

## *De Pietate.*

**P**artes duas Officiorum, quoniam puto me sat luculenter (pro captu quidem meo) Pietas. libris superioribus absolvisse; restat ut explicem tertiam de Pietate. Hæc verò tanto major, sublimiorq; est duabus primis, quanto altius habet argumentum, id est DEUM. Haec tenus enim Officia ferè ducta sunt, quæ vel Natura ipsa, seu recta ratio (quanquam & hæc dum talis est, à DEO est;) dictaret, monstraretque: nunc verò explicanda restant, quæ Naturæ ratiocinantis captum longè superant; & sicut præcepto, ita auxilio DEI propriè nituntur.

Meritò itaq; illum, qui se nosci, colit,  
O ama-

*Pars tertia  
Officiorum  
Pietas.*

*Major  
duabus  
primis.*

*Quia dire-  
ctè DEVM  
petit.*

amari à nobis exigit, invoco: ut ea, quæ generi humano de hoc debito sibi officio edixit, inspiravitque; quamvis à multis ubertim, & copiosè dicta, ego quoque methodo, & novâ, & brevi explicem ad gloriam eius. Illustra ergo mentem meam, ô lux vera; ut aliquid te dignum & videam ipse, & aliis aperiām.

*Definitur  
Pietas.*

*Et divi-  
ditur.*

Sed ne longiori Præfatione te morer; prout soleo, ordior à definitione. Pietas, est Officium, quod genus humānum tenetur præstare Deo. Id autem in tribus consistit. Primum: D E U M, quā potest, & debet, nosse. Deinde, eundem certo, & congruenti cultu venerari. Postremo: eum solum amare. Hæc tria explicanda mihi deinceps; totidem Capitibus propono.

## C A P U T I.

*Περὶ Θεογνωσίας, id est, De  
Notitia DEI.*

*Latè patet  
DEI no-  
titia.*

A Deo quidem latè patet hæc de Notitia DEI dissertatio; ut vel totam Theologiæ scientiam posset occupare. Sed cùm non tam Con-

tem-

templatio, quām actio, ad Officia Pie- Sed ad offi-  
tatis, de quibus hic agemus, pertineat: cii modum  
ideo relictā τοῖς θεολογικάνοις, plena tanti redigetur.  
argumenti tractatione; quæ ex usu de Theolo-  
illo scire sit, in compendium redigam. gis.

Est verò notitia hæc prorsus generi humano necessaria; est animorum fa- *Est homi-*  
lus, fidei mutuæ præcipuum vinculum, *ni necessa-*  
lex vitæ; & quid in illa agendum, vi- *ria.*  
tandumque sit, suprema regula. Cun-  
cta enim hæc constare non possunt; &  
perturbatio officiorum sequeretur, DEI *Ut vitam*  
ignoratione: quando profani etiam *eius tem-*  
Poëtæ dicto, primæ scelerum causæ *peret.*  
mortalibus ægris ( Naturam ) nescire  
DEUM. Mens etenim humana, nisi ar-  
bitrum sui agnosceret, facile prava in-  
tra se foret: & affectu, ac voluntate la-  
beretur; invalido ab externo motu au-  
xilio, cui actus interni non subsunt.  
Noscendus itaque Deus est: non quod  
curiosè nimis inquiramus, scrutemur-  
que; sed ut admirationem cum æstima-  
tione, venerationem cum timore, amo-  
rem denique cum fiducia, in nobis erga  
eum concitemus.

Hoc itaque fine, dicam hoc Capite  
tria. Nempe, de Natura Divina, ut in *Trifariâ*  
*declarare*  
*se de.*

se est: deinde, ut erga nos est: Postremò, ut à nobis nosci vult; idque totum ex constituto religionis dogmate, & Ecclesiæ sensu.

### Pars Capitis Prima.

*De Natura DEI, & quid in se  
sit; ubi novo modo, ac ratione, dogmâ  
Trinitatis accuratè explicatur.*

*DEVM  
esse, dictum  
supra est.*

*Nunc qua-  
lis sit, di-  
cendum.*

*Sæpe nosci-  
tur nescien-  
do.*

**D**EUM esse demonstravi in Prolegomenis: in ipso enim Scripti initio, id velut fundamentum ponni oportuit; quo structura libri surgere posset. Nunc qualis sit; quâ possum, explicabo. Quâ possum, inquam; plenè enim Naturam eius assequi, non est virium humanarum; ut infra, parte Capitis altera, cùm de gloriæ donis agam, demonstrabo.

Sed est etiam cognitio, & comprehensio quædam; ut id, quod certa ratiocinatione agnoveris ita esse; id fataeris, quomodo ita sit, comprehendiri non posse. Hoc genus cognitionis DEI nobis convenit maximè; hoc est, non capiendo eum, capere.

*Et quid*

Itaque magis convenit de illo dice-re,

re; quid non sit, quām quid sit, Ut, non  
 esse multiplicem essentiā, partibus,  
 compositione, numero; sed omnino, &  
 undique unum simplicemque. Esse e-  
 nim, inquit D. Augustinus; nihil aliud  
 est, quām unum, esse: & in quantum  
 unitatem assequitur; in tantum est. Un-  
 de simplicia ideo magis sunt, quia una *Quod pro-*  
 sunt; quæ autem composita, concor- *ba tur.*  
 diā partium imitantur unitatem; & in  
 tantum sunt, in quantum eam asse-  
 quuntur; & nisi eam haberent, non  
 essent. Quæ enim constant partibus, *Etiam*  
 sunt unum in suo toto; quæ ex acci- *exemplis.*  
 dentibus, unum subiecto; quæ plura  
 numero, sunt una Specie; quæ specie  
 varia, genere uniuntur; quæ demū pro-  
 ductione multa, unum sunt principio. *Est ergo*  
 Sequitur itaque, ut idem sit esse, quod *unus na-*  
 unum esse. DEUS verò, cùm sit *āvto rō turā.* *Ens à se,*  
 & eiusmodi esse; ut nisi illud esset,  
 nihil esset: ideo longe perfectiori qua-  
 dam ratione, & *παντελῶς* unum sit, ne- *Omni-*  
 cessere esse; & id est illi esse, quod unū esse. *modè.*

Unum, inquam, non modò simpli- *Et nume-*  
 citate; sed etiam numero. Nam si plu- *ro.*  
 res essent Dii, essent differentes; atque *Alioqui*  
 adeo omnes imperfecti: nam in eā no- *imperfectus.*

tâ, in quâ differrent ab invicem, deficerent.

*Summè autem perfeccum esse demonstratur.*

Imperfectum autem DEUM nemo dixerit; cùm absurdum sit eum, qui est à se, non perfectum omni ex parte esse. Aut enim sibi dare, quod summum, perfectissimumque est, non potest; aut nescit; aut non vult. Non primum; quia qui à se esse potest, omnia potest: Non alterum; nam qui se plenè scit, scit etiam quod sibi optimum sit: Non demum tertium; quis enim, cùm summè potest, & novit, non quod perfectum est, voluerit, prehenderitque? Est ergo Unus, perfectusque DEUS.

*Si solus est Deus, non est Bonum.*

Sed iterum oritur maxima difficultas. Nempe, quòd dum unus duntaxat DEUS est; si solus est, non est bonus; sed potius, non est bonum. Boni enim maxima, intimaq; proprietas est, communicatio: solitudo autem communicationem impedit, aut potius tollit: Tollit ergo & Boni Naturam. Ergo rē dū summum, si solum est, non est bonus. At quomodo, cùm ab illo cuncta, quæ bona sunt; non ipsum magis tale?

*Quia non se plenè communiciat.*

*Ens.*

*Creaturis*

Quod si dicas; expleuisse Naturam su-

suam cùm se impertivit Creaturis; fal- *enim im-*  
*sum est. Non potest enim finitâ, & cir- perfectè.*  
*cumscriptâ communicatione bonum,*  
*in infinitum expleri.*

Deinde , non est perfectè beatus *Nec bea-*  
*DEUS, si solus est. ἀφίλος enim esset ; & tu es sine*  
*careret confortio , ac Communicatio-* *confortio*  
*ne sibi adæquata : in quâ suavitas , ac felicitatis.*  
*fruitio beatæ vitæ sita est ; dum nempe*  
*bonum, se alterum habet, cum quo ex*  
*æquo se commutat, fruiturque.*

Tertiò si solus Deus est ; summè ef- *Nec sum-*  
*ficax , ideoque summè simplex non est,* *mè sim-*  
*Quod sic deduco. Quô magis quidpiam* *plex.*  
*simplex, magis efficax est : ut, inter ele-*  
*menta, ignis. Efficacitas verò in Natu-*  
*tura creata, maxima est in eo; ut id quod*  
*efficit. sibi quam maximè par, & simile*  
*efficiat ; majus enim se efficere non po-*  
*test : nam operatio non excedit effen-*  
*tiam. Natura autem increata, ut sit*  
*summè simplex, & summè efficax ; ne-*  
*cessè est profecto , ut non modò simile*  
*producat ; (par enim aliquid esset viri-*  
*bis creatis) sed prorsus alterum idem :* *Nisi se al-*  
*tetur pro-*  
*ducatur.*  
*tum enim demum efficacissimum sim-*  
*plex, cùm producit alterum ; atque ita*  
*solum non est.*

*Vnum;*  
*Verum,*  
*Bonum.*

*Tria hæc  
habent V-  
num esse.*

*Suntq; Pa-  
ter, Ⓛ Fi-  
lius, Ⓛ  
Spir. S.  
Substan-  
tivè.*

*Nunquam  
DEVS sine  
actione.*

*Actio eius  
contem-  
platio.*

Quartò: cùm ostensum supra sit, quòd esse nihil sit aliud, quàm unum esse; consequitur, ut id quod est, unum sit: atq; ideo, propriè unum est, quod est. Sed quia verum etiam est, quod est; (Falsum enim non est) & denique Bonum etiam est, quod est: (nam malum non est;) ideo Unum, Verum, Bonum est, quod est. Cùm autem esse, sit Unum esse; ideo tria hæc, habent unum esse; & quamvis distincta sunt, coëssentialia tamen sunt. Porro unum; est Pater, id est Principium. Verum; est Filius: imago Patris; eum  $\sigma\tau\alpha\omega\delta\omega\varsigma$  & vivè repræsentans. Bonum denique, est Spiritus Sanctus; nectens amore ac fruitione, commune ac consors Trium esse.

Quinto: DEUM ab æternitate totâ, nunquam sine actione fuisse; nec torpidam, similemq; sopori vitam egisse, manifestum est. Summa enim, æterna- que mens, quæ sola per se vivit, viget- que; quomodo potuit esse actionis aliquando expers? cùm ne nostra qui- dem, illâ careat unquam. Actio verò eius intima, propriaque; quia interna est, ideo contemplatio est. Quid autem con-

contemplatur? non aliquid seipso ma- Contem-  
plari se  
majus ne-  
quit.  
 jus, perfectiusque; nihil enim ipso ma-  
 jus, aut perfectius est. Non etiam tan-  
 tum aliquid se inferius; nam sola con-  
 templatio eiusmodi, non esset ipso di- Nec tan-  
gna; nec eius menti par: nec sufficiens,  
ut ei per omnem æternitatem immora-  
retur, sequē eā oblectaret. Necesse er-  
go est, ut sui ipsius contemplationem Se ergo  
 semper habuerit. Hæc verò sui ipsius contem-  
 platio; perfecta, cōsummataq; platur.  
 ut sit; necesse est, ut DEO repræsentet  
 totam eius substantiam. Quod autem Et totam  
 repræsentatur, cernitur, aspiciturque; suam es-  
 id oppositum fit, necesse est. Et quod sentiam.  
 oppositum est, alterum est. Est ergo Quam op-  
 DEO semper opposita, vivens, subfi- positam  
 stensq; sui ipsius Cognitio, seu imago; sibi.  
 atque adeo Persona altera, coæterna, Ideoque se  
 & consubstantialis. Ab utraque verò alterum  
 hac manat, seu procedit & tertia; habet.  
 nempe Spiritus Sanctus. Nam, ut sine  
 contemplatione, & cognitione sui esse  
 Deus non potest; ita hæc cognitio a- Hinc pro-  
cedit A.  
mor.  
 morem sui, & fruitionem producat; ne-  
 cessere est. Qui amor consubstantialis  
 itidem, & æquè æternus, & subsistens, Sub tertia  
 atque extans semper; & omnino Per- Persona.  
 sona est. Sed

*Deus est  
unus, &  
non solus.*

Sed dum sic in DEI natura solitudo vitatur; cavendum maximè est, ne pluralitas, & ex illa diversitas accersatur. Hæc enim utraque, & Vnitatem tollit, & disjungit, separatque: unde à Perfeclissima natura DEI, hoc incommodum oportet amoliri: & statuere; ut DEUS, & unum sit, & non solus. Itemque, ut, dum est non solus; non sit diversus. Quod aliter non potest confistere, quam dogmate Christiano: quo est Essentiâ unum idemque; & Personis trinus: Pater, & Filius, & Spiritus Sanctus: nam hi tres, unum sunt.

*Quia in  
una essen-  
tia tres  
Personæ.*

Est inquam Trinus, & Unum: tum enim optimè sua ipsi constat Natura, Nam Essentiâ, ejusq; attributis, unum idemque est: (una nempe tribus, & coëssentialis Potentia, Sapientia, Bonitas; una, eademque numero, compos unius Essentiæ, Deitas: ideoque nulla prorsus in illis diversitas,) Solus autem non est; quia ipsummet Bonum est; se infinitè sibi communicans. Perfectum quoque, beatumque est, unitissimi confortij dulcedine: quâ gaudet DEUS, verè, & propriè alter; & alter ipse. Summè simplex, quia summè efficax est? dum gene-

*Quod u-  
berius de-  
claratur.*

*Pater  
gignit Fi-  
lium.*

generat, ac producit, non modo sibi <sup>Substan-</sup> si-  
mili; sed ~~ut~~ idem secum. Nempe tivè.  
in mira emanatione illâ, Deitati inter- <sup>Vterque</sup>  
na, neque illius Unam Entitatem e- <sup>producit</sup>  
gressâ, ab æterno Pater, visione sui, gi- <sup>Spiritum</sup>  
gnit Filium; & uterque ex sui boni a- <sup>Sanctum.</sup>  
gnitione producit Amorem: id est, u-  
num, eundemque Entitate secum, Spi-  
ritum.

Quis autem comprehendat, aut effe- *Mirabile*  
rat, quæ dulcedo sit istius fruitionis: *Divinita-*  
quâ una Divinitas, in tota æternitate *tis felici-*  
se novit, atque amat; & in pari, & *tas.*  
quali communione, se sibi indulget,  
se mutuò oblectat, bono contenta  
suo: ideoque læta, gaudens, & beata  
semper. *220*

Esse itaque in Trinitate Personarum,  
unum naturâ DEUM, ex ratiocinatione  
jam dicta colligimus: & quod maius  
est, remque continet, ac conficit; fide  
Catholicâ docemur. Sed quoniam id, *Modus*  
quod asseritur esse, cupimus etiam sci- *huius ar-*  
re, quomodo sit: ideo ad muniendum *cani accu-*  
hunc locum, qui profectò est Christia- *ratius &*  
næ professionis, seu Religionis unicum *novo mo-*  
fundamentum; ex istâ ipsâ sciendi na- *do dedu-*  
citur, *citur.*

turâ sumpto principio, ibimus in amorem; ducemusque aliquam velut umbram Sanctissimæ Triadis. Id verò ex eruditâ lucubratione Patris Laurentii Pikarscii, è Societate J E S U eximii Theologi; quam mihi in suo dedit manuscripto, & quam ex eius permisso, opportunè hîc ( sed compendio ) inseram; explanabo.

*Scientia  
directa  
scit.  
Reflexa,  
scit se sci-  
re.*

*Primam  
altera  
consequi-  
tur.*

*Suntque  
mutuò re-  
lativa.*

*Sunt in-  
ter se æ-*

Scientia, ( inquit ille ) creata naturæ rationabilis, ut sit exacta, seu vera; duplex omnino esse deberet. Prima; quâ scimus aliquid: vocaturque Directa. Altera; quâ, id quod scimus, nos scire agnoscimus: quæ Reflexa dicuntur. Hanc utramque, & se consequi, & ad se mutuò referri, omnino est fatendum. Nemo enim scit, nisi sciat se scire, id quod scit: exinde verò necessaria consecutio cernitur. Deinde, si scit; scit se scire: & si scit se scire; scit etiam, Unde evidenter mutua Relatio patet: ideoque ambæ istæ scientiæ, & se consequentur, & relativæ mutuò erunt. Quo concessso, amplius sequentur ista.

Primum: utramque hanc scientiam, necessariò similem, & àqualem omni-  
no,

no inter se esse: Quod enim, & quantum quisque scit; id, & tantundem scit se scire. Non aliud; quia aberraret. Non plus minusvè: quia revera nesciret. Similis ergo necessariò, & par per omnia esse debet scientia directa scientiæ reflexæ.

Alterum consequitur: utramque, hanc scientiam & Naturâ, & Tempore simul esse. Naturâ enim prius est; quod potest esse sine altero, alterum verò sine illo esse non potest: quæ autem sunt Relativa ad invicem, non possunt esse sine altero. Scientiæ verò directæ sunt relativæ, Ergo non possunt esse, una sine altera: Ergo simul sunt Naturâ. Tempore deinde erunt simul: nam ut primum quispiam scit; statim, & simul scit se scire: ergo utraque scientia erit simul, & naturâ, & tempore.

Tertiò: quoniam ostensum evidenter est; scientiæ directæ, scientiam reflexam, consequentem omnino esse: atque adeo ab illa velut suo principio prodire: & (quod infertur) secundam ab illâ esse: deductum verò etiam; prioritatem nihilominus naturæ, & temporis nullam, inter utramque inveniri:

*quales, &  
pares.*

*Simul na-  
turâ, &  
tempore.*

*Originie  
tantum  
priorita-  
tem ha-  
bent.*

*se-*

sequitur: origine tantum, scientiam directam primam esse: Reflexam vero coniunctione, ac communicatione eius, alteram. Sed cum ibidem demonstratum sit; utramque similem omnino, paremque inter se esse: ideo evidenter constabit, originatione hac; nullam illarum dissimilitudinem, nullamque imparitatem effici. Etsi enim una ab altera originem habet: tamen ubi Origo, & derivatio, ita sunt juncta sibi, ut altera prima non sit accidens; sed natura, & ipsummet esse: ibi Ordo erit inter se se consequentia; inæqualitas vero, imparitas, proprietas, naturæ aut temporis, nulla erit. Atqui ex dictis facile patet; scientias, Directam & Reflexam, eo modo coniunctas esse; nempe necessariâ consecutione, & ipsâ naturâ: ideo Ordinem habebunt; & nihilominus undequaque pares sibi erunt.

Ostenditur  
creata  
scientia,  
impar in-  
creata.

Hæ sunt notiones, quæ ex consideratione scientiæ creatæ verè deducuntur. Cæterum, quod scientia creata, longè inferior sit scientiâ Divinâ; et si per se est evidens, ac manifestum: tamen ad pleniorum eorum, quæ di-

centur, notitiam; non abs re erit, cur sit inferior, causam proponere. Quæ in hoc potissimum sita est; quod Crea-  
ta Natura nesciat suum esse; scire enim rem aliquam, est eam mente videre:  
ut autem seipsum oculus corporis non intuetur; idque ideo, quia sibi non op-  
ponitur: ita & mens Creatæ non po-  
test habere sui ipsius objectum termi-  
natum; alioqui cognitio illi esset ipsa  
eius Essentia. Cùm autem Scientia Na-  
turæ Creatæ non sit eius essentia; ( ut  
patebit infra,) ideo non habet scien-  
tiam sui esse.

Deinde: quomodo se scire poterit esse Creatum; cùm vix sit, & vix exi-  
stat? Nunquam enim stat in suo esse: Nec pro-  
priè est.  
existitque.  
sed semper, (ut inquit D. Augustinus)  
definit esse, quod erat; & incipit esse,  
quod non erat: atq[ue] adeo propriè non  
existit. Imo propriè non est: quidquid  
enim ex eo, quod non erat, ortum;  
non cessat tendere in id quod erit; lin-  
quens semper quod jam fuit: hoc, ( ait  
Bernardus) transitū sanè habet per Est,  
sed propriè non est; quia nunquam in  
eodem statu permanet. Si autem verè  
non est; quomodo sciet verè suum esse?

Ter-

*Denique ab alio est.* Tertiò: esse eius est ab alio; ideoque alienum: & ipsi soli notum, qui dedit.

Hisce de causis, imò præter omnes hasce causas, certum est: inferiorem infinità ratione esse Scientiam Creatam Scientiâ Divinâ; ideoque memoratas dotes vix, vel certè imperfectè retinere, & exercere.

Ex his verò, quæ de scientiâ Creatâ dicta sunt, facilè est gradum ad Divina promovere, ac struere. Dotes enim, quæ ostensæ sunt inesse debere Scientiæ Creatæ; insunt verè, propriè, ac perfectè Naturæ Increatæ. Insunt inquam, sed longè excellentius, præstantiusque, hoc præsertim discrimine:

*Naturæ Increatæ perfectior scientia ideo:*

*Quia idem est illi sci-  
re, quod esse.*

quòd Naturæ Creatæ scire, ut dixi, disjunctum, ac disparatum sit ab eius esse: non est enim eius Substantia, sed accidens: unde non est illi, sicut DEO consubstantiale, & coëssentiale; sed est agentis actio ad extra. Ideoque actionis solum Naturam expendimus, cum scire creatum consideravimus. In DEO verò, simul & junctim, Natura seu Essentia eius, & scire eius considerandum est. Etenim in DEO idem est agere, quod esse: nam, si actio ei accidens esset;

com-

compositus esset: id verò cùm absur- *Idem Deus,*  
 dum sit omnino Divinitati; ideo, id *quod sci-*  
*ei est actio, quod essentia; id scire,* *ens-*  
*quod esse. Atque ita hoc, idemque est*  
*Deus, quod est sciens.*

Sciens hic, quia verè solus est; ideo  
 solus se scit. Et hoc ipso quod se scit;  
 totum quod scire potest, scit. Non au-  
 tem se aliquid majus, neque id tan-  
 tum, quod ipso inferiùs, Nam si sciret,  
 aliquid se majus; illud majus, *Deus es-*  
*set; ipse verò, Deus non esset.* Si verò  
 id tantum sciret, quod ipso minus est;  
*imperfectam valdè haberet Scientiam:*  
*etenim seipsum nesciret.* Consequitur  
 itaque: ut *Deus & nihil se majus, &*  
*non tantum inferiora se sciatur; sed se-*  
*ipsum sciat, quod est.* Est autem ille *Id est, scit*  
*solus: ideo & solus scit se esse: id est;*  
*propriè, & consummatè scit se scire; seu*  
*scit suum scire; seu ( quod idem est )*  
*scit suum esse: in Deo namque idem*  
*est scire, quod esse.*

Hæc Scientia sui, quia Scienti est re- *Hæc scien-*  
*ciproce consequens; ideo est relativa.* *tia ei æ-*  
*Similis quoque, & par per omnia: quia* *qualis*  
*sciens id scit, quod est.* Unde non mo-  
*dò similitudo & paritas, sed eadem e-*

*Simul na-  
turā, &  
tempore.*

rit Entitas Scientis, & scientiæ suæ. Naturâ præterea, & tempore Sciens simul est, & Scire suum: seu Dicens, & Verbum. Dum autem simul sunt Naturâ, & tempore, nulla intercedit prioritas conditionis, etiam ex ratione principii: nam semper, in principio, erat Verbum.

*Origine  
tantum  
altera.*

Origine ergo tantum, Scire à Scientie, Verbum à Dicente, Verum ab Uno; alterum erit. Alterum propriè; non verò aliud: eadem est enim Entitas, seu esse utriusque. Secundum, inquam est; non verò propriè posterius, aut inferius: Originatio enim hic, ordinem tantum facit; non verò differentiam æqualitatis. Nam collocatio, & numeratio in recensendo, quam requirit Relatio, non adfert disparitatem; ut primum secundo excellentius faciat: sed ordinem constituit Relationis æquiparataꝝ: Naturæ dignitatem non immutans; præsertim cum Communis eadem, & una est.

*Scientia  
creata non  
est substi-  
tens,*

Sed quia Scientia Naturæ Creatæ est mutabilis; sicut & Natura, quæ illum producit; & quod maximum, non est scientis esse, sed actio; nec substanzia

cia eius, sed accidens; estq; velut imago in speculo, quæ viventem hominem utcunque repræsentat, cùm ipsa non vivat: ideo non est res subsistens; nec <sup>Subsistens-</sup>  
*in p̄sasim* suam habet. Scientia verò DEI, <sup>tiam.</sup>  
 quia est immutabilis, uria semper, similis, & par per omnia Scienti, Vi-  
 ventis viva imago, & coæterna, coëf- <sup>Increata</sup>  
 fentialis, consubstantialis: ideo subsi- <sup>subsistens.</sup>  
 stit; & extat; existitq; semper. Est nem-  
 þe DEO oppositus sui ipsius terminus;  
 cognitione productus: &, ut propriè  
 dicam; Idem alterum. Idem, non  
 partitâ, sed eâdem unitate Essentiæ; Al-  
 terum verò exigentia Relationis: nam  
 Scientis, ad scire suum relatio est (uti  
 ostendi) Relatio verò est, ad alterum,

Porro, Alterum hoc, quod sit <sup>óμοοσότον</sup> <sup>Alterum</sup>  
 DEO; patet ex ante dictis. Si enim ali- <sup>hoc facit</sup>  
 quid in DEO esset, quod nō eitis Essen- <sup>Personam</sup>  
 tia & Substantia esset; aliquid non Di-  
 vinum, & externum Divinitati inesset.  
 Quod cùm sit absurdum; ideo Alterum  
 hoc, Substantia DEI est; & est res  
 verè subsistens: ita ut possit, ut hæc,  
 monstrari; ideoque facit Substantiam  
 terminatam, ac individuam: &, quod  
 consequitur, Personam. Intellectualis

enim, terminata, & individua substantia, Persona est.

*Persona  
hæc , est  
Filius ,  
quia geni-  
sa.*

*Non facta.*

*Non crea-  
ta-*

*Generati-  
onis pro-  
prietatem  
implens.*

*Et si enim  
vivens ex  
vivente.*

*Est ex ge-  
nerantis  
substantia .*

Persona hæc verè, & propriè dicitur Filius: idque, quia generatione procedit. Si enim Personæ istius non esset generatio; esset aut efficientia ejus, aut Creatio: ( processionem namque excipio; quæ Spiritui Sancto propria, à generatione quomodo differat, paulò post dicam:) Quod verò efficitur, ex alio est; quod creatur, ex nihilo est: atque ita neutrum ex Substantiâ efficiens, & Creantis. Id autem produzioni Divinæ inconveniens prorsus, & absurdum esse, ex his, quæ dicta sunt patet evidenter. Est ergo generatio hæc vera: præsertim cum exactè, unicè. & sola generationis proprietates retineat, impleatque.

Cum enim sit ea generationis prima proprietas, ut sit viventis à vidente; Deus, qui Vita est, non potest producere nisi Vitam. Deinde: cum altera proprietas sit; ut sit ex generantis substantiâ; Generatio Divina, non participationem Substantiæ ( ut creata ) habet cum suo principio; sed identitatem: id est non fluxum ejus, sectiōnem,

nem, partem; sed totius, ejusdemque communicationem. Denique, cùm tertium generationis requisitum sit: ut in similitudinem producatur sui principij; in generatione Verbi id consummatissime impletur: quod mentis, à qua generatur, est imago perfectissimæ similitudinis. Deus nempe,, (inquit Augustinus, genuit quod est: qui cæteris dedit gignere, in similitudinem ejus, quod sunt. Est itaque Sciens, & Scire suum; Dicens, & Verbum; Unum, & Verum: idem quod Pater, & Filius. Quæ nomina postrema, toties in Scripturis verè, & propriâ significacione repetuntur.

Propriâ significacione, inquam. Nam Paternitas vera in cælo, seu DEO tantum est: & quod consequitur; Filiatio (ut sic dicam) vera. Homines enim, & patres, respectu filiorum sunt; & filij respectu patrum: at in Divinitate tantum, nunquam pater Filius, & nunquam Filius Pater. Deinde; cùm sint si est filia- Deo Filij, quos suâ gratiâ effecit; neceſſe est, ut sit & Filius, quæ suâ Naturâ genuit. Nam imitatio, oportet ut habeat suum exemplar, & archetypum. Imitatio

*Est in si-  
militudi-  
nem prin-  
cipii.*

*Ergo Fili-  
us Patri.*

*Paterni-  
tas vera  
in cælo  
tantum.*

*Si est filia-  
tio adopti-  
va, est &  
naturalis.*

tatio autem veræ generationis, est ad-  
optio: Ergo si est, ut ita dicam, Filiat-  
io adoptiva, est & Naturalis.

**Ad proces-  
sionem S.  
Spiritūs,  
transitus.**

**Cum eius  
invocatio-  
ne.**

**Recapitu-  
lato dictio-  
rum de  
generatio-  
ne Filii.**

**Omnia  
hac convé-**

Sic generatione Filii deductâ; Pro-  
cessionem quoque à Patre, & Filio, Spi-  
ritus Sancti iterum videamus. Sed  
non sine debitâ eius invocatione. Veni  
ergo Sancte Spiritus, mentes nostras  
visitâ, & te nobis aperi: Nam sine tuo  
lumine, nihil est in homine.

Patet ex his, quæ hactenus dicta sunt;  
quod Divinitas & est; & scit suum es-  
se: seu Est τὸ εἶ: unum; & verum. Esse  
enim, est Unum esse: se scire, est Ve-  
rum esse. Ostensum id, inquam, & pro-  
captu mentis humanæ demonstratum,  
hac quæ sequitur anacephalæosi. Pri-  
mò: Quod in DEO idem est Esse,  
quod scire. Secundò: Quod solus  
Deus se scit. Tertiò: Quod hæc scien-  
tia sit consequens reciprocè, Quartò:  
Quod sit relativa. Quintò: Quod sit  
cum suo principio simul naturâ, & tem-  
pore. Sextò: Quod Originis tantum  
ordinem habeat, sed sine imparitate.  
Septimò: Quod subsistat, & suam hy-  
postasim habeat. Octavò: Quod sit  
Persona. Nonò: Quod sit Filius. Hoc  
to

totum inquam, supra deducatum sat esse puto evidenter. Nunc verò deducendum restat, eadem omnia tertiae, <sup>nisse Spir.</sup> <sup>S. demon-</sup> <sup>strabitur.</sup> <sup>τὸν δύτος</sup> convenire hypostasi; seu Bono, Entis. seu Amori; id est Spiritui Sancto: praeter unum ultimum. Nempe, quod non sit, & cur non sit Filius; sed Spiritus ab utroque, nempe à Patre & Filio, non genitus, sed procedens. Et hoc mihi demonstrandum propono.

Quod ut iisdem gradibus deducam, quibus ad secundam deveni hypostasim; ita ordiar.

Amor Creatæ naturæ, ut sit perfectus, duplex esse deberet. Primus; quo amamus simpliciter; id est, in rem amatam propendemus, ferimur, eamque prehendimus; qui vocatur Directus: Alter; quo amatæ rei compotes facti, cœ gaudemus, oblectamur, fruimur, & in fruitione conquiescimus; id est, amamus hoc nostrum amare: qui Amor est Reflexus.

Hunc utrumque amorem se consequi, & ad se mutuò referri; evidens est: nemo enim amat, nisi gaudeat; seu amet se amare. Unde patet consecutio. Deinde si amat; gaudet eo amore: &

**S**i amore gaudet; amat. Unde Relatio.  
Uterque ergo amor, & se consequens,  
& relativus mutuò erit.

**V**erque  
par, & si-  
mul natu-  
rà, &  
tempore.

**E**x origi-  
natione  
nulla dis-  
paritas.

**C**ur Amor  
creatus  
non aqui-  
paretur  
increate.

**S**uimet-  
ipsius  
cultum.

**A**mor in-  
creatus  
non est ac-  
cidens, sed  
effentia.

Hoc concessso: adfateri necesse est, utrumque hunc amorem, parem sibi esse: simul naturâ, & tempore esse: Origine tantum, alterum à primò prodire: nullam tamen exinde impunitatem effici. Cunctaenim hæc, cùm Scientiæ Directæ ac Reflexæ insint, ut evidenter demonstratum est, Amori itidem Directo ac reflexo inerunt necessariò.

Non minùs & istud consequitur: quòd Amor Creatus Amori Divino nullo modo æquiparandus sit. Amor enim creatus non debet esse ad se: nam creatura per se non est; ideo & bona per se non est: ideo amare se; ut se, nisi perperam, & pravè non potest: Amaret enim non bonum; quod est contra naturam amoris: Ideoque οἱ λαυτοὶ ἐπιτίμησιν laberetur; nec Amor hic, sed concupiscentia esset.

Jam vero, ut ex consideratione Amoris Creati ad Increatum ascendamus Imprimis agnoscendum est; do tes Amoris Creati recensitas, hoc dif ferre

ferre ab increatâ naturâ , quòd Amor  
Creatus sit actio ad extra; Divinus  
verò sit ipsummet suum esse: nam DEO  
idem est amare, quod esse; Et idem  
est DEUS, quod amans.

Amans hic, quia solus verè est, ideo *Deus se sibi  
& solus bonus est, seu solus bonum est:* *lii, & ne-  
cessariò a-  
mat.*  
ideoque & solus non potest non se a-  
mare; & solus se amat meritò. *Quòd*  
non possit non se amare, patet; quia  
boni proprietas est, amari; ipse ergo  
cùm sit summum, totum, solumque  
bonum; se summè amet, necesse est.  
Ab alio enim, summè, & adæquatè a-  
mari non potest. Privaretur itaque  
summum bonum debito sibi amore. *si* *Et meri-  
tò.*  
à se non amaretur. Quòd verò id me-  
ritò faciat, patet etiam: Non enim,  
potest amare se aliquid melius, per-  
fectiusque: quia istud melius, perfecti-  
usque, DEUS esset; ipse verò DEUS non  
esset. Non potest etiam amare se quid  
imperfectius: quia contra Naturam  
veri amoris est, imperfectum amare;  
quod enim est imperfectum, bonum  
non est. Si itaque imperfectum ama-  
ret, non bonum amaret, *Creatu-  
ras pro-  
pter se.*  
amat propter se; eo ipso verè, & pro-  
prie amat tantum se. *Hic*

*Increati  
amoris  
dotes eæ-  
dem, quæ  
scientia  
increata.*

*Quod o-  
stenditur.*

*Est idem  
alterum.*

*Alterum  
hoc, est  
Personæ.*

*Personæ  
hæc, non  
est Filius.*

Hic Increatus Amor sui, amanti est reciprocè consequens, ac Relativus: Nam id amat, quod est; & id est, quod amat. Similis quoque, & par per omnia; quia nec amplius, nec minus se ipso amat. Naturâ demum, & tempore simul; quia ut est, statim se amat.

Origine ergo tantum Amans & Amor, ordinem habet; sed ita, ut ordo hic, in Naturâ eadem, non faciat imparitatem ullam.

Ordinis huius terminus, quia est Es-  
sēntia ipsa Divina; ideo D̄eo est coē-  
ssentialis, & consubstantialis; subsistit-  
que, & extat: Nempe fruitione resultans  
alterum idem. Idem, non multiplicata,  
sed eadem entitate; Alterum, exi-  
gentiâ Relationis; Est enim Amantis  
ad Amare suum Relatio; Relatio vero  
est ad Altetum.

Alterum hoc, quia totam plenitudi-  
nem habet substancialiæ Divinæ; ideo res  
est ita extans, ut possit monstrari ut  
hæc: Ideoque facit Personam.

Personæ hæc non potest dici Filius;  
quia non generatione, sed processione  
est. Etsi enim habet processio ista hanc  
proprietatem generationis, quòd sit

vivens ex vivente; alteramque, quod sit ex substantia: attamen tertiam, nempe similitudinem, non ex vi suae productionis habet, sed ex vi consubstantialitatis. *Quia non* *habet si-* *militudi-*  
*mentis enim tantum, seu intellectus, est haec intima, & peculia- nrem ex vi*  
*ris proprietas; ut producat sibi simile. Unde factus eius Verbum, seu Ve- suae proces- fionis.*  
*rum est eius perfectissima imago. Voluntas vero actus, cui Bonum pro ob- Voluntas*  
*jecto est; non in id Naturam suam fertur, non refert ut representet; sed ut uniat, potia- imaginem, sed ei unit,*  
*tur, fruaturque. Cum itaque voluntatis non sit hic finis, ut producat sibi simile; ideo non potest eius dici genera- tio. Atque ita (quod demonstrandum sumpsi) Spiritus Sanctus non est genitus, & non est Filius.*

Sed objici potest. Quod Amoris *Objicitur*, proprium est, unire; non uniuntur autem, nisi similia: Ergo necesse est, ut Amor, dum vult unire, feratur in simile; atque ita in similitudinem producat, seu generet.

Respondendum huic objectioni: Verum quidem esse, quod Amor uniat; & quod nequeant uniri, nisi similia: sed ex hoc non sequitur, quod amans sibi simile

*Responde-*  
*tur, quod*  
*amor se*  
*mutat in*  
*amatum.*

mile producat: sed potius, quod conetur, studio Unionis, se in id quod appetit transmutare; & se similem rei Amatæ efficere Intellectus non transit in rem intellectam, sed potius eam sibi conformem, similemque efficit. Voluntas verò, seu amor id efficitur, quod amat, Unde qui intelligit, quid sit probum esse; non statim probus fit: qui autem vult esse probus; quod verè vult, est. Exinde verò patet; quod cum generatio sit: sibi simile alterum producere; non verò se se in alterius similitudinem convertere: ideo, intellectus generatio propriè dici potest, non potest voluntatis. Itaque Persona, quam voluntas producit, non est Filius: quia non generatione procedit. Nullo etiam modo Efficientiâ, aut Creatione: quia (ut supra dixi;) quod efficitur ex alio est; quod Creatur, ex nihilo est; neutrum ex substantiâ Divinâ. Atqui consubstantialem esse Personam tertiam Divinitati, supra demonstratum est; ideo nec Efficientiâ, nec Creatione producitur.

Videndum jam ergo est, quid sit tandem hæc Productio; & quem Ordinem

Orig-

*Intellectus  
potius rem  
intellectam  
sibi simi  
lem efficit.*

*Vnde eius  
est genera  
tio.*

*Volunta  
tis non est.*

*Nec effici  
entia*

*Nec crea  
tio.*

*Ostendi  
tur ejus  
productio.*

Originis habeat, Quod ut deducam; Hoc imprimis est Notandum. Eorum, quæ ad se referuntur, tria esse genera. Primum Æquiparentiæ, ut vocant: ubi est Relatorum paritas; ut amici ad amicum. Disquiparentiæ alterum: ubi eorum disparitas; ut Domini ad servum. Tertium adhuc genus est Naturale, insitum, necessariò consequens: in quo Originis ordo est, sed inæquilitas nulla est. Hujus postremi generis, in Naturâ Creatâ, exemplar maxi- mè perfectum ego censeo in potentijs, seu facultatibus animæ: Memoriâ, Intellectu, Voluntâte. A Memoriâ etenim; quam ego visionem animæ, in uno fixam voco; oritur Agnitus Veri, quæ Intellectûs est: ab utroque autem Amor, seu fruitio boni; quæ est Natura voluntatis. Etsi verò tres istæ facultates talem Ordinem Originis habent; attamen inter se pares, & similes sunt: ideo; quia sibi consubstantiales, & in unitate Naturæ sunt.

Multò autem, imò infinité perfectius, id totum Divinitati ineſt. Verum, inquam, Naturalem, immutabilem, Originis ordinem habet. Ostensum enim est,

Referuntur ad se  
æquiparentiæ, ut amici.

Disquiparentiæ, ut servus & Dominus.

Se consequentia.  
Quorum exemplar in tribus animæ partitum.

Multo magis hæc cōsequentia ordinis, est in Divinitate.

*Origo non reciprocatur.* est, à Patre, ut principio, Filium prōcedere, & oriri. Origo autem, & Princípium, Ordinem ideo facit; quia non potest mutuò, & vicissim reciprocari. Unde rectè voco, Cæsar's imaginem: non rectè verò, Imaginis Cæsarem. Sic à Patre Filius, non Pater à Filio. Est ergo in Divinitate Originis ordo.

*Ordo in Divinis est, Patris, Filii, & Spiritus Sancti.* Qualis autem? Ille certè, quēm formula baptismi, id est, tessera fidei nostræ ostendit, ac comprobat. Dum (ut ait Basilius) Oportet nos baptizari, prout accepimus; credere verò prout baptizamur. Nempe, in Nominis Patris, & Filii, & Spiritus Sancti. Sub his tribus [inquit Tertullianus] testatio Fidei, & sponfio salutis pignoratur.

*Quod verbis Scriptura probatur.* Hic ordo est Naturalis, & insitus. Scriptum enim est: quod quidquid habet Pater, dederit Filio; & Filius dicit: quod Spiritus de suo accipiat. Additque: Omnia quæ habet Pater, meas sunt; propterea dixi, de meo accipit. Ex his inquam, verbis patet: Et communicata à Patre omnia esse Filio, quæ servato Ordine Originis, & salvâ Paternitate, communicari poterant: Et ab

ab eodem, simul cum Filio, itidem  
communicata Spiritui Sancto.

Nempe Amorem directum ( ut supra  
ostensum est ) habet Pater: & quia o-  
mnia, quæ Ordini Originis non repu-  
gnant, dat Filio; ideo dat ei eundem  
Amorem Directum. Dum vero uterq;  
etiam habet eundem Amorem Dire-  
ctum; uterque etiam habet eundem A-  
morem Reflexum; id est Spiritum San-  
ctum: ab utroque, sed junctim, & ut  
ab uno principio procedentem, seu  
spiratum. Non enim participatio est  
hic, sed communio eiusdem Naturæ.  
Et ideo rectè vocatur Processio; quia  
à duobus, eadem amborum emana-  
tione, est. Quæ emanatio in tertio sub-  
sistit; nec tendere ultra potest. Quia  
cùm est DEUS; cùm se scit esse; & cùm  
se amat esse: hoc ipso tota inclusa in  
se, se habens, sequē fruens est Divini-  
tas. Et omnia Patris habet Filius; &  
Patris Filiique omnia, Spiritus Sanctus.

Hæc fere sunt, quæ mihi de Trinita-  
te dicenda proposui. Cæterum varias *Variae*  
similitudines è rebus Creatis Sacra-  
Scriptura; & ex illâ, Ecclesia deducere  
solet, Personarum Sanctissimæ Triadis  
*imagines*, *Personarum Triadis*  
*nitatis*, *quas*

quas Patres Sancti explicant, compa-  
rantque; quin imò suas quandoque ad-  
dunt. Unde Filius; lux vera, lumen de-  
lumine, splendor, speculum, imago Pa-  
tris: Spiritus Sanctus; spiratio, Halit-  
us, odor, unguentum, Sigillum, Digi-  
tus, passim vocatur. Sed in omnibus i-  
stis, semper aliquid dispar sit, necesse  
est: creata enim non possunt aliter, id  
quod increatum est, referre; nisi im-  
perfectâ imagine. Hæc præfatus; au-  
debo ne & ego aliquam Trinitatis mo-  
liri similitudinem? Audebo: cùm, ut  
dixi, habeam, qui præivere exemplo.  
Ducam itaque in clausulâ hujus loci,  
tenues quasdam tanti Mysterij lineas,  
ex Trianguli consideratione, ac For-  
mâ.

*A nobis  
proponi-  
tur ex for-  
mâ Tri-  
anguli.*

*Fluxu  
puncti fit  
lineare-  
cta.*

*Quæ ut  
ambiat.*

Punctum fluxu suo facit lineam, est  
que ejus Principium; Linea verò dum  
directè tendit à puncto in punctum,  
recta dicitur. Sed Linea recta non am-  
bit, non amplectitur; ut contineat, in-  
cludatque: quia tantum in directum  
fertur. Si verò supponam, quod re-  
cta hæc linea velit complecti, ac conti-  
nere; necesse illi foret, figuram Recti-  
lineam quadrare; & assumere.

Nullam

Nullam autem, dubio procul citius, *Necesse ut appetat*  
 potiusque sumeret, quam Triangulum *Figuram.*  
 namque inter Rectilineas figuras, pri- *Nullam po-*  
 mum est, ideoque figuram appetenti *tius quam statim obvium.* *Triangu-*  
 gurarum simplicissimum, facillimumqz *lum.*  
 Nam ex utroque puncto, fluxu Lineæ *Quia pri-*  
 in unum desinit; & concursu laterum *mū & ob-*  
 efficitur; & seipsum quodam modo de- *vium.*  
 finit, Quadrangulum verò non con- *Quia fa-*  
 currit non se claudit, non à se defini- *cillimum.*  
 tur; sed ab externâ & quartâ lineâ: i-  
 deoque magis est compositum, & dif-  
 ficilius. Multò verò magis alia Poligo- *Non ita*  
 na. Linea ergo recta, prout dixi; non *Quadra-*  
 aliam figuram citius, potiusque appe- *tum.*  
 teret quam Triangulum. *stabilitatem.*

Illud autem non modo Äquicrurū, *Appetet*  
 sed etiam Äquilaterū. Et Äquicrurum *non modis*  
 quidem ideo; quia æqualiter utrinqz *äquicru-*  
 flueret, donec conveniret. Deinde; quia *rūm.*  
 tum demum par utriusque lateris  
 (ut ita dicam) via esset, ad se quanto-  
 cius uniendum; contra quam Scale-  
 no, ubi inæqualia latera inæqualiter *Sed etiam*  
 concurrerent. Äquilaterum verò ideo; *Äquila-*  
 quia Linea, modum laterum Triangu- *terum.*  
 li, naturaliter electura videretur ad

Q

men-

*Quia invariabile.* mensuram sui. Deinde, quia inter latera, non aliter de coniunctione certius convenire posset, quam si eam sumeret rationem, quæ una semper est, & invariabilis; ea verò in æquilatero Triangulo tantum est: Nam lōscelum potest esse multiplex; æquilateri verò modus unus tantum, & immutabilis.

*Hæc Trinitati a-  
ptantur.*

Sic deductâ Trianguli Naturâ, aptemus eam Divinitati; mancâ equidem similitudine; sed si benè expenderis, profectò inter illas, quæ adferri solent, non postremâ.

*Unum à  
se ens.*

Cogitò itaq; *aut rō rō 2v 6v* nempe Deum Patrem, & Principium Naturâ ferrī, & tendere directè in terminum agnitionis sui, seu ad *rō 2v 6v*. Directè inquam: Nam id fit visione; quæ non potest esse, nisi recta. Est igitur hæc quædam recta Divinitatis Linea, terminos oppositos habens: sed ita; ut quod in linea creata, est à puncto ad punctum directa protensio; id in invenia, sit unius termini ad alterum, Naturæ eiusdem, itidem directa communicatio.

*Pater  
Principiū.  
Verum.*

*Visione di-  
rectâ  
fertur in  
unum.*

*Efficitque  
rectam.*

*Eterna  
hæc linea,*

Hæc æterna, & recta Linea, dum ex vi

Vi Naturæ suæ in directum est: non quia re amplectitur, non ambit, non continet. *Ela; non includit.* Divinitatis autem Natura, necesse est, ut se plenè habeat, definiat, includatque; & quodammodo figuram appetat: *Appetit id est, in tertio terminetur, claudatur autem includere.* Ideoque in dem Substantiæ Processione, velut communis Lineæ fluxu, definit in  $\tau\delta \alpha\gamma\alpha\delta\delta\gamma$ : *Trigonum.* Bonum. completque Sanctissimum hoc Patris, Filii, & Spiritus Sancti Trigonum.

Non enim Quadratum, aut Poligono- *Non vero num: quia tunc non se ipsam Divinitas clauderet; sed aliunde, & ab extra, quadratum formatur.* Composita esset; &, ut ita dicam su- perflua.

Trigona itaque (fas sit dicere) est: *Illudque Atque, ut insistam similitudini; non ē Äquicrus, quicrura modò, sed etiam Äquilatera. Etenim non duo tantum latera, ob Äquilaterum, & Äquicrus, terum.* æqualem terminorum ad se conjungendum vim, habet; sed tria, omnino Paria inter se; imò & eadem prorsus. Nempe; sicut, si in uno Triangulo sint duo eius latera, radii eiusdem periferiæ; deinde duo iterum eiusdem latera, itidem sint eiusdem periferiæ ra-

dij: dum duo, tertio conveniunt, pariaque sunt; & inter se quoque convenient, pariaque sint, necesse est. Sic, quia eadem Substantia (velut peripheria) est Patris, & Filij; eademque etiam Patris, & Spiritus Sancti: ideo confabstantiales, id est pares inter se, & æquales sunt, Pater, & Filius, & Spiritus Sanctus.

*Ad men-  
sura-  
m suam  
est.*

*Et inva-  
riabilis.*

*Ex eadem  
imagine  
patet Or-  
do Origi-  
nis.*

Quod verò de Triangulo Creato dixi; quod eum Linea ad mensuram sui productura videretur: Id, Naturâ ipsâ Divinitati insitum necessariò est; ut æquales per omnia, & pares Personas, velut latera, producat. Cùm ut Trianguli æquilateri; ita & hujus productionis certissima, invariabilis, & unica tantum hæc Forma est; ut sit ad mensuram sui, per omnia par, & æqualis.

Ex eadem similitudine, monstrari potest Ordo Originis in Divinitate. Dùm, ut à fluxu puncti, Linea; sic à generatione Patris, Filius. Sicut autem à fluxu Lineæ, junctæ duobus terminis, procedit tertius terminus Trianguli; sic à patre, Filioque, velut ab uno coniunctoque principio, Spiritus Sanctus.

Hæc

Hæc est similitudo, à me non prorsus, puto, ineptè prolata; ita tamen ut ab eâ, id quod rebus creatis imperfecti adhæret, semper secernamus, separaremusque: Nempe protensionem, fluxum, spatiū, compositionem, aliaque hujusmodi; quæ indivisibili, & simplicissimæ Naturæ nullo modo cōveniunt.


Sed quid ego, & quo usque ista? quid, inquam, vel digito tangere, vel palmo metiri cœlum, vel certè mare in scrobem satago effundere? Desino: nec irrito conatu fatigo ultra mentem, tantæ imparem Majestati? quæ fide, & filientio adoranda est.

Adoro te ergo toto animo Trinominis Divinitas: & quia posuisti tenebras, latibulum tuum; in adita tua absconsa, & tibi soli nota, non ultra penetro. Sed cum Sanctis, qui tibi assistunt, faciem velo: & oculos mentis meæ, debiles ad hunc solem, obtego; & unâ cum loco hoc, claudio.

*Sed ab hac  
Similitudi-  
ne secer-  
nenda im-  
perfecta.*

*Conatus  
ulter  
scrutandi  
reprimi-  
tur.*

*Et debita  
adoratio-  
ne locus  
clauditur.*



## Pars Capitis Altera.

*Ut erga nos est DEUS. Ubi Crea-  
tionis primum, & post Missionis ad nos.  
Divinarum Personarum ineffabile beneficium  
expenditur: ex quo manarunt Triplicia do-  
na, Naturæ, Gratiæ, & Gloriæ.*

*DEVS ipse sibi sufficit.* **A**paret evidenter ex superiori Tra-

*catione, DEUM unum Natu-  
rā, & trinum Personis, sibi abun-  
dē sufficientem esse; nullius rei, quæ  
extra illum est, indigum: ante omnem  
Creaturam æquè beatum; & post illam  
productam, nulla re auctum. Nullius  
ergo sui commodi causâ esse voluit, &  
existere universum hoc: & se imper-  
tiri decrevit rebus creatis ideo tan-  
tum, ut benè illis esset. Elucet verò.*

*Produxit illam, quia bene ei voluit.* & eminet maximè, & præcipue, hæc  
omnipotens & omniscia bonitas, seu  
voluntas eius, in Creatione Naturæ  
rationalis. Etsi enim cuncta, quæ pro-

*Præcipue rationalem.* duxit; vidit, quod essent valde bona;  
ideoque & bene omnia fecit; & omni-  
bus benefecit: non tamen æquè illi Na-  
turæ, quæ se esse nescit; ut illi, quæ se  
esse, cum tot dotibus miratur, agno-  
scit,

*Nec ullā  
creaturā  
eget.*

Sicut, gaudet. Natura verò hæc, Ange- *quæ sola se  
esse agno-  
scit.*  
lorum est, & Hominum. De Angelis nō  
est nostri argumēti. Homo autem, quæ  
ab illo tulerit bona, Naturæ, Gratiæ, *Et agno-  
& Gloriæ; pro modulo Scripti, paucis *sere debet,  
videamus: cum curâ tamen, & attentè;* *triplicia  
exinde enim manat cultus & amor, quo *sibi date  
erga DEUM, lege gratitudinis, immen-  
sum tenemur.***

## DONA NATURÆ.

**O**rdior meritò à Donis Naturæ, *In donis  
Naturæ.*  
& Origine ipsâ nostri: quando  
prima hæc est gratia, primumque  
DEI beneficium, quod nos voluerit esse,  
& existere. Tria hic perpendam: sta-  
tum nempe Naturæ nostræ; Deinde  
corpus; postremò Animam.

Status, seu Conditiō humana, quod  
omnibus, quæ DEUS sex Dierum spatio  
produxit, antecellat; patet evidenter.  
Hominem etenim velut summam, &  
culmen operum, ultimò produxit.  
Præparatâ primùm ornatâque mundi  
mansione, velut hospitem eum, imò  
Patrem familias, ac Dominum, in hanc  
Orbis machinam introduxit: Paradisi  
Voluptatis habitatorem illum fecit:

Q 4

Quæ

*Quæ sub-  
limis, &  
eximia.*

Quæ ante eum facta sunt, ejus usui ad-  
dixit: præesse, ac dominari jussit omni-  
bus: Compendium denique in illo Na-  
turæ Creatæ inclusit. Nam est corpus;  
ut Elementa: vivit; ut arbores: sentit;  
ut animalia: Ratione gaudet; ut Spiritu-  
tus. Præterea ~~δύνασθεν~~ eum fecit; id  
est sui arbitrij, suæ spontis ac potesta-  
tis; ac denique immortalitate dotavit.  
Eximus itaque status ejus est. Unde  
non male hominem, parvum mundum;  
Mundum, Magnum hominem vocavè-  
re: sed profectò superat hoc elogium;  
& Mundo visibili potior, & præstantior  
est.

*Corpus ei  
par.*

*A Deo ve-  
lut elabo-  
ratum.*

Ad Statum autem tantæ dignitatis, aptavit illi par corpus; aut potius ( ut loquitur Scriptura ) formavit. Nam alia, jussu tantum & imperio, velut fudit productione: hoc dum formasse dicitur; elaborasse videtur cum diligentia, elegantiâ, venustate; idque seorsim ab animâ, & separatâ functione. Deinde, de aliis dixit, & facta sunt hic; faciamus, ait: quod consultatio nis est, & destinati cum cura operis, ut nempe Dominus omnium esse possit, qui

qui propriè factus à Domino , inquit  
Tertullianus.

Refert verò, ac repræsentat hanc cu-  
ram, Opus ipsum: ejusque forma, &  
statura erecta , ad cælum vergens; li-  
berum nescio quid spirans; speciem na-  
tam ad imperium , & dominationem  
præferens: contra quām animalia cæ-  
tera; quæ prona ad terram , statum ser-  
vilem, submissum, & ad humum humi-  
lem, abjectumque habent.

Jam , quæ aptitudo, quæ symmetria,  
quæ compositio membrorum? Nullum  
est, quod non & eximiæ necessitatis  
causam habeat , & decoris. Vel solius <sup>Symme-  
tria, & a-  
ptitudo  
membro-  
rum.</sup>  
certè manūs, quæ homini tantùm data,  
varium usum, quis satis explicet ? Hæc  
est instrumentum omnium operum, <sup>Et præti-</sup>  
quæcunque mens humana vult moliri: <sup>puc mag-  
nus.</sup>  
hæc sustentationis ministra: hæc tutela  
vitæ: hæc experimentum virium huma-  
narum; quibus regit, ac domat se infe-  
riora: hæc cultura artium, ac elegan-  
tiæ omnis fabra, & opifex : hæc deni-  
que est ; cuius admiratio , nescio cui,  
ad testimonium Divinitatis suffecit.

Quid verò abdita illa corporis scru-  
ter? sensus nempe, miri artificij organa: <sup>Sensuum  
organæ.</sup>

& præsertim oculorum; qui vigiles, vel  
luti in specula, constituti sunt animi in-  
dices, & mentis quidam prodromi.  
*Facultatum*, Quid facultatum; naturalis, ( ut vo-  
*naturalis*, cant ) vitalis, animalis, in hepate,  
*vitalis*, corde, cerebro, admirandas officinas?  
*animalis*, quid sexcenta alia, nunquam satis co-  
*officina*. gnita laudataque? in quibus, nec pro-  
modo Scripti, nec pro argumento sit,  
prolixa, & diffusa dissertatio.

*Anima  
præstan-  
tia.*

*In illâ  
imago di-  
vinitatis.*

Ad Animam ergo potius transeō;  
ubi propria imago, & similitudo DEI  
spectatur, ac elucet: ad quam, se feci-  
se hominem, DEUS ipse professus est.  
Hanc similitudinem varie proponunt  
Sancti Patres; sed inter illos Ambro-  
sius, & Augustinus præcipue; ad tres  
Divinitatis Personas Memoriam, In-  
tellectum, Voluntatem aptant: et si non  
eo similitudinis modo, cuius ego ali-  
quoties memini in hoc Scripto; &  
quem puto, ex adyto ipso Naturæ de-  
promptum.

*Et in me-  
moria, in  
intellectu,  
voluntate.*

Tres enim hæ facultates, una anima  
sunt. Et quia insitæ eius essentiæ, &  
naturales; ideo coëssentiales, atque  
adeo pares sunt: & Ordinem tantum,  
ut

ut supra dixi, Originis habent; eumque talem. Fixa Memoria in uno; (a-  
lioqui nisi in uno consisteret, non con-  
staret sibi; & non memoria una, sed  
phantasma multiplex esset:) fixa in-  
quam in uno, Originem præbet considerationi istius Unius; id est Intellectum producit Veri: ex utroque autem Voluntas procedit, seu quies in Bono. Quid enim aliud videat, noscat, appetatvè Anima; quam Unum, Verum, Bonum? Deinde, quomodo plenè videat, noscat, appetatvè, si non tota? quomodo autem tota; si non simul, & æquè per Memoriam, Intellectum, Voluntatem?

Patet itaque: hisce tribus, tres Personas unius Divinitatis repræsentari. Patet, Animam humanam, hac similitudinis prærogativâ, ad Divinam assurgere Naturam; eiusque capacem debere fieri: ideoque meritò, tam amplis dotibus ornatam, dum nempe cogitatione mente, affectu, momento uno, tot res adit, noscit, amplectitur: & hoc ipso temporis, loci, imo universi metas excedit, seque cunctis rebus majorum ostendit, nec posse ab ullâ ea-

*Exinde  
ad Divinas  
assurgit  
naturam.*

*Et in illa  
conquie-  
scit.*

rum contineri; nec in ullâ nisi in solo  
Deo plenè conquiescere, aperte te-  
statur.

Sic orna-  
ta vide-  
tur ob fu-  
turam In-  
carnatio-  
nem.

Ultra hoc , nihil est quod addam,  
præter unum: nempe; non mirum tot,  
& tantis ornatam , in primo Parente  
dotibus, esse humanam Naturam: quæ  
in consortium Divinitatis, & unitio-  
nem Personæ, assumpta à Christo ; &  
cælo illata esse debuit: ut statim ostendam.

## DONA GRATIÆ.

*Per Missionem Divinarum  
Personarum.*

Non con-  
tentus  
Deus ho-  
mini de-  
dixit, quæ  
extra  
ipsum.

Seipsum  
dedit.

Votum: us  
ex merito

Magnum itaque , & fastum pro-  
fectò est , quòd in Naturæ  
donis , humano generi impertiit  
DEUS: & si spectas conditionem no-  
stram; abundè, sat, superque: sed si e-  
jus bonitatem, & beneficentiam ; pa-  
rum. Infinitum enim bonum, haud po-  
tuit beneficam suam vim explere , lar-  
gitione eorum, quæ extra illud sunt.  
Itaque, ut satisfaceret bonitati suæ , se-  
dedit.

Utinam verò genus humanum, non  
ut solet, sed ut par est, expendat: quid  
hoc

hoc, quantumque est; quod Deus, in *expende-*  
*eius bonum est molitus*; cum in terra *reetur.*  
 visus, & cum hominibus conversatus  
 est, & habitavit in nobis; & vidimus  
 gloriam eius: nempe Deum manife-  
 stum in carne; qui visitavit nos Oriens  
 ex alto: Missionem hanc inquam, pri-  
 mam; quæ est per *σαρκοπόμπον λόγον*,  
 seu per Verbum carnem factum: Alte-  
 ram deinde; quæ per adventum Para-  
 cleti Spiritus Sancti, agnoscamus: &  
 ab utroque mare immensum gratiæ Di-  
 vinæ expendamus.

Quod ut probè fiat; imprimis, quid  
 sit in Divinis Missio, necessarium est *Vtraque*  
*noscere*. Non enim est, ne quis erret,  
*non est de*  
*loco mi-*  
*de loco in locum migratio*: ( hoc enim *gratia*.  
*DEO*, qui ubique est, non convenit:) sed est ejusdem semper, immoti, & im-  
 mutabilis *DEI*, facta hominibus in tem-  
 pore sui manifestatio. Id ergo est Mis-  
 sus, quod visus; id Missio, quod appa-  
 ritio.

Porrò temporalis hujus Missionis ra- *Modus*  
*tio, & modus, manat ex Origine, ac* *Missionis*  
*Processione illâ æternâ, quam, cum de* *manat.*  
*Trinitate agerem, deduxi.*

Sicut enim Pater genuit, & Filius ge- *Ex gene-*  
*nitus*

*ratione, & processione aeterna.* nitus est ; ita Pater mittit, & Filius missus est : & sicut à Patre, Filioque procedit Spiritus Sanctus ; ita ab utroque missus est. Interim, hæc Missio non est [inquit Divus Augustinus] inæqualitas substantiæ, sed Ordo Naturæ : quavis enim utraque Persona se nobis manifestavit ; utraque tamen immota mansit, in una cum Patre Divinitate, & essentia.

*Oeconomia Internatio-*  
nisi.

*Christus  
verus DE-*  
*VS, verus  
Homo.*

*Duæ na-*  
*turæ, una*  
*Persona.*

Huius Missionis in Christo Oeconomiam, seu modum, dispositionemque Ecclesia Catholica eiusmodi profiteretur. Nempe, Secunda Divinitatis Persona, quæ est Filius, æqualis & Coæternus Patri ; cum venisset plenitudo temporis ; illi soli nota, qui novit, & constituit tempora ; nasci ex Virgine voluit : & assumpsit Naturam humam, totam & integrum, ex anima & corpore constitutam ; eamque Naturæ Divinæ univit : ita, ut duæ Naturæ, & una Persona, esset Christus ; Verus DEUS, Verus Homo.

Duæ inquam in Christo sunt Naturæ. Si enim una tantum statueretur, ea vel Divina, vel humana esset. Si Divina tantum, non esset homo : si humana tan-

tantum; non esset Deus. Quem tamen, Deum & Hominem, Sacra Scriptura, & gesta eius loquuntur evidenter: partim enim Divina protus, partim vero humana tantum, operatus est.

Si vero dicas unum Naturam, ex *Nec mixta, nec di-*  
*duabus compositam, conflatamque;* *ta, nec di-*  
*Id fieri nequit, sine alterutrius vel in-*  
*teritu, vel imminutione: & necesse, ut*  
*vel Divina degeneret in humanam; vel*  
*haec ab illa absorpta, & absunta sit:*  
*Atque ita neutra integra: sed nescio*  
*qua nova, mixta, & imperfecta.*

Duae ergo sunt Naturae: & ideo *Dispare*  
*spares, & cuique propriæ, ac peculia-*  
*res sunt affectiones; atque functiones.* *natura-*  
*Unde nasci, lacte ac cibo ali, carnis*  
*necessitates sustinere, ac sustentare; pa-*  
*ti denique ac mori, humanum. Mira*  
*vero vi propria facere: morbis, morti,*  
*mari, ac ventis imperare; demonis re-*  
*gnum evertere; non peccasse unquam*  
*nec peccare posse; peccata vero aliis*  
*dimittere; cogitationes nosse; animis*  
*nostris [nempe ut in illum credamus]*  
*imperare: Divinum.*

Etsi vero functiones istæ, utrique *Tamen*  
*Naturæ separatim peculiares; attamen* *tanquam*  
*de una*

*prædicari  
possunt.  
Impatibi-  
lis.*

*Ob unio-  
nem hypo-  
staticam.*

*Deipara.  
Dei nati-  
vitas.*

*Causæ In-  
carnatio-  
nis.*

*Nempe Fi-  
nis ejus,  
conveni-  
entia, ne-  
cessitas.*

*Finis est  
gloria DEI.*

ob unitatem Personæ, tanquam de vna Personâ meritò prædicantur. Inde est: quòd etsi Deus ἀπαθής, οὐκ ἀσωμάτος: tamen quia Corpus sibi, ut proprium assumpit; ideo Deus passus dicitur. Unde Petrus, Christum in carne pas- sum, & Paulus Dominum gloriæ Cru- cifixum, dixerunt. Et MARIA Θεοτόκος; &c Nativitas Christi, vel Apparitio, Θεορα- veia rectè dicitur: ex prærogativâ nem- pe Personæ, cui Divinitas inseparabi- lis est.

Sic explicatâ Oeconomiâ Incarna- tionis; Causas, cur Deus mirum hoc vo- luerit, effeceritque; non pigebit recen- sere, cum piis, Sanctisque Patribus: quorum pulcherrima utriusque lingua loca Dionysius Petavius, mirâ profe- tò peritiâ, industriâ ac diligentia col- legit. Videamus ergo, depromamus- que ex hac penu imprimis Finem, quem sibi proposuit Deus: Conveni- entiam deinde, qua eum est executus; denique necessitatem ejus.

Finis omnium Dei operum, etsi pas- sim, & verè assignatur Gloria ejus: cùm præter hanc, nihil aliud ad eum, ob collata creaturis beneficia, redundet,

ac redeat: attamen cùm hæc ipsa Gloriæ, quæ est laudantium consentiens vox, & nihil in se solidi fructus habeat; & etiamsi haberet, tamen DEO sibi sufficienti addere nihil posset: Ideo dicendum est; quòd et si Gloria necessariò comitetur opera eius; tamen finem eorum non esse aliquod ex illa emolumenntum; sed solum Naturæ beneficæ, ut ita dicam, gustum: dum bene fecisse, & amat unicè, & gaudet; & fructum ex se, & facto suo capit. Infinitæ inquam Bonitatis eius, in beneficiendo (ut ita dixerim) satietas, finis est: quòd apparuerit benignitas, & humanitas Salvatoris nostri DEI; ut tam dissitam, & conditione, & culpâ, natu-ram assumere, & reparare voluerit.

*Aut quædam Bo-nitatis, & beneficen-tiæ satie-tas.*

Hæc eum impulit primùm; ad sui Conjunctionem: quæ major esse non potest, quam in hoc Incarnationis Mysterio; cùm Deus Homo factus est, ut Homo fieret Deus. Deinde ad opitulationem: quæ tanto major est, quanto magis miseris subvenit; nec sese juvare valentibus. Denique, ad profligandam mali Dæmonis saevitiam: quæ ex-

*Et hinc maxima, quæ possit esse, com-municatio.*

*Opitula-*

*tio i. o. vindica-tio d' Da-mone,*

ercebat regnum, fraudulenter vieti, in primo Parente, generis humani.

*Convenientia Autoris.*

Hic ergo finis est admirandi huiusce Operis. Convenientia sequitur: quæ ostendit; à nullo, (præter DEUM ipsū) convenientius hominem vindicari debuisse. Magis enim obligaretur homo Creaturæ id sibi præstanti, quam DEO. Cui itaque debemus (inquit Divus Augustinus) quod sumus; meritò illi convenit debere, quod post lapsum, iustificati sumus.

*Nempe nullius, præter quam DEI.*

*Idque secunda Divinitatis, Persona.*

Si autem Divinitati competiit nos vindicare: conveniebat; ut id secunda eius Persona, id est Filius, exequeretur. Ab illo enim nos decebat refici; per quem nos, & omnia facta sunt. Deinde, Filius est propriè imago Patris, & figura substantiæ eius: per hunc itaque, amissa in nobis imago DEI, restitui debuit. Qui cum assumperit hominem, non in unitatem Essentiæ, sed in unitatem Personæ: sequitur; quod et si Trinitatis una sit actio; Personæ tamen Filii, propria hæc sit assumptio.

*Modi Convenientia.*

Post Convenientiam Autoris, non minus elucet Convenientia Modi. Expediebat enim apparere, & manifestari ho-

hominibus DEUM: apparere verò non potuit, nisi velo corporis coniectus; quando ne Moyfis quidem faciem mortales oculi sustinere potuerint, recenter à DEO venientis. Si autem corpore tegi debuit; nullo convenientius, quam humano. Decuit deinde, in hac Natu- *ut in carn-*  
 râ Dæmonem vincere, quæ à Dæmone *ne nostra.*  
 victa est: Major enim exinde certamini-  
 sis, ac victoriæ, & æquitas, & gloria.

De fæmina etiam nasci, itidem con- *ut de fæ-*  
 sentaneum fuit: Nam ut per mulierem *mina.*  
 primam mors; ita salus per alteram. Et  
 ut Eva culpæ Mater; ita gratiæ, Maria.  
 Ex Virgine autem: quia noviter nasci  
 debuit novæ Nativitatis dedicatores;  
 per quem homo nascitur in DEUM, quia  
 Deus in hominem natus est. Deinde; *Exque Vir-*  
 Virgo adhuc erat terra, nec ullo attre- *gine nasci-*  
 ceta opere, ex quâ formatus Adam: *retur.*  
 ideo alter, & novus Adam, itidem ex  
 Virgine. Et, sicut æterna generatio sine  
 Matre; ita quæ in tempore Nativitas,  
 sine Patre: ut nempe una Persona, &  
 binos tantum, & convenientes Natu-  
 ris, haberet Parentes.

Neque verò indecorum, DEUM assu- *Non inde-*  
 pisse carnem. Nam qui de limo fecit *corū, quod*

*carnem  
assumpit.*

hominem; quis arguat, quod per carnem refecit? attrectavit primum, cur non susciperet alterum? si enim non verè suscepisset, quis eum verum hominem dixisset? si autem verus homo non fuisset, quæ causa simulatæ Naturæ? quorsum, inquam, homo, non tamen homo?

*¶ quod  
infirmita-  
tes noſtras  
por-  
tavit.*

Nec dedecet, quod infirmitates nostras ipſe portavit. Sustinuit enim non impositas, sed assumptas: sustinuit; non succubuit: hoc enim imbecillitatis esset; illud Fortitudinis, & Virtutis. Subiit ergo dolorem & mortem: quia & in dolore tolerando, & in morte subeundâ, Virtutum officia versantur: quæ Magister, & Præceptor perfere debuit; ut ostenderet perficiri posse: nec repugnare id mortali, fragilique Naturæ; quod, eam indutus, fecit ipſe.

*Tertia  
Convenien-  
tia  
Temporis.*

Tertia Convenientia est Temporis: quæ etſi illi ſoli cognita, qui cuncta fecit in tempore opportuno: attamen post correctum genus humanum, lege promulgata; post præmissa de ſe Prophetarum testimonia, & mira opera, adſtruendæ ſui notitia facta; dum me- dium

dium silentium tenerent omnia, & pacatus per Augustum Orbis esset; dum ultima Monarchiarum Roma, ad summum perducta fastigium, & arx omnis superstitionis est facta; dum Hierosolyma in mores gentium paulatim transfiret; dum Synagoga in seetas scissa philosopharetur, & Platonem aut Zenonem potius, quam Mosem sapere; dum per idololatriam toti Orbi princeps mundi huius imperaret: ut tandem ejiceretur foras, & regnum peccati destrueretur; nasci in hominem D E U S commodum, opportunum, & conveniens judicavit.

Convenientiam monstrata; jam, (ut *Necessitas* promisi,) *Necessitas Incarnationis ostendenda est. Quæ nulla equidem absoluta, antecedens, & cogens DEUM, dari potest; dari tamen potest congrua, & consequens. Nam Deus semper vult fieri, quæcunq; verè convenit fieri. Et sicut, quantumlibet parvum inconveniens, est illi impossibilitas; ita justa ratio, est illi consequens necessitas. Has itaque consequentes necessitates ex sensu Sanctorum Patrum re-*

*Cuius idœ  
nea cause  
recensetur.*

*Incarnationis.  
Non absolu-  
ta.*

*Sed conse-  
quens.*

censobo.

*Prima est,  
quia pec-  
catorum  
redimere  
non potuit,  
nisi peccato  
non obno-  
xius.*

Prima autem est: Quod non potuerit genus humanum in Peccatum lapsum, reparari, nisi ab eo, qui & peccati, tam Originalis, quam commissi, seu (ut vocant) Actualis expers, & ~~avulsa~~ omnino, id est, ut ita dicam, impeccabilis esset. Non enim subvenire peccato potuit simili peccato semel nexus, & semper obnoxius: nec intervenire pro sceleratis servis complex, & adstrictus jugo servitutis: nec satisfaciens gratus, acceptusque esse potuit, odium meritus; nec immunis a peccato. In quo igitur non erat, nec esse potuit peccatum, ipse venit auferre peccatum. Nam si in ipso quoque fuisse, aut esse potuisset peccatum; auferendum illi foret, non ipse auferret.

*Altera,  
quia satis-  
factio ple-  
na esse non  
potuit, nisi  
ab Homine  
DEO.*

Altera consequens Necessitas Incarnationis est. Quod offensa, ac injuria DEI, a genere humano placari, ac compotuit, nisi pensari debuit justâ satisfactione; satisfactione autem justa, ac perfecta est, quæ totum quod tenetur, liquidò & planè excoluit, sine ullâ condonatione. Talem autem nec homo, nec Angelus præstare Deo potest: nihil enim uterque habet, quod de suo, in solutionem

ei imputet. Qui itaque eam præsta-  
ret; necesse est, ut communi, & purâ  
Creaturâ major esset: Nihil autem tali  
Creaturâ majus, nisi Deus homo factus.

Tertia Consequens Necessitas peti-  
tur ex magnitudine, & atrocitate pec-  
cati. Quod est idè infinitè malum,  
quia adversum, & ex opposito contra-  
rium infinito bono. Tollit itaque non  
potuit, nisi ab infinitè dignâ, id est, u-  
nâ cum Deo. Imo ipsâmet Divinâ Per-  
sonâ: quæ & texit, quâ fine labe homo,  
infinitam vilitatē offendentis: & æqua-  
vit, quâ DEUS, infinitam Majestatem  
offensi: condignus inquam Mediator,  
& sequester pacis CHRISTU\$; imis sum-  
ma conjungens, & faciens utraque u-  
nū. Interventu nempe suo, velut pon-  
te quodam, terrena cœlestibus, huma-  
na conjunxit Divinis; quæ absque illo  
conjungi nullo modo poterant.

Quartò adstruitur Consequens Ne-  
cessitas exinde. Quod si ne in pristi-  
num quidem statum redire per se po-  
tuit genus humanum; quantò minus  
æternam felicitatem mereri, & obtine-  
re? eam verò cum homini destinâisset, minùs  
& præparâisset Deus; necesse fuit, ut præmium.

præstisſet: præſtari verò prævaricato ri justè non potuit, niſi & poſt ſatiſfactionem, & ob meritum: folvere autem, ne dum mereri, non erat virium humanarum. Itaque iപsum, humani tate aſſumptā, & abolere culpam, & præmiūm hoc ingens mereri, oportuit; per quod Filii DEI nominamur, & ſumus: fi autem filii, & hæredes gloriæ eius: hæredes inquam DEI, cohæredes autem CHRISTI.

*Necessita-  
tes has ap-  
probavit  
fucceſſus.*

Hasce neceſſitatus videtur Deus eo ipſo oſtendere voluisse; quòd etſi magna, & eximia multa, reparandi hominiſ causā, conſultò præmisſet; fruſtra tamen omnia, niſi hoc Incarnationis myſterio completa, fuiffent. Non quòd non eſſent DEI ſimul, & ſtatim, perfecta opera; ſed ut maniſtatiūs, & morbi, & remedii magnitudo pateret.

*Qui non  
ſecutus ex  
tege Na-  
turæ.*

Gradus verò huius operis hi fuēre. Primūm; videns Deus, quòd multa malitia eſſet hominum in terra, ad malum omni tempore: ut mederetur tam gravi morbo; Legem Naturæ, inſculptam ſemel in cordibus noſtris, & nunquam deleri penitus paſſus eſt; & ſemper reintegravit: maniſtatione ſui, allo-

cu-

cutione, admonitione, præceptis, somniis, signis, præmiis, ac poenis: quæ cuncta in Patriarcharum, & Prophetarum gestis spectantur.

Deinde; cum hæc non sufficere vi- *Nec ex le-*  
derentur; Legem scriptam promulga- *ge scripta*  
vit: eâ Majestate, quæ talem, tantum-  
que legislatorem deceret: quâ de re  
in tertiat parte capitilis huius dicetur,  
uberius.

Tertiò; addi forsan potest: non jam *Nec ex dī-*  
Israëlitis tantum datum; sed per gen- *etamine*  
tes sparsum, & optimis quibusque in- *Philoso-*  
genius insitum, sapientiæ studium: per *phia.*  
quod impressas, innatasque mentibus  
nostris Veri notiones, ad artis & sci-  
entiarum modum perducere conati sunt  
multi: idque sæpe haud irritè; ut te-  
stantur non pauca, quæ vetus Philofo-  
phia prodiit, arcanæ profectò, & ab-  
ditæ veritatis. Id verò, etsi absque ad-  
miniculo apertæ revelationis; non ta-  
men certè fine Divino instinctu, & oc-  
cultâ quadam mentium, velut manu-  
ductione. Non enim aliis, sapientiæ  
has scintillas spargere potuit, nisi Sa-  
pientia ipsa; id est DEUS.

*Tria haec  
non juve-  
runt  
corruptum,  
genus hu-  
manum,*

Tria verò hæc, etiam si eximia, non attulere tamen plenam generi humano medelam. Nam Lege Naturæ, & Scriptâ, nunquam ita cultus Veri DEI obtinuit, ut πολυτεῖα, & idololatria tolleretur; nec Judaismus DEI Veri notitiam ad gentes transmisit. Unde, DEUS Israëlis vocatus, qui omnium esse debuit: & ignoratus ubique; & tantum notus in Judæa Deus. Philosophia verò multò minùs id præstítit; dum aut non firmiter unum autorem, & rectorem universi docuit; aut si docuit, (ut forsitan secta Stoica:) nullo tamen fructu ad cultum eius: imo adeo eum insuper habuit; ut ei Sapientem suum vel æquaret, vel præferret. Immortalitatem autem animorum nulla prorsus professa est, aut firmiter asseruit. Neque id mirum: sicut enim (inquit Augustinus) oculus absentia, id est, à sensu remota non videt; ita mens humana, invisibilia & æterna, quæ ultra captum eius sunt, non agnoscit. Utí vero, quæ scire, quæ videre non possumus; illis credimus, qui sciunt, qui viderunt: ita Divina & æterna, à DÉO æterno tan-  
tum didicisse oportuit.

Itaque: ut ultima tandem manus *Itaque ultima imposta manus.*  
 imponeretur tanto operi; postquam Deus multifariam, multisque modis o-  
 lim locutus esset Patribus, in Prophe-  
 tis; novissimè locutus est nobis in Fi-  
 lio: & docuit nos omnem Veritatem; *Incarnatione Domini.*  
 per eum, qui est Via, Veritas, & Vita.  
 Ita ut jam totum genus humanum, *Deum Verum;* eius Providentiam; & de-  
 dum vitam æternam agnoverit, cre-  
 dideritque; eaque obtinuerit salutis  
 subsidia, quæ recensui compendio, cum *Cuius*  
 de Gratiâ tractarem; & quæ dicam in *fructus ante*  
 fra uberiùs: ad quæ loca, ne tautalogus *recensiti.*  
 sim, meritò Lectorem remitto.

## *De alterâ, nempe Spiritûs Sancti Missione.*

**S**Equitur jam altera manifestata,  
 nobis Missio Tertiæ Divinitatis  
 Personæ, nempe Spiritûs Sancti; pari  
 compendio, eodemque ordine tracta-  
 tionis explicanda.

Oeconomiam eius Ecclesia Catho- *Oeconomia*  
 lica profitetur tales. Post perfectum, *Missionis*  
 consummatumque redemptionis no- *Spiritus S.*  
 stræ opus, quod Filii Persona imple-  
 dam

dum suscepserat; cùm idem Redemptor rogaret Patrem, ut alium Paraclitum daret nobis, qui maneret nobiscum in æternum: & rogatu eius, & meritis,

*Qui à Pater, Filioque misitus.* venit Paraclitus Spiritus Sanctus, quem misit Pater in nomine eius. In nomine, inquam, eius: sicut enim in æternâ illâ Processione, à Patre Filioque originem habet; ita & ab utroque temporalem missionem. Quæ tum primum manifestata nobis; cùm Filius opus consummasset, quod illi dedit Pater, ut faceret: ante enim non erat plenè Spiritus Sanctus datus, quia J E S U S nondum erat glorificatus.

*Narratio huius Missionis.* Acceperunt ergo credentes, virtutem Supervenientis Spiritus Sancti in eos, tum primum; cùm completerentur dies Pentecostes, & essent omnes discipuli pariter in eodem loco. Factus enim tum repente de cœlo sonus, tanquam advenientis Spiritus vehementis; & replevit totam domum, ubi erant sedentes. & apparuerunt illis dispersitæ linguae, tanquam ignis; seditque supra singulos eorum.

*Per quam sigillū sanctitatis.* Miro tum, inquam, modo communicationis, per infusionem quandam, &

& illapsum Substantię suę, impressit  
Spiritus Sanctus velut sigillum, ac for-  
mam sanctificationis animab⁹ creden-  
tium. Ante hunc diem Patriarchis &  
Prophetis, quin imò & Apostolis, per  
Operationem tantum, & effectionem  
charismata sua largitus est: tum verò <sup>Tum pri-</sup>  
demum personaliter, & substantialiter, <sup>mum per-</sup>  
non dona tantum sua, sed seipsum in- <sup>sonaliter</sup>  
fudit; ut Scripturæ loca evincunt, cùm <sup>descendit,</sup>  
eum nobiscum manere, in nobis habi- <sup>ac substau-</sup>  
tare, nos tempa eius esse, & denique <sup>tive inse-</sup>  
ut pignus, & arrhabonem, eum habe- <sup>dit animas</sup>  
re testantur. Quæ cuncta substanti- <sup>Spiritus S.</sup>  
vam, & personalem in sessionem decla-  
rant; factam non tantum per gratiam  
Operationis ( inquit Augustinus;) sed  
per ipsam Divinitatis eius præsentiam:  
Ita, ut in vasa cordium, animarumque <sup>Cuius rei</sup>  
( inquit idem;) non jam odor balsami, <sup>exempla</sup>  
sed ipsa substantia sacri defluxerit un- <sup>creata.</sup>  
guenti. Cuius coniunctionis peti simi-  
litudo potest à mistione metallorum,  
vel olei cum cerâ, vel cùm aqua vinum  
infunditur.

Non est tamen ea unio, quæ ex dua- <sup>Communi-</sup>  
bus Naturis in Christo. Ibi enim à Deo <sup>catio hec</sup>  
in unitatem Personæ assumpta Huma- <sup>differat ab</sup>  
<sup>unione hy-</sup>

nitas; h̄ic Humanitati communicata Divinitas: ibi uni, & individuo homini propria; h̄ic pluribus æquè impertia: per illam Homo verus, Deus verus; per hanc in filios DEI hominum adoptio; non Spirituum, sed Spiritualium. Unde ibi naturalis unio; hic habitualis tantum.

*Causa hu-  
jus Missio-  
nis bonitas  
DEI.*

Causam Missionis istius, Divinitas non aliam, quām in Incarnatione habuit; nempe beneficæ Naturæ suæ vim, & se communicandi insitum appetitum. Per hunc, ut à Filio facta copiosa redemptio; ita à Spiritu Sancto Sanctificatio nostra.

*Et sanctifi-  
ficatio no-  
stra.*

*Quæ non*

*potuit esse*

*unde A-u-*

*toris con-*

*venientia.*

*Nam crea-*

*tura non*

*poteſt quid*

*superna-*

*turale*

*prodycere.*

Non enim h̄ec ab alio esse potuit, quām à DEO. Nam Sanctificatio, est animi humani, supra eius vires naturales, gratis effecta capacitas; quæ DEO plenos, eiusque confortes naturæ efficiat. Creatura itaque non potest sanctificare Creaturam; quia quod Naturale tantum est, Supernaturalem effectum non producit. Deinde; nulla res potest animum, eiusque recessum ingredi, præter DEUM: Ille solus scrutans corda, alioqui imperscrutabilia. Illi uniri; in illum tantum possimus

mus transmutari, ( ut supra cùm, Nec enī  
amoris vim demonstrarem, explicavi.) <sup>Nec enī</sup>  
Ille denique solus est, dominus & arbi- <sup>mum in-</sup>  
ter mentis nostræ; quam semper adire <sup>gredi.</sup>  
intimè potest, eius facultates ingredi, <sup>Quod folius</sup>  
& quocunque vult, movere, ac ducere. <sup>DEI est.</sup>  
Itaque largitio sanctificationis, est mu-  
nificentia Divinitatis.

In Divinitate autem proprium, & <sup>Sanctifica-</sup>  
peculiare id tertiaræ Personæ, id est Spi- <sup>tio propria</sup>  
ritui Sancto. Causa est, quia illius æ- <sup>tertia</sup>  
terna Processio à voluntate ortum du- <sup>Personæ.</sup>  
cit; voluntati autem ita Sanctitas an-  
nexa: ut intellec̄tui Veritas. Unde Per-  
sonalis hic character Spiritui Sancto;  
ut sit Autor Sanctificationis.

Deinde; ille non natus nobis est, sed <sup>Quia à</sup>  
datus; idque ideo, quia amor, origo <sup>DEO à-</sup>  
& causa doni. Spiritus Sanctus ergo <sup>mante orta.</sup>  
propriè Donum, quia amor: Donum  
autem non aliud, nisi Sanctificationis:  
nam præter illam, à DEO amante do-  
nari nobis minus non decuit; majus  
non potuit, Hoc accepto; contingit  
summum homini bonum: hoc dato;  
impletur summus DEI amor.

Tertiò; cùm se generi humano ita <sup>Cui velue</sup>  
profudit Divinitas in Incarnatione Fi- <sup>aditum,</sup>  
lii; <sup>fuit Incar-</sup>  
<sup>natio.</sup>

lii; quidni faceret idem in tertia Spiritus Sancti Persona, cuius proprietas, Bonitas, & Charitas est? Cum Filius non modo reparasset, & in integrum restituisset naturam humanam; sed etiam hypostasi suâ ornasset, & velut aptam amori infinito reddidisset: quomodo non rueret ille in communicationem? non aliter, ac ignis admotus in Materiam accendi, & ardere promptam. Si Sapientia æterna eò se demisit; ut non Spirituales Substantias, & Angelos, sed carnem, & semen Abrahæ apprehenderet: quidni delaberetur Bonitas infinita, & effunderetur itidem super omnem carnem, jam Divinitatis confortio, & unione nobilitatam, & ut in Spiritum verteretur, facilem paratamque? Merito itaque hisce de causis, æterna Charitas diffusa est in cordibus nostris per Spiritum Sanctum, qui datum est nobis: ut Bonus bonos, ut Sanctus sanctos efficiat.

**Convenientia modi.** In igne apparuit, quia amor est.

Post Convenientias Autoris, sequitur Modi congrua, & consumata præstancia. In igneis enim linguis Spiritus Sancti Missio apparuit: convenienti profecto, æstui illi æterni amoris; &

vim ac efficaciam eius repræsentante  
Formâ. Quid enim amori, igne similius? utriusque natura ardens, & fla-  
grans est. Misit itaque Pater, & Filius,  
sacrum hunc ignem in terram: hoc uti-  
que fine, ut accenderetur, & arderet;  
ut fervens in nobis desiderium sui fa-  
ceret, & cum flamma sursum elevaret;  
ut scoriam animorum purgaret, vitia-  
que exureret; ut denique mentes, affe-  
ctibus terrenis facile cæcas, illustraret;  
ac lucis suæ radio illuminaret.

In linguis etiam apparuit, & statim *In linguis*  
post descensum suum largitus est ea- *apparuit,*  
rum notitiam; cum admiratione enim *Quia lar-*  
omnium maximâ, rudes, ignari, indo- *gitus im-*  
cti, imperiti, cæperunt loqui variis lin- *peritis ea-*  
guis, prout Spiritus Sanctus dabat elo- *rum noti-*  
qui illis: ut nempe, quemadmodum *tiam.*  
conatus superbiæ, & vanus elatusque  
Spiritus, confudit linguas; ita Spir-  
itus Sanctus eas uniret, & hoc necessa-  
rio instrumento Apostolos ad prædi-  
cationem Veritatis redderet idoneos.

Præterea, impleti Spiritu Sancto *Quia nos*  
variis linguis loquimur; dum in Psal- *docet lo-*  
mis, & Hymnis, & Canticis spirituali- *qui in*  
bus puras manus levamus; laudes & *Psalmis*  
*Spiritu*  
*gra-*  
*libus.*

gratias agimus, prædicantes magnalia  
DEI. Denique, Verbum æternum no-  
bis manifestatum est, dum Verbum,  
Caro factum est. Compotes ergo Ver-  
bi, ut illud loqueremur; Spiritus San-  
ctus, qui suggesteret nobis omnia, & cu-  
jus unctio doceret nos omnia, in lin-  
guis igneis venit: Ut quia pollutis ad-  
huc labiis loqui abbreviatum hoc Ver-  
bum non potuimus; velut candente  
illâ (ex Isaia) prunâ, seu calculo, labia  
nostrâ pura, & munda redderet; & lin-  
guas nostras, humana tantum balbu-  
tientes, & ad Divina mutas, novo ca-  
lore ac spiritu ita animaret, instrueret-  
que; ut loqueremur rectè.

**Conveni-  
entia Té-  
poris.**

Tertia est Convenientia Temporis:  
sed ea jam in ipsa Oeconomia Missionis  
explicata est. Nempe, post Redemptio-  
nem impletam, convenienter Sanctifi-  
catio perfici debuit: & cum ascendit,  
qui descenderat; misit, quod promise-  
rat; & dedit dona hominibus. Nisi enim  
ascendisset prius consummato opere;  
meritis eius obtentus Paraclitus non  
venisset ad nos. Ergo commodè Re-  
demptionem Sanctificatio secuta est.

**Necessitas  
hujus.**

Necessitas demum Missionis istius  
expen-

**¶ loqua-  
mū re-  
Et è Ver-  
bum, quod  
Caro fa-  
tum est.**

**Nempe  
post redem-  
tionem  
sanctifica-  
tio.**

expendenda restat. Ea autem est no- *Missionis*,  
 stræ miseriæ: et si enim redempti à *primum*  
 Christo; non tamen relieti sine hoste: *ex nostra*  
*indigen-*  
*tia.*  
 cum quo dum vivimus, continuè no-  
 bis pugna, Voluit nempe certamen,  
 nobis esse; ut esset meritum, victoria,  
 & corona. Hostis primus Caro est: *Contra*  
*carnem,*  
*quæ spiri-*  
*tui con-*  
*traria.*  
 quæ adversatur ita Spiritui; ut ille o-  
 lím, in homine non mansurum se dixe-  
 rit, quia caro esset. Contra hunc er-  
 go continuum, & domesticum ho-  
 stem; præsidium unicum, intima Spi-  
 ritus Sancti in nobis mansio. Quam  
 & promisit Deus, cum dixit; Effundam  
 Spiritum meum super omnem carnem:  
 & præstitit; cùm Spiritus Sanctus su-  
 pervenit in nos. Ita, ut quod ex carne  
 natum, caro erat; id nunc natum ex  
 Spiritu, unus cum illo Spiritus efficia-  
 tur.

Necessitas ejusdem Miseriæ altera *Altera,*  
 est, ab hoste altero, nempe Dæmone: *contra spi-*  
*cum quo etiam major multò, quàm,* *ritualia*  
*cum carne colluctatio. Advetsarius e-* *nequitie.*  
 nim hic noster, non modò tanquam  
 leo ferox inhiat nobis; sed etiam, ut cal-  
 lidus serpens infidiatur calcaneo no-  
 stro. Porro, cùm ille spiritus sit; ideo *Nobis e-*  
*nim inhi-*  
*ant, & in-*  
*sidianter.*

necessè fuit firmari nos, & tutari Spí-  
ritu Sancto : qui ab eius potestate, &  
servitute eriperet; & in libertatem Fi-  
liorum DEI vindicaret: nam ubi Spir-  
itus DEI,

*Tertia,  
quia era-  
mus or-  
phani post  
Christum.*

Ultima Necessitas est: quia orbati  
per Ascensum CHRISTI, indigebamus  
Paraclito, seu Consolatore animarum  
nostrarum. Qui igitur dixit, non re-  
linquam vos orphanos; providit hunc  
Tutorem: & suis meritis obtinuit, & u-  
nâ cum Patre præstítit, ac misit. Et; si-  
cūt æternus Pater ita dilexit mundum,  
ut ei Filium suum unigenitum daret; ita  
ille cum Patre, dilexit quoque eum us-  
que in finem: dum ambo, à se utroq[ue]  
procedentem donârunt Spiritum San-  
ctum, semper nobiscum mansurum;  
& assiduum nostri Rectorem, & Prote-  
torem.

*Et affi-  
stante  
Spir. S. e-  
gebamus.*

*Præiusque  
Missionis  
ingens er-  
ga nos di-  
gnatio.*

Hæc sunt, quæ strictè recensui, utri-  
usque Missionis immensa prorsus, &  
infinita Dona Gratia: quæ non modò  
fando complecti nemo dignè potest;  
sed ne cogitatione quidem, ac mente  
assequi. Ad quæ stupent Angeli, & mi-  
rantur tantam dignationem generis  
humani; dum se tota illi infudit Di-

vinitas. Quin imo, si tangi possent invi- *Angeli*  
diâ; quererentur homini, velut minori, *pænè in-*  
& prodigo filio, præ se, & Naturâ suâ,  
talia ac tanta data, concessiâque.

Itaque exinde, quid sit muneris, of- *Infinite*  
ficiique nostri, dignè æstimemus: ma- *æstiman-*  
gna quippe accepimus, & naturæ no- *da.*  
stræ modum longè supergressa; quæ ut  
dantis magnitudinem testantur, ita  
confessione nostræ indignitatis impri-  
mis requirunt. Profiteamur ergò verè *Cum Con-*  
nos indignos, ut tanto magis crescat *fessione*  
gloria beneficæ Divinitatis. Deinde *nostræ in-*  
exaltemus Dominum; & exultet spiri- *dignitatis.*  
tus noster in DEO salutari, ac sanctifi- *Laude*  
catore nostro. Postremò, parem curam, *DEI.*  
studiumq; tot eius auxiliis sumamus,  
impendamusq; & cooperemur gra- *Et coope-*  
titæ, ut compotes esse possimus ( quam *ratione*  
explicatum eo ) Gloriæ.

## DONA GLORIÆ.

**A**D hæc enim explicanda, expen- *Eorum*  
dendaque, Ordo me promissæ *basis Im-*  
tractationis deducit. Quorum basis, *mortali-*  
ac fundamentum duplex est: nempe *tas, & Re-*  
Immortalitas animorum, & Resurre- *surrectio-*  
etio Corporum.

*Prima, as-  
ferta in  
prolego-  
menis.*

De utroque non est opus longa dis-  
sertatione evagari, Christianis namque  
scribuntur ista, utrumque firma fide,  
credentibus. Et in Prolegomenis jacta  
jam sunt, et si velut per transennam, so-  
lida tamen argumenta adstruenda im-  
mortalitatis. Vitamque æternam no-  
bis Deus promisit, commendavit, ap-  
petere suasit; & hanc præsentem, tran-  
situm tantum ad illam, nunquam fi-  
niendam esse afferuit, docuitque; &  
quidem tam certò, tam crebrò, ut non  
sit amplius dubitandi locus.

*Altera  
certa item.  
C aperta,  
Deoq; fa-  
cillima.*

Resurrectionem item Corporum,  
ipse Resurgens, & docuit, & monstra-  
vit utique, omnipotenti Deo minimè  
difficilem. Nam qui potuit hominem  
Creare; quomodo non posset mortu-  
um suscitare? Cùm (ut Augustinus ait)  
majus miraculum sit, novos semper  
homines nasci; quam mortuos resur-  
gere. Difficilius namque est, (ait Minu-  
tius Felix) id quod non sit, incipere;  
quam id quod fuerit, iterare. Quod  
itaque Deus præstare facile potest; id &  
præststit ipse, & deinceps præstiturum  
se promisit. Credo itaque, & cum Jobo  
scio, ac dico: quod Redemptor meus  
vivit

*Credenda  
igitur fir-  
matur.*

vivit, & in novissimo die de terra surrecturus sum, & rursum circumdabor pelle mea, & in carne meâ videbo Deum meum; quem visurus sum ego ipse, & oculi mei conspecturi sunt, & non aliis; reposita hæc est spes in sinu meo.

Vivemus inquam, vivemus in æternitate, cum animâ & corpore vitam alteram: &, si hanc præsentem rectè egerimus; felicem omnino, ac beatam. Quam difficile est verbis explicare, cùm notum sit illud; auris, & oculi sensum, ac experimentum; quin & captum mentis humanæ, longè superare ea, quæ præparavit se diligentibus Deus. Attamen dicenda sunt, prout in gloria. umbra tantum, & tenui imagine tradita habemus.

Ea verò partim ad animum pertinet; partim referuntur ad corpus. mùm ad De Animo jure merito præmittam; ille enim propriè solus capax est veræ felicitatis. Huic igitur visionem Dñi tribuunt; & hoc compendio totum designant, quod hominem reddere beatum potest. Neque ego diffiteor; quin imo prorsus agnosco: sed id paulò ali-

*Cuius  
Beata in-  
effabilis*

*Vulgò in-  
visione  
pnmitur.*

ter, quām vulgō solet, explicare contendam.

*Sed id ac-  
curatius  
ad faculta-  
tes anime  
aptatur.*

Primū igitur; totā Animā DEUM recipi, Dico. Cuius facultates, seu Potentiae cūm sint tres: nempe Memoria, Intellectus, Voluntas; ideo omnes hæc à DEO repleri, & omnes plenè & pariter compotes illius debere fieri, firmiter statuo; atque id ita deduco.

*Memoriae  
visio tri-  
buitur.*

Memoriae visionem attribuo: Non ex sensu, fateor, nuperæ scholæ; sed nec cuiusquam veterum, quod sciam; sed, si inspicis, profecto ex Naturâ ipsa rei. Memoria namque mihi: est Potentia animi, & internus eius sensus; species & imagines, seu ideas rerum apprehendens, ac retinens. Obtinuit vulgō, ut pro Recordatione tantum, & reminiscentiâ accipiatur; sed imperitè profecto: hæc enim, pars eius tantum est; nempe, quæ præterita revocat. Altera verò est, quæ in futura extenditur, & fertur; quam vocabo Cogitationem. Tertia denique, quæ præsentia aspicit; quæ Admiratio rectè vocabitur.

*Recorda-  
tione, Co-  
gitatione,  
Admira-  
tione.*

Tria hæc visionem, & intuitum animi referunt omnino, ac repræsentant. Nam Reminiscientia præteritorum, quid

*Recorda-  
tio præte-  
ritorum est  
visio.*

quid aliud est, nisi sub aspectum animi,  
 revocatio quædam, & reductio? Futu-  
 rorū deinde Cogitatio, [ cogito au- <sup>Cogitatio</sup>  
 tem à cogo, quod est veluti conago, <sub>futurorū</sub>,  
 seu conduco, & concito ] est eorum,  
 quæ ante nos, sub animi inspectionem  
 collectio. Unde qui illa colligit, con-  
 jicitque: prospicere, & providere di-  
 citur. Admiratio, præsentium est in- <sup>Admira-</sup>  
 tuitus, & visio mera; [ unde miro, olim <sub>tio præ-</sub>  
 idem quod video] quæ dum exacta est; <sub>sentium.</sub>  
 illicium statim præbet agnitioni. Phan- <sup>Phanta-</sup>  
 tasma igitur, seu visum propriè ad <sub>ma,</sub> &  
 memoriam pertinet: & id, quod <sup>prima ap-</sup>  
 prima apprehensio intellectus vocatur; <sub>prehensio,</sub>  
 non intellectus pars, sed memoria ipsa <sup>Memoria</sup> <sub>tribuenda.</sub>  
 est. Confundi hæc facile possunt, ob  
 magnam facultatum Animæ inter se, <sup>Quæ gar-</sup>  
 connexionem; sed profectò non de- <sub>aliis ani-l</sub>  
 bent, & secernenda sunt. Nec Memo- <sup>tuæ faci-</sup>  
 ria ex intimâ actione, & operatione, <sub>tatibus.</sub>  
 Animæ expungenda; quæ primas in illa  
 partes obtinet. Estque Potentia, non  
 modo par aliis duabus, quia illis coëf-  
 fentialia; sed, ut supra memini, Ordine <sup>Imò ordi-</sup>  
 Originis prima. Meritò itaque in bea- <sub>ne Origи-</sub>  
 to illo statu animorum primam par- <sub>nis prime-</sub>  
 tem habere debet; eamque non aliam,  
 nisi Visionem. Vi-

*Visio eius  
est Divinæ  
essentiæ.*

*Quia vi-  
debitur  
Deus si-  
eum est.*

*Eam se-  
quitur co-  
gnitio In-  
tellectui  
propria.*

*Hac deni-  
que vo-  
luntatem*

Visio hæc memoriæ, est inspectio, & intuitus quidam Essentia Divinæ, intimæque Naturæ eius. Inquit enim Paulus, nos DEUM visuros sicuti est: & non ut nunc, per speculum, & in ænigmate; sed facie ad faciem. Videre autem sicuti est, profectò videre est Essentiam. Et facies DEI, ( inquit Augustinus ) manifestatio eius est. Videbimus ergo memoriâ Essentiam DEI ; & defixi erimus immotâ, & immobili, unius Divinitatis, & in illâ totius quod est, Admiratione.

Eam verò statim consequitur altera facultas animæ , nempe Intellectus. Cuius est, id quod memoria visu apprehendit, cognoscere, & comprehendere. Visam itaque à Memoriâ Divinitatem, statim ille noscere contendet, & infinitos illos thesauros scientiæ Dei ingressus, perfectissimam omni ex parte Naturam considerabit, agnoscat, confitebitur. Tunc cognoscam ( inquit Apostolus ) sicut & cognitus sum: cognitus autem plenè; ideo pro illâ plenitudine & cognoscens.

Agnitionem denique eius, quod Bonum per se pulchrum, proficuum, oblectans,

lectans, & denique omni parte perfe-  
ctum est; quod consequatur Amor, &  
fruitio, & quies, & gaudium; manife-  
stum omnino est: Ruit enim in hæc *Qui ruit*  
Voluntas sponte suâ, & intrat in gau- *in bonum.*  
dium Domini sui, & gaudium eius ne-  
mo ab eâ tollet: quod plenum in om-  
nem æternitatem possidebit; & sine  
fastidio satiabitur cum apparuerit ei  
gloria: & tamen sine indigentia, sine  
fiti, sine fame semper appetens, &  
semper fruens erit.

Sed in his difficultates binæ sunt; *Quæritur,*  
quæ non explicatæ dubios, & perple- *quomodo*  
xos reddere possent. Cum enim DEUS *videbitur*  
*et ignoratus*, id est, invisibilis fit; nemo vi- *invisibilis.*  
dit Deum unquam, ut ait Apostolus:  
& ille de se; Non videbit me homo,  
inquit, & vivet: *Quæritur;* quomodo  
à Naturâ Creatâ videri poterit? Re- *Responde-*  
spondeo: quemadmodum videntur in- *tur, quod*  
visibilia. Nempe animo. Hoc inquam, *animo.*  
eum videbimus; sed(ut inquit Aposto-  
lus) cum apparuerit. In nostra enim  
potestate (inquit Augustinus) non est  
eum videre; sed in eius potestate est,  
apparere. Nisi igitur copiam sui fece-  
rit; nisi Naturales vires nostras juve-  
rit; *Ex maiori*  
*festatione*  
*Dei.*

rit; non erimus capaces istius visionis; quæ est facultas supernaturalis, Divino auxilio data animæ humanæ, alioqui ad intuitum Divinitatis debili, & infirmæ.

*Quod incomprehensus sit DEVS.*

*Retione aperta demonstratur. notiones.*

Deinde ~~ανατάληπτος~~, id est incomprehensus DEUS est; quomodo eum comprehendemus? Comprehendere enim, est totum, & simul complecti, continere, & capere. Porro, ut in illis, quæ quantitate & mole constant, continens contento majus est: ita in No-scibilibus (ut sic τὰ νόημα vocem) par esse debet, notū & noscens; sciens, & scitum: quia alterū alterius imago est vera. Si itaque quantitatem spectes, major; si qualitatem, par esset homo Divinitati, si eam totam plenè comprehenderet.

*Quomodo tamen possit comprehendendi docetur.*

Dicendum itaque: non ita eam comprehendendi, ut hac comprehensione tota exauriatur Essentia; & ut ista Notitia, sit idem cum eius Substantia; taliter enim solus Deus seipsum novit; ut supra demonstratum: sed ita, prout capax reddi potest natura humana; & infra Divinitatis, [quæ in Triade tantum est] mensuram & modum, quem nulla Natura Creata attingere potest.

Ne-

Neque opposas : simplicissimam, *Sine diuisione, ac partitio-*  
 Naturam non posse comprehendendi; ni-*ne, ac ex-*  
*si aut totam, aut nihil ex ea: ita ut aut plenè debeat agnoscî Deus; aut pror-**tensione.*  
*sus non agnoscî. Non hoc inquam*  
*Opponas. Quia etsi indivisibilis, &*  
*etempsis; seu (ut ita dicam) impartibi-**Sine pat-*  
*lis est DEUS; tamen ut nos eum, quo-**tibus.*  
*damodo nunc partimur, & dividimus;*  
*dum attributa eius singillatim recen-*  
*semus; sine ullâ tamen eius noxâ: ita*  
*& in vitâ æternâ etsi agnosceretur plenè,*  
*pro captu, & modulo cuiusque animæ;*  
*non ideo tamen dividetur, secabitur-*  
*que in partes; sed totus, & simplex suf-**Sufficiat*  
*ficiet omnibus, sine sui extensione, &**omnibus.*  
*partitione. Quod si petas: quomodo*  
*id fieri possit? Hoc unum responde-**Ad men-*  
*bo: id fieri ad mensuram capacitatis, *suram cu-**  
*quæ illum recipit. Quemadmodum *jusque ca-**  
*autem debiliores oculi. non minuant*  
*rem aspectam, et si illam minus videant;*  
*ideo quoque & hic censendum est.*

Locum hunc concludo: Necessari-*Sed nece-*  
*um asserens Divinum hic auxilium; &, *sarium**  
*quod vocant Scholæ, Lumen Gloriæ, *hic est lu-**  
*Illud enim defigit Memoriam admirata-**men glo-*  
*tione, illustrat Intellectum agnitione,*  
*rie.*

occupat denique fruitionem voluntatis: ita ut tria hæc conjunctim, simul, & pariter, Unum, Verum, Bonum videant, noscant, ament: idque tantâ charitate, certitudine, ac dulcedine; quæ DEI, se communicare volentis, vim explere dignè, & ut par est; & Naturæ Creatæ modum supereffluenter (ut ita dicam,) implere possit.

Felicitate animi sic recensitâ; Corporis glorificati dotes enarrandæ restant. Quæ amplæ profectò, & splendidæ, & authoritate Divinâ, ac scripturæ Verbis, & Patrum sententiâ memorantur; si dicta ubertim ab aliis, repetere luberet. Quin & illa, eâdem auctoritate, addi solent; quæ ad ipsam Naturam, ac sensus Corporis oblectandos, (semoto eo, quod impurum, imperfectum, statumque tam altum dedecens) videntur pertinere. Ut sunt illa: cùm Deus Regnum, mansiones, & dilecta sua tabernacula, thronum, mensam, & cibum; & quod profectò mirandum, se præcinctū & ministrantem promittit. Cùm ibidem Cantum, & harmoniam suffitum & odoramenta Scriptura memorat: cùm splendor Civitatis

*Post animi  
felicitatem  
corporis  
felicitas*

*Quæ stri-  
etim de-  
scribitur.*

vitatis illius Sanctæ, tot ornamentis  
describitur; cùm hæc omnia admiran-  
da, supra visum, supra votum, prædi-  
cantur. Quæ cùm propriè pertineant  
ad Corpus; quin eius oblectamentis  
præparata sint, nullo modo potest du-  
bitari. Frustra enim illud resurgeret,  
si boni sui expers esset. Non quod ista  
terreno prorsus, humano, ac huius vi-  
tæ modo censenda sint; sed ratione,  
quâdam, ut nobis ignotâ; ita statui  
immortali congruâ, & convenienti.  
Immorari his, & oratione provehi per  
vestigia, quæ facri scriptores reliquê-  
re, facile esset: sed non est pro mensura  
Scripti, quam mihi præfixi.

Potius itaque subjungo necessaria,  
quæ hinc manant monita. Ut quem-  
admodum Dona Gratia expendimus;  
ita paria eis, hæc Gloria agnoscamus:  
&, ut in illis magna accepisse gau-  
mus; ita in his non minora acceptu-  
ros speremus. Utrobiique enim Divini-  
tatis quâdam possessio est, ultra quam  
nihil magni est: sed in hoc res differt;  
quod Gratia, & potest nostrâ culpâ  
non accipi, & potest amitti; Gloria  
cùm obvenerit, amitti non poterit? se-  
cūri-

*Ei q[ue] pro-  
pria affi-  
gnantur.*

*Quia ne-  
cessere est, ut  
œculo rece-  
ptum gall-  
deat.*

*Adhorta-  
tio ad ex-  
pendenda  
digne do-  
na glorie.*

*Quæ diffen-  
sunt à  
gratiâ,  
immuta-  
bilitate.*

*Per hanc  
toti non  
morimur.*

*Mors e-  
nim so-  
mnus.*

*Toto itaque  
animo æ-  
terna ap-  
petenda,*

*DEVS se-  
autore co-  
gnoscitur.*

curitas enim, comes eius perpetua est. Agnoscamus ergo, ut pars est, felicem hunc, beatumque statum. Si Poëta spe famæ posthumæ dixit; Non totus moriar: Christianus immortalitatis, & resurrectionis certitudine dicat; Todus non moriar. Et animâ namque vivemus, & corpore. Mors enim nostra, verè somnus tantum, & dormitio est; & phase, seu transitus ad vitam melioram. Hoc meruit, qui mortem moriendo triumphavit: idque victoriæ pretium, præmiumque, & ipse tulit; & nobis reliquit. Anhelemus eò igitur: DEUM, in quo omne bonum, appetamus; in eum toto animo, & Naturâ feramur; & sic transeamus per bona hæc temporalia, ut illis æterna lucremur.

### Pars Capitis Tertia.

*Ut à nobis nosci voluit DEUS.  
Ubi Religionis verae triplex, per tria  
tempora status: eiusque ultima. id est, Chri-  
stianæ fundamenta; ac Signa, Per quæ Hæ-  
reses ab illa facile dignosci, vita-  
rique possunt.*

**D**EUS non nisi se Autore cognoscitur: inquit verè Hilarius. Itaque

que illi soli de se credendum est: & lis, quæ cognitioni nostræ tribuit, assentiendum. Hinc enim religio ma- *Hinc ma-*  
nat: id est; de rebus Divinis secura, *nat reli-*  
immutabilis, & necessaria, à DEO hau- *gio vera.*  
sta veritas, Videamus igitur; quoties,  
& quomodo eam generi humano a-  
peruit; seu, ut à nobis nosci voluit  
DEUS.

## LEX NATURÆ.

V Era DEI cognitio, ac Religio, ad Prima in-  
tria tempora reducitur. Primum *lege natu-*  
enim innotuit statim DEUS homi- *ra.*  
ni creato. Nam recens à DEI manu,  
& opere, factorem suum conditorem-  
que, quin cognoverit; dubitari non *Innotuit*  
potest. Manifestavit enim se illi; allo-  
cutus eum est: & dum mentem eius  
cognitione rerum creatarum illu-  
stravit: (quod nomenclatura illa ani-  
malium testatur; & addictum usui eius  
universum:) dum, inquam, hæc usu  
ipso cognovit; necesse est, ut Auto-  
rem quoque eorum cognoverit.

Sed hæc notitia, ut sufficiens, & con- *Sufficienti*  
veniens rectæ illi ac simplici innocen- *ad statum*  
tiæ erat; ita procul à curiosâ nimis, *innocentia*  
*notitia,*

T acri,

acri, & inquietâ indagatione; in quam, esu vetiti fructûs, lapsa est natura humana: & loco sapientiæ scientiam tantum consecuta; quæ eam anxiam magis reddidit, & turbatam. Quippe, quam non dono Dei. sed transgressione mandati, & pravâ concupiscentiâ, adepta est.

*Quæ post  
culpam non  
cessavit.*

*Firmata,  
salubri re-  
dargutio-  
ne, & ad-  
monitione  
Cain.*

Post culpam verò, & pœnam primi Parentis: nihilominus & ipfius, & posterorum eius eam curam habuit Deus; ut noluerit eos oblivione Divinitatis, ignoratione recti, & neglectu probitatis perire. Ipsum quinimò Cain odio fratris, ac invidiâ incensum, jamque cædem eius cogitantem, blandè admonuit: Bene, aut secus facta, præmium vel pœnam manere: Moderandum ratione affectum; & posse eum domari. Nonnè si bene egeris, [inquit] recipies: sin autem male; statim in foribus peccatum aderit? sed sub te erit appetitus tuus, & tu dominaberis illius. Quo ipso; peccatum contra naturam esse, vitamque posse, ostendit: Conscientiæ internum dictamen firmavit: & denique in posterum, vitæ emendatæ statuit præceptum.

Post

Post necem Abelis natus est Adamo Apud Se  
Seth: huic verò Filius Enos: qui ( ait thi proge-  
Scriptura ) caput invocare nomen Do- niem cul-  
mini: Cultusque Dei, ac Religio vera, tus DEI  
apud illius posteros mansit: Scissum- verus.  
que genus humanum in filios Dei, in  
Sethi posteris; & filios hominum, in  
generatione Cain.

Sed cum filii Dei accepissent sibi in Quem  
uxores filias hominum; corrupissetque corrupto  
omnis caro viam suam: Noë tantum, genere  
( inquit Scriptura; ) Vir justus, atque humano,  
perfectus fuit, in generatiouibus suis, solus Noë  
& cum Deo ambulavit; ideoque solus propagan-  
diluvio servatus est. vit.

Ex ejus tamen posteris potissima Cuius po-  
pars, in θεοπλανήσεις πολυεύσθεται, & Multivari-  
idolatriam lapsa. Sem tantum gene- gū in di-  
neratio ad Abraham, & deinceps per vinis ex-  
Istrælitas, usque ad promulgationem rōrem.  
scriptæ legis, propagavit acceptum Præter  
Deo cultum. Qui pauco tum consta- Sem, &  
bat ritu; eoque usu potius, quam per Abraham.  
institutum recepto, ac introducto:  
Præter circumcisionem, quam Abra- Cui cir-  
ham expresso jussu Dei orsus; sanguine imperata.  
pactum, cum Deo sanxit: eoque

suam posteritatem obstrinxit. Huc usque vocatur lex naturæ.

## LEX SCRIPTA.

*DEVS tan-  
dem Reli-  
gionem  
scripto  
præcepit.* **S**ed cùm nullo hactenus certo in-  
stituto illigâisset Religionem DEUS;  
tandem eius statum definitivit, promul-  
gatione legis, digito suo in tabulis  
lapideis exaratæ; & jussæ, imperatæ  
que per Moysem interpretem.

*Et pro-  
mulgat le-  
gem pro-  
pria allo-  
cutione.*

Promulgationis istius ingens pror-  
fus authoritas: quippe factæ, autore  
ipsomet DEO. Quod ipse, utpote ma-  
gnum, signanter expressit; dum Moysi  
loquens: Veniam [ ait ] ad te in caligi-  
ne nubis; ut audiat me populus lo-  
quentem. Et cùm hoc magnâ præsti-  
tisset majestate: vidistis, [ inquit] quòd  
de cœlo locutus sum vobis. Nempe;  
postquam toties privatim affatus Pa-  
triarchas esset; tandem etiam totum,  
ex eorum progenie populū, triduo ante  
præmonitum, constitutoq[ue] dic. Hanc  
allocationem Moyses ingeminans: Ac-  
cessistis [ ait ] ad radicem montis, qui  
ardebat usque ad cœlum: locutus est  
Dominus ad vos, de medio ignis: vo-  
cem verborum eius audivistis. Et pas-  
sim

*Et magna  
majestate.*

*Quod mer-  
rito exag-  
gerat  
Moyses.*

sim hæc meritò in sacris repetuntur: eximia enim, & prorsus summa fuere, *Magnum* ad conciliandam legi authoritatem; & quippe, & quæ assensum ei, obsequiumque exi-<sup>ad autho-</sup> gerent necessariò. Non enim populus Israël, [ inquit Augustinus] autori le-<sup>ritatem,</sup> gis DEO, & eius interpreti Moysi, sic credit; quemadmodum suo Lycurgo Lacædæmonii: quòd ab Jove, sive Apolline, leges quas condidit, se dixit accepisse. Cùm lex dabatur populo, quâ unus coli jubebatur DEUS; mirabilibus signis, prodigiis, & motibus apparebat, creaturam servire debere Creatori: & timor incussus est D E I; terribilis super omnes Deos: & frænum exinde peccati. Hanc enim causam, sic promulgatae legis, adfert Moyses; ut terror illius esset, [ inquit] in vobis, & non peccaretis.

*Et ad in-  
cutiendū  
terrorem.*

Lex ista & Religionem continet, & Lex hæc Politiam. De hac non est h̄ic sermo. *partim* Religio verò, de qua nunc res est, ha-*Moralis.* bet præcepta; partim ad vitam, & mo-  
res: partim ad ritus, ceremonias, cul-*Quæ ve-  
tumque DEI.* Prima pars, Moralis di-*tat peccare.*  
citur; quæ aut vetat peccare, dum, non occides, inquit; non furtum fa-

ties; aliaque: sed inter illa altum profecto, perfectumque illud: non concupisces; quo omne peccatum penitus arcetur, excluditurque. Aut jubet bene agere, imperatque virtutes; quarum officia ad duo capita redigit: nempe ad DEI, & proximi dilectionem. In his enim duobus univerfa lex, & Prophetæ. Hoc mandatum magnum in lege. Hoc compendium pietatis, charitatisque; in quo tota sanctitas, & justitia.

*Pætim  
Ceremo-  
nialis, in  
ritibus.*

Pars altera eiusce Religionis, Ceremonialis erat. Ubi accuratè cultus sacrorum descriptus: ut ritus phase; esus agni, & azymorum, requies Sabbathi, neomeniæ, altare, victimæ, holocausta, expiationes, thymiamata, aliaque complura, quæ sigillatim, minutatimque recensentur.

*Sancta e-  
quidem, sed  
ad ingenii-  
um Popu-  
li facta.*

Lex itaque Domini Sancta, sed tamen pro ingenio populi constituta. Hinc enim est, quod præmia illi fuere vitæ præsentis, & bonorum temporaliū; quorum promisso, & largitione, ad observantiam invitatus: non aliter, quam pueris olim; dant crustula blandi Doctores, elementa velint ut discere

*Præmia  
bujus vi-*

discere prima. Deinde, cùm idem populus duræ admodum esset cervicis; pænis repentinis, & suppliciorum servili terrore, sæpius compescendus fuit. Ut enim, olim futura præmia, illos non illexissent; ita nec pænæ deterruerunt posthumæ. Omnino itaque ingenio tantum populi illius, accommodata lex fuit.

Atque vel hinc patet cessaturam illam fuisse, & locum daturam perfectiori; quæ omnes gentes concerneret, converteret, & comprehendenderet. Pro ut id Jacob Patriarcha, David sæpius, tum Isaias, Jeremias, Daniel, Malachi-as, aliique locis notis prædixere; impletumque videmus.

Nec sine causa est, quod decem tantum præcepta στογάρει voluerit Deus. Nempe ut majorem autoritatem adderet illis, quæ totum genus humnum in perpetuum obligant; ideoque immutabilia sunt,

## LEX GRATIÆ.

Post legem itaque naturæ, quæ ad Moysem; post legem scriptam, quæ ad Christum; tandem ab illo, Christo.

Io, incipit consummatæ Religionis tempus tertium, ultimumque; quod est Lex nova; Lex Gratiaæ.

*Qui auxit  
moralia  
præcepta,  
ac perfe-  
cit.*

Quæ licet figuram (inquit Leo) in veritatem; prophetiam, in manifestationem; legem denique in Evangelium vertit: tamen non modo nihil de Moralibus, ac Decalogi præceptis dempsit; sed potius longè illa auxit, perfectaque: ut vel ipso hoc Scripto, quo præcipua Christianæ sanctitatis explicantur; patet evidenter. Ceremonialia vero, quæ in figura olim erant, re ipsa complevit; ita ut pro carnibus animalium, & sanguine hircorum, jam (ex prædictione Malachiæ) in gentibus, & in omni loco sacrificetur, & offeratur nomini eius: Nempe, oblatio munda; novum, & incruentum Sacrificium: de quo infra dicendierit locus.

*Præmia  
æterna con-  
stituit.*

Præmium vero legis istius, æternum constitutum; & non in carne. sed spiritu beatitas: cum CHRISTUS suis meritis, dedit nobis potestatem filios Defieri; his, qui non ex carne nati, credunt in nomine eius; & exinde hereditatem capiunt æternæ felicitatis: in qua summum, & naturam etiam supergressum hominis, bonum. Quod

Quod attinet novæ huius legis promulgationem; hæc non eo, quo vetus, modo facta. Non enim illo apparatu, Majestate, & pompa: quia hic modus ad ingenium humanum, sese quodammodo attemperantis DEI, ultra non placuit. Non etiam cum terrore, & minis: quia videretur non posse serviri Deo, nisi ex metu, & coacte. Alia itaque placuit ratio: ut patet ex his, quæ de Incarnatione dicta sunt. Nempe; per mansuetam charitatem, & per infirma ac contemptibilia, victor, ac triumphator animorum, multo mirabilior esse voluit Deus: majoremque hinc vim, & efficaciam suam ostendere.

Unde est, quod doctrina eius humilivisa, primâ fronte, & abjecta. Et prædicatio Evangelii, [ inquit Hieronymus, ad parabolam grani sinapis ; ] minima omnibus disciplinis videtur: hominem DEUM, Christum mortuum, & scandalum Crucis prædicans. Confer, [ inquit ] eiusmodi doctrinam dogmatibus Philosophorum, splendori eloquentiæ, compositioni sermonum: certè primâ specie minor videbitur.

*Attamen  
vicit su-  
perbam  
philosophi-  
am.*

*Dominā-  
tia do-  
gmata.*

*Et nunc  
sola re-  
gnat.*

*Non scri-  
pto tradi-  
ta.*

cæteris seminibus, sementis Evangelii, Attamen hæc talis; non in sublimitate sermonum, nec in persuasibilibus humanæ sapientiæ verbis; per homines sine literis, (ut vocantur in Actibus Apostolorum) per viles, & imperitos idiotas, *xupias illas δόξας* evertit: vanas esse, ac inanes ostendit: natas de ingenio, & sapientiæ sæculi; quam Dominus, stultitiam vocans, stulta mundi in confusionem superbæ Philosophiæ elegit. Ita ut & illa, & literæ; & scientia quæ inflat; omnisque mentium fastus; tandem colla ei doctrinæ submiserit, quæ irrisa, ac illusa olim, nunc sola regnat, & animis imperitat nostris. Nempe; vicit, suis viribus nixa veritas: & stupendo profus modo peregit tranquilla potestas; quod violenta, vetus illa, non fecit.

Altera promulgationis legis novæ diversitas: quod non scripto, nec per literam facta sit. Nihil enim scripsit, nihil dictavit Christus. Nec doctrinæ suæ, quam mundo intulit, formulam authographam reliquit. Ita; ut Evangelium, seu bonum nuntium; non sit propriè narratio illa dictorum, gestorum-

storumque Christi, quam quatuor, ab Ecclesia approbati, Historiae istius Sancti Scriptores, edidere: sed potius hoc nomine vocari debet *προφητας* ipsū; id est, legitima prædicatio, facta per Apostolos, id est Missos. Ideo prudenter certe, ut omnia, adnotavit Maldonatus: non vocari in Scripturis Evangelistas, qui Evangelicam scripsere Historiam; sed potius qui prædicarunt Evangelium. Quod testatur locus ille notus satis Isaiæ, cum inquit: *Quām pulchri sunt super montes, pedes Evangelisantis, & prædicantis pacem; annuntiantis bonūm; prædicantis Salutem: dicentis; Sion: regnabit Deus tuus.* Quæ non de scriptoribus, sed præparatoribus Evangelii, & Apostolis ipso Paulo interprete, manifestè constat.

Qui ipsi Apostoli, non ex scripto prælegendam, sed ex auditu prædicandam fidei formulam accepere. Ostenduntque id solennia illa oretenus data, legationis velut instrumenta, quæ ab Evangelistis referuntur. Ut à Matthæo: qui post recensita Apostolorum

*Sed prædicatione.*

*Evangelistiæ propriæ prædicatores.*

*Ex loco Isaiæ.*

*Et interprætatio ne Pauli.*

*Apostoli oretenus missi, non scripto instructi.*

*Testimonia Matthei.*

Iorum nomina, datamque illis tam amplam potestatem; Hos, [ inquit ] duodecim misit J E S U S, præcepitque eis, dicens: Euntes prædicate, dicentes, &c. Et apud eundem; post Resurrectionem suam repetiit Dominus: Euntes ergo, [ inquit ] docete omnes gentes. Marcus quoque: vocavit [ inquit ] duodecim; & cœpit eos mittere binos: & exentes prædicabant. Lucas; convocatis [ ait ] duodecim, dedit eis virtutem: & misit illos prædicare. Apud Joannem; Illud: sicut misit me Pater, & ego mitto vos. Et paulò post; ad declarandam potestatem: quorum remiseritis peccata, remittentur, &c. Paulus quoque: Legatione [ inquit ] fungimur pro CHRISTO, tanquam DEO per nos exhortante; Qui nos [ ait alio loco ] fecit ministros novi testamenti, non literâ, sed spiritu. Sed omnium optimè Marcus: claudens Christi Historiam, describit sic modum prædicacionis. Et Dominus [ inquit ] quidem J E S U S, postquam locutus est eis, assumptus est in cœlum: & sedet à dextris DEI. Illi autem profecti, prædicaverunt ubique, Domino cooperante, & sermonem

con-

*Marti.**Lucae.**Ioannis.**Pauli.**Modus  
prædicac-  
tionis.*

confirmante, sequentibus signis. Nulli itaque, ut vides, mentio, scripto exaratae legis: sed cum promissio assistentiae, datæ potestatis, & virtutis; missionis, & prædicationis; jurisque ligandi, & solvendi.

*Nusquam scripto te-*  
*causa adferri potest: quod semper ele-*  
*gerit mundo, & expectationi huma-*  
*næ contraria. Itaque illiteratus poti-*  
*us haberi, quam literis uti voluit. In*  
*parabolis tantum aperuit os suum: &*  
*quia cum simplicibus sermocinatio e-*  
*jus; ideo, scriptis operosis non est u-*  
*sus. Deinde cum professus esset, se non*  
*venisse legem scriptam solvere; ut id*  
*re ipsâ ostenderet, nullum ei scriptum*  
*opposuit. Sed præcipua, & vera cau-*  
*sa, ea omnino est: quod voluerit Eccles-*  
*siam suam, supra fundamentum Apo-*  
*stolorum stabilire; id est, tantum su-*  
*pra potestatem à se datam: quam nun-*  
*quam cessaturam, neque erraturam,*  
*& magna asseveratione promisit; ac-*  
*que re ipsâ adimplevit.*

Lex ergo nova nihil aliud est; nisi  
doctrinæ fidei, à Christo oretenus da-

*Nusquam**scripto te-*  
*gem exar-*  
*tam pro-*  
*mulgans.**Noluit nem-*  
*pe Christi-*  
*anos lite-*  
*ris uti.**Nec scri-*  
*ptum legi*  
*scriptæ op-*  
*ponere.**Sed Eccle-*  
*fiam supra*  
*fundamen-*  
*tum Apo-*  
*stolorum**Et in po-*  
*state Eccle-*  
*sistica sus*  
*assistentiâ*  
*tax, continuata.*

tae, & scriptae ( ut Paulus ait ) non a tramento, sed spiritu Dei vivi; non in tabulis Lapideis, sed in tabulis cordis: talis inquam doctrinæ; eius ope, auxilio, assistentiâ, per legitimam Ecclesiasticam potestatem, continuatio, & successio. Quæ definitio constituit unam, Sanctam, Catholicam Ecclesiam Christi.

*Scripturæ  
novi Testa-  
menti ad  
consolatio-  
nem jam  
credentium.  
Non ut in-  
quirant  
nōvam fi-  
dem.*

*Sed ut me-  
moriām  
prædica-  
tionis re-  
fricent.*

Sed inquires; quorsum ergo Scripturæ novi testamenti? Respondeo: ad consolationem fidelium, & jam credentium. Habet nempe Ecclesia depositum hoc ingens, quod custodit: quo gaudet, quo uititur; non ut hinc, de sanctâ credendi regulâ, dubitet; disceptet; aliamvè ( ut hæretici solent ) inquirat: ( Etenim eam; conformem Scripturis, decisam à Conciliis defensam Patrum sententiâ; &, quod sumum: acceptam à Christo, per Apostolos traditam, per eorum successores continuatam habuit, habet, habebitque semper. ) Sed, ut fidam narrationem præcipuorum, quæ Christus fecit, aut dixit, habens; refricet magna consolatione memoriam primæ prædicationis, & doctrinæ semel constitutæ.

Hinc

Hinc verò manifestum est: aut fal- Ex eorum  
privata  
interpretatione non  
est fidei  
lere, aut certè falli eos, qui scripta hæc  
sacra ita ja&titant, & præferunt; ut  
regulam unicam fidei constituant, est Regula.  
non tam illa; quām potiū sensum ex illis, suā interpretatione depromptum.

Atqui, nec Evangelica narratio, nec Apostolorum gesta, aut Epistolæ, omnia habent, quæ per continuatam doctrinam tradita accepimus: nec modo, Non omnia continent.  
ac fine legis, sunt exarata; ut dogma- Non modo,  
at fine legis scriptæ.  
ta nempe omnia fidei, præceptaque rituum, sigillatim di&tent, recenseant, Carnit. illis aliquam-  
diu Ecclesie.  
fanciantque, prout lex vetus, & scripta fecit. Et satis constat prædicationem, sua.  
& Ecclesiam, plures per annos, sine ullo scripto extitisse; nullamque eius in A&tibus Apostolorum mentionem esse: cùm tamen essent omnes perseverantes in eorum doctrinâ.

Quod verò Evangelistæ Historiam Christi scripserunt; gravibus equidem causis; nempe instinctu Spiritus Sancti, & magno Ecclesiæ, ac posteritatis commodo, adducti sunt: sed non certè, ut conderent Scriptam legem, formulamque fidei, & canonem constituerent credendi. Quod aliâ formâ, mo-

In instinctu  
Spiritus  
Sancti  
exaratae.

Posteritate  
tis com-  
modo.

do.

*Sed non formâ carmonis.* doque fieri oportuisset: & quod reservatum videtur, donec dubitationibus, & quæstionibus varijs, ( ut est ingenium humanum ) & post, hæresibus (quas futurus prædixit Dominus) ortis; necesse foret dogmata verbis certis ponere, canonem ferre, & scripto fancire: Prout factum ab Apostolis in quæstione illâ primâ, de circumcisione gentium.

*Conclusio  
huius loci.*

*Non lice-  
re uti scri-  
pturis, nisi  
Ecclesiæ  
sensu.*

Scripturæ itaque Novi testamenti, non sunt propriè lex; data, fæcitaque cuncta, complectentes. Nec, prout dixi; fine, modo, ac formâ præcepti sunt exaratæ. Nec licet illis, nisi sensu Ecclesiæ, cuius depositum sunt, uti: Nec fas interpretari aliter, quam constituta semel fidei doctrina permittit. Ita, ut qui illas solas, pro unica fidei regulâ jactant; profectò earum specioso obtentu, licentiam disceptandi quærant; potestatem verò, & obsequium tollant.

*Contra he-  
terodoxos  
præscriptio-  
nes.*

Ad dome-  
sticos. *meus tuus amissus tuus misso, scribo.* Atta-  
dei men

Hisce verò ita deductis; et si non fuit mihi animus hoc Scripto contra heterodoxos dicere; nec argumentum, quod mihi proposui, id requirat: (nam

men, quoniam ordine deveni ad hunc locum; *as ev* *magis*, non disputabo, *præter* sed præscribam pauca; quæ tamen pro-  
bè pensitata, & ad opinionem tollen-  
dam, & ad agnitionem veri, sufficere  
possunt.

Prima itaque præscriptio sit: esse <sup>1. *Essē vē-*</sup>  
inter Christianos Religionem veram. *ram reli-*  
*gionem.*  
Hoc nemo diffitebitur, nisi qui aut e-  
ius, quam præfert incertus; aut no-  
væ alicuius autor; aut cuiuscunque  
contemptor est.

Altera præscriptio: Religionem ve- <sup>2. *Vnam*</sup>  
ram unam tantùm esse. Nam verum; <sup>*tantùm*</sup>  
unum, Dissensus ex uno, plura facit;  
& contradictoria: quæ in te una, vera  
esse nequeunt.

Tertia: Religionem veram, & unam; <sup>3. *Neces-*</sup>  
necessariam esse. Nisi enim necessaria  
esset, quorsum vera? quorsum una?  
quorsum ulla?

Quarta: Religionem veram, unam, <sup>4. *A cœtu*</sup>  
necessariam, à cœtu legitimo retineri:  
seu, non unius, alteriusque privatâ, & sin-  
gulari opinione consistere; sed multo-  
rum consensu, & velut confociatione.  
Alioqui singularis, & cuiusque privata  
Religio, multiplex esset; ideoque ne-

que vera , neque una , imo nulla esset: quia cultus , ritusque debitus exerceri, nisi in cætu non potest; sine ritu autem, nulla Religio est.

**¶. Eum po-**  
**testate, &**  
**lege con-**  
**stare.**

Quinta: Cætum hunc potestate, & lege contineri. Hoc enim tantum vinculo coalescit omnis multitudo : Alioqui non esset legitimus Cætus ; sed turba non consentiens in potestatis, & legis obsequium.

**¶. Potesta-**  
**tem à**  
**missione**  
**esse.**

Sexta: Potestatem manasse à missione. Hanc à CHRISTO Apostoli, ab illis Ecclesia accepit. Hæc est (ut evidenter ostendi, ac demonstravi) primarium fidei, & doctrinæ Christianæ fundamentum ; cui superædificata Ecclesia.

**¶. Missio-**  
**nis notam,**  
**successio-**  
**nem.**

Septima: Missionis veræ, ac legitimæ notam esse, Successionem. Hæc aut nulla est, aut una est. Nulla esse non potest; quia non interitaram promisit Christus. Una igitur tantum est. Eam autem alia Ecclesia , præter Catholica , non modò docere non potest, sed ne profiteri quidem audet.

**¶. Hinc re-**  
**gula fidei.**

Octava: Per hanc unam, missione continuatam potestatem, lex declarata est, Regula, inquam , & formula fidei.

dei. Quæ constituta, non mutatur. Semel enim Ecclesia jubet; semper paret.

Nona: Ut potestatem, quæ legem declaravit; ita & legem infallibilem esse. In utroq; enim est Divinum àuctoritatem; quod non fallit. Et tollitur Ipse dixit: omnis religio, si aliqua indubitate non statuitur.

Decima: Potestas hæc, est Hierarchica; gradus habens, & ordinem. Ubi autem gradus, devenitur ad summum; ubi ordo, ad unum. Et nimis liquidò constat, non popularem regendæ Ecclesiæ suæ formam elegisse Christum; sed Principatum.

Undecima; Ex prædictis, sic describitur Ecclesia; ut sit; in verâ, unâ, necessariâ Religione, Congregatio fidelium, sub potestate, ac lege constituta; Missionem, ac Successionem habens; certam fidei Regulam retinens; Infallibilis; & sub uno, summoque Capite.

Positis autem his, quæ sese ratione consequuntur: Convenio Ecclesiæ [omnes equidem, præter unam falsas] & exquirō: num acceptent præscriptions hasce, admittantque? Quæ non: sua confessione arguentur, non

<sup>9.</sup> Que, ut  
ti et potes-  
tas, infalli-  
bilis.

Ipse dixit:

<sup>10.</sup> Pote-  
tas est  
Hierarchi-  
ca, gra-  
dus, et or-  
dinem,  
habens.

<sup>11.</sup> Ex his  
notis, de-  
finitio ve-  
ra Eccle-  
sie.

habere religionem veram, unam, necessariam, potestate & lege devinētam. Non item potestatem à Missione; nec missionis successionem: Nec ab illâ, formulam fidei unam infallibilem: nec in optimâ regiminis formâ, quæ est Principatus: Sed potius ~~αὐτοφαλῆν αὐτο-~~  
~~χιαν~~; & nullam denique Ecclesiam. Istis, inquam, Erroribus, & absurdis, se ultrò induerent, non admittendo hæc, quæ præscripsi. Admittent igitur potius cuncta; & dicent, eorum professio- ni quadrare, ac omnino convenire. Itaque fidenter præscribam cætera, & persequar.

¶ 2. Atali  
Ecclesia  
desciscere,  
Hæreticū.

Quia Di-  
vina au-  
thoritas,  
et pote-  
stas, vio-  
latur.

Duodecima ergo sit præscriptio: A tali, quam disfinivi, Ecclesiâ desciscere; eam erroris arguere; condemnare; Hæreticum prorsus esse. Causa præscriptionis in aperto. Divinam enim authoritatem, qualem hic ponimus, quis licetè deferat, arguative erroris? Deinde; cum ex ante dictis pateat, Ecclesiam habere jus Potestatis summæ; demonstratum autem, libro secundo, jus ejusmodi in eo situm, ut ei pareatur semper; & nunquam licetè resistatur: ideo, parendum semper erit Ec- clesiaz,

clesiæ; & tantò magis, quòd aliæ quidem potestates à Deo, hæc verò prorsus ipsiusmet DEI; quam *θεοπατιαν* rectè vocaveris.

Decima tertia: Desciscunt ab hac <sup>13.</sup> *Desci-*  
potestate, & hæretici sunt, qui Eccle-*scunt, qui*  
siæ sancita, & dogmata corrigunt; vel <sup>eam cor-</sup>  
interpretatione Scripturarum, vel ra-<sup>rigere</sup>  
tiocinatione humanâ, vel pravo studio <sup>præsumunt.</sup>  
curiosæ indagationis. Hoc enim non  
permittit constituta semel fidei Regu-  
la; quæ jubet credere, non quærere. <sup>14. Multo</sup>

Decima quarta: Multò magis Hæ-  
retici sunt; qui novum cætum, separa-<sup>magis, qui</sup>  
tamque faciunt Ecclesiam. Nam, si <sup>novum</sup>  
fuit semper ut ostensum est, aliqua, &  
una; dum inducitur altera, falsa sit o-  
portet. Est verò hæc notavera, & pro-  
prius character Hærefoꝝ: facere Schif-<sup>Nam schif-</sup>  
mâ, & secessionem. Non tam enim er-<sup>ma hære-</sup>  
ronea opinio hæresim efficit; (nam hæc <sup>fæsis chara-</sup>  
ab innocentí ignorantia oriri potest)  
quàm pertinacia, authoritatî resistens.

Decima quinta: Prima fides reti-<sup>15. Prima</sup>  
nenda: quæ verò, prætextu correctio-<sup>fides re-</sup>  
nis posterior inducitur; vitanda sem-<sup>tinenda.</sup>  
per, ac fugienda. Nam id Dominicum,  
(inquit Tertullianus) & verùm; quod

Nam po-  
sterior zi-  
zania.

primò traditum : posterius falsum.  
Quod vel illa parabola docet, quæ tri-  
ticum seminatum, ait, à Patrefamilias;  
post verò ab inimico, Zizaniam. Ad-  
ditque Tertullianus ; memoranda pro-  
fectò, notandaque verba : Ea senten-  
tia, [ inquit ] manebit adversus poste-  
riores quasque hæreses. Ubi non præ-  
scriptio tantùm eius ; sed prudens sane  
prædictio, & præmonitio est.

16. Quæ  
doctrina  
citò placet  
suspecta.  
Quia mul-  
ta indul-  
get.

Quæ mens  
humana  
arripit.

Decima sexta: Suspecta doctrina esse  
debet, quæ citò placet ; & arridet men-  
tibus humanis. Talis, non jubet cre-  
dere, quod non capias ; quæ supra, aut  
præter captum sunt, rejicit: Inquirere  
in regulam permittit , licentiam fo-  
vet, obsequium tollit, multa superflua  
esse, & non necessaria, asserit, & deni-  
que laxat disciplinam , patentemque  
nimis viam aperit: cùm angusta sit,  
quæ ducit ad cœlum. Assentitur verò  
his facilè animus: quippe sui juris a-  
mans, adstringi præceptis nolens; & ut  
plurimum prava arripiens sponte, recta  
sequens invitus. Quia illa, fronte blan-  
diuntur, & statim alliciunt; hæc aspe-  
ctu aspera , ideoque absterrent: sed  
tractu, ac mora; illa exitu tandem mise-  
ra, hæc fine beata.

De-

Decima septima : Hac ratione, sed <sup>17. Experi-</sup> obtentu recti, hæresis sese insinuare, <sup>rimento</sup>  
solet. Frustra tamen. Nam eventu tot <sup>doce mur,</sup> faculorum compertum habemus; om- <sup>Novato-</sup>  
nes istos correctores, re ipsâ semper <sup>res semper</sup>, fuisse im-  
fuisse seductores. Id ostendunt tot, <sup>fuisse im-</sup> postores.  
quæ recensentur nomina sectarū; quæ  
ideo non ex Deo erant, quia periēre.

Decima octava : Quæcunque do- <sup>18. Hære-</sup>  
ctrina præfert autoris nomen, osten- <sup>ses novo</sup>  
dit hoc ipso secessionem, & Schismata. <sup>nomine</sup>  
Vetat Apostolus dicere: ego Pauli, ego <sup>semper in-</sup>  
Apollo, ego Cephæ; idque ideo, ut <sup>signitæ.</sup>  
non fint, inquit, Schismata; sed fint  
omnes in eodem sensu, & in eadem,  
Sententia. Argumentum enim est dis-  
fensus, & innovatæ doctrinæ, hæc ab  
autore denominatio; quam semper  
sectæ habuere, nunquam Ecclesia,  
Vera.

Decima nona præscriptio, manat <sup>19. Falsæ</sup> ab eo, quod opponi solet. Nempe: si <sup>errores</sup> manifest⁹ Ecclesiæ error sit, [inquiunt] <sup>Ecclesiæ</sup> quomodo assensum merebitur, & exi- <sup>veræ ad-</sup>  
get? Ad hoc, ut respondeam, præscri- <sup>scribi.</sup>  
bo: Hypothesim falsam esse. Nunquam <sup>veræ ad-</sup>  
enim regula fidei, quam sanxit legitima  
veræ Ecclesiæ potestas; nunquam dico,

erravit: nec errare, ex promissione Christi, potest.

*Perperam  
privato  
judicio.  
corrigi.*

Sed fac errasse. Tu ne es, qui corrīgas? quo jure? quā potestate? quo argumento? scilicet te expectabat veritas liberanda. Interim perperam prædicabatur, perperam credebatur; tot millia millium perperam operata, tot officia perperam functa; ut hunc locum, more suo, fortiter premit Tertullianus.

*Quod no-  
va missio-  
ne Divina  
feri opor-  
tēret-*

Certè si errare posset Ecclesia; oportet Deum primam missionem, novā evertere; eamq̄ue signis, prout primam firmare: tum demum, forsan, fas esset desciscere. Sed fortasse ne tum quidem: quando nec Angelo aliud annūcianti, credere jubemur. Hæc sunt, quæ meritò præscripsi; vera nemp̄ Religionis Christianæ fundamenta, & signa.

*Hereticis  
hæc fun-  
damenta  
religionis  
non qua-  
drant-*

Excutiant se verò heterodoxi, & atlētentè expendant, quā ratione hæresis nomen effugere queant: seu hæc, tam ipsis non convenientia, simulatè admittant, nec ad Ecclesiam redeant; seu impudenter rejiciant. Rejiciant autem necesse est; quia tueri nequeunt: &, ut jaētent;

Ja<sup>c</sup>tent; tamen verba rebus contraria sunt, & quod dicunt, factis negant.

Quod ut breviter demonstrem, operæ pretium est, ponere imprimis Regulam credendi, quam illi præferunt. Quod ex regula fidei, quam præferuntur. Ea autem est: Solum, & purum (inquit) verbum Dei; seu Authoritas Sacrae Scripturæ, sanè intellectæ. Hoc est, quod passim ja<sup>c</sup>tant, quod speciosè ostentant. Et verum quidem est, veram regulam fidei necessariò Sacrae Scripturæ convenire; nec posse ab eâ diversam esse: attamen, si bene inspicis, agnosces profectò Scripturam h̄ic obtentui esse; revera autem pro regula haberi cuiusque interpretationem. Quam variam esse posse, dissidium sectarum ostendit, nunquam sine autoritate sopiendum.

Hactali regulâ fidei constituta, manifestū est, & ruere omnia fundamenta religionis, quæ recensitis præscriptiōnibus stabilivi; & sectis minimè congruere. Primum enim; veram apud se nec possunt, nec audent religionem profiteri. Non possunt; quia inquirendam in Scripturis, & scrutandam docent; qui autem quærerit, non tenet.

*Nec veritas eius certò constare potest.*

*Nec unitas.*

*Nec necessitas.*

*Nec cætus legitimus.*

*Nec Potestas.*

Non audent; quia dum scire volunt, non credere; infallibilis certitudinis hostes sunt: quam non ratio humana, sed fides facit.

Deinde: si certitudinem veritatis non profitentur; profectò nec unitatem habent: nec semel constitutam fidem; sed opinionem, ac persuasionem, prout interpretati fuerint Scripturam.

Tertiò: neque necessitatem unius Religionis agnoscunt: quia ex regula credendi, quam præferunt, sequitur quemque posse credere prout Scripturam intelligit. Unde multorum assertio: omnes in sua religione posse salvare; quod necessitatem veræ, & unius, prorsus tollit.

Quartò: nec legitimum cætum: quia (ut mox ostendam) nec potestate, nec lege constitutum; id est, non societatem cum certo ordine regendi, & parandi, sed licentiosâ conspiratione secessionem.

Quod etiam Quintam, & deinceps, Nonam usque præscriptionem, contra illos esse evincit. Etenim omnes istæ potestatem omnino exigunt, & legem. Potestatem verò illi adeo non habent;

ut

ut Scripturâ contenti, oppugnant etiam, ac defugiant. Neque sanè miror; cum hæc constet successione, quæ apud illos nulla. Dicunt etenim Ecclefiam veram, mille amplius annis, aut non fuisse; aut, quod idem est, occultam. Quod utrumque successionem ( tanto præsertim intervallo ) vel ruptam, vel ignotam, atque ideo falsam, nullamq; facit.

Legem verò etiam habere nequeunt. *Nec Lex.*  
 Quia etiamsi fanciant dogmata; tamen eatenus eis assentiuntur, quâ agnoscunt Scripturæ congruere. Peto verò: Possuntne agnoscere contrarium? Si possunt; quorsum fidei formula? si non; quorsum inquisitio? aut itaque desinant inquirere, si asserunt se habere semel constitutam credendi rationem; aut si inquirunt, fateantur se illam non habere.

Decimò : Hierarchicos ordines a- *Nec Hte-*  
*spernantur; & Monarchiæ professi ho-* *rarchia.*  
*stes sunt.*

Undecimò : Ecclesiæ definitionem, *Nec deni-*  
*quam posui, potius (desperatione cau-* *que Ecclesiæ*) diffitebuntur veram, quam ut eam *sua.*  
*sibi accommodent. Idq; ideo, quia nec* *esse*

*Quām tam  
men retin-  
nent.*

*Sed magis  
necessita-  
re, quām  
approba-  
zione.*

*Dum e-  
nim vitant  
obsequium,  
Tollunt  
ejus im-  
perium.*

*Ideo con-  
vincun-  
pur schis-  
matia.*

esse quidem Ecclesiam aliquam firmiter volunt, afferuntque. Etsi enim solennia quædam eius retineant, ac usurpent; ut Cathechismum, instituta circa ritus, Festorum dierum indictionem, ministros certo gradu, synodos, excommunicationes, aliaque; tamen cuncta hæc, necessitate potius, (aliter enim Religio constare non posset,) quām approbatione. Nam ut omnia sibilera, & integra relinquant; ne illegitimi cætūs, & nullo jure congregatæ Ecclesiæ arguantur; ne illigari confessioni, dogmati adstringi, ac posttestati subjici possint: nulli se ajunt, credere, nisi sacræ Scripturæ. Quo ipso, nihil Ecclesiæ debitæ authoritatis attribuunt, sed ei proprio dominantur judicio; & tantum vanam ejus formam, ac velut larvam habent. Hinc est, quod passim scripta vulgant: Nullum sacrum ordinem, nulla officij posttestatisque discrimina; atque adeo nullam Ecclesiam, velut Civitatem bene ordinatam, esse.

Ista autem, quæ undecies præscripsi, dum non convenient sectis; dum eis nequeunt aptari; hoc ipso facile, & mani-

manifestò eas convincent omnium  
eorum, quæ à duodecima præscriptio-  
ne deinceps sequuntur.

Descriuere enim sectæ, (ut quæ præ-  
scripsi, comprehendendi faciā,) ab Ecclesia; Quod si  
etiam ostendit  
ur.  
corrigere eam voluerunt: Novum in-  
stituerunt cætum, separatamque Ec-  
clesiam: Primam fidem, habentes ex-  
inde damnationem, reliquerunt; latam  
aperuere viam; Autores earum, non  
correctores, sed corruptores meritò  
jam audiunt; seclis denique nomina,  
de suo nomine imposuerunt. Etsi enim  
hoc postremum negetur; & nemo se  
Luteranum, aut Calvinianum libenter Secessio-  
nem vel  
nomine  
testantur.  
dici velit: sed tamen profectò sunt; ne-  
que aliter dignoscuntur. Quod si E-  
vangelicos, seu reformatæ Religionis  
se se nominent; hæc ipsa nomina novi-  
tia, & veteri Ecclesiæ ignota prorsus  
esse, nemo nescit; quæ, præter Chri-  
stianos, & Catholicos non novit.

Sed sat evagatus sum, & ultra finem  
forsitan, modumque propositi. Itaque Adhorta-  
tio ad illos  
qui vi-  
dentur  
velle ergo  
rare.  
pauca tantum ad Sectarios. Non puto  
omnes velle errare: si quos tamen am-  
bitio, avaritia, æmulatio prava, studi-  
um præcellendi, obsequii detrectatio,  
arro-

*Videant, quanto  
sint in pe-  
riculo.*

*Atten-  
dant con-  
scientiae  
redargu-  
enti.*

*Non eru-  
bescant, à  
veritate  
vinci.*

*Qui igno-  
ratione  
peccant.*

arrogantia deniq; mentis, adeo transversos egit, ut illis peccare lubeat: Videant quæso; quam periculosæ plenum opus aleæ, levi causâ tractent; quanto in periculo versentur; quo dñmno, quo discrimine ludant. Attendant deinde ad internum testem inquietæ mentis. Nemo enim suam conscientiam decipit, qui fallit alienam. Clamat animus interior, & arguit, vel derelicitæ, vel non inventæ, vel (quod pessimum) spretæ veritatis. Quisquis ergo eiusmodi es, redi tecum in gratiam. Quid prodest, te pertinaciter esse, quod esse non prodest? Num pudet à veritate vinci? Nonne si illa viætrix tui; tu triumphator erroris? Cur illo suffundaris, quo gaudebis caruisse? Certè deserta opinio prava, Confessio aberrationis, malè asserti dogmatis damnatio, Transfugium denique ad bonos: solido, ac vero, immò necessario fructu pensabit abundè, inane, quod hinc ori-ri possit, levitatis improperium.

Vos verò, qui ignoratione peccatis; nolite dogmatis pertinaciam, nimium studium sectæ, & denique odium aduersæ partis induere. Non est enim vo-  
bis

bis Religio, etiam post fanebitum do-  
gma, inquirere; & scrutari: permittit <sup>Iaquirant</sup>  
hoc, aut pōiiūs exigit regula fidei, <sup>verūm fi-</sup>  
quam profitemini. Quærite ergo fide  
bonā: nihil enim absurdā magis,  
quām aut testari dubitationem, nec  
tamen inquirere; aut tueri ac defen-  
dere, quæ dixeras quærenda. Deinde;  
non vos secta, & societas opinionis <sup>Non reti-</sup>  
retineat: absolvit enim vos hoc vincu- <sup>neantur</sup>  
lo, datum cuique hac in re arbitrium, <sup>seclæstiu-</sup>  
nullo adstrictum obsequio. Deinde;  
nolite odio abripi. Tum enim demum <sup>Ne ode-</sup>  
spondeo agnoscetis: & ignorare vos, <sup>runt nos</sup>  
cūm odistis; & iniquè odiſſe, cūm igno- <sup>gratis.</sup>  
ratis. Nos certè non vobis irascimur. *Qui illis*  
Pænam errantibus assignamus, veri a- <sup>bene cu-</sup>  
gnitionem; victoriæ nobis pretium, <sup>pimus.</sup>  
salus vestra. Pro hac decertamus, pro  
hac pugnamus: Et cum Apostolo, te-  
stis est nobis Deus, quomodo omnes  
vos cupiamus, in visceribus Domini  
noſtri JESU Christi.

Denique voto locum hunc conclu- <sup>Voto ad</sup>  
do; & te, Deus, invoco: ut (quod tu <sup>DEVM lo-</sup>  
solus potes) mentes opinione corru- <sup>cus clas-</sup>  
ptas, veritati restituas; & aberrantes <sup>ditur.</sup>  
ves in Ecclesiæ caulam reducas: ut  
ſi

fit, prout promisisti, unum ovile, &  
unus PASTOR.

## CAPUT II.

Περὶ Θεοσέβειας :

Seu

De Cultu DEI.

*Notitiam  
DEI, cul-  
tus confe-  
quitur.*

*Et ab illâ  
necessariò  
manat.*

*Imple-  
dus, prout  
se coli  
DEVS præ-  
cipit.*

*Modumq; is  
imperat.*

**N**Otitiam Veram, & agnitionem Divinitatis, necessatio veneratio & cultus consequitur. Quis enim, cum cognoverit sumum illud bonum; intra se infinitè perfectum, beatumq; in omnia summè potens; erga nos misere, & supra modum beneficum: quis, inquam, non colat? non adoret? Debemus id primùm, admiratione maiestatis: Tenemur deinde officio gratitudinis: suademur ingenti præmio: jubemur denique gravi, & extremâ pœnâ.

Porrò, sicut Vera notitia DEI, non est nisi à DEO; ita & acceptus ei cultus esse non potest, nisi ab ipso met expeditus, imperatusque. Ergo, ita eum colere opportet; quemadmodum se se colendum præcepit. Quod præceptum, partim

partim imperat modum certum sa-<sup>et religi-</sup>  
crorum rituum, & cæremoniarum; par-<sup>gionem</sup>  
tim imprimet mentibus nostris religio-<sup>facit.</sup>  
sum quendam metum, qui nos Divi-  
næ mancipet servituti: sed volunta-  
riæ, & paratæ; quippe simul erga Do-  
minum & Patrem.

Sed ut dignè hoc impleamus offici- <sup>Oritur ab</sup>  
um, scire oportet; oriri cultum ab ho-<sup>honore,</sup>  
nore. Honor autem, est internum ju-<sup>qui defi-</sup>  
dicium debitæ existimationis, testimo-<sup>nitur.</sup>  
nio & signo externo expressum. Hinc, <sup>Vt i. &</sup>  
inquam, manat cultus; & Adoratio; <sup>adoratio.</sup>  
Quæ, est submissio quædam animi;  
quippe erga excellentiorem. Unde  
quod major æstimatio, eō major sub-  
missio.

Deus verò, cùm sit infinitæ dignita- <sup>Vtrumq; soli DEO.</sup>  
tis: ideo & nunquam sibi parem ho-  
norem à creatura obtinere potest; & <sup>propriè</sup>  
sibi soli eum, meritissimè vindicat. <sup>debetur.</sup>  
Quia solus propriam, à nullo acce-  
ptam dignitatem habet: cùm omnis  
alia sit ab ipso, & propter ipsum; imò  
ipsius omnino.

Patet verò etiam, quod Adoratio <sup>Animo fit</sup>  
DEI, animo potissimum fiat: Dum ille <sup>potissimum.</sup>  
se humiliat, & abjicit coram DEO; &

*Tamen & corporis ministerio.* summâ, quâ potest aestimatione, adorat eum in Spiritu, & Veritate. In hac, inquam, actione mentis, præcipue sita Veneratio; sed tamen ad consortium huius officii, corpus etiam accersitur: cuius conformatio, ac compositio, externo signo, & gestu exprimit internum mentis sensum: ut mox explicabo. Utroque verò, id est, animo & corpore, testamur soli DEO debitum illum cultum, quem τῆς λαργείας nominare solemus.

*Hinc latitia procedit.*

*Cultus partim privatus.*

*Partim Mysticus,  
Partim relativus.*

Adorandus ergo, & venerandus solus Deus. Idque triplici cultu. Primus, est proprius cuique, ac privatus; qui vulgo Devotio dicitur. Alter, religiosus seu Mysticus; qui est in observatione instituti, & rituum sacrorum. Tertius, relativus; qui per honorem alterius, ad DEUM transfit; eiique proprietate defertur. Itaque hinc manabunt tres huiuscemodici capitinis partes, singillatim explicandas.



## Pars Capitis Prima.

De Cultu DEI privato, seu  
Devotione.

PRivatum DEI cultum , devotio-  
nem <sup>Definitiū</sup> ~~nem~~ <sup>devotio</sup> ~~latino~~ , sed Ec-  
clesiæ sensu. Est enim, quam hic in-  
telligo, Devotio : puri, & innocentis  
animi in DEUM ascensus; & elevatio,  
actione certâ, allocutione, & cogita-  
tione.

A&tionem primū pono; id est, ut <sup>A&tio eius</sup>,  
dixi; certam corporis compositionem <sup>fit gestu</sup>  
quâ submissam <sup>certo cor-</sup> ~~venerationem~~ testa-  
mur. Ea, partim est usu recepta, & in-  
troducta; partim imparata à potesta-  
te Ecclesiæ: Prima, fit inclinatione <sup>Consueta-</sup>  
cervicis capitisque, ad geniculatione, <sup>dine pri-</sup>  
cernua corporis demissione, prociden- <sup>orum in-</sup>  
tia, manuum elevatione, percussione <sup>introducta.</sup>  
pectoris, aliisque modis, quos consue-  
tudo piorum, & usus potissimum ab  
exemplō Christi acceptos, retinet ex-  
ercentque. Hæc talia, et si mente ani- <sup>Moves et</sup>  
mantur, & ab illâ vim accipiunt; ta- <sup>nimum,</sup>  
men & ipsa valent: faciuntque ad ani-  
mi motum. Et constanter, ac fixè exer-

cita, & excitant eum s̄aþe; & ne eva-  
getur, quodammodo firmant.

Sed fiat  
ostentatio-  
ne procul.

Et sine  
anxia ni-  
mis cura.

Eadem a-  
etio ex  
præcepto  
Ecclesiæ.

Altera  
pars De-  
votionis,  
Oratio.

Cui præ-  
mittitur  
Præparati-  
o.

Sed bina h̄ic cautio. Primū: ut  
fiant, ostentatione omni procul. Ideo-  
que vix in publico, & spectantibus co-  
ram; aut certè parcē. Deinde, ut non  
anxiā & sollicitā curā; & tanquam sine  
illis esse non posset Oratio. Sunt enim  
adjumenta potius ad cultum, quām  
ipsa eius opera. Cūm, ut notum est ve-  
tus illud: Bonus animus; præcipuus,  
pulcherrimusq̄ue DEI cultus fit.

Illa verò, quæ sanxit Ecclesiæ regu-  
la; ut actione certā, seu ministerio cor-  
poris, circa institutos ritus implean-  
tur; ad mysticum cultum pertinent: de  
quo infrā.

Allocutio DEI, seu Oratio sequitur: pri-  
vati cultūs; seu verbis, seu cogitatione  
fiat; pars (ut ex officiis eius, quæ mox re-  
cenſebo, patebit) longè prætantissi-  
ma: Præsertim, si debitā curā, & atten-  
tione peragitur. Quod ut fiat; præ-  
mitti debet Præparatio. Hæc verò re-  
linquere jubet, & velut seponere ad  
tempus curas omnes, solicitudines,  
negotia; & dicere illis: manete h̄ic,  
donec vadam illuc, & orem. Hæc, in-  
quam,

quam, jubet: unum porrò necessari- *Quæ hab*  
 um, accuratâ attentione, ac diligen- *unum a-*  
 tiâ agere: Memoriam defigere: & phan- *gere.*  
 tasmatum copiam submovere. Deinde, *DEVM*  
 magnitudinem majestatis, quam allo- *profundē*  
 queris, ut par est, expendere, præsen-  
 temque intueri: vilitatem tuam agno-  
 scere; & humiliari quantum potes, in  
 conspectu DEI. Tertiò, petere auxi- *Et auxili-*  
 lium, & bene orandi modum; ut diri- *um petere.*  
 gatur, & assurgat oratio tua, velut in-  
 censum in odorem suavitatis; & ad  
 gloriam eius. *jubet.*

Officia, quibus oratio fungitur; plu- *Officia*  
 ra sunt, & varia. Primum est laudis: ut *Orationis.*  
 nempe benedicat, & magnificet anima *Primum*  
 tua Dominum: & exultet Spiritus tu- *laudis.*  
 us; & omnia, quæ intra te sunt, in DEO  
 salutari tuo. Hoc ei à nobis debitum: *Eam Di-*  
 & hoc tantum possumus deferre. Cùm *vinitas ex*  
 verò ne id quidem, ut par est; ideo, *se plenaria*  
 opus erit de alieno divitem, & libera- *habet.*  
 lem esse. Offer ergo ei eam; quâ sibi *Offerende*  
 ipse sufficit, gloriam. Gratulare; gau- *ab huma-*  
 de, & exulta: quod Divinitas se di- *nitate*  
 gnam à se capiat, habeatque lau- *Christi.*  
 dem. Offer ei deinde naturam huma-  
 nam, à CHRISTO in consortium divini-

*A Virgi-  
ne Maria.*

*A beatis  
Spiritibus.*

*A sanctis  
Cælitibus.*

*A militan-  
te Eccle-  
sia.*

*A rebus  
creatris.*

*Alterum  
officium  
Oblatio sui.*

tatis assumptam ; ineffabili modo se coram ea humiliantem ; eam adorantem, & laudantem. Cui laudi, junge Canticū Sanctissimæ Virginis; quo magnificatus est Deus vehementer, His, et si nihil par addi possit ; tamen tu adde millia illa millium Spirituum ei ministrantium ; & turbam, quam dinumerare nemo possit, Sanctorum ; prouidentium coram Sedente in throno ; adorantium eum, & dicentium : Salus, benedictio, & claritas, & sapientia, & gratiarum actio, honor, virtus, & fortitudo DEO nostro. Adjunge deinde militantis Ecclesiæ officia ; laudes, & sacrificia ; & phialas illas aureas, plenas odoramentorum ; quæ sunt orationes Sanctorum : Acceptos nempe suffitus DEO. Denique, exemplo Davidis, inanima quoque ad hoc officium advoca ; supple elinguem eorum laudem : Et per te benedicant omnia opera Domini Dominum. Multa sunt, quæ hac de re tradita à Viris piis habere potes, & debes petere in exemplum.

Alterum Orationis officium est, vera Oblatio sui ; ad agenda, & sustinenda om-

omnia, quæ Deus jussérunt, volueritque: adhort.  
 consecrando ei memoriam, intelle- Ad agen-  
 cillum, voluntatem; cogitationes, ver- da ē su-  
 ba, opera, corpus, & cuncta externa; stinentia  
 & animam denique, velut in holocau- ominta.  
 stum immolando: Nihil ex hac obla-  
 tione sibi retinendo, nullum captando Solo respe-  
 commodum, præter puram gloriam, et Divi-  
 placitumque eius. Desideria, & vota næ glorie,  
 huius officii plurima, & ardentissima  
 esse possunt, itidem à piis Scriptoribus,  
 ad quos te remitto, ubertim tradita.  
 Grata verò Deo sint, necesse est; quip-  
 pe qui unicè complacet in hominibus  
 bonæ voluntatis.

Tertium Officium: Confessio vilitatis Tertium  
 suæ, & malitiæ; non modò se in suo Confessio  
 nihilo collocando, sed etiam confiten- propriæ vi-  
 do malum. Delictum, inquam, tuum litatis,  
 cognitum illi fac; & injustitiam tuam Et mali-  
 non abscondas. Confitere adversum i.e.  
 te Domino, & ille rémittet impieta-  
 tem peccati tui. Fatere, te nihil aliud  
 esse, nisi molestam quodammodo cu-  
 ram DEI, & jacturam eius gratiæ; & ve-  
 niā precare.

Quartum officium est: Gratiarum Quartum  
 actio. Quæ enim, ô DEUS, à te; & quan- Gratiarum  
 actio.

*Pro donis  
naturæ,  
gratiæ,  
gloriæ.*

ta accepimus! quæ promissa accepturos speramus! quis unquam satis dona, quæ supra recensui; naturæ, gratiæ, gloriæ, agnoscat, expendatvè? Immensum ergo tibi tenemur, nec unquam ex merito dependendum. Sed est aliqua gratitudo, postquam omnia feceris, ingenuè imparitatem fateri.

*Quintum,  
Petitio.*

*Quæ ut  
sit rata, &  
proficia.*

*Petenda  
voluntas  
DEI.*

Quintum est; Petitio: Utile, Unicum, præsens, & certum miseriae nostræ remedium: Firmatum toties ingeminato impetrationis promisso. Petite enim, inquit; pulsate, quærite; & quidquid petieritis, fiet vobis. Securi ergo simus de eventu: certi donationis, & gratiæ; modò & bona, & bene petamus. Cùm enim sit infinitè bonus, malum dare nec vult; nec potest. Carrior est illi homo, quam ut ei malefaciat; etiam si petenti. Sed pauci sunt, qui sciant, quid petant; & pauci dignoscere possunt vera bona, & verè mala. Quid enim ratione timemus, aut cupimus? Quid tam dextrè concipis, ut te conatus non pœniteat; votique peracti? Itaque optimum est, eius expetere voluntatem; & dicere: Domine, fac mecum non secundùm mea peccata,

ta, quæ multa sunt; non secundùm vota, quæ stulta sunt; non secundùm merita, quæ nulla sunt: Sed secundùm tuam misericordiam, & meam misericordiam.

Deinde, nec minus petere; nec aliud, nisi ipsum. Pudeat minuta, vilia, abjecta, à tanto Domino mendicare; cùm ille seipsum, id est omne bonum offerat ultiro, & elargiri promittat. Alia potius, quam summum hoc consecutari, non modò pusillanimitas, & stultitia est; sed impietas, & vilipendium offerentis. Vastum ergo sit, quod petamus; & dignum tanto datore: & quod non privatas tantum necessitates; sed generis humani, & præcipue Ecclesiæ bonum, ad gloriam DEI completeatur.

*Petendus ipsemet DEVIS.*

*Et in omnibus eius gloria.*

Titulus petendi, & fiducia impe-  
trandi sumitur: quia dum omnipotens petendi,  
est, omniscius, summè bonus: & quia & fiducia:  
promisit: propter gloriam nominis quia po-  
sui, non potest non facere. Operi ma- test, vult,  
nuum suarum dexteram porrigit, ne- scit, ac pre-  
cesserit; nihil enim odit eorum, quæ misit.  
fecit. Itaque fidenter titulum allegare;

& dicere possum: Tuus sum ego; salvum me fac, propter nomen tuum.

*Hæc officia sunt primum oratione vocali.*

*Ex Davidis psalmodia.*

*Ex constitutis rōte npore Ecclesiæ precibus.*

Hæc ferè sunt officia orationis, quibus partim sermone, partim cogitatione, & mente fungimur. Vocalis, ut vocatur, oratio, ab Ecclesia variè adhibetur; & descripta est, tam publica, quam privata. Utraque potissimum desumpta ex his, quæ dixit, cecinit David, egregius psalmtes Israël; quo e-logio eum Scriptura ornavit. Additib⁹ ibidem ipsum dicentem: Spiritus Domini locutus est per me; sermo eius per linguam meam. Itaque meritò divinam hanc eius psalmodiam adscivit Ecclesia; eamque quotidiè, publicè & privatim decantat, aut recitat: plenam quippè admirandi Spilitus, fervoris; & ardentis, inflammatiique affectus.

Addit verò eadē & alias Orationes, statim temporibus congruas, & solennes; prout annum partita est, & Fastos Christianos condidit: authoritate, cui parent etiam, qui ab ea secessere; & insignitos nominibus festorum, & Sanctorum dies, retinent vel inviti. Ibi verò illa loquitur in canticis, & hymnis spiritualibus; & officium (ut vocant) con-

constituit, cuique tempori & festo proprium, è Prophetarum, & Sacræ Scripturæ verbis, magna fidelium consolatione, atque fructu. Eiusmodi enim totius Ecclesiæ Orationes, Communio Sanctorum, & unanimis clamantium toto Orbe Vox, valde commendat; efficacesque promittit. Si namque duorum aut trium, in nomine suo consensum, DEUS se magni facere professus est; quantò magis totius Ecclesiæ consonas, conjunctasque preces?

Sed inter hæc omnia vocalis Orationis exempla, relucet, velut inter ignes luna minores, Oratio Domini-  
ca; idque, & propter majestatem Authoris; & ob miram suam vim, & energiam. Potentibus enim à CHRISTO Discipulis, ut eos diceret orare; postquam *βατιλολογίστειν*, & Ethnicos imitari vetuit: Sic ergo Vos, inquit, Oribitis. Et tum Orationis formulam subjunxit: profectò plenam rei magnæ; & purâ, candidâ, simplici enuntiatione, brevi ac miro compendio, exactè complectentem cuncta Orationis officia. Quæ supra recensui.

*Per quas  
communio  
Sanctorum.*

*minica  
præcellit  
omnibus.*

*Multa in  
aniter le  
qui.*

**D**e qua  
paraphra-  
sticē pauca.

Operæ premium est, videre; quæ Viri  
sancti & eruditi, in eius sensa eximiè  
multa commentati sunt. Nos pauca  
dicemus, hâc, quæ sequitur, paraphrasi.

**D**EUS vo-  
eatur Pa-  
ter ob fi-  
duciam.

Fiduciæ conciliandæ, quæ orationis  
basis est; DEUM, jubet Christus, vocare  
Patrem; eumque communem omnium  
nostrum: ut ortus, & fraternitatis ad-  
moneret. In cœlis autem eum esse: ut  
nos à terrenis eo elevaret, ubi verè Pa-  
ter & Patria. Subjungit deinde Se-  
ptem petitiones. Petendum enim to-  
tum est; quia nostrum nihil est. Tres  
primæ ad DEUM pertinent; & viden-  
tur in eius commodum cedere: sed  
profectò in nos recidunt. Ille enim  
bonorum nostrorum non egit: Et ma-  
teriam tantum meriti, & præmii nostri  
quærerit; cum sibi deferri aliquid jubet.

**V**t sancti-  
ficetur  
nomen  
eius.

Nostrâ ergo propriè interest; petere  
primum, ut sanctificetur nomen eius.  
Non per nostantum: quantulum enim  
hoc esset! sed omni meliori, ipsi noto  
modo. Deinde petimus; ut adveniat  
regnum eius. Non quod illo carere,  
aut privari ipse possit; sed quia nos.  
Itaque propriè petimus, ut non habeam-  
us Regem, nisi DEUM; qui imperitet

**V**t adve-  
niat re-  
gnum eius.

men-

mentibus, rebusque nostris. Tertiò; ut Regni istius suprema lex sit, & fiat voluntas eius: nempe omnis justi, æqui, boni regula; tam in cœlo, quam in terra. Hæc ad DEUM, & vitam alteram.

*Vt fiat vo-  
luntas  
eius.*

Præsentis verò necessitates sequuntur: quas brevi voto complecti jubemur.

Id est; panem nostrum tantùm petere:

*Vt largia-  
tur panem.*

quotidianum, non extraordinarium; medicum, & qui hodie sufficiat; nam de craftino vetat esse sollicitos.

Hoc compendio, circa externa properè, & sine magna cura sancti; magis petimus,

ut dimitiat nobis debita nostra. Adeo

*Vt dimit-  
tat debita.*

enim gravia sunt, ut reddi non possint, nec excolui. Itaque, quod magnificentiam, & munificentiam eius decet; non

solutionis moram, & patientiam, sed condonationem jubet petere. O benignum creditorem!

Lætemur; quamvis ære eius oppressi debitores. Non modò usuras, sed nec fortem repetit. Pœnam non urget: Rogari se tantùm;

Fateri & debitum, & insufficientiam, jubet; & condonat. Sed justâ tamen

cum cautione. Nempe si & nos dimittamus debitoribus nostris. Quid æ-

quiùs! Abominatio, & horror est Ser-

vus

*Sed si &  
nos dimi-  
serimus,*

vus ille nequam ; qui omnis debiti remissione obtentâ, vix disgressus à Domino, suffocabat pauca sibi debentem conservum. Ita ut meritò contuberniales contristati, eum deferrent nequitia : ut Dominus remissionem revocaret. Non itaque dimittetur nobis, nisi dimittamus. Nam illicium est misericordiæ Divinæ , misericordia in proximum. Quam etsi promittere, & profiteri jubemur; tamen consciis, proni in malum animi, petendum adhuc nobis est : Ne nos inducat in tentationem. Seu, ut alibi dixit ; orandum, ne intremus in temptationem. Memoriam enim infirmitatis nostræ, non modò victoriæ non sumus securi ; sed certamen etiam merito detrectamus. Sed quia tamen vita hominis tentatio est super terram ; Ideò ultimò petimus, ut nos liberet à malo ; nempe dæmonem : (hic enim proprius Character eius est) ne nos in temptatione supereret ; sed potius faciamus ex illa proventum. Ita peccata, & præterita dimitti petimus ; & futura caveri, & averti.

Hæc est brevis paraphrasis Divinæ istius Orationis : quam Breviarium Evan-

*Ut nos non  
inducat  
intenta-  
tionem.*

*Ut nos li-  
beret à  
malo.*

*Oratio  
hæc brevi-  
arium E-  
vangelij.*

Evangelii Tertullianus vocavit ; & quæ accepta ut sit DEO, & efficax, necesse est : quia prout jussit ; & de suo (ut loquitur Cyprianus) rogatur. Agnoscat facile Pater Filii sui verba ; & quicquid petierimus in nomine eius, institutione, & sermone eius, dabit nobis.

Post Orationem Vocalem, sequitur *Meditationis & cogitationis*, quam tertiam partem privati cultus feci. Hæc non linguâ, sed animo DEUM alloquitur. Id est, considerat & ipsum, & creationis, redemptionis, sanctificationis admiranda eius opera ; mysteriorum arcana inspicit ; agnoscit dogmata fidei ; & exinde, miro affectu, recensita officia, Orationis exercet.

Id verò fit partim Meditatione, partim Contemplatione, Meditatio est, ex platio fit lectione sacra, & fidei dogmate, de DEO, & rebus Divinis, intenta consideratio. Quæ fit, cùm in memoria formatur rei meditandæ imago ; Intelle-  
ctu de ea instituitur ratiocinatio ; per voluntatem sequitur eius fruitio. Contemplatio verò ; est animi præparati ante, & jam apti, motus quidam, quo in DEUM, velut naturâ, & pondere, fer-

*tio est cum  
ratiocina-  
tione con-  
sideratio.*

*Contem-  
platio fit  
beneficio  
DEI illa-  
bentis.*

fertur. Ibi memoria sine phantasma-  
tum adminiculo illum admiratur: In-  
tellectus sine ratiocinatione noscit; vo-  
luntas sine ullo illico proprii Commo-  
di ita eo fruitur; ut non tam sibi illum,  
quām se illi largiatur, & impendat.

**Illa DEVM** *quærit,* *hæc habet.* Meditatio itaque fit quodammodo  
operâ, curâ, & industriâ nostrâ: Con-  
templatio solo impulsu, & illapsu DEI.  
Illa DEUM quærit, hæc habet. Illa agit,  
hæc patitur tantum. Illa in actione,  
mentis; hæc in quiete eius, otio, silen-  
tio, solitudine, immò morte: *Quia se-*  
*ipsâ vacua, vacat Deo;* & ab ipso im-  
pletur. Prodeunt verò hinc in viris  
sanctis sàpe extases, & raptus; sive ex-  
tra corpus ( ait Apostolus ) seu in cor-  
pore, nescio: sed hæc nec sestända, nec  
appetenda; immò, quantum per nos  
potest, vitanda; alioqui periculosa, &  
illusione opportuna.

**Præcepta**  
*utriusque*  
*apud Scri-*  
*ptores sa-*  
*ceros.*

Præcepta tam meditationis, quām  
contemplationis, habes apud Scripto-  
res Asceticos. Sed præcipuum est: ha-  
bere animum ab omni labe purum, do-  
mitum in commotionibus, virtutum  
officiis exercitum, Talis facile, & Me-  
ditationi incumbit, & Contemplatio-  
nem

nem recipit: alioqui in malevolam animam non intrabit Divina hæc Sapientia.

## Pars Capitis Altera.

### *De Cultu Mysticō, quem Religio præcipit, exigitq.*

CUltum explicavi privatum; qui <sup>Cultus</sup> etsi eximius, tamen à mystico <sup>Mysticus</sup> longè, & præstantiâ, & utilitate su- <sup>potior.</sup> peratur. Præstantiam sumit ab Autore DEO: à cuius voluntate est, non ab Electione nostra. Et deinde à Gra- <sup>Quia totus</sup> <sub>à DEO.</sub> tia, operi semper adhærente. Utilita- tem exinde; quia tutior, & securior; ob <sup>Et quia</sup> meritum obsequii, & deceptionis effu- <sup>annexam</sup> gium. Privata enim devotio, ex suavi- <sup>habet grā-</sup> tate, dulcedine, & teneritudine qua- <sup>tiam.</sup> dam affectūs, facile in complacentiam, opinionem de se falsam, nimiamque <sup>Denique</sup> sui fiduciam labitur. Facit hoc insta- <sup>securior.</sup> bilitas animi humani; qui sibi relictus, vix est securus. Deinde, idem prove- <sup>Nec illu-</sup> nit ex gaudio inconsulto Spiritūs, quod <sup>sioni patet,</sup> facilè evanescit. Tertiò, ex astutiâ Dæ- monis, qui subdolè, rebus etiam bonis, vanam gloriam fovet.

Y

Ab

*Per illum  
animus  
fungitur  
præcepto,*

Ab hoc periculo abest longius Cultus mysticus ; ubi animus illigatus præcepto se ei subdit. Captivat assensum, et si ratiocinationi suæ, & captui non convenientem : Hoc verò, non permittet evagari, sibi applaudere, & se frui ; sed tantum operi jubet insistere, hoc agere, & gratiam certò comitantem operari.

*DEVS eum  
præscri-  
psit, ra-  
tioni hu-  
mana  
contrari-  
um.*

*vt appa-  
ret ex ri-  
tu veteri,  
& novo.*

*Causa,  
quia non  
seruit ra-  
tioni no-  
stræ. sed  
domina-  
tur.*

Voluit autem Deus cultum hunc collocare sàpe in rebus, & actionibus, quæ mens humana nunquam existimasset fore ei grata ; & quæ non paradoxa solum videntur, sed profecto paralogia. Quis enim (exempli causa) putasset, acceptum à DEO cultum fore, ex mactatione, aut exustione animalium ? Certè nulla hic appareat idonea ratio, congruentis erga DEUM adorationis. Atqui ille, hoc genus sacrificij, olim elegerat: hoc præstari sibi mandaverat, & suaviter odoratus est. Par ratio in plerisque ritibus, cæremoniis, Sacramentis tam veteris legis, quam novæ.

Si autem fas est inquirere : cur ita Deus voluerit, feceritque ? Causas punto inveniemus istas : primùm, quia metetur assensum, & obsequium ; etiam fine

sine redditia mandati sui ratione. Fidem enim à nobis exigit, non cognitionem, aut scientiam. Tota demonstratio veri, est jussum eius. Sufficit ad certitudinem, authoritas dicentis. Et verbum ejus, summa ratio est. Non ergo illum decuit, ad sensum captumque nostrum se, & omnia componere.

Altera causa est: ut curiosam, & pravam illam cupiditatem sciendi, quæ peccato originem dedit; & quâ prurit semper mens nostra, fatagit, & variè effertur, confunderet, deprimeretque. *Quia ci-  
piditatem  
sciendi,  
obsequio  
fidei sub-  
dit.*

Nempe imperans, ac jubens credere, quæ stulta videntur; assensum in illis requirens; nec noscenda aperiens, aut suavitate condiens; nisi priùs credantur. & nisi credantur, pœnam assignans extremam. Hac inquam ratione volunt Deus frangere superbiam nostri iudicij, ut posset flecti arrogans animus ad obsequium fidei.

Tertia causa est Religio: quæ non est ars, aut scientia demonstratione constans, sed lex, & præceptum; quod jubet, non disputat. imperium igitur ejus in animos nostros ut maneret integrum; exemptumque esset à ratione.

tio cinatione, & disquisitione: non modo reddere rationem noluit Deus præceptorum suorum, sed etiam consultò multa, & supra, & præter captum nostrum constituit. Cùm tamen sint omnia mandata eius veritas. Ita ut, quod profanis mentibus videtur scandalum, & stultitia; id fideles cognoscant esse DEI virtutem, & DEI Sapientiam.

**Cuius  
mandata,  
veritas.**

**Inest illis  
ratio, sed  
occulta.**

**Docibi-  
les DEI.  
Mysterio-  
rum vene-  
randa.**

**Quæ cre-  
dentibus  
deum  
manifesta-  
tur.**

**Cultus  
mysticus.**

Inest enim, inest profectò omnibus ratio; sed non intelligenda, nisi prius credantur, & exerceantur. Tum demum mentibus sibi obsequentibus manifestat hæc arcana DEUS: Θεοδίδακτος facit; τὰ τῶν Μητρέων σεμνά aperit: gustum illorum largitur, & suavitate commendat. Ita, ut admiratione mens attonita, veneratione prostrata, amore accensa, agnoscat tandem, quomodo in parvis, & specie vilibus, tam mira, tam magna inclusit Deus; & quâ ratione, dum bonitati suæ indulget; seque homini, quem dilexit, largitur; sub velo usitatæ rei, & specie signi observi, velut in sanctiori quodam recessu, Majestas tanta delituit.

Hæc meritò præfatus; divido cultum mysticum in Cæremonias, Ritus,

Sa-

menta. Cæremorias intelligo ; Ordinationem certam actionis, & ministerii, in peragendis sacris. Consistit hæc; dum aut præcipitur varius gestus corporis; nempe genu flectendo, assurgendo, gradiendo, aliisq; modis, quos vel mystæ, vel assistens sacris populus, exercere jubetur. Aut varia adjunguntur opera; ut lucernas, & lampades accendere; thus adolere; vasa, vestes, ornatum varium, ad comptum altaris, & mundum templi adhibere. Quæ talia, indifferentia quidem per se sunt; sed pondus capiunt ab authoritate potestatis Ecclesiasticæ; cuius præscripta, Spiritus Sancti assistentiâ, & dictamine animantur. Itaque decenter, si ritè graviter, & splendidè exerceri debent. Movetur enim talibus animus; ad devotionem componitur, & mitescit. Contra; contemptus istorum efferatos, superbos, & denique DEI contemptores facit. Servabit ergo accuratè hæc Christianus, ut DEO grata; quia per potestatem ab eo institutam, jussa.

Ritus Sacri sequuntur: qui itidem ordinatione certâ actionis consistunt; sed hoc à Cæremonia nuda differunt,

Y 3                   quod

*Altera pars Cul-  
tus Mysti-  
ci : Ritus.*

**Adjunctum**  
habent e.  
xorcismum,  
& bene-  
dictionem.

**Efectum**  
habent non  
infallibi-  
lem.

Sed vim  
tamen  
magnum.

Petuntur  
ex meritis  
Christi.

Potesta-  
tes, & vir-  
tutes.

Et data  
potestate.

quod adjunctam benedictionem habeant, atque exorcismum. Præmittitur enim certa, & constituta verborum formula; per quam, Exorcismi increpatione dæmon, & malum abigitur: & benedictione mysticum quid, & sacramentum inditur. Effectus vero consequitur, non quidem infallibilis, ut in Sacramentis; sed magnam tamen vim continens, gratiæ obtainendæ. Itaque altioris ista sunt gradus, & ordinis: & cum majori religione, ac reverentia exercenda, acceptandaque. Eiusmodi est: aqua benedicta, eiusque aspersio; aliaque rebus impertitæ ex instituto benedictiones. Quas Ecclesia de promis ex ubere penu, ac infinito thesauro meritorum CHRISTI: Et deinde, ex potestate sibi in Apostolis data, mira operandi in curatione omnium infirmatum, & immundorum spirituum victoria, ac depressione. Itaque copiosè, per hæc talia, quod gratis accepit, gratis largitur; & concessas sibi *ἰξεστίας*, *καὶ δύναμεις* exerceat. Ad ritus itidem pertinent ea, quæ in administratione Sacramentorum ordinavit Potestas Ecclesiastica; dum in illis conficiendis, & exer-

exercendis, modum certum actionis,  
& ministerii, usu potius, quam scripto  
ab Apostolis traditum, præcepto defi-  
nivit, ac præscripsit.

Sed vis præcipua Cultus Mystici, *In Sacra-*  
immò tota est in Sacramentis. Defi- *mentis*  
nitur verò Sacramentum; signum visi- *præcipuus*  
bile invicibilis gratiæ; seu; DEI insti- *cultus my-*  
tuto, in materia certa, & certa verbo-  
rum formula consistens gestum quod- *Eorum*  
dam, seu factum; quo ritè adimplete, *definitio.*  
homo gratiam accipit, & consecratur.

Est, inquam, signaculum sacrati DEO *Et varia*  
hominis; mancipatio, & stigma Divinæ *descriptio.*  
servitudinis; tessera eius militiæ; Signum  
DEI Viventis; Fœdus Pacis, & reconcilia-  
tionis; Peccati ablutio, & abolitio;  
Armatura fidei; scutum adversus igni-  
ta tela inimici; vestis ad Agni nuptias;  
Amictus, & ornamentum gratiæ; Anti-  
dotum incorruptionis; Arrhabo im-  
mortalitatis; Pignus præmii; Jus hæ-  
reditatis æternæ: Denique bonitatis  
Divinæ ingens flumen, & gratiarum  
immensem pelagus. Hæc, inquam,  
omnia mysticis istis actionibus insunt;  
& ex opere ( ut loquuntur ) operato  
proveniunt.

Numerus  
Septena-  
rius.

Baptismus  
definitur.

Confirmatio  
item.

Septem autem sunt Sacra menta: Baptismus, Confirmatio, Eucharistia, Pœnitentia, Ordo, Matrimonium, Extrema Unctio. Quæ ubertim, & fusè à multis explicata, nobis libafse sufficiet. Baptismus; est regeneratio Spiritualis, per quam homo mortuus peccato, vivit Deo. Impletur per aquæ puræ affusionem largiorem, quæ est materia huius Sacramenti; & per verba solennia illa: Ego te Baptizo, in nomine Patris, & Filii, & Spiritus Sancti: quæ animo conferendi prolatæ, formam ei imponunt. Est primum medium salutis: & ad eam obtinendam, necessarium prorsus: Characterem habet indeleibilem; ideoque semel tantum usurpatur: fidem illo profitemur; & Sathanæ renunciamus.

Confirmatio, est Sacramentum, quo Spiritualis gratia in Baptismo accepta, stabilitur, & augetur, per Episcopum; Chrismatis unctione, & certa verborum formula. Materia ergo Sacramenti; est Oleum cum balsamo, ritè consecratum. Forma in verbis, quæ hic proferri ex instituto solent. Non potest repeti. Non est necessitate mediæ ad

ad salutem necessarium. Potestque non exerceri; modò non accedat contemptus, aut negligens incuria.

Hoc utroque Sacramento initia-  
mūr D̄o. Nempe: Loti à peccato, un-  
Etī gratiā; amissam in culpa originis uncti gra-  
redintegramus innocentiam. Sed non  
ideo tamen à lapsu securi. Itaque aliis,  
majoribusq; firmandi præsidiis: nem-  
pe Evcharistiâ; ne tam facile peccemus:  
Pœnitentiâ; ut à lapsu surgamus.

Evcharistia, est SACRAMENTUM Tamen  
Corporis, & Sanguinis Christi, sub spe- egemus  
ciebus Panis & Vini: cuius sumptione Eucharis-  
in anima spiritualiter nutrimur, & con- tia.  
corporei Christo efficimur. Unde vo-  
catur Communio; per quam in ipso  
manemus, & ipse in nobis; Multi u-  
num sumus corpus in CHRISTO; &  
membra unius capit is: Firmati hac  
spirituali alimonia contra concupis-  
centiæ somitem, & dæmonis fraudem.

Materia huius Sacramenti, ex insti- Materia  
tutione, & usu tradito, receptoque; est eius, Panis  
Panis, isque azymus: & purum putum & vinum.  
Vinum, cum modica aquæ admistione.  
Forma in verbis hisce: Hoc est Corpus  
meum: Hic est Calix Sanguinis, &c. Vir-

*Formæ in  
consecratio-  
ne.*

tute horum verborum, à potestate ad id ordinata, fit vera & substantiva conversio Panis & Vini, in Carnem & Sanguinem Christi. Hæc mirabilia, inquam, fecit misericors, & miserator Dominus, ut daret escam timentibus fe.

*Frustra  
hic caligat  
mens hu-  
mana.*

*Omnipo-  
tentia cu-  
eta possi-  
bilia.*

Caligat verò ad tantum miraculum mens humana; in assensu titubat, & cum Judæis quærat: quomodo hic potest nobis carnem suam dare ad manducandum? Sed profectò fateantur necesse est: non esse impossibile apud Deum omne verbum: cùm omnipotentiæ suæ, supremum quod esse potuit, argumentum dederit; nempe nos, & omnia ex nihilo producendo. Certò enim, maius est novas condere, quam immutare naturas. Deinde, Ambrosius ait: frustra quærendum esse ordinem naturæ in Christi Corpore; cùm eum mutarit in Nativitate. Et qui convertit, inquit, aquam in vinum; cur non Vinum in Sanguinem? Quid magni est, DEUM mira facere; cùm illa genii patrent? immò cùm humana æmuletur industria? Quis enim non admiretur ex lino chartam, ex ligno vitrum?

*Etiam ho-  
mines ar-  
te mira-  
efficiunt.*

trum? Si talia creaturæ, & homo artifex potest; quantum Creator posse putandus est? Credamus igitur hæc in Eucharistia; mira quamvis: quia ipse dixit, & facta sunt.

Firmati autem hac constanti fide, tantum Sacramentum veneremur cernui: & ita nos præparemus ad Sumptionem, & usum eius; prout tanti mysterii dignitas requirit. Qui enim indignè accedit, & manducat; reus erit Corporis, & Sanguinis Domini. Et iudicium, atque unâ pœnam sibi manducabit, & bibet, non dijudicans verè; nec, ut oportuit, agnoscens Corpus Domini. Examinet ergo seipsum homo, & sèpiùs dijudicet: & tum, cum timore Sancto, pariterque & amore; in vera humiliatione cordis, frequenter accedat ad hoc Sacrum Convivium: in quo CHRISTUS sumitur, recolitur memoria Passionis eius, mens impletur gratiâ, & futuræ Gloriæ nobis pignus datur.

Etenim rætor, & Sanctum hoc, quædam Incarnationis continuatio, & nobiscum communicatio est. Ut enim per illam DEUS uni, & individuæ humanæ

*Debetur  
huic Sa-  
cramento  
venera-  
tio.*

*Et in sum-  
ptione di-  
ligens  
examini.*

*Perfecti.  
Est hoc ve-  
luti repeti-  
ta Incar-  
natio.*

naturæ, se hypostaticè univit; ita per hoc Sacramentum, assumptam humilitatem, cum annexa semper Divinitate, participat cum omnibus, ritè & dignè Corpus eius sumentibus. Nascitur itaque, & sumptione ista formatur in nobis Christus: Non naturâ quidem; sed tamen substantivo habitu, & energica virtute, quæ nos in illum convertit; &, quantum possibile est, transmutat. Unde admirandum hoc arcanum, & absconditum manna, quanta adoratione, & affectu sit prosequendum, facilis æstimatio est.

*Huc pertinet Missæ Sacrificium.*

Adhæret verò huic mysterio Missa; seu functio illa, quam Ecclesia peragit incruenti Sacrificii: ubi sacerdotum ministerio offertur idem Christus; qui semetipsum in Cruce obtulit Dœ: hostiam Sanctam, & beneplacentem: & imperavit; ut hoc faceremus in sui commemorationem. Hujus Sacrificii, omnia veteris legis Sacrificia, fuere, umbra, imago, & figura. Hoc est vere propitiatorium pro peccatis vivorum, & mortuorum. Hoc est velut pactum quoddam: ut nempe ritè peracto hoc opere, talis sequatur effectus. Id pepigit

*Pro vivis,  
& defun-  
ctis.*

git Filius cum Patre ; & sanxit ( in quo  
nos acquisivit ) sanguine suo, Itaque  
utamur dignè tanto munere, ac do-  
no. Offeramus, cum hac oblatione , Ex debito  
ex merito, ac debito acceptabili , Spi- accepta-  
ritum & cor contritum : veniam pec- bili.  
catorum, augmentum gratiæ , & præ-  
mium gloriæ petamus; securi impetra-  
tionis.

Quartum Sacramentum, vocatur Pœnitentia.  
Pœnitentia. Quæ genericè definitur: tia definitur.  
animi motus , dolentis se quidpiam tur.  
perperam commisisse , vel omisisse .  
Tum, inquam, sic doleo; dum me pœ-  
nitet: & facto torqueor ipse meo. Sed  
ut Pœnitentia nomen Sacramenti ob-  
tineat , impleatque ; requiritur im- Prima eius  
primis: ut sit dolor ex abominatione , pars Con-  
& detestatione peccati ; quatenus est tritio.  
injuria, & offensa DEI. Talis dolor vo-  
catur, verbo in Ecclesia recepto, Con-  
tritio; primamque Pœnitentiæ partem  
obtinet.

Altera est Confessio ; seu, sui coram altera  
delegato judice accusatio. Judex hic Confessio.  
Sacerdos est, ob acceptam Ordinis po-  
testatem : de qua mox dicam. Etsi e-  
nim apud Prophetam dixerat DEUS;  
Ego

Ego sum, ego sum, qui deleo iniquitates tuas, propter me. Tamen, velut decessit de hoc, sibi soli proprio jure; & primū Christo, ut Filio hominis, dedit potestatem dimittendi peccata: Deinde, eandem ille in Apostolos, eorumque successores transtulit, dum insuffavit, & dixit: Accipite Spiritum Sanctum: quorum remiseritis peccata, remittentur eis; & quorum retinueritis, retenta sunt. O Magnum verè infirmitatis nostræ solatium! Cum judicem habemus ex hominibus assump-  
 tum; qui compati possit miseriæ nostræ, cum & ipse eadem circumdatus sit: Qui jubetur condonare, non tantum septies, sed septuages septies; immo quoties opus fuerit, & quoties rogabitur.

Sed re-  
 censenda  
 prius de-  
 licta-

Sed, ut condonet; opus est, ut pri-  
 ùs cognoscat. Id verò fieri nequit, ni-  
 si habeat accusatum, convictum; seu  
 potius, confidentem reum. Itaque,  
 sacra exomologesis accedat necesse est:  
 in qua exeretur dolor peccati; obedi-  
 entia, resipiscientiæ promissum, & hu-  
 militas: virtutes conciliandæ clemen-  
 tia. Recenset, inquam, pœnitens de-  
 licta

In qua  
 potestas  
 peccata  
 remitten-  
 di.

Magno  
 nostro so-  
 iatio.

licta omnia; se candidè aperit; secreta sua dicit: ideoque fidem secreti meritetur; quod sigillum confessionis voca-  
Sub sigillo  
 mus. Nam revellare nefas. Primum: secreti.

quia id debetur ingenuæ sui ipsius accusationi; deinde, ut scandalum viteretur; postremò, ne ab hoc faciliter, & clementi deterreamur foro. Jure merito ergo cautum, & vetitum est acriter, ne Confessio relevetur.

Pars tertia Pænitentia sequitur, Sa- Tertia pars Pæni-  
 tisfactio. Hæc nunquam ex condi- tentia. Sa-  
 gno reddi Deo potest. Quid enim in- tusfactio.

finito par? quid summo æquale? Itaque modica illa, quæ à Confessario injungitur pœna, argumentum potius Divinæ clementiæ est, quam satisfactio. Adimplenda tamen accurate: cum gratiarum actione obtentæ veniæ, & impetratæ gratiæ.

Hæ sunt partes, ac officia istius Sacramenti; quæ materiam ejus faciunt, formam autem imprimit absolute, solennibus illis verbis: Ego te abservo, &c. Est medium salutis: ex suppositione actualis (ut loquuntur) peccati (cuius vix quisquam expers est) necessarium. Per hoc detrimenta para-

Forma Sa-  
 cramenti  
 in absolu-  
 tione.

paramus, & lucra nova gratiæ acqui-  
rimus; A lapsu validiores surgimus;  
verecundiam peccandi, & pacem ani-  
mi consequimur.

Quintum  
Sacra-  
mentum  
Ordo.

Definitur.

In hoc su-  
pernatu-  
ralis pote-  
stas.

Sextum Sa-  
cramen-  
tum Ma-  
trimonium.

Quintum Sacramentum est, Ordo;  
seu Presbyterorum Ordinatio: sine  
qua vel esse, vel ritè dispensari ne-  
queunt Sacraenta. Est enim Ordo,  
gradus divinitus concessæ potestatis,  
ad sacras & mysticas functiones, vali-  
dè & ritè peragendas. Quæ potestas,  
per χειροτονίαν. seu impositionem ma-  
nuum, & Spiritus Sancti ad id munus  
acceptationem consecratur; & à CHRI-  
STO, & Apostolis, successione continua-  
tur. Vocatur hic status καηπος: id est,  
fors, hereditas, successio Domini. Per  
hunc, jus Dominationis, & supernatu-  
ralis potestatis, in mentes nostras ex-  
ercent: cui non opus hinc immorari,  
quia nec omnibus injunctus, impera-  
tusque; & eo initiatis, copiosè ab aliis,  
ex sensu Ecclesiæ deceptus est.

Itaque nec Matrimonio insistam;  
quod sextum Sacramentum est, sed li-  
beræ itidem voluntatis: cum verò ini-  
tur; Magnum in CHRISTO, & in Eccle-  
sia. Unde præcepit Apostolus: ut viri  
di-

diligant uxores, sicut CHRISTUS dilexit Ecclesiam : quam ex latere suo ædificavit, novus Adam ; sicut vetus, Evas. Per hoc Sacramentum naturalis copula sponsione priùs firmatur, & tum sacratur benedictione ; ut non corporum tantum coniunctio sit, sed etiam animorum. Qua de re supra meminimus ; & ubertim ab aliis tradita, facile petere potes.

Epilogus est Sacramentorum, & sa-  
pè vitæ; Extrema Unctio : quæ sit peri-  
stalantibns ægris, ad salutem mentis,  
& corporis. Cuius luculenta est men-  
tio in Epistola Jacobi ; qua rem usu re-  
ceptam, traditamque imperat. Materia  
huius Sacramenti est, Olei unctio; For-  
ma in verbis, quæ in libro Rituali.

Porro cùm demonstratum supra sit ; Licit Ec-  
legitimam, & veram potestatem Eccle-  
sia, sanctitatem eius, velut manuductio-  
ne Spiritus Sancti dirigi: Ideo conse-  
quitur ; jus & fas illi, quædam circa  
usum Sacramentorum statuere, ac or-  
dinare ; præcepta eius rei ponere ; quæ-  
dam in Cæteroniis addere, vel detra-  
here ; & pro moribus, temporibusque,  
in melius commutare ; Citra tamen ef-

fentialium immutationem. Ita ut fru-  
stra sint Sectarii: dum multa dicunt  
præter usum, moremque veterem inve-  
cta esse; ideoque Ecclesiam arguunt  
novitatis.

*Cultus hic  
et seximi-  
us.*

*Rarò di-  
gnè imple-  
tur.*

*Magis dæ-  
moni cre-  
ditur.*

*Absurda.*

*Quam  
DEO.*

Absolvi de cultu mystico, quo reli-  
gio potissimum constat: qui apprimè  
Deo gratus fit oportet; quia totus ab  
eo, quia plenus rei arcanæ, & sacræ;  
quia infinitis gratiis affluens, & immen-  
sa præmia promittens: sed qui, prô  
pudor! rarò dignè impletur; nec nisi à  
paucis animabus puris, Sanctisque, &  
ut ita dicam, à Deo infessis.

O Humanam malitiam! assentitur  
facile dæmoni, falsò magna promitten-  
ti; Pactum cum eo init; sperat quod  
paciscitur; præstat ei imperatum ob-  
sequium; ἀλογα multa eius jussu facit;  
ut magiam, præstigias, & maleficia  
exerceat: Afferenti autem, ac affir-  
manti DEO non credit; Ludibrio ha-  
bet jussa sanctaque eius; Non fudit  
promissis; Pauca, quæ sui in cultum,  
& nostrum commodum certa, nec dif-  
ficiли functione facere, & gestum ali-  
quod, modo ac ordine præscripto im-  
plere præcepit; fructum exinde ingen-  
tem

tem promittens ; ægrè , & dubitans  
exequitur.

Hoc nempe est , quod Philosophus *Aspernari*  
erubuit ; quod profanus quisque con- *tur hæc*  
tempfit , ac derisit ; quod Hæresis , va- *profanis*  
næ superstitionis crimine damnavit ;  
Ceremonias , inquam , & Ritus asper-  
nata : & Sacramentorum numerūm  
primum tollens ; mox naturam ipsam ,  
& vim totam . Nam quamvis viæta evi-  
denti Scripturâ , & veteris Ecclesiæ usu  
quædam usurpat ; tamen eorum virtu-  
tem non agnoscit : & simiæ instar , ge-  
stu potius , quam re , & fide expri-  
mit .

Cum his verò omnibus , quos vel *Infidelis*  
*ærisia* , vel *nanorisia* occupavit ; Quid *Prava fi-*  
contendam ? qui reprobis talia appro- *des*.  
bem ? Olim in liturgia veteri acclama-  
tum ; Foris canes : Et ego certè odi *Ideoz ab*  
Profanum vulgus , & arceo . Absistant , *bis sacris*  
& abscedant infideles ab his sacris . Et , *abiguntur*  
(ut Tertullianus dixit : ) avolent , quan-  
tum volent , paleæ levis fidei ; tantò pu-  
tior massa frumenti in horrea Domini  
reponetur .

Adeste verò vos , mentes dicatæ *Advocata*  
Deo ; quibus datum est nosse mysteria *tur veræ*  
Z 2 *Sancti* ejus

eius : vobis ista apponuntur. Sanctis nempe sancta. Haurite ergo de fontibus Salvatoris, ut sit vobis fons saliens in vitam æternam. Venite ; comedite Panem , & bibite Vinum ; quod Æterna Sapientia, id est CHRISTUS , miscuit vobis : & saturabimini ab ubertate domus, & Ecclesiæ eius ; & invenietis requiem animabus vestris.

### Pars Capitis Tertia.

*De Cultu DEI Schetico , seu Relativo ; qui creaturis tribuitur, sed propter DEUM ; ad eumque totus redit.*

Cultus re-  
lativus  
erga DEO  
chara.

DEVS so-  
lus debite  
colitur.

Secundū  
excellen-  
tiā.

Secundū  
propor-  
tionem.

**D**ixi paucis , quæ ad Duplicem DEI cultum. Tertia pars eius restat : quæ σχετική λατέρα vocatur : Id est: Veneratio , & cultus relativus. Talis est erga illos, & illâ ; quæ DEO creduntur esse chara , & ad eum referuntur.

Etsi enim, ut dixi, soli DEO debita, κατ' εξοχήν veneratio ; tamen κατ' άναλογίαν etiam tribuitur creaturis : quantum nempe impertitâ à DEO habent eius dignitatem. Ille colitur propriè, per

per se, & naturâ; homines participa-  
tione, & dono: Honorari enim sunt *creatura*  
amici DEI; ideo meritò honorabuntur, *participa-*  
quos DEUS honorat. Et dum hæc est *tione, &*  
*dono.*  
gloria omnibus Sanctis eius; ipsius est.

Cultus namque illis exhibitus, propriè  
cenfetur cultus DEI: quia ab illo cau-  
sam, & originem sumit; propter eum  
est, & ad eum redit,

Hic tripliciter ab Ecclesia Catho- *Triplex*  
lica, firmo & constanti usu, ( quidquid *hic Cultus.*  
blaterent hæreses) exercetur: & triplex  
est. Nempe erga Sanctos: erga Reli-  
quias: & erga Imagines. Singulos exa-  
ctè edisseram; atque hoc ipso & à ca-  
lumnia, & à contemptu vindicabo; &  
ut dignè impleantur, accendam.

Ordior à cultu Sanctorum: id est; *Primus*  
partim Angelorum, qui desertoribus, *erga vi-*  
*ejectis, in officio perstitere:* partim ho- *ventem*  
minum; quos vitâ functos, *αποθέωσις* Inter Di-  
habet. Utrosque ( uti sæpè & ipsum *naturam.*  
DEUM ) ablegant à nobis, & remo- *vos rela-*  
vent illi; qui vitæ præsenti immersi, *Angelorū,*  
putant eos, qui supra nos, nihil ad nos: *& homi-*  
& affectu extores à vera patria, obli- *num de-*  
viscuntur olim contubernialium; & *functorum.*  
nunc quoque concivium.

**Cum utrisq[ue] nobis con-junctio.** Atquinon est putandum; cum istis terræ filiis, (ut sic vocem, qui terrena tantum sapiunt;) non est, inquam, putandum; nos longo nimis intervallo dissitos à cælestibus, & Divinis esse. **Flayrā tō sv.** dixit quidam è Philosophis. Nescio equidem quo ille sensu: sed profectò tali verum est; ut omnia in quendam circulum, & compendium unitatis redigamus, & coarctemus; Cælestia inquam, & Terrestria: præsertim cùm Christus, Alpha, & Omega, imis summa conjunxerit; feceritque utraque unum. Itaque, sicut nefas cum impiis dicere, DÆUM longè abesse; nec considerare nostra: Ita & Sanctos ejus relegare. Ut enim Dominus propè imo intrà nos est; ita & Sancti ejus cum illo, quia in illo.

**Universum iuna Civi-tatis.**

Totum hoc universum, una Civitas est. Ejus summus Princeps DÆUS: Angeli verò & Homines, seu vitâ hac fūcti, seu hic superstites; sumus concives: statu, gradu, & habitatione dispare, & disjuncti; sed tamen uno ambitu communis patriæ comprehensi. Ergo confociatio nobis, & commerciū cum illis. Etsi enim corpore gravati, sensibus

**Ergo om-nes viven-tes Conci-nes.**

bus non communicamus; tamen animis in Deo conjungimur. Vident nostra: quia vident & intuentur DEUM, in quo omnia nostra. Nec commeare, nec magna spatia emetiri opus; ut nobis adsint, & succurrant. Intuitus, quo fruuntur, Divinitatis ubique praesentis, ad hæc cuncta sufficit.

De Angelis primùm dicam: Quorum Angelos  
 Τυχικήν, νοερήν. ἡ πνευματική σοιαν, id esse ex rea  
 est; animatam, intelligentem, & Spi-  
 ritualem substantiam; DEUM, medium  
 inter se, humanamque naturam cre-  
 ásse; non modo nullus Christianorum, Et è con-  
 ex revelationis certitudine, dubitare sensu hu-  
 potest sed etiam omnes ferè ethnici, mani ge-  
 & præcipue sapientiam professi, con-  
 stanter asseruere. Adeoque hæc fir-  
 ma, & communis est notio; ut simul  
 cum agnitione divinitatis innata, im-  
 pressaque mentibus humanis esse vide-  
 atur. Nempe id mirum: nam ut animo-  
 rum nostrorum arbiter Deus, illos li-  
 berè, & cum potestate adit, ac ingre-  
 ditur; Ita ei proximi spiritus, subtili  
 sua natura, facile quoque sese nobis in-  
 sinuant, ac innotescunt.

*Produxit  
eos DEUS  
testandæ  
Bonitatis.*

*Et magni-  
ficentie.*

*Pars eor-  
um lapsi.*

*Pars man-  
fere in no-  
vem Cho-  
ros distin-  
cti.*

*DEUM  
ferentes.  
Eorum  
officia re-  
gensemur.*

Produxit vero eos Deus; primū Bonitatis suæ testandæ causa; & purissimas Sanctissimasq; hasce substantias, compotes summæ felicitatis fecit ideo; quia bonus, & bene illis voluit. Deinde produxit; ut eorum ministerio, & famulatu ueteretur. Non quod egeret; qui sine ullius ope, vi sua movet, regit, & contineat univerfa: sed ut magnificentiam ostenderet; tot myriadas sibi ministrantium, & tantæ dignitatis procreando.

Eorum pars magna, dum se miratur, & sibi complacet; in superbiam primum, mox in interitum gloriæ lapsa. Qui in officio mansere; firmati gratiâ, Hierarchiam Cœlestem, in novem Choros, seu ordines distinctam, (ut Gregorius testimonio Scripturæ numerat, & comprobat;) obtinent; omnes cum adjuncto sibi proprio munere, ac officio. Angeli sunt, qui minora; Archangeli, qui summa annuntiant. Threni Θεοφόροι; quibus insidet quodammodo Deus: & hæc in sessio, tranquillitas est. Dominationes; qui Sabaoth, seu exercitus; quibus imperatoria, & bellica vis in hostes Dei. Principatus; quibus cura gentium. Potestates; quibus regimenter.

men animorum. Virtutes; per quos  
miracula. Cherubin; quibus plenitu-  
do scientia. Seraphin denique, seu ar-  
dentes; quorum flamma amor est.  
Hæc ferè illis ex vi nominis, aut con-  
jecturâ, à sacris Scriptoribus assignan-  
tur. Et certum est, quod primogeni-  
am hanc, perfectissimamque naturam,  
admirando ordine, & distinxerit, &  
sociaverit DEUS.

Omnis autem hosce, esse Spiritus Omnes.  
administratorios, in ministerium mis-  
sos, propter eos, qui hæreditatem ca-  
perent salutis; in confessio est. Man-  
davit enim DEUS, ut nos custodiant in  
omnibus viis nostris; ut nos manibus  
suis portent; ut comitentur nobiscum.  
Adeo, ut pusillorum etiam Angeli, assi-  
stant illis; & simul in cœlis videant fa-  
ciem Patris nostri. Magna vero hæc  
(ait Hieronymus) dignitas animarum:  
ut unaquæque habeat, ab ortu nativi-  
tatis, in custodiâ sui, Angelum dele-  
gatum. Qui varium erga nos implet  
officium; & jussu DEI, & suâ naturâ.  
Amant enim genus humanum. Et non  
solum illis (inquit Bernardus) digni-  
tas est admirabilis; sed etiam dignatio-

*Ex vi no-  
minis, &  
sententia  
Sanctorum.*

*Junt ad-  
ministra-  
torii.*

*Et singuli-  
hominibus  
Custodes.*

amabilis. Gaudium est illis, ex profectu nostro: & contra; si tristari possent, amarè flerent Angeli pacis, ruina justorum.

*Magna nobis præstant.*

*Quæ enumerantur.*

*Regnum, ac populo- rum sunt protec- tores.*

Hinc manant prolixia, & luculenta, quæ nobis testantur, officia. Hinc est illa à Dionysio verè asserta, & beneficio eorum adjuta animorum καθαρισμός, φωτισμός, τελέιωσις: id est; purgatio, Illuminatio, perfectio, quam in mentibus nostris procurant; & quâ, in sumam nos verterè satagunt naturam: ut nempe ætherei, & spirituales; id est, à corruptione hac terrena, & carnali liberi simus. Hinc ortūs, educationis, vitæ totius curam gerunt; Dæmonis infidias detegunt, insultus arcent, vim reprimunt; opportuna consilia, & monita suggerunt; orantibus assistunt; preces Deo offerunt; in ultimo vitæ agone tutantur: Funētis vitâ hac, excipiunt: & ad Beatorum societatem transferunt. Sed nec singulis tantum opitulantur: Regnum etiam, ac Populorum protectores sunt; ut patet ex certamine illo apud Danielem, Angelorum pro Persis, & Græcis, ac Judæis Quo strenue funguntur, donec illis voluntas

Iuntas innotescat DEI. Quin immò, *Etiā res*  
 non modò quæ ad æternam, sed etiam *vita p̄ræ-*  
*quæ ad p̄äsentem vitam faciunt; eo-* *sentis pro-*  
*rūm ope s̄æpe obtinemus. Nam, ut ma-* *curant.*  
*ligni spiritus, permīssu DEI, corpori-*  
*būs (ut in Jobo apparet) valetudines*  
*infligunt; & maleficia, & acerbos ca-*  
*sus: Ita illi morbos corporis (ut Ra-*  
*phaél cæcitatem Tobiae) curant; iis*  
*medentur & pericula arcent. Deinde*  
*in adiaphoris, verè ἀνθρώπων διδασκάλοι Hominū*  
*(ut eos Athanasius vocat) industriam*  
*humanam juvant; Artes, & artificia oc-*  
*cultè docent; Naturam, & vim abdi-*  
*tam rerum suggerunt. Hæc inquam*  
*cuncta, & multò plura, eorum habemus*  
*beneficio: Non ut divina dona sup-*  
*pleant: sed ut ministerio injuncto stu-*  
*diosè fungantur.*

Cùm autem jussu DEI Italia, ac tanta,  
 & possint; & sciant; & velint, nostri  
 causa; Deinde, cùm tot ab illo doti-  
 bus p̄æditi, ornatiq̄ue sint: nobisque  
 longè p̄æstantiores effecti: Ideo cul-  
 tum illis sui generis deberi, & invoca-  
 tionem, nemo sanus dubitaverit. Id  
 meritum eorum, id gratitudo, id no-  
 stra requirit necessitas; id denique non  
 modo

*Hominū*  
*Magistri.*  
*Et res a-*  
*diaphoræ.*

*Ideo me-*  
*rentur co-*  
*li, certo*  
*modo.*

*Ad DEI  
gloriam.*

modò nihil detrahit Divino cultui; sed potius eum auget: ceditque in honorem Domini, honor famulitii eius.

*Cultus Be-  
atorum.*

Jam verò transeo ad cultum Beatorum, qui in Domino moriuntur; quorum animæ in manu, & conspectu eius; visi sunt oculis insipientium mori, illi autem sunt in pace, & vitâ Beatâ frumentur. Horum quoque Hierarchiam, & ordinem agnoscit Ecclesia; eum nempe, quem hic tenuere. Primum Patriarchæ ponuntur; Patrumque cætus, Agmina canora yatum; & quo non surrexit major, Baptista CHRISTI prævious; summiq[ue] cœli claviger, cum cæteris Apostolis: Evangelistæ, & Discipuli Domini; cohors triumphans Martyrum: tum candidati præmio Confessionis Pontifices, & almus Sacerdotum chorus: Monasticam professi; & quos Eremus incolas transmisit astris: Chorea casta Virginum, cum alio famineo cætu.

*Inter om-  
nes emi-  
net VIRGO  
Sanctissi-  
ma.*

Sed inter istos omnes immensum eminet, ideoque seorsim dicenda est, Sanctissima DEI Genitrix MARIA; non homines tantum, sed etiam Angelos, plenitudine gratiarum supergressa: & tan-

to

tò melior illis effecta; quantò exceilentius præ illis nomen obtinuit; cùm Filium Altissimi genuit: meritoque vocata MATER DEI. Cùm enim humanitati CHRISTI, in unitate personæ annexa, & inseparabilis sit Divinitas; ideo carnem ex Carne MARIAE sumpfit, natusq; ex illa est Homo DEUS.

*Quia D. E.  
Genitrix.*

Prærogativa hæc, & eleætio in MATER, causa est: cur compos sit totius, quidquid infra DEUM, magni est. Et quod ut ipsa Magnificans DEUM cecinit; fecit illi magna, qui potens est: & sanctum nomen eius, Hinc est: quod et si humillima coram DEO esset; tamen viæta beneficij magnitudine, in Domino glorietur. Ecce enim, ( inquit ) ex hoc, beatam me dicent omnes generationes. Hinc ab Archangelo plena Gratia, DEO conjuncta, & benedicta salutatur. Hinc ab Elisabeth, MATER Archangeli DOMINI; & beata, quod credidisset, dignatur. Hinc, est decus supremum, unicum ornamentum, apex, & Princeps rationalis creaturæ; Generis humani gloria; Naturæ nostræ, in unitatem & consortium Deitatis sublimatæ, instrumentum; Cooperatrix Redemptio-

*Et exinde  
immensum  
dotata.*

*Quod ipsa  
confitetur.*

*Archangeli  
dignatur.*

*Eius debili-  
ta elegia.*

nis;

nis ; quia Incarnationis ministra : & quia, ut ex Spiritu S. conciperet pareretque, assensum præbuit, expetita.

**O**rnavit  
eām Deus  
causā im-  
positi mu-  
neris.

**C**ausā suā  
in parent-  
rem pie-  
tatis.

**E**t suā ex  
illa gloria.

**E**t post  
Christum  
Media-  
trix.

Si solenne Deo est, ad munus quod nobis injungit, partem præstare gratiam ; ideoque idoneos fecit ( inquit Apostolus, ) ministros novi testamenti ; & cumulavit eos potestate varia , ac virtute : Quid non fecisse censendus est in electâ hâc. ad Matris munus dignè fustinendum ? Si honorare Parentes præcepit ; quomodo non ipse honoraverit hanc , quæ illi quâ homo est , Parentis utriusque implevit officium ? Si gloria filiorum, ( inquit Salomon ) Patres eorum ; quomodo non gloriosam fecerit , quam sibi in Matrem elegit , nasciturus in hominem Deus ? Immensa profectò est hâc dignitas ; & infinitis ornata dotibus : ideoque nullis dignè explicanda verbis.

Meritò igitur Regina hâc Sanctorum omnium , ab Ecclesia cultum hyperduliae ( ut vocant ) obtinet. Meritò Sanctorum Patrum pñnè innumeris celebratur encomijs , & ab optimo quoque studiosissimè colitur. Denique me-

ritò secunda post Christum est media-trix; post illam verò, & Sancti cæteri. Etsi enim solum mediator Christus; tam-en & huic, & reliquis, sui generis ~~potest~~ tribuitur: & est, non modò ci-tra Mediatoris supremi injuriam; sed ad eius gloriam potius. Totam enim vim, & pondus ab illo accipit; & ea-tenus efficax, quatenus, qui illa fun-guntur, Deo grati, & chari sunt.

Colimus ergo eos cultu dilectionis, *Ideoq; co-*  
*(inquit Augustinus) & societatis; quo <sup>lendi om-</sup>*  
*in hac vita coluntur Sancti DEI homi-* *nes.*  
 nes: Et sicut horum preces expetimus;  
 ita & illorum, qui in illa regione sunt  
 viventium. Et quidem tanto devotius;  
 quanto post certamina superata, &  
 propter charitatē, quæ in illis non mo-do non cessavit, sed aucta est, securius.  
 Colimus, inquam, publicè primū; *Publico*  
 dum sacrificia offerimus non illis, sed; *instituto.*  
 Deo, in eorum memoriam: Tempa-,  
 & aras, in eorum nomine, Deo strui-mus, & dedicamus; dies festos illis af-signamus, & latti peragimus. Hæc pu-blico instituto.

Privata verò officia, quibus illos de-vincimus. potissima sunt; vera ac de-bitæ.

bita æstimatio, & dignitatis agnitiō. Revocando in memoriam vitæ, ac mortis eorum narrationem; quo munere functi, quanta gesse, quanta meruer-

*Memoriam actæ eorum vite recolendo.* Idque non censoria nota, dijicatione; sed debitâ reverentiâ. Celebrare, inquam, illos; Gratias illis agere; gratulari; & DĒUM pro gratia illis impertitâ, & præmio redditio laudare.

*Amicitiam ineundo arctiorem.* Deinde; inire, quodam modo, cum illis amicitiæ pactum; & arctiori vinculo mutuæ charitatis adstringi; se eorum cultui devovere: Velle quæ illis grata sint; In eorum honorem curam, & operam impendere: Cum illis tanquam præsentibus agere: vel conari; ut cum illis, in cœlis sit conversatio nostra: Et denique, quia amicitia non est nisi inter similes, imitationem eorum animo proponere, eiisque magno studio conformari. Tertiò; cum fiducia eos precari; ut suo interventu impetrent, quæ sciunt necessaria nobis esse. Et præcipue, ut cum illis dignè laudemus DĒUM: nun per gratiam; olim in gloria.

*Huic cul- tui adha- plorando.* Cæterū, cum inter functos vitâ, pars fruatur gloriâ, de quibus jam diximus;

mus; pars damnati sint, cum quibus *ret pro de-*  
 nulla nobis amplius societas; pars de- *functis e-*  
 nique nondum felicitatis compotes, *xoratio.*  
 sed e justamen post expiatas culpas se-  
 curi, quibus nos charitas conjungit,  
 opemque nostram exigit: Ideo meritò,  
 & opportunè cultui Sanctorum atte-  
 xendum est id Catholicæ pietatis offi-  
 cium, quo defunctos prosequimur.  
 Meritò, inquam: nam in lacu miseriæ  
 gravissimis afflicti pœnis, post elapsum *Quijus-*  
 merendi tempus ipsi se juvare non pos- *vandi à*  
 sunt, sed nostris possunt suffragijs, va-  
 rijsque bonis operibus, quibus Deus  
 placatur: ut in hoc sæculo non remissa,  
 in futuro remitantur. Hoc officio  
 functi, & Charitatem Deo gratam im-  
 plemus, & de illis ita meremur; ut li-  
 berati abundè rependant. Ergo, cum  
 Iuda illo Machabæo, salubris est cogi-  
 tatio, pro defunctis orare; ut à pecca-  
 tis solvantur, & salvantur.

Sequitur cultus Reliquiarum; qui  
 manat à debita æstimatione Sancto- *Cultus re-*  
 rum; quorum cùm pars melior, id est *liquiarum*  
 anima, jam juncta Deo sit; altera verò *cur con-*  
 (propriè non mortua, sed data somno;) *grauis.*  
 nempè corpus, hic felicem resurrectio-

nem expe&tet: Meretur certè & hæc,  
eum honorem; quem ei Ecclesia de-  
ferre solet; dum, inquam, sacra hæc  
corpora, quæ membra Christi fuere, &  
templa Spiritus Sancti, convenienti  
cultu veneratur. Qui & gratus fit Deo,  
quia amicis ejus exhibitus, necesse est;  
& puras illas, perfectasque animas, fa-  
cile ad vicem gratitudinis obstringit.  
Itaque ab Apostolicis usque tempori-  
bus, usu continuo Ecclesiæ retentus:  
Dum Martyrum præcipue corpora,  
ossa, cineres, sepulturâ primùm di-  
gniori, & accuratâ; post etiam stru-  
eturâ templorum venerata est: Eo-  
rumque adire monumenta; propè ea  
sepeliri; supplicationes & sacrificium  
supra aras, in quibus reconditæ reli-  
quiæ essent, offerre; festos dies in eo-  
rum memoriam agere; usitatum, re-  
ligiosum, ac solenne fuisse; passim, a-  
pud vetustissimos Ecclesiæ Scriptores,  
reperies.

*Cultus Imaginum ad prototypum transit.*

Tertius denique cultus, est Imaginum: non minùs prisco ritu ab Ecclesia receptus, retentusque. Sed horum totus honor transit ad prototypum: Estque relativus alia ratione, quam cul-

*Gratus  
Deo, &  
Sanctis  
eius.*

*Usitatum  
semper.*

cultus Sanctorum. Nam, quæ exhibentur Sanctis, et si primariè Deum respiciant, ad eumque referantur; tamen & illos quoque contingunt, & quodammodo etiam ijs adhærescunt. Quia nempe vivens, & rationalis natura, talis officij non est incapax. At honor ergo inanima, purè relativus est; totusque transit ad alium: nec manet in re tali honorata, nec manere potest. Nihilominus, quòd meritò deferatur; id-  
que propter eum, cuius memoriam re-  
præsentat; Arcæ veneratio; & in illa  
tabularum legis, ac virgæ Mosaicæ;  
tum efficacia fimbriæ Christi immò  
umbra Petri sat evincit, comprobat-  
que. Et frustra hic idolatriam cre-  
pant heterodoxi. Ea enim est in ho-  
nore, & cultu cacodæmonum, eorumque  
Divinâ in Idolis adoratione.

Cæterum totus hic scheticus, de quo Cultus  
haec tenus egi, cultus; præter Scripturæ Scheticus  
testimonia, quæ suis locis attulimus; fundatur.  
vel certè, tanquam intento digito  
monstravimus: Tribus præcipue nitit  
fundamentis. Primum; apertâ con-  
venientiâ, ac meritò rei: Deinde, usu usu con-  
continuo, & approbatione Ecclesiæ: tinuo;

*Effectu  
admirando.* Tertio, (quod omnem dubitationem amovet) ipso Effectu admirando. Clara enim, & manifesta miracula, tot sequentia signa, apparitiones denique Sanctorum, fide testium omni exceptione majorum factarum, satis super quem firmant, comprobantque. Adeo, ut talibus non assentiri, sed inficiari; & contra tot facultorum testes negare, profecto, & pravè pervicacis sit, & graviter impudentis.

*Merito i-  
taq; eum  
profitetur  
Catholica  
Ecclesia.*

Profitemur ergo constanter ejusmodi cultum: & innumera exinde, quotidie capimus solatia: apertaque habemus argumenta, & audiri nos, & juvari à Beatis illis, Sanctisque mentibus. Experimur, inquam, & gaudemus; immò gloriamur, societatem nobis esse Civium aeternorum; nec avelli ab ea, morte ipsa. Itaque fidenter eorum opem imploramus: & ut pro nobis interveniant, petimus lubentes, & meritò.

*Clauditur  
locus ora-  
zione ad  
Virginem  
Sanctissi-  
mam.*

Ad sis verò, tu imprimis, Regina Cælorum, Deipara Virgo: & ex illa tua plenitudine gratiarum, in nos guttas ejus, vel scintillas emitte. Potes certè. Quid enim Filius Omnipotens negaverit?

Opti-

Optimæ Matri? Voles etiam: quia Mater es omnium; & quidem testamento Joanni, & in illo nobis data. Effice ergo tuis precibus animas nostras, quodammodo Marias; id est, fœtas Deo: ut formetur in illis Christus; & fiat nobis sicut tibi, secundum Verbum Dei: quod in te Caro factum, in nobis maneat in æternum.

Adeste deinde vos, Beatorum Spirituum Ordines. Et ut in Spiritum versi,  
*Ad Angelos.*  
 Deum vobiscum laudemus; orate, &  
 juvate. Deinde, vos Cœlites, apud Do-  
 minum subvenite laborantibus in via  
 hac, quam emensí feliciter estis. Ut  
 quod infirmitate nostra non valemus,  
 vestro interventu assequamur. Per Chri-  
 stum Dominum nostrum. Fiat, Fiat.

*Ad Cœlites.*

## CAPUT III.

Περὶ Θεοφιλίας:

SEU

De Amore DEI.

Terrium libri hujus, ultimumque tandem totius operis Caput, mihi supereft explicandum; quod pari cura, studioque exequar; immo,

*Ultimum  
Caput de  
Amore  
Dei.*

quia metæ jam proximus, fortè an majori? Postquam enim de notitiâ, cultuque Dei dixi; de Amore demum ejus restat dicendum: & hic terminus, ac finis statuendus, ad quem non officia tantum omnia referuntur, sed tota rationalis natura propendet. Nam pondus ejus; amor est; amoris autem terminus, bonum; boni verò fons, immò ipsummet bonum, Deus.

*Alioqui  
frustra sunt  
alia officia.*

Ad hunc ergo finem veniendum. Et frustra Probus, Charitatisque cultor; si non verè Pius, id est, Dei amans sis. Frustra deinde eum noveris, & colas; si non ames. Nec potiri ac frui potes; si non appetieris: nec appetere, nisi per Amorem Quem ei soli debitum, cùm de μετριωπάθεια agerem, demonstravi.

*Moderatione af-  
fectuum.*

Ibidem deduxi: summam energiam ejusdem esse, in transmutatione. Transmutatio autem hæc, non fit (ut item supra dictum) amatum in se convertendo; sed se in amatum. Nam voluntas transire conatur in id, quod appetit; Id fit, quod amat: ita ut amare; sit, se relinquere; à se exire, & in amatum transfire.

*Amor  
transmu-  
tati.*

Quin immò, si rectè expenderis; a-  
gnos-

gnosces: quod ne id quidem proprium agat, ac moliatur verus, & ad verum bonum amor, ut transeat in amatum; id est, ut quodam ambitu illud invadat, & occupet: sed agit in se; ut evacuet, expropriet, perimat, & annihilet, quod pateat, & vacet amato; illudque recipiat, patiatur, ac induat.

Hoc vero fit, & impletur tribus gradibus: nempe Mortificatione; Abrenuntiatione; & Abnegatione. (Utar enim fidenter verbis, quæ Christiana Sapientia fecit nova.) In his tribus, inquam, situm rationalis naturæ, veri erga Deum amoris officium, meritum, & præmium. Cujus rei ipsemet Christus dedit nobis documentum, & exemplar. Cui insistendo, tres hasce partes, Capite isto, explicabo. Et ex illis fundamenta *τῆς θεοφιλίας* ostendam.

## Pars Capitis Prima.

### *De Mortificatione; cuius natura, & ratio explicatur.*

Inter complura dicta reconditi sensus, & veritatis Philosophorum veterum; aestimavi, & admiratus sum

sum semper ; quòd Plato , aut quisquis ille , definiverit Philosophiam , μελέτην θαύματος : vertere id solent , mortis meditationem ; & explicant , ut novissima cogitemus , vivamusque memores lethi .

*H*ec est , animi à corpore abductio . Sed altior paulò mens , opinor , est istius definitionis ; quam explicat alibi Cicero ; dum à corpore animum avocare , & abducere docet Sapientem ; & quodammodo consuecere mori . Ita ut Philosophia , ex definitione ista , proprie sit , cura mortis : per quam animus corpus abdicat , ac linquit , seque ab illo secernit . Quare hoc commentemur ;

( inquit Cicero ) disjungamusque nos à corporibus ; id est , consuecamus mori . Hoc ; & cùm hīc in terris sumus , erit cælesti illi vitæ simile : & cùm illuc ex his vinculis emissi feremur ; minùs tardabitur cursus animorum . Quòd cùm venerimus , tunc denique vivemus :

*Quod im-*  
*pletur pri-*  
*mum Mor-*  
*tificatione.*

*Non sine*  
*Deo.*

Nam hæc quidem vita , mors est . Præclara profectò verba ; sensusque in illis eximius , & altus : qui fānē φρεστοις , etsi profanis illis mentibus infedit . Hoc est enim , quod Christiana profitetur , & agit Mortificatio ; Abrenuntiatio ; & abnegatio .

Mor-

Mortificatio imprimis, quæ mihi est,  
Mors carnis. Ut nempe eam cum suis concupiscentijs, exemplo Christi, & admonitione Apostoli, crucifigamus.

Porro cùm de *triplicia concupiscentiæ carnis vitia* agerem; Impeccabilitate. triplicia concupiscentiæ carnis vitia deduxi. Molitiem nempe, Gulam, & Libidinem: ijsque post, in *euπρεξίᾳ* Et ejus necessitatum diminutione. præceptis, Virtutem Temperantiaæ opposui: cujus partes, Abstinentia, Fru galitas, & Caſtitas; præſcriberent prudentem uſum eorum, quæ debentur carni. Nunc verò Mortificatio, de qua agimus, hunc ipsum quamvis temperatum uſum arētat magis; & pœnè tollere nititur: dum, quantum potest, minuit ejus necessitates.

Quantulum enim hoc effet, carnis *Ac pām* supervacanea spreviſſe? Hoc bruta eti odio. am faciunt, præſcribente naturâ. Christianus, qui verè æterna, & Deum appetit; tum ſe profeciſſe putet; cùm carnis necessaria incipiet aspernari, & pœne odiſſe.

Sed non tantūm necessaria detrahe- Et con trariorum pare Mortificatio: ut nempe hac ratione, *optione*.

tione animus plenè vincat, & perimat adversantem semper, & inimicam hanc sui partem ; & à concretione mortali se se vindicet, homo animalis esse definit, & in Spiritum se convertat.

*Contra  
mollitatem  
asperitate.* Itaq̄, contra Mollitiem: veldura eligit, & aspera, accersitq; ultrò dolorem; & variè affligit, castigat, & in servitutem redigit corpus; vel oblatas, impositasvè aliunde ejus molestias acceptat; & constanter, ac patienter tolerat. Defricta autem hoc acri sale caro, non facilè corrumpitur; & disciplinæ patientior, & studiosior fit virtutis. Contra Gulam jejunium adhibet, & inediam; quam, cibum virtutis, vocavit Leo: & quam, mirâ prorsus continentia Sancti illi, & præsertim Anchoretæ exercuerunt: ita ut vix eguisse amplius esu, visi sint. Tertiò; contra Libidinem virginitatem amplectitur: eamq; in vitam totam, voto etiam obstringit, devincitq;. Hac ratione minuitur primùm; mox planè interit caro; & per afflictiones, concupiscentijs moritur; & molesta esse animo definit.

*Contra li-  
bidinem  
virginita-  
te.*

*Præcepta  
ejus, &  
monita.*

Modum hujus saluberrimæ exhortationis; & præcepta, monitaq; ad eam neceſ-

necessaria, habes apud Scriptores Asceticos. Præcipua sunt: ut ratione fiat; non anxiè; placidè, sobriè, intra mensuram; ut hypocrysis, ostentatio, faciei exterminatio, & complacentia deniqb vitetur. Ideob Mortificatio tecta, & occulta; optima. Deinde; ab alio imposta, imperataque; nempe à potestate Ecclesiastica, cui parere tenemur: &, si libenter facimus, atb cum curâ; meritum augemus. Ejusmodi, inquam, Mortificatio, dictis vitijs. non facile obnoxia est.

Cæterum totum hoc, ab una causa Ex amore oriri, & ad finem unum referri debet; causam nempe, ad amorem Dei: qui, cùm non habeat, caro mansurum se in homine dixit, eò, quod finem caro sit; Ideo, hunc primum obicem carnis amovere oportet; ut nobiscum manere velit. Hunc, inquam, primum scandere opus; ad Divinum gradum ascendi conanti. Id Christus vitâ suâ nos docuit: & exemplo. Ad hunc agonem invitans; si quis, inquit, vult venire post me, tollat crucem suam, & sequatur me. Et iterum; qui non tollit crucem suam, non est me dignus. Hoc est auctoramentum ejus mili-

Dum te-  
gitur, op-  
tima.

Id Chri-  
stus docue-  
& mon-  
stravit.

militiae, cui dedere nomen omnes, qui  
ei olim compassi, nunc corregnant.

## Pars Capitis Altera.

*De Abrenuntiatione; cuius vis,  
atque modus declaratur.*

*Abrenun-  
tiatio est  
Mors cu-  
piditatis.*

**A**pter potius amati, ejusque in se derivandi gradus, seu modus est, Abrenuntiatione; quam voco Mortem cupiditatis: ut nempe rerum externarum, omnis appetentiae prorsus vacui, toti vacare amori Divino possimus.

*Et abdic-  
tio extera  
porum.*

Quod ut impleamus; non modo concupiscentiae oculorum, seu avaritiæ opponere iustitiam, ejusque recentitas partes; quibus rectus usus eorum, quæ extra nos, præcipitur, oportet: sed omnem affectum, & pænè usum etiam ipsum, ac sapè possessionem abdicare. Hoc enim & ratio requirit, & exemplum; & demum edictū Christi.

Ratio primū: quia infinitum recte Quibus non amari non potest, nisi toto amore. Si potest jungi eum ad finita deflectis, & partiris, ac amor Dei. dividis; jam fornicaris, & adulteras. Amor enim Divinus, ob dignitatem folidam,

Iidam, & indivisam, non fert rivalem. Impatiens confortis est, quia solus est. Totum totus requirit. Ignoratio itaqz, oblivio, vel contemptus veri boni est ; alia preter illud confectari : & tam vilia, & abje*c*ta ei sociare ; injuria, & offensa. Exemplo deinde docuit Christus : nil externum appetere, nil possidere ; se solo contentum esse. Deniqz edixit ; omnis, inquit, ex vobis, qui non renuntiat omnibus, quae possidet, non potest meus esse discipulus.

*Exemplo  
Christi  
abdicanda.*

Id fit partim affectu, partim re ipsa. *Affectu*  
Quoad affectum : hunc ut valde mode- *primum.*  
 ratum, aut panè nullū, ad externa omnia habeamus ; firmare imprimis oportet animum verâ eorum aestimatione. È nempe ; quam schola Christi aliter, *Non mo-*  
 quam olim Philosophia docet. Etsi e- *do indiffe-*  
 nim Stoici, magno animo, sola bona, *rentia*  
 quae honesta ; mala tantum, quae tur- *censenda.*  
 pia, vocavere ; alia verò *ᾱδιάφορα*, *η̄*  
*ε̄δέτερα* ; id est indifferentia, & neutra :  
 Attamen hᾱxc *ε̄χεντα*, *ληπτα*, *ᾱξια*, *έχον-*  
*τα*, id est commoda, acceptanda, aesti-  
 mationem habentia, docuere ; & si op-  
 tio daretur, eligenda ; ac anteponen-  
 da. Christiana verò sapientia longe ul-  
 terius

*Sed etiam  
non eli-  
genda.*

Nō acce-  
ptanda,  
nec eli-  
genda.  
Et illis con-  
traria  
præferen-  
da.

Hoc veri  
Christiani  
secuti.

terius in vilipendio, & aspernatione talium progressa est: Non modò ea non bona, & adiaphora dixit; sed ~~etiam~~ etiam, ~~etiam~~ eo ipso ostendit; quod his contraria, & opposita; Paupertatem nempe; uti & dolorem, auctum vocavit non modò non mala, sed etiam beata. Quod æterna nobis assignavit; ea, contemptu mundi hujus, parare docuit, eorum spe, hæc aspernari jussit; non hic thesaurizare, sed in cælo.

Manifestum ergo est: mundum in estimatione talium aberrare: cum Christus, æterna Sapientia, qui nec fallere, nec falli potest, contraria anteposuerit. Meritoq; imitari eum; qui sunt ejus. Unde Apostolus omnia externa, & detrimenta vocavit, & retrimenta: sibiique mundum dixit crucifixum, & se mundo. Talem animum, similemque mentem, omnibus habere oportet, qui Christiano nomine censentur: & non affectu hæc possidere; sed usu.

*Approbante Christo.* Quantò autem altius non possidere! & re ipsa abijcere! Hoc est demum, pressè insistere vestigijs Christi: hoc obtemperare consilijs ejus. Suasit enim ille: si vis perfectus esse; vade, & vende om-

omnia, quæ habes, & da pauperibus. *Et eo invitante.*  
 Habuitque tot sibi obsequentes, qui relictis omnibus secuti sunt eum. Adeo-  
 que haec derelictio ei placuit; ut cui-  
 dam de hereditate herciscunda solici-  
 to, & ut divideretur ab eo petenti, de-  
 trectaverit; subjunixeritque: videte, &  
 cavete ab omni avaritia; quia non in  
 abundantia cujusquam vita ejus est, ex  
 his quæ possidet. Ante verò discipulis  
 edixerat: Nolite possidere. Ne verò  
 egestatem timerent; vario exemplo  
*Et provi-  
dere pro-  
mittente.*  
 Divinæ providentiæ commonuit: &,  
 qui dedit animam, & corpus; daturum  
 certò alimenta, & vestem promisit.

Meritò itaque Abrenuntiatio ac-  
 ceptanda: non modò quia iussa, aut  
 suasa; sed quia ad amorem divinum  
 necessaria; & hoc potissimum fine, si  
 non re ipsa, saltem animo & affectu im-  
 plenda. Magnum enim obicem curæ  
 hujus seculi ponunt Deo; prohibent  
 que, ne animos nostros invisat, & in-  
 tret. Non potest esse hospes solicitæ  
 mentis, & turbatæ circa plurima; sed  
*Meritò  
itaq; hoc  
agendum.*  
 quietæ, vacuæ; & illi soli  
 vacantis.)

### Pars Capitis Tertia.

Indivina-  
tio. Vel  
Deifica-  
tio.

Abnega-  
tio neces-  
saria.

*Ad amo-*  
*rem Dei.*

*De Abnegatione : quæ describi-  
tur ; ostenditurque, quomodo tan-  
dem Θέωσις proveniat.*

**N**on satis verò est, ut DEO vivas ; carne , & cupiditate mori : non potes eum sequi , nisi non modò ista , quæ tibi adhærent ; sed etiam te ipsum deseras. Non potes verè eum amare ; nisi non modò tua, sed te etiam oderis. Denique : Deus in homine non erit ; (inquit verè Bernardus ; ) si de homine, in homine, quidpiam supererit. Necessaria itaque post Mortificationem, & Abrenuntiationem, Abnegatio : estq; hic tertius, ultimusque gradus ad amorem Dei. Per hunc enim, dum animam vacuam prorsus inventit Deus ; eam ingreditur : inhabitat , replet , compotem sui facit , & a mantem vera fruitione dignatur. Definitur, suiipsius mors.

*Eius men-  
tis supra.*

Modum ejus , & rationem jam attuli in parte ; cùm tertium, supremumque Fortitudinis gradum explicarem. Ibi enim deduxi : in victoriâ proprij Spiriti,

tūs, & quadam animi morte, culmen virtutis consistere. Huc ergo id pertinet; & uberior explicandum est. Humilitatis enim, de qua ibi aetum, consummatio est in ea Abnegatione, quam Deus veram videat.

Fit verò illa; quadam abdicatione, animi facultatum; earumq; Deo mancipatione. Nempe, memoriam ad omnium imaginum, & Phantasmatum copiam, clausam, & Deo obsignatam habendo; continuò hunc unum cogitatione respiciendo. In intellectu, præcaces, & ( ut ille ait ) rabidè furentes ratiocinationes frænando; & ad jussum Dei, præscriptum, præceptumq; fidei, ac regulam credendi, firmiter alligando. Deniq; propriam relinquendo voluntatem, libertatemq; datam arbitrij, velut restituendo Deo: & ut fiat voluntas ejus sincerè petendo; curando, implendo.

Hinc prodibit exigua, aut potius nulla virium suarum fiducia. Hinc subsistet quisq; in se; ne rapiatur supra se. Hinc ad omnia, quæ nos attollere possint, respondebimus illud Joannis: Non sum. Hoc enim nobis propriè convenit; Nam, qui est; solus DEUS est.

B b

Qui-

*Fit, me-  
moriām  
Deo obsig-  
nando.*

*Frenando  
intellectū.*

*Voluntatem  
mancipan-  
do.*

*Suum Ni-  
hil agno-  
scendo.*

Quicunque autem existimat se aliquid esse, cum nihil sit; ipse se deducit.

*Hec est  
Christi do-  
ctrina, &  
exemplum.*

Id Christus & docuit, & monstravit; cùm beatos pauperes Spiritu dixit: id est; non extenorū modō, sed sui etiam vacuos. Cùm discere à se jussit; non mundum fabricare; (inquit Augustinus) non mirabilia facere; nec mortuos suscitare: sed se abnegare; id est; humiles corde esse: Cùm semetipsum exinanivit; formam servi accepit; se totum obtulit; posuit animam, aut perdidit, propter Deum. Et deniq̄ edixit: qui vult venire post me, abneget semetipsum, & sequatur me.

*Quod exi-  
niē oflen-  
dit Crucis-  
fixus.*

Sed uti priores duas partes, Mortificationem nempe, & Abrenuntiationē; ita potissimum Abnegationem implevit exactissimē, in theatro illo miri exempli, & eximiæ virtutis; In throno veræ, ac solidæ constantiæ; In novâ cathedrâ mundo ignotæ doctrinæ; In arbore abditæ, & cælestis scientiæ: in Crucifixione, inquam; quæ ex hinc facta est virtus Dei, & sapientia vera. In hac, inquam, factus gratum Deo, & necessarium hominibus spectaculum: quæ totâ vitâ docuit, & egit; illustri confirmavit, & testa-

testatus est Epilogo. Ibi dolorem, ege- *Quod fusè*  
 statem, contemptum, ferenda ostendit; *describitur.*  
 meriti, immò debit i causa. Ibi fixus  
 manus, pedesq; & ut figeretur; factus  
 obediens, immolavit sui arbitrium: &  
 corpore, fortunâ, animo oblatus est;  
 quia ipse voluit. Ibi, (quod maximum:) in  
 tanta corporis afflictione, omni consola-  
 tioni internæ renuntians; angorem  
 summum, tediumq; ac derelictionem  
 Dei, ad animum admittens; solâ se su-  
 stentans in se collectâ, ac invictâ pati-  
 entiâ; nec succumbens; hominem exu-  
 it, triumphavit, Deo impedit: & hoc  
 ipso infinitum meruit, præststitq;. Ibi  
 denique, postquam elevatus est, traxit  
 omnes ad se. Ibi, monuit per Aposto-  
 lum: ut nihil scire velimus, nisi JESUM,  
 & hunc crucifixum. Invitavit pereun-  
 dem: ut Christo simus confixi cruci;  
 mortificationem ejus in corporibus  
 portantes, pauperes Spiritu, ac impro-  
 perij ejus libenter confortes.

*Quòd* verò ea ratione exactissimè Dei  
 amor acquiratur, impleturq; mani-  
 festum exinde est: quia, sui ipsius occi-  
 ditur. Qui verò amat animam suā, per-  
 det eam; & qui eam perdit propter De-

um, eam invenit, etiam si non quærat.  
Non, inquam, verus Dei amans, eam  
quærit: nec hoc agit; ut ex officio amo-  
ris divini, bene ei sit; id enim jam esset  
amoris proprij: sed omnis præmij ob-  
litus amat Deum: primū, quia mere-  
tur; immò debet amari; cum sit unicum  
& totum naturæ rationalis bonum. De-  
inde, quia ipse prior dilexit nos: & ex  
hac dilectione se immensum comuni-  
cavit, in bonis naturæ, gratiæ, gloriæ.  
Communicavit, inquam, peculiariter  
humanæ naturæ; etiam supra Angelos:  
idq; in Incarnatione, & Eucharistia.  
Postrema demum causa amoris Divini  
est: quia eum amare volupe est; & ex-  
pedit. Volupe imprimis; quoniam sua-  
vis est Dominus: & quicquid h̄ic pul-  
chrum, delectabile, jucundum ab ipso  
originem habet; scaturigo ejus parva;  
gutta, & umbra est boni illius infiniti.  
Expedit deinde; quia benignus, summè  
beneficus, & ipsa felicitas: quâ adeptâ;  
secura ac beata quies, unaq; pax animo.  
Diliges itaque ob præceptum, meritum,  
debitum; & ultimò, præmium. Diliges  
inquam, Dominum Deum tuum ex  
toto corde tuo, ex tota anima, ex tota

*Qui debi-  
tus Deo.*

*Qui prior  
dilexit nos.*

*Suavis est  
Dominus.*

*Et benefi-  
cius.*

*Ideo toto  
corde a-  
mandus.*

vir-

virtute ex omnibus viribus, & ex tota mente.

Ab hoc amore prodibit ὁμοίωσις, <sup>āno-</sup> Vetus Phi-  
λονθία; & deinde θεώσις. Id est, Assimila-<sup>losophia</sup>  
tio, Affectatio, & ( ut ita vertam ) Dei-<sup>multa vera</sup>  
ficiatio. Piores duas partes, dum eru-  
ditè Lipsius. ex scitis veterum, & Stoicorum præsertim, deducit; Luculenter  
profectò, quantum profana Sapientia  
ad Divinam assurrexerit, ostendit. Me-  
ritoq[ue] miratur, quomodo ad profanos  
augusta hæc, & sancta, vel delata sint,  
vel illapsa. Utrumq[ue] probabile esse Cle-  
mens Alexandrinus dicit. Dum Plato,  
( inquit ) hæc docuit: seu concurrens  
cū dogmate legis; ( solent enim magnæ  
mentes, nudæ affectuum, veritatē attin-  
gere: ) seu id è sacris didicit; uti semper  
cupidus omnis doctrinæ. Quanquā pro-  
fectò, si inspicis; parcè illi, & languidè  
talia, quæ ducunt ad Deum: nec eo Spi-  
ritu, quo propriæ rationis dictamina.

Consentienter tamen veritati docu-  
ere; τέλος ἔιναι ὁμοίωσις Θεῷ: Finem esse,  
Dei assimilationē. Hoc enim Deus ipse,  
& voluit; & edixit. Voluit primum; cum  
ad imaginem, & similitudinem sui ho-  
minem creavit: Edixit deinde, dum;

**Conformi-**  
**ter veritati.** Sancti estote, ait;) quia ego Sanctus sum, Dominus Deus vester. Et Christus: Estote perfecti, sicut Pater vester celestis perfectus est. Apostolus vero: imitatores Dei nos esse debere dicit; illiqꝫ, quā potest, similes. Definit vero hanc Assimilationem satis conformiter Plato: δίκαιον καὶ ὁσιόν γενέσθαι: Justum, & Sanctum fieri. Nempe: ut simus in sanctitate, & justitia, coram ipso; qui verè solus Sanctus & justus est.

**Item deolu-**  
**tiam, seu**  
**affectione-**  
**nem.**

**Quae à**  
**Christo**  
**jussa.**

**Et à mul-**  
**tis praedita.**

Ακολυθία. Affectione, seu Obedientia est. Hanc quoqꝫ veteres agnovere. Unde Epictetus: Præcipius Philosophorū; inquit, sermo; brevis admodū est: quid enim longum dicere? τέλος ἐστὶ τὸ ἔπεισθαι, θεω. Finis est, sequi Deum. Hoc Christus requirit: dum toties; Sequere me: &; nisi quis reliquerit omnia, & sequatur me: &; vos qui fecuti estis me: toties inquam ingeminavit. Hæc sequela, seu Obedientia est; DEO se submittere: omnia ad eum referre: ab illius nutu pendere: audire quid loquatur in nobis Dominus: petere, ut jubeat, quod vult; & promptè exequi, quod jusserit. Ecce me; mitte me, dicebat ille: Alter; Domine, quid me vis facere? Alius; loquere,

au-

audit servus tuus: vel; paratus sum: &;  
paratum cor meum. Idem tu dic, ac  
præsta: & postquam tibi innotuerit vo-  
luntas Dei; actu, & factu eam imple.

Tertia est *Θεωσις*: seu (ut semel verti) *Theofinæ*  
Deificatio. Hæc itidem veteri Philo- *seu Deifi-*  
phiæ non ignota prorsus. Non quidem *cationem*:  
in illa insana assertione; quâ Sapientem  
Deo parem, immò potiorem docuêre:  
Id enim, non minùs stultum, quâm im-  
pium; sed eo sensu, quo dixit Laertius  
in Zenone: Divinū quid, esse Sapientem:  
habere enim in se quodammodo Deum.  
Ideo alterq; dixit: eum Θεὸν εἶ ἀρδεόπου  
ἐπιθυμεῖντα γενέσθαι: cupere, ut ex homi- *Quam San-*  
ne, Deus fiat. Hoc Sapientia Christia- *pientia*  
na non tam cupid, nec suis viribus cu- *Cristiana*  
rat, & molitur; (Id enim esset pravi, per-  
versi, superbi illius spiritûs, ambitiosè,  
& arroganter ascendere, & similem fieri  
altissimo volentis:) Sed, ut dixi; hoc  
agit: ut se seipso spoliet, privet, orbet;  
quo capax Dei sit: eumq; demum ultrò  
illabentem recipiat, ac patiatur; prout  
de Dyonisio illo dictum, quod esset  
*πάθων ταῦτα.*

Porrò id eum velle, exinde evidens *vinorum*.  
est: quòd ideo ipse homo factus, ut ho-

mo fieret Deus: Quòd filios nos vocat; &, ut nominemur, & simus, requirit: id est; ut gratiæ cooperando, effici-

Dum velut  
ferrum  
candens.

mur unus cum illo Spiritus; Divinæ confortes naturæ; & in ea convertamur. Cujus rei similitudo peti potest ab ignito, & candente ferro. Illud enim prorsus suam naturam amittere videatur, dum recepit igneam. Nam ex frigido, opaco, duro, gravi; urit splendet, mollescit; levius fit. Sic anima verè à DEO possesta; ut possideatur, per triplicem recensitam ἀσκησιν, Mortificationem, inquam, Abrenuntiationem, & Abnegationem apta; tota immutatur, & Divina fit. Ita ut, & dū hīc vivit, dicere possit; vivo ego jam non ego, vivit in me Deus: Et, dum hinc migrabit, tum demum verè, tota Diva erit.

Exercita-  
tionem.

In Dei na-  
turam  
mutatur.

Conclusio:  
& Syno-  
psis totius  
operis.

Perfectus  
finis.

Postremò (ut in hoc fine, qui verè est τέλειον τέλος, finem operi imponam;) manifestum est: ea quæ hactenus de Officijs dixi, hunc cuncta referri; & hoc compendio contineri. Facile enim est; Concupiscentiarum victorem, Comotionum arbitrum, Virtutum compostem, id est Probum: Deinde: Charitatis, in jure Potestatis, Dominij, Obligationis,

gationis studiosum : Denique Pium in sensu, cultu, & Amore erga Deum, esse : Facile, inquam, cuncta hæc implere Mortificatio ; Renuntianti externis ; & se Abneganti : Id est ; ad Dei amorem cuncta referenti ; Inde verò totum id quod sis, in causam tui finemque, seu Deum se transformanti.

Fac ergo ô Deus, ut hunc finem nostrum cognoscamus : & ad illum ; vel hoc scripto ; quod tua ope cæptum, finitum p̄ est ; deveniamus. Ut inquit, transformemur in eam, quam nobis creatione indidisti ; & Redemptione, ac Sanctificatione reparasti , Imaginem tuam : Et vitâ, animoq; appetamus ; referamus ; & assequamur TE, UNUM, VERUM, BONUM.

## APPENDIX.

### *Ad Librum Tertium.*

D Eduxi, ut vides Lector, rem, quò destinaveram : & unde ultra, & altius non itur: Quod enim, maius officium homini assignari potest ; quam ut mutetur in Deum? Audax profectò, & improbus videretur hic conatus ; si Gyanteo ambitu, viribusq; su-

is fieret; & divinitatem suo studio, ve-  
lut Promethei astu, furaretur. Verum,  
ut dixi, status hic non usurpatione  
contingit, sed dono. Quod, ut memo-  
riâ retineamus semper; uti libris supe-  
rioribus, ita & huic pauca quædam  
monita appendam.

*Primum,  
ut nolis al-  
ta sapere.*

*In simplici-  
tate cor-  
dis imple-  
præcepta.*

*Alterum:  
ut scias in*

Primum autem erit: ut ex cognitio-  
ne tam altæ sapientiæ, non incipiat  
alta sapere. Vides sublimem hanc pie-  
tatis, immò sanctitatis Christianæ stru-  
eturam? cogitas hanc fabricam? à fun-  
damento incipe: quod tantò magis  
ima petit; quantò altius superaedifica-  
bitur. Ergo, ut fabrica, ( inquit Augu-  
stinus: ) ante celsitudinem humiliatur;  
& fastigium post humiliationem de-  
mum erigitur: Ita & tu deprimas te,  
& totus in eo sis; ut præceptum Domi-  
ni impleas in simplicitate cordis. Al-  
tiora verò te ne quæsieris: ( inquit Ec-  
clesiastes, ) Sed quæ præcipit tibi Do-  
minus, illa cogita semper, & imple. Co-  
gnitio enim sola, te bonum non faciet;  
sed voluntas, sed amor: qui sine ratio-  
cationis magno molimine, affectu  
fertur, & impletur.

Alterum monitum: ut scias in par-  
vis

vis profectum consistere. Nam, quæ <sup>parvis esse</sup>  
 ardua, & sublimia videntur; facilè, an-  
 nexam elationem habent: raro imple-  
 tur; ferè in proposito tantum confi-  
 stunt; in futurum destinantur. Interim,  
 dum voto pendet; differtur vita: &  
 transcurrit. Itaque tu, vive hodie. Im- <sup>Quotidie</sup>  
 pone manum præsenti tempori. Quoti- <sup>ut vito.</sup>  
 diana, & velut domestica vitia supera:  
 leviora affectuum, corrigere stude: vir-  
 tutes, quas putas altas; & ex illis ope-  
 ra eximia; nec ambitiosè affectes, nec  
 ostentes. Denique, intra usum vitæ pro- <sup>Vita</sup>  
 bæ, ac emendatæ arcta te; ac contine. <sup>emendatæ</sup>  
 Et in pura, ac simplici actione, eorum  
 præsertim, quæ à legitima potestate  
 jussa, & imperata: Ecclesiæ, inquam,  
 sancta; cultum præsertim Mysticum;  
 tum verò bonas piorum consuetudi-  
 nes studiosè imple; & exequere. Quid-  
 quidi verò vel dignè egeris; vel meritò  
 spreveris; vel patienter sustinueris; dic  
 tibi obvium illud: servus inutilis sum;  
 nihil enim aliud, nisi quod debui; nec  
 ut oportuit, feci:

Tertium Monitum est: ut interiorem <sup>Tertium</sup>  
 animum, & profectum pietatis nō mo- <sup>monitum,</sup>  
 dò non ostentes, sed quantum potes, <sup>ut pietatem</sup>  
 occultes, <sup>occultes,</sup>  
 etiam

etiam occultes. Ch̄ristus id s̄epiūs præcepit: dum apparere, & videri ab hominibus; & jejunantibus faciem exterminare, vetuit: Eleemosynam largiri occultè jussit: deniq̄, omnem hypocrisim sustulit: idq̄ non jussu tantum; sed etiam exemplo. Qui aliter faciunt; illi nō proficere, sed conspici volunt. Itaq̄ recipiunt mercedem suam; Gloriam Vanam consequuntur: ad quam non eundo eunt; & fastum calcant, sed fastu alio. Ambitio, inquam, admiratio, & laus s̄apē quæritur; quæ omnia corrumpit, & depravat.

*Natura ip-  
sa tegit pre-  
tiosa.*

Atqui vel natura ipsa rerum nos docet, bona nostra occultare; dum pretiosissima quæq; in abdito habet: Metalla intra terræ viscera, Uniones in fundo maris, Gemmas crustâ dissimili tectas: Cætera deniq; verè magna, in recessu; & s̄apē sub diversa specie latent, Itaq; & virtutes tegere, & abscondere oportet, ne vilescant; aut facilè auferantur.

*Etiā ob-  
alios, vi-  
tanda often-  
tatio.*

Sed etiam aliorum causâ ostentatio omnis vitanda: offendimus enim facile tali exemplo; & quos emendare volumus, affectatâ austeritate fugamus; Ef- ficiimusque, ut nihil velint nostri imita-

ri; dum timent, ne talia imitanda sit. Satis autem ipsum nomen Sanctitatis Christianæ molestiâ terret: quid si ejus sectatores cæperint se consuetudini hominum excerptere? Itaque, intus ple-  
Quia est  
scandalus.  
 raq; dissimilia sint: frons, & facies, ut plurimum populo conveniat. Fac: ut, in quocunq; vitæ genere, quod elegeris; nihil in te, & habitu tuo, notabile nimis sit; & ab omnibus diversum.

In sermone præfertim; ne sis mihi æs sonans, aut cymbalum tinniens. Quem-  
In sermone  
abstinetan-  
tia.  
 admodum enim vasa vacua, leviter quamvis tacta, sonum edunt; plena, vix respondent: sed si promendum sit; illa nihil, hæc largiter fundunt; ac affatim suppeditant: Ita mens inanis, clamosa sæpè; sed aetatu nulla: quæ verò plena; latet primùm, & tacet: sed opere se prodit. Ita ut, & videant cuncti opera ejus bona, indeq; glorificant Deum: &, si sit opus; ex abundantia cordis, etiam os loquatur eximiè; & cum fructu.

Quartum monitum: etiam si te longa exercitatio, aut potius gratia Dei, ad gradum perfectioris vitæ perduxerit; attamen quamdiu hic vivis, nunquam te putas à lapsu securum. Nam  
Quartum  
monitum:  
ne securita-  
te pecces.  
 in

in quocunque statu; tentatio, & collusatio, & militia est, vita hominis super terram. Certandum itaque semper; ne experiamur falsae pacis mala. Et unica securitas hic est, securitatem timere.

*Quintum:  
ut in Ten-  
tatione  
recidē te  
geras.*

*Suggeſtio-  
ni reſiſtens.*

*Oblectati-  
onem defu-  
fugiens.*

Quintò: si in temptationem incideris, non despondeas animum; sed memento, eam constare suggestione, oblectatione, assensu. Suggestio, non est arbitrij nostri: Et, quod sine ulla culpa nos invadere possit; testis est tentatus in deserto Christus: qui, ut Gregorius ait, tentari per suggestionem potuit; sed ejus mentem peccati delectatio non momordit. Itaque, in tali agressione, non opus terreri; sed cum Deo arma sumere: ut mereamur illud responsum: sufficit tibi gratia mea; Nam virtus in infirmitate perficitur.

Oblectatio, et si raro potest culpâ carere, saltem negligentiaz; tamen, si reluctante superiori sua Parte animo, per blanda illicia titillaverit tantum mentem, non verò pelleixerit ad assensum; inculpata adhuc, insons, & innocens est. Itaque hic maxima decertandi occasio. Solet autem Dæmon subdolè triumphum ante victoriam canere.

re. Ergo circumspice, ac expende vi-  
res tuas: & quamdiu resistis, non te vi-  
ctum existimes. Spera ex tentatione  
proventum. Ad Deum confuge: con-  
fide ejus auxilio; illoque fatus, longè  
te hoste fortiorum cense.

Quod si labi, & assensu peccare con- *A lapsu*  
tingat: Non diu prostratus jace; sed e- *cito sur-*  
rige te, & à lapsu validior surge. Hoc, *gens.*  
inquam, age: ut aut non pecces; aut  
peccare quantocius desistas. Si pri-  
mum admisisti; alterum subitò, & se-  
dulò præsta. Non desperes: nec divinæ  
misericordiæ diffidas; modò cum do-  
lore veniam implores: verè, inquam,  
coram Deo pæniteat fecisse; & firmum  
sit propositum, amplius non facere.  
Experimentum deinde tui cape: & in  
futurum firmare; & sapienter cave. Pœ-  
nitentia enim, ( ait Ambrosius ) deli-  
ctum abolet, Sapientia cavet.

Ultimum monitum: non ad hunc *Vitimum*  
modò librum, sed ad opus totum per-  
tinens est: ut, cùm exiguum ejus mo- *monitum,*  
lem, & minorem omnino copiâ rerum  
traçtatarum, videoas; ut, inquam, non  
pigeat relegere illud: ac repeteret. Mu-  
ltæ enim breviter dicta invenies; quæ  
pri-

prima, ac festinata lectione, fallere te  
potuerunt. Præsertim, si non totum,  
aut non continuò legisti. Tunc, mihi  
crede, perdidisti operam. Revoca igitur,  
& ruminā: si vis, proficuo cibo pa-  
scere, & explorere mentem. Ego spondeo:  
non nauseam, & cramben recoctam; sed  
novum forsan saporē semper invenies.  
*Merentur  
enim.* Magnavolumina qui scribere amant;  
primūm nō meminere: Pauca sciri.  
Deinde; nolunt legi: & frustra accura-  
tum requirunt lectorēm, in supina Scri-  
pti incuria. Ego verò conatus sum,  
paucis multa dicere; cassa verba vita-  
re: nulla superflua, & quæ demī, sine  
sensūs detimento possint; ponere:  
parcè quædam elegantiæ, aut amæni-  
tati indulgere; meditationi cujusque,  
consultò multa relinquere: immo No-  
tis etiam reservare quædam; uberior, si  
Deus volet, explicanda. Mereor  
itaque & legi; &  
repeti.

F I N I S.

NB. f.42. lin. 21. *πικρην* vert: lege *μαχίδα*.



INDEX  
CAPITUM  
TRIUM LIBRORUM  
*DE*  
OFFICIIS.

*Prologomena, seu Fundamenta totius Operis.*

LIBER PRIMUS

*De tribus Partibus Probitatis.*

- CAP. 1. *De prima Parte Probitatis, & in specie de primo peccati fonte, seu de concupiscentia carnis.* 22  
*Item de concupiscentia oculorum.* 27  
*De superbia vitae.* 32

- CAP. 2. *De altera Parte Probitatis, & in specie de regimine commotionum: quid & quot sint commotiones.* 41.

*Amoris Proprietates, & singularium commotionum qualitas & efficacia.* 47

*Qualis debeat esse amor noster: Item Regulae quædam de commotionibus.* 53

I N D E X

CAP. 3. De tertia Parte Probitatis, & in specie, quid sit virtus & quotuplex.	70
De Prudentia & electione vita sta- tus.	74
De Temperantia.	85
De Justitia.	91
De Fortitudine.	96
Quomodo comparetur & insit homini Virtus.	105
Monita ad retinendam Probitatem servientia.	122

LIBER SECUNDUS

De Officiis Charitatis.

CAP. 1. De statu primitiva Charitatis, seu qua- lis Charitas in statu innocentiae fuisse.	132
Post peccatum primitiva Charitas re- tineri non potuit.	135
De necessitate Juris scripti ad societa- tem civilem retinendam.	138
CAP. 2. Quid sit jus, & quotuplex.	143
De prima juris specie, seu de poten- tia.	146
De potestate naturali.	146
De	

## C A P I T U M.

- |  |     |
|--|-----|
| <i>De potestate acquisita.</i>                     | 156 |
| <i>De potestate concessa.</i>                      | 153 |
| <i>De altera juris specie, seu de domino.</i>      | 167 |
| <i>De tertia juris specie, seu de obligatione.</i> | 176 |

CAP. 3: *Sicutum jus temperari debet per Charitatem.* 184

- |                                       |     |
|---------------------------------------|-----|
| <i>De temperamento potestatis.</i>    | 187 |
| <i>De temperamento dominii rerum.</i> | 191 |
| <i>De temperamento obligationis.</i>  | 193 |
| <i>De amicitia.</i>                   | 199 |

## LIBER TERTIUS

*De Officiis Pietatis.*

CAP. 1. *De notitia DEI.* 210

- |   |     |
|---|-----|
| <i>De natura DEI, &amp; in specie de dogmate SSS. Trinitatis.</i> | 212 |
|---|-----|

*De DEO ut est bonus nobis, seu de creationis & redemptionis beneficio.* 246

*De donis naturae.* 247

*De donis gratiae, & missione Filii.* 252

*De missione Spiritus Sancti.* 267


*De donis gloriae & de immortalitate animalium & resurrectione corporum.* 277


# INDEX CAPITUM:


<i>De lege naturæ.</i>	289
<i>De lege scripta.</i>	292
<i>De lege gratiæ, &amp; Veritate Religionis nostræ.</i>	295
<b>CAP. 2. <i>De Cultu DEI.</i></b>	<b>320</b>
<i>De devotione; seu cultu DEI privatō.</i>	323
<i>De Religione, seu cultu, quem Religio præcipit.</i>	337
<i>De cultu, qui Sanctis &amp; creaturis datur ob DEUM.</i>	356
<b>CAP. 3. <i>De Amore DEI.</i></b>	<b>373</b>
<i>De Mortificatione, ejusque natura &amp; modo.</i>	375
<i>De abrenuntiatione, ejusque vi ac modo.</i>	380
<i>De abnegatione.</i>	384
<i>Alia pauca monita.</i>	393


**F I N I S.**











639x1

2.

